



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

WIDENER LIBRARY




HX 7V5D K

OL 45080.21

**Harvard College  
Library**



**FROM THE BEQUEST OF  
JOHN HARVEY TREAT  
OF LAWRENCE, MASS.  
CLASS OF 1862**





LES ÉTUDES  
ARMÉNIENNES EN EUROPE

(SIÈCLES XIV—XIX)

ՈՒՍՈՒՄՆԱՍԻՐՈՒԹԻՒՆՔ

ՀԱՅ ԼԵԶՈՒԻ ԵՒ ՄԱՏԵՆԱԳՐՈՒԹԵԱՆ

ՅԱՐԵԻՄՈՒՏՍ

( Ժ Դ — Ժ Թ ԴԱՐ )



ՎԵՆԵՏԻԿ  
ՄԻԻԹԱՐԵԱՆ ՏՊԱՐԱՆ  
1895



ՀԱՅԿԱԿԱՆ

ՈՒՍՈՒՄՆԱՍԻՐՈՒԹԻՒՆ





LES ÉTUDES ARMÉNIENNES EN EUROPE

(SIÈCLES XIV—XIX)

---

# ՈՒՍՈՒՄՆԱՍԻՐՈՒԹԻՒՆՔ

ՀԱՅ ԼԵԶՈՒԻ ԵՒ ՄԱՏԵՆԱԳՐՈՒԹԵԱՆ

ՅԱՐԵՒՄՈՒՑՍ

(ԺԴ—ԺԹ ԴԱՐ)



ՎԵՆԵՏԻԿ

ՄԻԻԹԱՐԵԱՆ ՏՊԱՐԱՆ

1895

~~OL 45352.6~~  
~~OL 44717.5~~  
OL 45080.21

Harvard College Library

July 6, 1928

Treat fund

0

Zarobonoliam

Venice  
1895

## ՅԱՌԱՋԱԲԱՆ

Գաղղիացի հայագետ մը, Կիւստաւ Ատոլֆ Շը-րումպֆ (G. A. Schrampf), իր եւ անգլիական լեզուով հրատարակուած քաղաքական ու բանասիրական լրագրի մը մէջ ի Լոնտոն (1890) սկսաւ հրատարակել *Հայկական ուսման Եւրոպայ* (Les Etudes Arméniennes en Europe) կոչուած շար մը յօդուածներու: Փափաքելով մեր ընթերցողաց ծանօթացընել զայն, փութացինք թարգմանել, եւ հետզհետէ հրատարակել *Բաշխարհ* հանդիսարանին մէջ: Չէինք տարակուսեր որ ազգայնոց հաճոյ պիտի ըլլային այն տեղեկութիւնք թէ՛ եւրոպացի հայերէնագիտաց եւ թէ՛ իրենց գրուածոց. եւ իրականութիւնն այլ նոյնը հաստատեց. զի մերիւնէն զատ ի նմին ժամանակի սկսաւ հրատարակուիլ ուրիշ թարգմանութիւն մ'ալ ի Տփլիս, արեւելեան գաւառաքարքառով:

Մեզի երեւցաւ թէ ինչպէս տեղ տեղ զեղչելու կարօտութիւն ունէին այն յօդուածներն, երբեմն ալ ուղղութեանց, զոր ջանացինք ընել. ասանկ ալ հարկ էր գործոյն ամբողջութեան կատարելագոյն կերպարանք տալու համար, աւելցընել ինչ ինչ, որ հեղինակն չէր ուզած կամ կրցած ընել: Ասով իր գրուածք առանձինն հրատարակուած ատեն՝ թերեւս նոր կերպարանք մը առած երեւնայ՝ մեր կողմանէ դրուած այլեւայլ յաւելուածներով, որոց նպատակն՝ ինչպէս ըսինք, ուրիշ բան չէ՝ բայց աւելի կերպով ծանօթացընել մերոց՝ արեւմտեայց կամ իրենց այլեւայլ լեզուներով եղած

ուսումնասիրութիւնքը մեր լեզուին, պատմութեան ու մատենագրութեան նկատմամբ: Այս էր նաեւ Շրումպֆի փափաքը, եւ ազնուութեամբ յայտնած էր մեզ իր գոհութիւնը:

Քառասունեութ տարուան մեռաւ նա ի Լոնտրա, (1892 ի 16 դեկտ): Մնած յՕպէրհաւսպէրկէն, մերձ ի Ստրասպուրգ, (1844, փետր. 8), նշանաւոր եւ բազմալեզու բանասիրի անուն ստացաւ: Երեսուն տարի պարապելով յԱնգղիա՝ մայրենի լեզուին ուսուցչութեամբ՝ կը վարժապետէր ապա յ'University College School, զգաղղիական, գերման եւ սպաներէն լեզուս. անդամ ազգային (գաղղիացի) ուսուցչաց ընկերութեան յԱնգղիա, ու բանասիրական եւ արքունի Ասիական ընկերութեանց: Կենացը վերջին երեք տարիներուն մեծ ջանքով ետեւէ եղաւ հայերէնի ուսման՝ հմուտ ազգայնոյ մը առաջնորդութեամբ անոր պարապելով: Լաւ ըմբռնած էր հին լեզուի ոգին, եւ տեղեակ նորոյն բազմաթիւ գաւառաբարբառներուն: Բանասիրական ընկերութեան եւ Արեւելագիտաց Ժողովոյն մէջ ի Լոնտրա՝ բազմահմուտ բանախօսութիւններ ըրած է հայ լեզուի կազմութեան եւ հանգամանաց վրայ, որոց նկատմամբ ազգային լրագիրք եւ հանդէսք խօսած են գովութեամբ: Համառօտ գրուածքս ալ զոր կը հրատարակեմք, վկայութիւն եւ յայտնի հաւաստիք մ'է իր ընդարձակ հմտութեանը:

Ընծերցողը պիտի տեսնէ թէ մեր ըրած յաւելուածներուն մէջ շատ տեղ օգտուած ենք՝ հմտագունից նախընթաց ու արդէն տպագրութեամբ հրատարակուած երկասիրութիւններէն:

# ՆԵՐԱԾՈՒԹԻՒՆ



ԱՅԱԳԻՏՈՒԹԻՒՆ, կամ հայկական լեզուի, պատմութեան և մատենագրութեան ուսումնասիրութիւնն յարեւմուտս, երեք ժամանակաց՝ կամ ինչպէս սովորութիւն եղած է անուանել, պարագայից՝ կրնանք բաժնել:

Ա. Դիւանագիտական, երբ արեւմտեան ազգք և ժողովուրդք, ընդհանրապէս արեւելքի, և մասնաւորաբար մեր աշխարհին հետ ունեցած յարաբերութեանց պատճառաւ սկսան ծանօթանալ Հայաստանի, և անոր բնակչաց, պատմութեանը, աշխարհագրութեան և լեզուին:

Բ. Երբ այն առթով, և նախ մեր Թագաւորաց ոմանց խնդրանօք՝ սկսան արեւմտեան հոգեւորականք մուտ գտնել ի մեր աշխարհ, և հմտանալով մեր լեզուին՝ աշխատիլ կրօնական և բանասիրական տեսակէտով:

Գ. Ուսումնական, որպիսի հայկական հետազօտութիւնք սկսած են մեզմէ երկու և աւելի դար յառաջ, և որ ինչուան հիմայ կը շարունակուին գովելի ջանիւք և բազմաշահ արգասեօք, մանաւանդ ներկայ՝ և իրեն չըջանը արդէն աւարտելու վրայ եղող դարուս մէջ, գրեթէ ամէն եւրոպական ազգերէ գիտուն հայագէտներ մեզի ընծայելով:

Համառօտ զլուիս մը ընծայենք նախ դիւանական տեսակիտով եղած փոխադարձ յարաբերութեանց և ուսումնասիրութեանց, երկու խօսքով յիշելով Օթէոնի

գրչագիրը , զոր վերջերս տպագրութեամբ ծանօթացոյց մեզ Գարրիէր , ուսուցիչ հայ լեզուի ի դպրոցի արեւելեան կենդանի լեզուաց ի Փարիզ :



Փաղղիոյ Օթէոն (Autun) քաղաքին եկեղեցական մեծ դպրանոցին մատենադարանին մէջ՝ սրբոյն Հերոնիմեայ Թղթոց լատինական գրչագիր օրինակ մը կայ (Թիւ 17 A) կարօլինեան ամենընտիր մանրագրով ի վերջ իննբորոգ կամ ի սկիզբն տասներորդ դարու գրուած : Պ . Հ . Օմոն (Omont) , Փարիզու ազգային մատենադարանին պաշտօնակալ , և հնագրական արուեստի քաջածանօթ , այս Թուականն ստոյգ կը համարի : Ի վերջ գրչագրին (Թերթ 156) , մի և նոյն գրչի ձեռքով յաւելուած կը գտնենք երկար ցուցակ մը իննսուն լատին բառից , իրենց համանիչ հայկական բառերով , և արեւմտեան տառիք , զորս Օմոն տպագրութեամբ հրատարակեց Մաթենադարան հրովարտեաց դպրոցի կոչուած գրոց մէջ (1882 , յ'էջս 563-564) : Այս հետաքննական յիշատակարան՝ գրեթէ անծանօթ մնացած բոլորովին ուրիշ նպատակ ունեցող հաւաքման մը մէջ , ոչ ոք ի բանասիրաց՝ որչափ մեզ յայտնի է , ետեւէ չէր եղած անոր շահեկանութեամբը զբաղիլ և յայտնել բանասիրութեան ինչ որ ի նմա հետաքննելի կրնար համարուիլ : Ուստի Գարրիէր հարկ սեպեց նորոգ հրատարակութեամբ օգտակար ծառայութիւն մը մատուցանել հայկական լեզուի ուսումնասիրութեամբ պարապողաց :

Որպիսի ալ ըլլայ գիտական արժէք այս փոքրիկ բառգրոց , միշտ մեծարելի և պատուական կը մնայ իր հնութեամբն . վասն զի չենք կարծեր թէ ասկէ աւելի հնագոյն յիշատակ և հաւաստիք մը գտնուի հայ լեզուի ծանօթութեան յարեմուտս : Անկէ ետքը հարկ է իջնել մինչև յառաջին ամս չորեքտասներորդ դարու (1322) ,

որպէս զի կարող ըլլանք գտնել հայ լեզուի ուսումնասիրութիւնն յարգունիս քահանայապետաց յԱւետիոն, ի ձեռն պատգամաւորաց Լեւոն Ե Թագաւորի:



Կարեւոր կը համարինք քանի մը գիտողութիւններ ընել բառագրոցս յօրինման, և նախ թուականին վրայ յորում գրուած է, և երկրորդ՝ թէ ինչ ոճով և կերպով է յօրինումը:

Գրչագիրն, ինչպէս կանխեցինք ըսել, իններորդ դարուն վերջին կամ տասներորդին սկզբանը կը պատկանի, այսինքն՝ այն ժամանակին յորում Յովհաննէս Զ հայրապետ Պատմաբան՝ կը գրէր իր Հայոց պատմութիւնը, և Բագրատունի նահատակ Թագաւոր Սմբատ Ա կը կոռէր փառօք ընդդէմ արշաւանաց թշնամեացն և նախանձու իր հպատակաց: Բայց այս բառգիրք՝ եթէ չէ և չիկրնար ըլլալ նորագոյն գրչութիւն մը քան զգրչագիրն որ զայն հասուցած է առ մեզ, արգեք մը չկայ որ քան զնոյն հնագոյն ըլլայ: Հաւանական չիթուիր ոմանց որ ինքն ընդօրինակողն անձամբ հաւաքած և կարգի դրած ըլլայ հայկական բառերն՝ գրքին մէջ պարապ մնացած քանի մը էջ լեցընելու համար. այլ անշուշտ պատրաստ պիտի գտած ըլլայ, և առանձինն ընդօրինակուած կամ անջատ թերթի մը վրայ և կամ ի վերջ գրչագրի մը. որով դժուարին կ'ըլլայ այս բառագրոց յօրինման՝ ճիշդ թուական մը որոշել, այլ այնչափ միայն թէ յառաջ է քան զսկզբնաւորութիւն տասներորդ դարու:

Կը մնայ գիտնալ թէ ինչպէս խմբագրողն կրցեր է ճանչնալ և գրի վրայ առնուլ այդչափ թուով հայկական բառեր: — Մեզի կ'երևայ, կ'ըսէ Գարրիէր, թէ պատասխանն՝ տարակուսական չէ կարող ըլլալ. նոյն իսկ վեր ի վերոյ քննութիւն մը այդ համառօտ գրուա-



ծին կ'ապացուցանէ թէ հեղինակին ծանօթ չէր այն լեզուն՝ որոյ վրայ տեսութիւն կամ ակնարկ մը միայն ուզեր է ընել։ Զի ոչ լոկ յաճախակի և անօգուտ կերպով կը գործածէ բառից յոգնակին՝ լատին եզականին դիմաց, այլ շատ անգամ կը վրիպի նաև ի նշանակութեան հայ բառից։ Այսպէս homo (մարդ) թարգմանուած է աշխ. brachium (բազուկ) քիս. manus (ձեռք) ափ, իբր թարգմանուած է pectus և latius. աշխ. renes և coxa. քիս. համանշանակ ենթադրած է ecclesia բառին. պարսկ. կը նշանակէ զոհ (sacrificium) և ոչ խորան, ինչպէս գրիչն կը համարի։ Այս ամէն վրիպակաց պատճառը փնտռելով, — կ'ըսէ դարձեալ հրատարակողն, — տեսանք որ ուր որ բառ մը կայ որոյ նշանակութիւնը դիւրին է և որոշ և չէ մարթ շփոթել ուրիշ բառի հետ, թարգմանութիւնը ճիշդ է։ Նոյնը չենք գտներ այն բառից նկատմամբ որ մարմնոյ ներքին մասունքը կը նշանակեն, կամ այնպիսիք՝ որ ճիշդ և սահմանափակ նշանակութիւն մը չունենալով, կրնան շփոթիլ ուրիշ մերձաւոր բառից հետ. այն ատեն ճիշդ թարգմանութիւնը գրեթէ բացառութիւն մ'է։ Այս դիտողութիւն դիւրաւ կը համոզէ զմեզ որ գրուածքիս հեղինակն անտեղեակ էր հայկական լեզուի, և հայազգւոյ մը տուն տալովը գրած է այս բառերը, որ դիմացը եղող օտարին լաւ հասկընալի ընելու համար՝ առարկաները կը ցուցընէր, և անունն կ'ուզէր քորվիլ իրմէ. ասկէ յառաջ եկած են այն ամենայն վրիպակք զոր նշանակեցինք։

Արտասանականին այլ և այլ մասնաւորութեանց նկատմամբ որ բառգրոցս մէջ գործածուած ուղղագրութենէն կրնան յառաջագայիլ, փնտռելով թէ ո՞ր գաւառական լեզուին կրնան պատշաճիլ, եթէ ձեռնհաս՝ մասնաւոր ազգային գիտնականէ մը ըլլուն այդ ուսումնասիրութիւնք, շատ հետաքննական կրնան ըլլալ հայ լեզուի համար։

Մենք կրկին առիթ պիտի ունենանք դառնալ այս գրուածքիս<sup>1</sup>, Գարրիէրի և իր երկասիրութեանց վրայ մատենական ընթացքին մէջ խօսած ատեն:

## ԴԻԻԱՆԱԳԻՏԱԿԱՆՔ

Մեր լեզուի և մատենագրութեան ուսումնասիրութիւն, թէպէտև երկու իրեք դարերէ ի վեր առանձին մտադրութեան և բանասիրական հմուտ քննադատութեանց և հետազօտութեան նիւթ և նպատակ եղած է արեւմտեան գիտնոց, բայց իրաւամբ նախամեծար սեպուած է միշտ, մանաւանդ առջի բերան, իր պատմական բազմակողմանի տեսակիտով:

Թէպէտ Աստուածաշունչ գրոց ընտիր թարգմանութիւն, զոր հինգերորդ դարու բազմերախտ նախնիք մեզի ընծայեցին, և յասորւոյն և ի յունականէ բազմաթիւ փոխադրութիւնք՝ օտար չեն նոր ուսումնասիրութեանց գրգիռ և ճարակ ըլլալէն, բայց անոնց գլխաւոր շարժառիթն, ինչպէս հետզհետէ և շարունակաբար պիտի տեսնենք, պատմութիւնն եղած է:

Ասոր պատճառը՝ ոչ լոկ այն գրուածոց ներքին արժէքն և հետաքննական ըլլալն է, — թէպէտև առանց կարող ըլլալու իբրև մատենագրութիւն, հաւասարիլ և մրցիլ յոյն և լատին նմանօրինակ դասական երկասիրութեանց, — այլ մանաւանդ անով որ ընդհանուր պատմական ծանօթութեանց և ուսմանց ամբողջութեան մեծ և կարեւոր ծառայութիւն մը մատուցանելու սահմանուած են, շատ տեղուանք ոչ աննշան՝ և եւրոպացի գիտնոց բոլորովին անծանօթ պարապներ լեցընելով. և

1. Un ancien Glossaire Latin—Arménien, publié et annoté par A. Carrière, professeur à l' Ecole des langues orientales vivantes. Paris, 1886.

աւելի յաճախագոյն՝ լոյս տփռելով ուր ընդ աղօթ կամ դեռ եւս մութ է պատմութիւն արեւելից։

« Հայկական ուսմունք, — կը վկայէ անոնցմէ մին, և ի մերձաւորաց մեզ ժամանակաւ, Տիւրքիէ, որ ամենէն աւելի բազմարդիւն վաստակաւորներէն մէկն եղաւ՝ Հայոց լեզուն, մատենագրութիւնն և պատմութիւն հիմնական գիտութեամբ ու շահագրգիռ գրուածներով Եւրոպիոյ ծանօթացընողաց մէջ, — պատմական ու բանասիրական ուսմանց համար՝ հարուստ ու արգասալիր բովբ մը կը բանան. ու արդէն եղած գիւտերը գուշակել կուտան՝ ինչ որ ապագայն մեզի համար կը պահէ։ Իր մատենագրութիւնը, ինչպէս կը նկատենք այն յիշատակարաններէն որովք ճոխացեալ է, անդստին իր երեւման առաջին շրջանէն՝ քրիստոնէութեան ազդեցութեան տակ բարգաւաճած է, տոգորուելով կամ իր ազդեցութիւնն ընդունելով ի յունական գաղափարաց որով կամաց կամաց խառնուեցան արեւելեան վարդապետութեան մը հետ։ Այլ յառաջագոյն կամ կը բղխի աւելի յուսումնական և յիրական ոգւոյ քան յերեւալկայութենէ, և անով տուած է գիտնական աշխարհի բազմաթիւ պատմագիրս և ժամանակագիրս, որք դարէ դար իրարու յաջորդելով՝ ճշմարիտ տփռէն շփոյ մը կը կազմեն, որոյ առաջին օղակքը՝ չորրորդ դարուն վերաբերելով, կը տեւեն բովանդակ միջին դարը, և շարունակաբար կը հասնին մինչև առ մեզ »։

Ա' արժէր ուրեմն այսպիսի ազգ, լեզու և մատենագրութիւն մը ուսումնասիրել՝ թէ երբ կամ ինչ առթով սկզբնաւորութիւնն եղած է այդ հետազօտութեանց, և որչափ կամ որպիսի անոնց յառաջադիմութեան չափը. ահաւասիկ ինչ որ հետաքննելին է մեզ։

Արեւմտից մէջ մեր մատենագրութեան ծանօթութենէն յառաջ է հայ ազգին լեզուին և ժողովրդեան ծանօթութիւնը։ Թողլով հին ժամանակներն, ու իջնելով մինչև ի միջին անուանեալ դարս, խաչակիր զինուորու-

Թեանց արշաւանաց առթով կը տեսնենք որ ծովերով ու ընդարձակ սահմաններով իրարմէ զատուած և հեռաւոր՝ արեւմտեան և արեւելեան ժողովուրդք իրարու կը մօտենան, զիրար աւելի կը ճանչնան, ու անով սկիզբն կ'ըլլայ մէջերնին յարաբերութեանց :

Պետրոս անապատական, անուանի իր խառակրօն վարքով, բայց մանաւանդ հրապուրիչ և համոզիչ լեզուով, մեծ գումարման մը մէջ ի Փուլթիէ Գաղղիոյ, առաջի բազմախուռն և եռանդուն ժողովրդեան, կը բարձրացընէ Յիսուսի խաչը, և մարդկային ազգի փրկագործութեան այդ երկրպագելի նշանը՝ խրախոյս և ստոյգ առհաստաչեայ յաղթութեան կ'ըլլայ անոնց որ յօժաբակամ և յօժարափոյթ յանձնառու կ'ըլլան մասնակցելու սուրբ երկրին ազատութեան գործոյն :

Առաջին խաչակրութիւնն էր այդ :



Նմանօրինակ և նմանաժառ եռանդն, ինչպէս քաջաժանօթ է, այլ և այլ անգամ նորոգուեցաւ ու արծարծեցաւ քրիստոնեայ արեւմտից մէջ. և Թագաւորք և իշխանք՝ բազմախուռն բանակաց և արիագունդ կամաւոր նահատակաց գլուխ անցած, մոռնալով իրենց դիւրութիւնն ու հանգիստ, վայելք ու արքունական փառք, խաչակրօնք և խաչանիջք ցամաքաց և ծովերու ընդարձակութիւնն կը կտրէին կ'անցնէին՝ տարերաց բռնութիւնն ու վտանգք արհամարհելով, ու բոլորանուէրք՝ իրենց արեան գնովը կը դիմէին ի փրկութիւն այն աքտուածընկալ գերեզմանին, ուր Անմահի մը կամաւոր մահուամբ՝ նորոգատուր կենաց և յարութեան լոյս և յոյս սփռեցաւ :

Առաջին և երկրորդ խաչակրութեանց յաջորդեց նաև երրորդ արշաւանք մ'ալ :

Իզնեմէս Գ քահանայապետ Հռովմայ, և մեծանուն և

մեծագոր ֆրեդրիկ Շիկամորուս (Պարպարոսա) կայսր Ալամանաց՝ կը միաբանէին նոր պատրաստութեամբ և ուժով կրկին ձեռք զարնել այդ պատերազմին. մին իւր քաջալերիչ և ընդ ամենայն քրիստոնեայ աշխարհ լսելի ձայնովը ու յաստուածակոյս խոստմանց՝ շնորհիւ, և միւսը՝ զինուցը ահաբեկիչ ուժով ու պատերազմափորձ արիութեամբ:

Ամէն կողմանէ կը փութային գալ խառնուիլ և միաբանիլ այն բանակին հետ, ու ամենուն զարմացմամբ և պակուցողական սարսափմամբ յառաջ խաղալ դէպ իրենց նպատակը: Հայաստան ալ կը փութայր իր կողմանէ պարտուպատշաճ մեծարանքն, ու կարևոր սեպուած ու խնդրուած ատեն նաև օգնական ձեռքն կարկառել ասպետական մեծանձն արիութեամբ այն հեռաստան եկաւորաց, որոց բարեպարիշտ արշաւանաց վախճանին մէջ իր դեղեկեալ և յամենուստ վտանգի մէջ եղող ինքնավարութեան հաստատութիւնն ու յաջողութիւնը կը յուսար տեսնել և յերկար վայելել:

Զվրիպեցաւ գէթ մասամբ՝ իրեն այդ քաղաքագիտական տեսութեան մէջ: —

Այդ մերձաւոր և անմիջական յարաբերութեամբք՝ ծանօթ, բարեկամ և դաշնակից կ'ըլլային մերքն եւրոպական պետութեանց և ժողովրդոց. Որք և երախտապարտք այդչափ մտերիմ և անկեղծաւոր սիրոյ, անոնցմէ ընդունած բարեաց յիշատակը հետերնին կը փոխադրէին մինչև յարեւմուտս. և իրենց ձեռք բերած յաջողութեանց կամ կրած ձախող արկածից մէջ չէին ուղեր անտեսել կամ մոռնալ այն ազգը, որ քրիստոնէական կրօնից ամուր պատուար մ'էր յարեւելս, ուր օր քստ օրէ աւելի զգալի կ'ըլլար բիւզանդական յոյն կայսերութեան մերձաւոր անկման իրաւացի կասկածը: Այս վախճանաւ ոչ միայն կիլիկեան սահմանաց նաւահանգստից մէջ իրենց կայանի տեղ և ոյժ կը փնտռէին, այլ և Հայոց ազատ և անարգել մուտ կը բանային

արեւմտից զանազան շահաստան քաղաքաց մէջ, և ինչուան արքայական թագ ու գաւազան կը շնորհէին անոնց :

Հայկական ծանօթութեան, կամ մանաւանդ հայա-գիտութեան սկզբնաւորութիւն յարեւմուտս՝ կրնանք ըսել թէ դիւանագիտութեամբ եղաւ :



**Փոխադարձական էլ՝ այս ծանօթութիւնը :**

Տոհմային քաղաքական, եկեղեցական ու գրականութեան հին պատմութենէ գիտենք թէ մերայինք միշտ հետամուտ և փութալան եղած են իրենց մերձաւոր և դրացի ազգաց լեզուին ուսմանը : Պարսիկ, յոյն, ասորի և արաբ լեզուք յաշորդաբար ունեցած են իրենց դարաւոր գործածութիւնն և ազդեցութիւնը : Խաչակրաց արշաւանք և ծանօթութիւնն կ'ընդելացընեն զմերսն և արեւմտեան ազգաց և ժողովրդոց լեզուին, լատինականին մանաւանդ և փրանկականին, որով ոչ միայն արքունի ոռվորոյթք, օրէնք և հրահանգք, այլ և լեզուի գիտութիւնն ու սովորութիւն մուտ կը գտնէ . և երբեմն նաև թարգմանութիւնք այն լեզուներէ : Եւ ինչպէս մերքն արեւմտականաց, իրենք ալ կը սկսին սովրիլ և գործածել մեր լեզուն :

Ռուբինեանց պատմութիւն կեցած է ի հաւաստիս մեր խօսքին ստուգութեան :

Դեռ նոր յայտնուած ու հայ թարգմանութեամբ ալ ծանօթ, Դարդէլ գաղղիացւոյն պատմական գրոց մէջ կ'ընթեռնուեք թէ Գուի Լուսինեան թագաւոր՝ կ'առաջարկէ Հայոց որ արեւմտեան ազգաց մտադրութիւնն և համակրանք իրենց վրայ հրաւիրելու նպատակաւ՝ պատգամաւորներ ղրկեն ի Հռովմ՝ վիճակնին ու քաղաքական դիրքը լաւ ևս հասկըցընելու համար . « Յայնժամ, կ'ըսէ պատմիչն, հրաման ետ արքայ և կաթողիկոսն և եպիսկոպոսունք և իշխանք աշխարհին զի մի ոմն եպիսկոպոս

կրօնաւոր, հմուտ գրոց և ճարտար ի դպրութեան անդ նոցա (Հայոց), որոյ անուն կոչէր Եղբայր Յովհաննէս Կորագեցի, և ասպետը երկու առաքեսցին առ պապն ընդ Դանիելի քահանայի » :

Դարձեալ յ'էջ 76 նոյն գրոց . « Փութացաւ Լեւոն իշխան և գնաց յապարանս արքայի . և եգիտ զի դեռ այն ինչ հասեալ էր սուրհանդակ ի Նէապոլսոյ, Մանուկ անուն, որոյ էր սերունդ ի վերին Հայոց, և գիտէր քաջ խօսիլ զհայ և զնէապոլսական լեզուս » :

Նմանապէս Լեւոն Թազաւորի զինակրին համար կ'ըսուի (յ'էջ 78) թէ « գիտէ քաջ զհայ լեզուն՝ և որ խորհըրդակից լիցի քեզ » :

### ԱՌԱՔԵՆԼ ՈՒԹԻՒՆՔ

Երեքտասաներորդ դարուն սկիզբը, Ռաբինեան Թազաւորութեան վերականգնման ատեն, երկու կրօնաւորական կարգք հաստատեցան յարեւմուտս, Փրանկիսկիսկեան և Դանիելիսկեան կոչեցեալք յանուանէ իրենց հիմնադիր նախահարց . և մինչ առաջինքն պարտք և օրէնք ունէին՝ ի Քրիստոսէ երանեալ աղքատութեամբ և խոնարհութեամբ հետեւիլ աստուածուսոյց առաջնորդին, Դոմինիկեանք մասնաւոր պարտք մ'ալ վրանին առած էին, քարոզութեան բանին կենաց առ հաւատացեալս և անհաւատս . ուստի և առանձինն Քարոյչի կոչուած : Փրանկիսկեանց հեղինակին հոգեկեցոյց վարքն և եռանդ՝ սքանչացուցին զաշխարհ, նախ զԵւրոպա՝ և ապա զԱսիա, յորս առաջին՝ Թերեւս և միակ գտուեցան մերքն : Վասն զի Կիլիկիոյ տան Թազաւորութիւն երբ դեռ նոր կը բարգաւաճէր, և զարեւմտեայս առ ինքն կը ձգէր՝ ոչ միայն իրեն մերձաւոր Ասորւոց երկրին և Պաղեստինոյ լատինական տէրութեանց, այլ և բնիկ Եւրոպիոյ .

և թէպէտ գլխաւոր պատճառ մը խաշակիր զօրաց անցքը կրնար համարուիլ, և ի մեծ շահաստանն Այսսոյ յաճախող արեւմտից վաճառականաց բազմութիւնը, որ մեր ազգին ճարտարութեամբ գրեթէ առաջին վաճառատեղի մը դարձեր էր բովանդակ աշխարհի, որով ամենայն եւրոպական պետութիւնք առեւտրոյ դաշինք կը կոչէին մերայնոց հետ, այլ նաեւ վասն անցից և գնացից իրենց դեսպանացը Մեծ և Փոքր Հայոց երկիրներէն՝ երթալով առ դանս Թաթարաց, որք դիւրալուրք քրիստոսական կրօնից հաւանութեան և ընդունելութեան, բանակցութիւնք կ'ընէին ընդ քահանայապետաց Հռովմայ. և սուքա յօժարք ի նիզակակցութիւնն քրիստոնեայ Թագաւորութեանց: Այսպիսի մեծ գործոյ մը միջնորդք՝ յիշեալ երկու կարգաց միանձունքը կարծես թէ սահմանուած էին, որք ոչ միայն ոչ իբրեւ քարոզիչք շրկուեցան այն կողմերը՝ այլ և առաջին դեսպանք քահանայապետին և արեւմտեան Թագաւորաց: Որոց երախտապարտ է Եւրոպա նաեւ այն կարեւոր ծանօթութեանց համար՝ զոր այդ հեռաւոր աշխարհաց վրայ տուին, որ կամ բոլորովին իրեն անծանօթք էին՝ կամ խիստ աղաւաղ տեղեկութեամբք. ուստի և մեծ յարգով ընդունեցաւ, և դեռ եւս կ'ախորժի քննել և պարապիլ այն առաջին քարոզիչ դեսպանաց զրութեամբք, Բլանգարբենի՝ Րուպրիքի և նմանեաց. որք մեր երկրէն ալ անցնելով՝ ծանօթացան և ծանօթացուցին. մանաւանդ Րիւպրիք՝ որ ի 1254 յամսեան փետրուարի Անի քաղաքին մէջ էր, ու կը տեսնէր անոր հարիւր եկեղեցիքը, և քանի մը ամսէն յարքունիս Կիլիկիոյ կը տեսնէր արքայահօր Կոստանդնի ուրախական հանդէսներն՝ երբ իրենց Հեթում Թագաւորին յաջողակ ճանապարհորդութեան լուրն առին և Թաթարաց զանին քով գտած մեծ ընդունելութիւն:

Դոմինիկեանցմէ ետքը Փրանկիսկեանք ժամանեցին. ճանչցան մերայնոց ուշիմութիւնն և ընտելասէր բնութիւնը. ինչպէս փոխադարձաբար մեր իշխանք ալ անոնց հըմ-



տուժիւնն և շատ բանի մէջ առաւելութիւնը քան զմերսն . ուստի ոչ միայն յօժարութեամբ կ'ընդունէին՝ այլ նաև իրենց արքունեաց մէջ անոնց բնակութիւն կուտային . ինչուան թագաւորք և թագուհիք ոմանք ետեւէ եղան որ անմեկին քովերնին մնան հաստատ բնակութեամբ . հետերնին լատին և փռանկ լեզուով խօսիլ կը սիրէին , ինչպէս նոքա ի կրթանա և ի հրահանգս հայ լեզուի :

Դարձեալ Ռուբինեան թագաւորութեան հաստատութենէն մինչեւ ցբարձումն , անընդհատ թղթակցութիւնք կ'ըլլային Հոովմայ քահանայապետաց ու մեր թագաւորաց ու կաթողիկոսաց մէջ , և թղթաբերքն շատ անգամ այդ կրօնաւորք կ'ըլլային : Եւ այս յառաջ քան զկէս երեքտասան դարու , Հեթմոյ ու անոր դշխայի Զապելի ժամանակ . որոյ խնդրանօք , կ'ըսեն , Դոմինիկեանց ի Տրեվիր փռանկաց գումարած ժողովոյն մէջ (1265) սահմանեցին վանք մը հաստատել ի Հայաստան . նոյն որոշմունքն ըրին ի Վենետիկ և ի Փերրինեան ժողովոց մէջ : Փրանկիսկեանց համար ալ կ'ըսուի որ չորեքտասարորդ դարու մէջ իրենց ուխտին վանք մը հաստատած ըլլան յԱրզնկա (1314) : Լատինաց և իրենց ի Հայաստան հաստատուելուն բնական հետեւանք էր որ նաեւ ոմանք ի Հայոց իրենց կրօնին մէջ մուտ գործէին թէ՛ իրենց և թէ անոնց հայրենեաց մէջ յարեւմուտս :

Ոչ անծանօթ է և նորանշան անցք Հեթմոյ Բ , որ Փրանկիսկեան ուխտ մտնելով՝ (1293) , աւելի քան յազգայնոցն՝ ի համակրօնից օտարաց պատուեցաւ Երանելի մակդիրով . 1313 ին կը յիշուի և հայ Դոմինիկեան մը Դուխտոն անուամբ ի Պոլոնիա , և իբրեւ զգօն մէկը՝ պատգամաւորութեամբ շրկուեցաւ ի Սիկիլիա՝ թագաւորին սիրար շահելու :

Արեւելեայց հետ այս հաղորդակցութիւնը շատ աճեցոյց Յովհաննէս ԻԲ քահանայապետ , որոյ հարիւրէն աւելի թուղթերը կան առ թագաւորս և եկեղեցական առ աշխորդս ազգիս : Որ և շատ քարոզիչներ ալ շրկեց ,

և մասնաւոր թեմ և վիճակ ալ տուաւ՝ մեզմէ արդէն յիշատակուած երկու կրօնաւորական ուխտից (1318) . Փրանկիսկեանց՝ հիւսիսակողմը, իսկ զարեւելակողմանս Դոմինիկեանց . որոց և Պարսից Սուլտանիա քաղաքին մէջ արքեպիսկոպոսական աթոռ մը շնորհեց, անոր իշխանութեան տակ գնելով ուրիշ վեց եպիսկոպոսական աթոռ . և ընծայական թղթով մը առ Օշին թագաւոր զրկելով, կը խնդրէր դիւրացընել ճամբանին, ազգայնոցն ալ յանձնարարելով . ի նմին ժամանակի թագաւորին և թագուհւոյն ալ՝ իրենց խնդրանաց համեմատ, քանի մի անձինք յուխտէ նոցին Քարողչաց : Ոմանք կը կարծեն թէ ասոնց հետ զրկուած ըլլայ նաեւ Բարխուդէթ (Պարսի, Parvus), Պոլոնիացի, հռչականուն գիտութեամբ և սրբութեամբ վարուց : Ատրպատականի Մարաղա քաղաքին եպիսկոպոս ձեռնադրեցաւ սա, և հետն իր կարգակիցներէն երկու անձինք առնելով, հաստատեց աթոռը : Սրբութեան և գիտութեան մեծ համբաւը հռչակուելով, Յովհաննէս Երզնկացի, երեքտասաներորդ դարու մեր մեծ և զգօն մատենագիրը, իր քովն եկաւ . և իրարու փոխադարձ օգնականութիւն ընելով, սրբոյ Ակուինացւոյն Եֆն խորհրդոյ գիրքը թարգմանեցին ի հայ : Նոյն համբաւէն շարժելով նաեւ անուանի վարդապետ Փռնացի, որ ի 1328 գնաց ի Սուլտանիա՝ Յակոբ անուն հայրենակից վարդապետի մը հետ . և այնպէս կապուեցան հետը որ չուզեցին ետ դառնալ, ու տարի և կէս հետը կենալով սորվեցան լատին լեզուն, և Բարթոլոմէ մեայ ու իրենց ընկերաց՝ հայ լեզուն սորվեցուցին, և Պետրոս Աբադալացի՝ անոնցմէ մէկը, սպանիացի ազգաւ, այնչափ յառաջադիմութիւն ըրաւ որ Յակոբ Թարգման կոչուած վարդապետին հետ այլև այլ թարգմանութիւններ ըրաւ ի լատինէ ի հայ : Յետոյ զԲարթոլոմէոս եպիսկոպոս հետերնին բերին ի Փռնա, մեծ պատուով և ընդունելութեամբ : Այն ատեն և այսպիսի առթով խոր-

հեցան ըստ արեւմտեան միանձնական կարգաց՝ Միւթ-նոյ Ելբուրց հայազգեաց ուխտ կամ միաբանութիւն մը հաստատել, որոց նպատակն ու դիտումը իրենց անունը և գործը կը յայտնէր:

Նախիջեւանի գաւառին առաջին եպիսկոպոսաց մէջ կը յիշատակուի՝ Մարտինոսոս մմն Տէքիարի, հաւանականաբար իտալացի, որ ի 1419, յետ մահուն Մխիթարայ հայազգոյ, անոր յաջորդ դրուեցաւ, որ Միաբանողաց քով կրօնաւորեալ, սորվեցաւ նաեւ զհայ լեզուն, և քահանայապետական կոնդակին մէջ գովութեամբ կը յիշուի լաւ կերպով իմանալը զնոյն լեզու և խօսիլը (*Armenia fidelibus, quorum idioma bene intelligis et intelligibiliter loqueris*): Կը յիշուի և Յովսէփ անուն Դոմինիկեան լատին վարդապետ մը, որ թերեւս ի վեր անդր յիշուած Թարգմանիչն է սրբոյ Ակոհնացւոյն գրոց, որ իրենց ուխտին ընդհանուր կարգապետին կողմանէ այցելու ղրկուեցաւ Միաբանողաց ի Նախիջեւան և ի Սուլտանիա (1422): — Կը յիշուի նաեւ Պօղոս Զիտտադինի պոլոնիացի, զոր Պօղոս Ե քահանայապետ (1615) դեսպանութեամբ առաքեց առ Շահ Աբաս արքայ Պարսից. որ փառօք ու պատուով կատարելով իրեն յանձնուած պաշտօնը, երկու գրքոյկ ալ շարադրեց Միաբանողաց գաւառին ուղղափառաց համար. *Քրիստոնէական ժարդապետութիւն մը և Սուրբ Հարությունիւն խորհրդոյն և Վարդաբանի աղօթից*, զոր ինքն եղաւ Հայոց մէջ խօթող, օգուտներուն վրայ: — Գրիգոր ԺԵ քահանայապետ՝ Դոմինիկեանց կարգապետին խնդրանաց համեմատ Նախիջեւանայ վիճակին մէջ դպրոցի մը հաստատութեան հաճութիւն տուաւ, հանդերձ դրամական օժանդակութեամբ. և այս վախճանիս համար՝ Մինուերայի վանքէն գիտնական անձ մը, Գրիգոր Ուրսինոյ, ղրկուեցաւ, բայց ճամբան յելուզակաց ձեռքն իյնալով, ձեռնարկն ալ չյաջողեցաւ, զոր իրմէ ետքը այլ ալ ուղեցին փորձել առանց իրենց նպատակին հասնելու. մինչեւ որ Միաբա-

նողաց մին կրցաւ յաջողիլ, Հաւատոյ ժողովոյն նպաստիւքը :



Ազգոստինեայ Բակենց հայազգի Միաբանողի հմտութիւնն և արեւմտեայց հետ ծանօթութիւն և երկարատեւ եպիսկոպոսութիւն (1627—1653) նոյն վիճակին վրայ, մեծապէս բարգաւաճ ըրին զայն, առ որ սատար եղաւ և յԱպարաներ հաստատուած վարժարանը, և յիտալիոյ հոն վարժապետելու համար ղրկուած հմուտ ուսուցիչք. որոց մէջ նշանաւորք են Պօղոս Փիրումալի՝ յուխտէ Քարոզողաց, և Կլեմէս Գալանոս ի Թէադինեանց : Ասոնցմէ առաջինը՝ Կալաբրիոյ Սիդեոնոյ քաղաքէն էր, որ 1632 ին նախ եկաւ յԱպարաներ. անտի գնաց ի Նախիջեւան, ուր և տարի մը և աւելի մնաց. ու Այրարատայ կողմերը, յԵրեւան և յԷջմիածին երթալով այլեւայլ անգամ, մեծ սէր և ընդունելութիւն գտաւ, ինչպէս կ'ըսէ, ժամանակին Փիլիպպոս կաթողիկոսէն : Փիրումալ դառնալով յարեւմուտս և ի Հռովմ, Ուրբանոս Ը (1640) միւսանգամ ղրկեց զնա առ կաթողիկոսն և առ Թագաւորն Լեհաց, ինքնագիր նամակաւ մը, ինդրելով արքայական միջնորդութիւնը Լեհաստանի հայ գաղթակա նութեան մէջ երեւցած տարաձայնութիւնը վերցընելու : Կ'երեւնայ թէ Փիրումալ տարւոյ մը չափ ալ հոն մնացած ըլլայ : — Իսկ Գալանոս՝ որոյ անունն ու գործերը կրկին առիթ պիտի ունենանք յիշել, 1636 ին Վրաց և Եգեբրաց կողմերը առաքելական քարոզութեան պաշտամամբ ղրկուեցաւ ուրիշ իր ընկերներով. ուր և տասուերկու տարի կեցաւ. բայց աւելի Հայոց հետ յաճախելով, լեզունին սորվեցաւ ու կը գրէր համարձակ. կ'երեւնայ թէ ծանօթանալով ու նաեւ յարաբերութիւնք ունենալով Միաբանողաց հետ, ոճով գրեց անոնց հաստատութեան և գործունէութեան պատմութիւնը, թէպէտեւ

տեղ տեղ վրիպելով ի ժամանակագրութեան: Փալանոս ալ գնաց ի Լեհաստան և երկար ատեն յամեց ի հայ գաղթականութեան, և ապա դառնալով ի Հռովմ, տպագրեց ի լատին և ի հայ՝ իր ծանօթ Մեթանոսիան գիրքը: — Փիրոմալլի այլեւայլ գրուածք շարագրեց հայ և ուրիշ արեւելեան լեզուներով, որոց մին՝ ի հայ, տպագրեալ է ի Հռովմ (1679), և խորագիրն՝ Յաղափ ճշմարտութեան հասարցն իբրարանեանի առ Շահ Աղա (Բ) արքայ Պարսից: Զեռագիրք՝ Յաղափ երկուց բնութեանց Քրիստոսի, ընդդէմ Սիմէոնի վարդապետի, ընծայեալ առ Գէորգ արքեպիսկոպոս Լիպարեայ. որոյ յառաջաբանին մէջ կը յիշէ թէ ուրիշ այլեւայլ ճառեր և գրքոյք յօրինած է կրօնական խնդրոց վրայ՝ ուղղեալ առ Տէր Ստեփանոս ոմն և առ Տէր Ներսէս, Լեւոն և Կէրդէ թղթոց թարգմանութիւններն և Քաղկեդոնի ժողովոյն պատմութիւնը. և ընդարձակ Բառաբերք մը իբրեւ 35,000 բառից Հայ-Լարին, որ կը պահուի ի Հռովմ Հաւատոյ Տարածման ժողովոյ վարժարանին մատենադարանին մէջ. Հայ լեզուի Քրիստոսութեան մը, և Պարսկերէնի Բառարան մը: Զեռք զարկաւ Սուրբ Գիրքն ալ լատինէ ի հայ թարգմանել, և ուղղել ենթադրեալ եկամուտ խօսքերը սրբոց Հարց ի հայ լեզուի: — 1694 տարւոյն ալ յիշատակութիւն կ'ըլլայ Դոմինիկոս անուն հայագէտ միանձին մը ի Պոլսնիոյ, որ կ'առաքի ի քարոզութիւն յԱպարաներ: 1709 ին Մարտիրոս Պետրոս Պարմացի, որոյ իսկագիր թուղթ մի և ստորագրութիւն կայ առ մեզ հայ անսխալ տառիւք: Նոյն տարւոյն և Անճելոյ Սմոլենսքի, որոյ մականուանէ կը յայտնուի և հայրենիք. Լէոպոլսեցի էր նա, ուր Հայոց բազմութիւն գտնուելով՝ հաւանական է որ տեղեակ եղած ըլլայ նաեւ անոնց բարբառոյն. մանաւանդ զի և կարգապետն կը վկայէ թէ հայագէտ էր նա: — 1738 ին Դոմինիկեանց գաւառահայրն Պորկոմի՝ իրենց Ֆերրարա քաղքին վանքն գտնուելով, հայերէն լեզուով յանձնարարական գիր կուտայ և վկայութիւն ուղղութեան ինչոյ

Գէորգ վարդապետի, և նոյն լեզուով կը ստորագրէ.  
« Ես Պատրի Պեռնարտոս Պեռկոմի ի կարգէ Տոմինի-  
գանաց, երբեմն առաքելական քարոզիչ և գաւառական  
առաջնորդ գաւառին Նախիջեւանու » \* :

★  
★ ★

Դոմինիկեանց ու Փրանկիսկեանց յաջորդեցին Յիսու-  
սեանք, որք արդէն ծանօթք են յազգային նոր պատ-  
մութեան իրենց գործունէութեամբ ի հայ գաղթակա-  
նութեան Լեհաստանի :

Աղեքսանդրիա, Դամասկոս, Հալէպ, Զմիւռնիա և  
Պոլիս հաստատուելէն ետքը, ուզեցին նաև ի Հայաստան  
մտնել : 1650 ին Հռիփորտ առաջին փորձն ըրաւ, Պարս-  
կաստանէն և կամ Հայաստանի այն մասէն՝ որ հպատակ  
էր այս տէրութեան : Ինչպէս առաջնոց՝ ասոնց ալ գլխա-  
ւոր նպատակն՝ կրօնականն էր . բայց իրենց վախճանին  
հասնելու համար՝ հարկ անհրաժեշտ էր ընտանենալ նախ  
լեզուին, և ապա մանկութեան դաստիարակութեան գոր-  
ծով զբաղիլ :

Պարսից հպատակ՝ բազմաթիւ հայ գաղթականութիւն  
մը կար : Զորեքտասաներորդ դարուն վերջին կիսուն՝  
Լանկթամուրի սաստիւ և բռնութեամբ հոն վարուածնե-  
րուն վրայ աւելցեր էին 1605 ին ուրիշ բազմութիւն  
մ'ալ Շահաբասայ հրամանաւ տարուելով մինչ ի Սպա-  
հան : Հռիփորտ ասոնց ուզեց նուիրել իր ծառայութիւնը :  
Սակայն արքունի հրովարտակի մը կարօտ էր ազատ ու  
անարգել գործել կարող ըլլալու համար : Փիտնականի  
համարում ու պատիւ ստացած ըլլալով, առանց դժուա-  
րութեան կրցաւ ձեռք ձգել ուղած հրամանագիրը, Սպա-  
հանի ու Շիրազի մէջ դպրոց և վանատեղի ունենալու,  
ուստի Եւրոպա դարձաւ իրեն օգնականներ գտնելու :

\* Քաղեալ յԱյբուրդ երկասիրութենէ Ամիշան վարդապետի :

Չկրնալով դառնալ, Շէզոյ՝ ընկերակիցը, շարունակեց իր սկսած գործը: Նշանաւոր անձն մը ըլլալով ի գիտութիւնս, մանաւանդ ի չափականս, սորվեցաւ յաջողակութեամբ զպարսիկ և զարաբ լեզուս, և արքունեաց մէջ և ի պաշտաման անձանց հետ յարաբերութիւններն շատցուց: Բայց չգիտցուի ինչ պատճառաւ, նախորդին ձեռք բերած հրամանագիրը՝ զօրութիւն մը չկրցաւ ունենալ իր ձեռքին մէջ, որովհետեւ իշխանութիւն չունէր ոչ հաստատուն բնակութիւն մը ունենալու և ոչ ալ ընկերներ բերելու Եւրոպայէն: Լուդովիկոս ԺԴ գրեց առ Շահն, որ մէկէն ջանաց հաճեցընել զթագաւորն Քաղղիոյ, բնակարանէ զատ նաեւ յարքունուստ թոշակ ուզելով սահմանել, յորմէ իրենք խոհականութեամբ հրաժարեցան:

Բայց Յիսուսեանց ընդհանրական առաջնորդին աջքին այնչափ յարգի էր այս հայկական գաւառն ու անոր հռչեւոր և ուսումնական յառաջադիմութիւնն, որ թոնքիւնէն վերցուց զհռչակաւոր հայրն Տըռոտ, ու Սպահան փոխադրելով՝ նմա յանձնեց տեղւոյն կառավարութիւնը: Դժբաղդաբար ժամանակ չունեցաւ ծերունին՝ իր փորձառութեանց օգուտները հաղորդել հետը եղող աշխատակցաց, ու յաջորդ տարին մեռնելով (1660), կրկին առաջնորդ եղաւ Շէզոյ:

Արքունի քմահաճոյ կամք մը՝ մեծապէս դիւրացուց Շէզոյի գործը: Հայք ինչուան այն ատեն ցրուած ու գրեթէ կորսուած ընդարձակ քաղաքին մէջ, յանկարծ հրաման ընդունեցան ի թագաւորէն՝ որ Սպահանէ ելլելով գետին միւս կողմն անցնին, ուր իրենց տրուած գեղեցկադիր երկրին վրայ՝ բոլորովին հայկական քաղաք մը շինելով ի յիշատակ իրենց հեռաւոր հայրենեաց՝ Նոր Զուղա կոչեցին: Քրիստոնեայ ընտանեաց մէկտեղ ժողովուիլը՝ ոչ լոկ դիւրացուց, այլ մեծապէս արդիւնաւոր ըրաւ Շէզոյի գործը, որ ոչ միայն հոգեւորական պաշտամամբ կը պարապէր, այլ նաեւ բժշկութեան արուեստ

տիւ, ու չորս իրեն ծանօթ արեւելեան լեզուներով գրքեր ալ կը շարադրէր: Մահուընէն առաջ իրեն օգնական հասան Տըլամազ և Մէրսիէ և այլք, որոնք Զուղայէն անդին ալ տարածեցին իրենց գործը: Ինչուան Գաղղիոյ Թագաւորաց հետ նամակագրութիւններ ալ ունեցան Հայոց եպիսկոպոսունքն և մեծամեծք, ինչպէս քիչ ետքը պիտի տեսնենք, ու շատերը սկսան Եւրոպա անցնիլ վաճառականութեան համար:

Յիսուսեանց ձեռք բերած այս ընդունելութիւն ու յաջողութիւնը պատճառ պիտի ըլլար իրենց և գործերնուն դէմ հակառակելու:

Իրենք չքան ու շարունակեցին աշխատիլ, մինչեւ ութուտասներորդ դարուն իրենց դէմ յարուցուած մրրիկը՝ քչեց հեռացուց զիրենք նաեւ ի Զուղայէ:



Ըսինք յառաջ թէ Սպահանէն անդին ալ հարկ սեպեցին Յիսուսեանք տարածել իրենց գործոյն սահմանը: Շիրուանի գաւառին մէջ ալ ուզեցին հաստատուիլ: Իժուարինը արքունի հրամանագիրը ստանալուն վրայ էր: Երբ հայրն Փոթիէ՝ գրեթէ անօգուտ ջանքով այս բանին ետեւէ կ'ըլլար, Լեհաց Թագաւորին կողմանէ դեսպանութեամբ հասաւ կոմսն Տըսիվրի, և յայտնեց թէ ինչպէս իր արքունեաց կողմանէ յանձնարարուած էր իրեն Շամախիի մէջ Յիսուսեանց տան մը հաստատութեան ետեւէ ըլլալ: Դեսպանը ամէն ջանք ըրաւ խափանիչ արգելքներու յաղթելու և յաջողելով, ի Վարչաւ վերադարձին՝ հետն առաւ զՓոթիէ՝ Շամախիէ անցնելու ատեն, հաստատել զնա նոր բնակութեանը մէջ:

1687 սեպտ. 27 զոհ իր անձնանուիրութեան՝ սպսննուած գտնուեցաւ Փոթիէ յանկողնի:

Այն անակնկալ պատահարով չյուսահատեցան Յիսուսեանք: Սպահանի վանահայրը՝ զրկեց զՏըլամազ,



որ թէպէտ վաթսունըհինգ տարուան ծերունի մ'էր, բայց մեծապէս օգտակար երեւցաւ իրեն յանձնուած գործին, այնպէս որ հարկ եղաւ իրեն օգնական մ'ալ տալ, զՇամբիոն՝ որ նոր հասած էր ի Գաղղիոյ: Քիչ ատենէն ուրախութեամբ կրցան գրել և ծանուցանել թէ « Երբեք չէինք կրնար ենթադրել թէ Շամախի այսչափ հարկաւոր առաքելութիւն մը ըլլար »: Չէ թէ հոն Հայոց բազմաթիւ ըլլալուն, ուր ընդհակառակն սակաւաւորք էին, այլ գաւառին մէջ գտնուած բազմամարդ գիւղից պատճառաւ և կարաւանաց անցուղարձի յաճախութեան՝ բազմութիւն ճանապարհորդաց գործելու դիւրութիւն և միջոց կ'ընծայէին: Անոնց հետ տեսնուիլն ու ծանօթութիւն բաւական չէին սեպեր. այլ կարաւաններու ընկերելով՝ հոն ալ կը ջանային հրահանգել և ուսուցանել իրեն դիմողներն, անանկ որ Փոթիէի եղբրական մահուընէն զատ՝ ուրիշ տղէտք մը կամ նեղութիւն չիկրեցին. « Երկու անձի տեղ չորս հոգի ալ ըլլայինք՝ – կը գրէին – աշխատանքը պակաս չէր: Ամէնազատութիւն տրուած է մեզ: Պարսկաստան գացող Եւրոպիոյ դեսպանաց ողորմաբաշխ կը սեպեն զմեզ. Լեհաց թագաւորը ամէն եռանդեամբ պաշտպան կեցած է. մեծ նեցուկ էր մեզ և թագաւորն Լուդովիկոս ԺԴ, զոր Գաղղիա կորոյս: Հայք և Պարսիկք մեծ համարումն ունէին՝ արքայիս մեծութեան և արդեանց վրայ »:

\*  
\* \*

Փոթիէի մահուընէն ետքը՝ երկու Յիսուսեանք հնոյն Նինուէի աւերակաց վրայ հանդիպեցան իրարու. Բառնարաս և Նոյ (Noy), որոնց երկուքին ալ խորհուրդն էր Հայաստանի և Հայոց համար աշխատիլ: Երկար մտածելէն ետք՝ որոշեցին որ հայրն Բառնարաս երթայ ի Բաղէշ, իսկ միւսն դառնայ ի Բերիա՝ նոր ընկերներով իրենց գործոյն աւելի ընդարձակութիւն և ոյժ տա-

լու: Բաղէշի մէջ որչափ ալ առջի բերան դժուարութիւններ կրեցին, բայց տեղական իշխանութեանց զօրաւոր պաշտպանութեամբը, և իրենց բժշկական արուեստի և բնակչաց այն ատեն բոլորովին անծանօթ գիտութեանց ունեցած հմտութեամբ՝ սիրուեցան ու մեծարուեցան, որով դիւրացաւ իրենց մուտքն ի Կարին, ուր Թագաւորական Հրովարտակաւ, զոր ձեռք ձգեց Քաղղիոյ Կիլիկիայէ դեսպան, 1688 ին մտաւ Ռոք իր ընկերներով: Մահտարաթամէ մեռնելով, Սպահանէն իրեն յաջորդ կը փութայ Հայրն Վիլլոտ, որուն օգնական Հայրն Լըվէր դարոց կը բանայ տաճիկ, Հայ ու գաղղիացի լեզուները սորվեցընելու, և որոյ կը յաջորդէ նոյն պաշտամամբ՝ իր կրօնակիցն Փոթիէ:

Ծանօթ են մեր բանասիրաց Վիլլոտի այլեւայլ երկասիրութիւնք ի Հայ լեզու, յորոց ոմանք տպագրուեցան ապա ի Հռովմ, հաւատոյ Տարածման ժողովոյն բազմալեզու տպարանին մէջ և ի Վենետիկ: Ասոնց մէջ յիշատակենք. Մեֆէլ սբէոյ Պարպարէն (տպ. ի 1714), Պարպարոնիէն Կաթողիկոսաց և Բագարաց Հոյոց, (1713), Բարբիէ Լարեն - Հոյ, (1713), Զոր Խոհանէ, (1714) Պարպարոնիէն Գթարոնիէն զոր Նոր Զուղայի առաջնորդին հետ ունեցեր է, որ կը յիշատակուի առ Տէր-Յովհաննանի, և Կ'երեւնայ թէ ի Վենետիկ եղած ըլլայ տպագրութիւնն: Մեզ անծանօթ է այս գրուածք:

\*  
\* \*

Վիլլոտի համառօտ կենսագրական մը աւելորդ չենք համարիր:

Քաղղիոյ Պար Լը Տիւք քաղաքը ծնած ի 1656. Յիսուսեան ընկերութեան յօդանալով, առաքելութեան հրաման ընդունեցաւ յաշխարհն սինէական, անցնելով ընդ Տաճկաստան, Պարսս և Թաթարս: 1688ին Մարսէյէ համբայ ելաւ, ու Կոստանդնուպոլսոյ վրայէն անցնելով

ընդ Տրապիզոն և Կարին, յաջորդ տարուան 6 յունուարի հասաւ յԵրեւան և անտի ի Գանձակ, և մարտի սկիզբը ի Շամախի, Կասպից ծովուն քով՝ ուր, ինչպէս ըսինք, երկու տարիէ ի վեր Յիսուսեանք իրենց բնակութեան տեղ և ուսումնարան հաստատեալ էին. և արդէն Հայաստանի ուրիշ կողմանք այլեւայլ դպրոցներ ունէին, և իրենց անձնանուիրութեամբ և ուսումնական գործունէութեամբ աւելի համբաւ և մեծարանք ստացած՝ քան իրենց նախնեաց վեղարաւորքը, աւգոստինեանք, կարմեղականք, թէադինք և դոմինիկեանք: Շամախի հինգ ամիս կեցած ատեն՝ ետեւէ եղաւ Վիլլոտ տաճիկ, պարսիկ և հայ լեզուաց ուսման: Այա ճամբայ ելաւ երթալ ի Պարսս, անցնելով Կուր և Երասխ գետերէն ընդ Արտաւիլ, Սուլթանիէ, Սափա, Քաշան, և հոկտեմբերի 16 հասաւ ի Սպահան: Իր բնակութիւն ի տան Յիսուսեանց ի Զուղա կարծածէն աւելի յերկարեցաւ, զի Լեհաստանի դեսպանին մահը արգելք եղաւ Վիլլոտի ի Զին անցնելու հրամանագիրը ձեռք ձգելու, ինչպէս կը յուսար՝ ուստի 1690 ին Սպահանէն մեկնելով, հինգ տարուան միջոցի մէջ տասն անգամ ճամբորդութիւն ըրաւ ի Կարին, յԵրեւան, ի Տրապիզոն և ի Պոլիս, ուստի 1696 ին միւսանգամ ճամբայ ելաւ Պարսկաստան դառնալու: Հռոդոս ու Կիպրոս կղզիներէն անցնելով, ելաւ ի Տրիպոլիս Սիւրիոյ, ուստի յԱնտիոք և ի Բերիա, ու շատ դժուարութեամբք և նեղութիւններ կրելով՝ հասաւ վերջապէս ի մայրաքաղաքն Պարսից, և ուր տասուերկու տարի կեցաւ: Իրեն հոգեւորական նպատակէն զատ, ետեւէ եղաւ քննել, դիտել այն կողմերը բնակող ժողովրդոց և ազգաց բարքն, սովորութիւնները, կառավարութիւնը, քաղաքականութեան հանգամանք ու վաճառականութիւն, և իր ըրած տեսութիւններն հմտաբար գրի վրայ առաւ. և այն ատենուան ճանապարհորդաց մէջ գրեթէ միակ կը համարուի որ արեւելից, և Պարսկաստանի վրայ ստուգապատում

և մեծաւ մասամբ վատահելի տեղեկութիւններ աւանդեց . և ի մասնաւորի՝ դեսպանութեանն զոր Լուդովիկոս ԺԴ ղրկեց առ Շահ-Հիւսէյին : Ֆապր դեսպանին յաջորդ Միքայէլի հետ 1708 ին ելաւ Վիլլոտ ի Սպահանայ դռնալու ի Գաղղիա, ընդ Դավրէժ, Երեւան, Կարս և Կարին, ու Անատոլիոյ մէկ մասն ալ կտրելով, հասան Եւրոպիա, ի Նիկովիդիա, ի Պոլիս և անտի ի Գաղղիա . ուստի Վիլլոտ անցաւ ի Հռովմ, ուր և տպագրեց իւր գրքերը զոր յիշեցինք : Վիլլոտ մեռաւ Նանսի քաղաքին մօտ ի հասակի 87 ամաց (14 յունուար 1743) : Իրենն է անանուն հրատարակուած և հետեւեալ խորագիրն ունեցող գրուածն, Voyage d'un missionnaire de la compagnie de Jésus, en Turquie, en Perse, en Arménie, en Arabie et en Barbarie, տպագրեալ ի Փարիզ ի 1730 : Կարգաւորեալ ոճով գրուած տեղեկագիր մը, որ հիմայ դժուարագիւտ գրուածք մ'է, և Վիլլոտի յիշատակաւորաններն են՝ իրեն միաբանակցի մը ձեռքով կարգի դրուած և տպագրուած հեղինակին մահունընէն ետքը, քանի մը յաւելուածներով՝ այն անցից և պատմութեանց որ իրմէ վերջ հանդիպած են :

Այլեւայլ հայկական գրչագիրք ալ հետը բերած է Վիլլոտ յարեւելից, որք զետեղեցան և կը պահուին ցարդ յազգային մատենադարանին Փարիզու, և ցանկեցան ապա ի Վիլֆուա արեւելագիտէ :

Անցողաբար յիշենք թէ յառաջ քան զՎիլլոտ՝ Փրանկիսկոս Ռիվոլա Միլանու կանոնիկոսը, որ հեղինակ է հայերէն Քերականութեան մը (1621), յօրինած է հայէ ի լատին Բառարկ մ'ալ, որոյ առաջին տպագրութիւնն եղաւ ի Միլան (1621), և կրկին անգամ ի Փարիզ, Ռըչըլիոյ ծիրանաւորին հրամանաւն և ծախիւք . շատ անկատար ու վրիպակօք լի երկասիրութիւն մը . ուր Աստուածատուր Ներսիսովիչ եպիսկոպոսի յօրինածը, հրատարակուած ի Հռովմ (1695), և մանաւանդ հօրն Վիլլոտի՝ անհամեմատ ի վեր են իրենց արժէքով քան զՌիվոլեանն :



Երեւանի մէջ ալ ուղեցին Յիսուսեանք իրենց տեղ մը ունենալ: Նախիջեւանի այլեւայլ քաղաքներէ՝ ուր յառաջ Միաբանողք և իրենց վանորայք կը գտնուէին, բազմաթիւ Հայեր իրենց աղիտից և Թշուառութեանց մէջ աչուրնին և յոյս յարեւմուտս դարձուցած՝ Լուդովիկոս ԺԴ Գաղղիոյ Թագաւորին դիմեցին, անոր պաշտպանութիւնը խնդրելով: Թագաւորը առանց ժամանակ կորսնցընելու գրեց առ շահն. « Սէրը, կ'ըսէր, զոր ունեցեր եմք միշտ ամէն քրիստոնէից. և մասնաւորաբար Նախիջեւան գաւառին ուղղափառ Հայոց վրայ, որոնք ձեր զօրաւոր ինքնակալութեան մէջ ապրելու բարեբաւտութիւնն ունին, յորդորամիտ ըրած է զմեզ, ինչպէս մեր նախորդքը, յայտնել ձեր մեծափառութեան մեր երախտապարտ գոհութիւնը՝ զոր մեր յանձնարարականաց միջոցաւ, կը վայելեն նոքա՝ իրենց քաղաքապետներէն: Բայց որովհետեւ քաղաքապետք կը փոփոխին, և անոնց տեղ անցնողները չեն կրնար տեղեակ ըլլալ այն բարեզգած մտադրութեանց զոր ունի ձեր մեծութիւն նկատմամբ այն ամէն բանին որ շայեկան է մեզ, կը խնդրենք նորոգել այն հրամաններն, որպէս զի Նախիջեւան գաւառին հայ ուղղափառք անդադար անոնց արդիւնքը կարենան տեսնել: Զունինք տարակոյս թէ մեծափառ տէրդ այս պաշտպանութիւնը պիտի տարածէ ամէն քրիստոնեայ եկեղեցեաց վրայ, և պիտի օգնէ Կեսարուպոլսոյ եպիսկոպոսին, որուն մեր այս գիրը յանձնեցինք, և ի Պաղտատ մեր հիւպատն անուանեցինք, որպէս զի ձեռքէն եկածն ընէ վաճառականութեան, մեր միութեան և բարի յարաբերութեանց, զոր կը փափաքինք որ յաւիտենականաբար հաստատուին այս երկու ինքնակալութեանց մէջ:

« Վստահ եմք դարձեալ որ մեծափառ տէրդ պիտի

պաշտպանէ ձեր պետութեան մէջ գտնուած գաղղիացի կրօնաւորներն, և մանաւանդ զՅիսուսեանս՝ որոնց վրայ առանձին գորով մը ունինք, և որք ի բացակայութեան Կեսարուպոլսոյ եպիսկոպոսին, ձեր քով պիտի մնան, իբրու հաւաստի նշանակ մը մեծարանաց և բարեկամութեան զոր ունինք ընդ ձեզ » :

Թագաւորն այս թղթին հետ այլեւայլ ընծաներ ալ ղրկեց՝ աստեղաբաշխական գործինք, նշանաւորք իրենց կատարելութեամբ և գիւտին նորութեամբ, որք մոլորակաց խաւարումը և միացումը կը ներկայացընէին : Ասոնց բացատրութեան համար՝ երկու Յիսուսեանք ընտրուեցան, որ ղրկուին առ շահն, Լոնժոյ և Փոթիէ : Տարի մը ճանապարհորդելէն ետք՝ երկու պատգամաւորք հասան ի Սպահան (1683), և Կեսարուպոլսոյ եպիսկոպոսը իբրու փոխանորդ աթոռոյն Հռովմայ և բղեշխ Քաղղիոյ՝ յանձնեց շահին թէ՛ թագաւորական թուղթը և թէ՛ ընծաներն : Շահը Յիսուսեանց ուսումնականութեան վրայ զմայլած, « Գոհ եմ, ըսաւ, ձեզմէ . կը յուսամ որ դուք ալ ինծմէ . և պիտի ջանամ որ ձեր գոհութիւն օր ըստ օրէ առաւել աճի » . և հրովարտակաւ հրամայեց որ հաստատուին յԵրեւան :

Բայց այս ամենայն յաջողութիւնք սակաւատեւ եղան : Կարծիք մը թէ արեւմտեան տէրութեանց ծածուկ գործակատարքն ըլլան, միշտ կասկածոտ ըրաւ վրանին արեւելեան ազգերը և պետութիւնք : Ուր ուրեմն ստիպուեցան թողուլ հեռանալ :

★  
\* \*

Կ'երեւնայ թէ յիշեալ առաքելական քարոզիչք մեծապէս գոհ էին իրենց ի Հայաստան անցուցած կեանքէն : Այս ենթադրութեան ստուգութիւնը յայտնապէս կը տեսնուի 1694 ին ի Փարիզ տպագրուած՝ « Արդի վիճակ Հայաստանի » (Etat présent de l'Arménie) կոչուած

գրե՛ք մը, որոյ հեղինակն է Թումա Շարլ Ֆլէօրիոյ Յիսուսեանն, Թղթակից իր ուխտին առաքելական քարոզչաց, որպէս զի հարկաւոր տեղեկութիւններ ստանալով կարող ըլլայ ուղղել անոնց ջանքը: Այդ գրե՛նք քանի մը հատուածներ աւելորդ չենք համարիր մէջ բերել. իրենց բուն քարոզչաց խօսքերն են, որ ապրեցան այն ժողովրդեան մէջ՝ որոյ սովորութիւնները կը ստորագրեն.

« Աշխարհիս վրայ քիչ ազգ կայ, կ'ըսէ, որ Հայոց ազգին նման ընտիր բարեմասնութիւններ ունենայ: Ամէն տեղ կը տեսնուի թէ Հայք մեծ ողջմտութիւն և խոհականութիւն ունին: Քիչ կը խօսին, շատ կը խորհրդակցին, և ի գործառնութիւնս մեծապէս յաջողակ են: Իրենք են արեւելքի մէջ վաճառականք, և կը սատարեն Եւրոպայի զանազան քաղաքաց վաճառականութեան:

« Իրենց ամենէն աւելի գովելի յատկութիւններէն մէկն ալ ընտիր գրոց ընթերցասիրութիւնն է. անով կ'անցընեն տօնական օրերուն մեծ մասը: Այնչափ կը յաճախեն յընթերցումն նոր կտակարանին, որ շատք գրեթէ ի բերան սերտած են զայն... Հիւրը՝ միշտ սիրալիր ընդունելութիւն կը գտնէ քովերնին. հաճոյք մը կը սեպեն անոր օթեվան տալ և պատուասիրել... Խօսակցութեան մէջ մեծ քաղցրութեամբ, սիրով ու պարկեշտութեամբ կը վարուին... Կռիւ հակառակութիւն հազիւ թէ կը տեսնուի մէջերնին. երբ մէկու մը հանդիպին որ մէկէնիմէկ կ'իրք կ'ելլէ, չկամելով ի չափաւորութեան մնալ, համարմունք չեն ունենար այնպիսի անձին վրայ:

« Հայրն Վիլլոտ ամէն ջանք ի գործ դրաւ այսպիսի ընտիր բարեմասնութիւնք ունեցող ժողովրդի մը մտաւոր և բարոյական մշակութեան. նախ հայերէն լեզուով քարոզեց՝ որուն քաջահմուտ էր, և քարոզներուն վրայ աւեցուց նաեւ երիտասարդաց ընտանեկան կրթութեան համար կարեւոր խօսակցութիւններ »:

Նոյն քարոզիչք՝ հետեւեալ տեղեկութիւններն կու տան

հայ լեզուին վրայ. « Բաց ի թուրք լեզուէն, որ սովորական է բոլոր աշխարհին, Հայք իրենց աշխարհիկ լեզուն ալ ունին՝ որ ժողովրդական է, ինչպէս նաեւ մասնաւոր լեզու գիտնոց համար՝ զոր գրաբար կը կոչեն: Այս լեզուով կը շարագրուին գրքերը: Քիչ մը անախորժ, և շատ դժուարին է անոր ուսումը. վասն զի աշխարհիս վրայ խօսուած լեզուներու մէկին հետ ալ նմանութիւն չունի. բայց և այնպէս մեծավայելուչ, ամէն բացատրութեանց յարմարութիւն ունեցող ճշիւ լեզու մ'է: Իր արտադրած ամենէն աւելի վերացեալ բառերը կրօնից, գիտութեանց և արուեստից, յայտնի ապացոյցք են թէ նախընթաց դարուց մէջ տգիտութիւնը տիրած չէր ի Հայաստան, և թէ պիտի ունենար — ինչպէս յայլուստ գիտեմք թէ ունէր, — իր անուանի վարդապետքը և ճարտար ուսուցիչքը: Շատ գեղեցիկ են հայ լեզուին տառերը. ոմանք ենթադրեցին թէ սուրբն Յովհան Ոսկերեւրան եղած ըլլայ անոնց հնարիչն. բայց ինչ որ ստուգագոյն է՝ մեծ արդիւնք մը սեպուած է՝ գիտնական այս լեզուն կարգալն ու հասկընալը: Երկու դար յառաջ գրչագրէ զատ ուրիշ գիրք չունէին. հիմայ շատ են տպագիրքն, զոր հրատարակել կու տան ի զանազան քաղաքս Եւրոպիոյ »:

## ՈՒՍՈՒՄՆԱԿԱՆՔ

Հայկական հետազօտութեանց յարեւմուտս գլխաւոր և առաջին նպատակն էր լսինք պատմականն. ուստի և ազգային պատմչաց և անոնց գրուածոց վրայ պարապմունք՝ իրաւամբք փափաքելի պիտի ըլլային իրենց, որ թերեւս մեզմէ աւելի յարգ և կարեւորութիւն գիտցան ընծայել այդ երկասիրութեանց, և զանոնք ողջամիտ և անաչառ քննութեան բովբէն անցուցած ատեննին ալ՝



որ նուազ զգուշաւոր խոհականութեամբ և շրջահայեցութեամբ ուղեցին վարուիլ, որպէս զի մեր անցելոյն մէջ՝ ժամանակին աւերիչ ձեռքով գործուած բազմատխուր և բազմակոյտ աւերակաց վրայ, ուրիշ նորանոր աւերմունք չաւելցընեն, առանց յաջողելու քանդուածը ընտրելագոյն և աւելի գոհացուցիչ կերպարանաց տակ վերընծայել մեզ: Յաճախ կրկնուած գանգատ մը՝ և շատ անգամ լսուած նաեւ մեր բանասիրաց կողմանէ. « Այս տարօրինակ քննասիրութեան, — ըսած է անոնցմէ մին, — ճգանց հակառակ՝ ազգերը շուտով չեն բաժնուիր այն պատմական ճամարտութիւններէն՝ զոր իբրեւ իրենց էութեան մէկ մասը կը պաշտեն, և չեն թօթափեր տակաւին մինչեւ անգամ այն աւանդութիւններն՝ որ իրենց կենաց զանազան յիշատակներուն հետ կապուած՝ հոգեշունչ ներգործութիւն ունին իրենց ներկայ գործերուն և ուղղութեանց վրայ: ... Ո՞ր պատմութեան ծագումն ամփոփուած չէ մթին ամպերու մէջ, ամպեր՝ որոնց միջէն միշտ ճամարտութեան նշոյլներ կ'երեւին: Բայց և այնպէս այսօր ամենէն աւելի լուսամիտ ժողովուրդն՝ իր պատմութեան մասունքն, թէ և ստէպ մտացածին, իբրեւ նուիրական աւանդ կը պահէ պահպանէ և իր զաւակաց կ'աւանդէ, յատկապէս շեշտելով այնպիսի պարագաներ, դէպքեր և դէմքեր որ արիութիւն ու անձնանուիրութիւն ներշնչող զօրութիւն մը, առաքինութեան հետեւելի տիպար մը կրնան ըլլալ... Հայութիւնն եւս այս քննադատական ոգով կը ճարակի, ցաւալի աւերումներ գործելով իր պատմական անշուք աւանդութեանց մէջ, որ լիովին անչքութեան և մինչեւ իսկ չքութեան պիտի մատնուին եթէ մի և նոյն ոգին չարունակի »:

Ոչ այսպիսի էր արեւմտից կարծիքն ու դատաստան, ուստի փափաքանօք փնտռեց այդ երկերը, և երբ իրեն տրուեցան՝ սիրով և երախտագիտութեամբ ընդունելով օգտուեցաւ անոնցմէ:



Այս տեսութեամբ, առաջին երախայրիք և ճաշակն ընծայողաց մէջ, ժամանակագրական կարգով կը գտնենք զգերմանացի հայագէտն Մարտինոս Գեմբիոս, հեղինակ Եկեղեցի հօրէի հայատառ կամ *Dissertatio de Statu Armeniæ Ecclesiastico et Politico*, tam pristino quam hodierno կոչուած վիճաբանական գրքի մը, և զկղեմէս Գալանոս իտալացի թէադինեան կրօնաւորն, զոր քիչ յառաջ արդէն յիշեցինք, Մեթոնոմիոն եկեղեցոյն Հոյոյ (*Conciliatio Ecclesiæ Armenæ*) եռահատոր գրքին հեղինակն ի հայ և ի լատին, մինչդեռ առաջնոյն երկասիրութիւն սոսկ լատին լեզուով է: Չենք գիտեր թէ ո՛րչափ էր առաջնոյն մեր լեզուին նկատմամբ ունեցած գիտութիւնը, մինչ երկրորդս բաւական հմուտ կ'երեւնայ թէ՛ լեզուին և թէ պատմութեան: Երկուքին ալ ի ճակատ իրենց գրոցը դրած խորագրէն կը յայտնուի թէ գլխաւոր նպատակնին կրօնական է, թէպէտ և իրարմէ տարբեր տեսութեամբ և դիտմամբ. որովհետեւ մէկը կալուինական վարդապետութեան հետեւող, իսկ Գալանոս արեւմտեան — լատին եկեղեցւոյ, բնականաբար իրենց համոզման համեմատ է նաեւ բռնած ուղղութիւննին: Սակայն ինչ որ մեզ համար հետաքրքրական է, բաց ի կրօնականէն՝ պատմական այլեւայլ տեղեկութիւնների ալ կ'ընծայեն մեզ իրենց գրքերով՝ մեր ազգին հին անցելոյն և իրենց աւելի մերձաւոր ժամանակաց վրայ, որոնք իրաւամբք հարկ էր որ մեծապէս շահագրգիռ ըլլային և մասնաւոր մտադրութեան արժանաւորք, որովհետեւ մեր պատմութեան սէրը և փոյթն անեցընելով իրենց դրած սկզբնաւորութեամբ՝ նախկին պատճառք եղած են հետեւաբար և ժամանակաւ աւելի արգասաւոր ըլլալուն: Գեմբիոս՝ չըլլալով անշուշտ այնչափ ծանօթ մեր պատմութեան բուն և ազգային

աղբերաց, բռնադատուեր է յօտարաց՝ ի յոյն և ի լատինական դասական մատենագրաց և յայլոց արեւմտեայց քաղել ընդհանրապէս իր երկասիրած մատենկան նիւթը, որ շատ տեղ օտարանալով ի մերոցն՝ կը պակսին և ի ստուգահաւատ ըլլալէ։ Ոչ նոյնպէս և կամ հաւասար չափով նաեւ Քալանոս, իր բազմամեայ՝ գրեթէ հնգետասան տարի բնակութեամբն ի Հայաստան և յարեւելս, և ծանօթացած ոչ լոկ աշխարհիկ, այլ նաեւ գրական լեզուին, որով և մատենագրելու բաւական վարժութիւն ստացած։ Իր վարուց արկածք, ձեռնարկք և երկասիրութիւնք գրութեան նպատակէն դուրս ըլլալով, մեր այս ուսումնասիրութեան չեն վերաբերիր։ Ուստի գոհ ըլլանք պարզ ակնարկ մի միայն ձգելով, կամ յիշատակութիւն մը միայն ընենք այնպիսի երկասիրութեան մը, — նկատելով զայն առանց կանխակալ կարծեաց, և ոչ իր բուն արժանիքէ մը աւելի հիացմամբ, — որ ունենալով ալ իր բազմութիւ վրիպական տեսութիւններն և կարծիք՝ ազգերնուս թէ՛ քաղաքական և թէ՛ կրօնական վիճակին վրայ, առաջին կրնայ համարուիլ հայ ազգն և իր պատմութիւն արեւմտեայց ծանօթացընողներու մէջ, որով իր երկասիրութիւնն ունի կարեւորութիւնն և արդիւնք։

Իրեն գլխաւոր նպատակ դրած է, ըսինք, կրօնականութեայց ջանացած է եկեղեցականին հետ աւանդել նաեւ ազգին քաղաքական պատմութիւնն, իր ձեռքը գտնուած հայ աղբերաց օժանդակութեամբ, որոց շատք հասած են մինչեւ առ մեզ. բայց հաւանականաբար ուրբինեան ժամանակի անցից համար ունեցած է նաեւ այնպիսի երկասիրութիւնք՝ որոց բարեբաղդաբար հանդիպած կ'երենայ լեհաբնակ հայ գաղթականութեան քով, ուր բաւական ժամանակ կեցած է, և մասնաւոր պաշտօն ալ վարած յօգուտ և յուսումնական բարգաւաճանս գաղթականութեանն համար հաստատուած դպրանոցին մէջ ի Լէոպոլիս։ Այդ գրութեան, որ կը թուին ունենալ պատմական կարեւորութիւն, մինչեւ հիմայ մեր ձեռք հասած

չեն, բայց եթէ Գալանոսի երկասիրութեանց միջոցով, որ տպագրեալ է ի Հռովմ ի 1650-1666:

Հեղինակը՝ որ արդէն 1645ին հայ լեզուի Քերականութիւն մ'ալ հրատարակած էր, որ նոյն նիւթին վրայ եւրոպացւոյ մը ձեռքով յօրինուածներուն մէջ առաջինն է, գրուածքին յառաջաբանին մէջ կ'ըսէ թէ ինքն գոհ պիտի ըլլայ աւանդելով հայկական պատմութիւնն և աւանդութիւններն՝ հռովմէական եկեղեցւոյ վարդապետութեանց հետ՝ առանց ուզելու վիճաբանութեան մէջ մտնել:

« Հայք կ'ենթադրեն, կ'ըսէ, թէ արեւմտեայք խիստ ճարտարք են ի գործածութեան հնարից, և թէ շատ դժուարին է պատճառաբանութեամբք զիրենք համոզել: Ուստի հարկ է գոհ ըլլալ, պարզապէս դիմացնին դնելով զդէպս, որպէս զի իրենք իրենցմէ կարող ըլլան դատել »:



Գեմրիոսի գրուածք՝ նուիրեալ է ի հեղինակէն առ Սիգիսմոնտ Ա. Բիրքէն, և տպագրեալ յամի 1665 ի Հոնգրիսմոնտ Բրուսիոյ: Յառաջաբան ընծայականին մէջ՝ այս երկասիրութեան յօրինման ձեռք զարնելու պատճառ կը դնէ Հայոց ազգին, կամ մանաւանդ եկեղեցւոյն վրայ, հրատարակուած ու շատերուն ընդունելի կարծուած, ինչպէս ինք կ'ըսէ, անհիմն՝ և քմահաճ տեղեկութիւններն, տուեալ ի յունաց և ի լատինաց: Իր գլխաւոր վախճանն է զանոնք մերժելով՝ Հայոց եկեղեցւոյ ի հռովմէականէն ունեցած տարբերութիւններն աչքի առջեւ դնել, և վեշտասաներորդ դարու նորադանդ վարդապետութեանց շատ բանի մէջ ունեցած համաձայնութիւնը ցուցանել իր ենթադրութեամբ:

Հարիւր երկոտասան միջակ դրիւք իջից մէջ ամփոփուած երկասիրութիւն մ'է, յորում ի բաց առեալ հեղինակին անձնական տեսութիւններն և կրօնական հա-

մոզմունք, տեղ տեղ ալ նաեւ պատմական և աշխարհագրական սխալմունք, ընդհանրապէս հետաքննական տեղեկութիւնք կան ազգերնու նախնական և երբեմն նաեւ իրեն ժամանակաց քաղաքական և կրօնական վիճակին վրայ, գէթ աղօտ լոյս մը ուղեւիով սփռել՝ մինչդեռ եւս ոչ այնչափ ծանօթ ազգ և ժողովուրդ մը կրնար համարուիլ արեւմտեայց իր նախնի պատմութեամբ, հին լեզուով և կրօնական վարդապետութեամբ:

Մտադրութեան արժանաւոր է նաեւ անով որ գրուածքին մէջ մերթ ընդ մերթ նաեւ հայկական բառեր ալ գործածած է, և նոյն լեզուի խոշոր և տձեւ տառիք, որ մասնաւորաբար փայտի վրայ փորագրուած են անկերպարան և անարուեստ ձեւերով: — Վեց գլխի բաժնուած է բովանդակ գիրքը, յորոց առաջին երեքը աշխարհագրութեան և քաղաքական պատմութեան կրնան պատկանիլ, վերջինները եկեղեցականին:

Չորրորդին մէջ աստուածաշունչ գրոց հայկական թարգմանութեան վրայ խօսելով կ'ըսէ. « Աստուածաշունչ տառից հայ թարգմանութիւնը՝ բազումք ի հմտից և ի տեղեկաց Ոսկերեւան հայրապետի կ'ընծայեն, թէպէտեւ Քսեստոս սենացի՝ միայն նոր կտակարանի և սաղմոսաց թարգմանութեան զնա հեղինակ կը համարի: Կ'աւանդեն թէ երբ Ոսկերեւան կապանօք աքսորական տարուեցաւ ի Հայաստան, այդ դժուարին գործոյն ձեռք զարկած ըլլայ և յաջողած: Նոյն կարծեաց հետեւող է և Թէոդորետոս, որ յետ Ոսկերեւանի ծաղկեցաւ (440), վկայելով թէ իր ժամանակէն յառաջ եղած է սուրբ Գրոց ի հայ թարգմանութիւն: Ասոնցմէ տարակարծիք է Անգեղոս Ռաքա, որ միայն հայ այբուբենից հեղինակ և գտիչ կը համարի զՈսկերեւան: Մենք բաւական կը սեպենք, կ'ըսէ, յիշեցընել թէ Հայք զպատուականագոյն գանձ աստուածային տառից ոչ միայն ունին, այլ և կը պանծան. և Ոսկերեւանի, Գրիգորի Նազիանզացւոյ և այլոց բարերար թարգմանութեամբ՝ փրկագործ հաւատոց մէջ հաստատուած են:

» Այս թարգմանութիւն մեծապէս կը դրուատի ի զանազանից, և կը գտնուի յայլեւայլ տեղիս և ի մատենադարանս Եւրոպիոյ: Կը յիշատակէ զայն՝ նուիրական հնութեանց անխոնջ խուզարկուն Աթանաս Քիրիէր, և կ'աւանդէ թէ ընտիր գրչագիր մը սուրբ Գրոց հայ թարգմանութեան պահուած է ի վատիկանեան գրատան. և անուանին Հոտտինկէր կը գրուցէ թէ այլ և այլ օրինակք աւետարանաց և սաղմոսաց կը գտնուին յՈքսոնեան գրատան: Պաւարիոյ մատենադարանին մէջ ալ յոյն գրչագիր մը կայ, կ'ըսէ, յորում այսպիսի ինչ կ'աւանդի, թէ Թէոդոսի թագաւորութեան ատեն, երբ Պարսից վրայ կ'իշխէր Վաւաչապուհ, և բնակիչք Հայաստանի գիտակ էին յոյն լեզուի, գտնուեցան ոմանք որ սրբոյն Գրիգորի կարգադրածին հակառակ՝ զսաղմոսարան և զեկեղեցական երգս թարգմանեցին ի հայ: Զոր երբ լսեց կայսրն Թէոդոս, յանդիմանեց զՀայս որ ի սրբոյն Գրիգորէ աւանդուած պատուիրին հակառակեր էին »:

Վեցերորդ և վերջին գլխոյն մէջ երկու նախադասութեամբք կը զբաղի: Առաջին թէ հայ եկեղեցի իր այսօրուան դիրքովը և վարդապետութեամբ՝ արդեօք հերձեալ կը համարուի: Երկրորդ՝ թէ առ ո՞ր եկեղեցի կը միտին:

Առաջին նախադասութիւնը կը մերժէ, տալով հայկական եկեղեցւոյ ուղղափառ դաւանութեան վկայութիւն, զանազան հաւաստիք և ընծայութիւնք մէջ բերելով, և ջանալով օտարացուցանել զՀայս և զվարդապետական նոցա ի Հռովմայ, և մերձեցընելով առ կրօնական վերանորոգութիւն, որում կը պատկանէր, ըսինք, հեղինակն: Նոյնը աւելի բացայայտ կը քարոզէ երկրորդ նախադասութեան լուծմանը մէջ:

## ԹԵՍԷՈՍ ԱՄԲՐՈՍԻՈՍ

**Թեսէոս Ամբրոսիոս Փաւհացի Հետամուտ և Հմուտ էր** (1469—1540) արեւելեան լեզուաց, և որոց ուսումը արեւմտից մէջ մտցընելու և ընտանեցընելու վախճանաւ, 1539 թուականին երկասիրութիւն մը հրատարակեց ի Փաւհա հետեւեալ խորագրով. — *Introductio in Chaldaicam linguam, Syriacam atque Armenicam et decem alias linguas. Characterum differentium alphabeta, circiter quadraginta, et eorumdem invicem conformatio. Theseo Ambrosio ex comitibus Albonensii F. V. Doct. Papien. Canonico Regulari Lateranensi, a Sancti Petri in Celo Aureo Papiæ Prepositu Authore. MD. XXXIX.*

Ինչպէս ճակատն կը ցուցընէ, արեւելեան լեզուաց ուսման ծառայելու նպատակաւ յօրինուած է այս մատեան, չենք կրնար ըսել թէ որչափ և որպիսի արդեամբք, և յորում կարեւոր մասն մը կը գրաւէ նաեւ հայկականն. և առաջին փորձ մը կը համարուի, արեւմտեայց ծանօթացընելու զայն: Սչխատասիրողն, գէթ իր դարուն մէջ և ժամանակակցաց անջեւ, բաւական հռչակ և անուն ունեցող անձ մը կը թուի. որոյ հաւաստիք պէտք է սեպուին, ի սկիզբն տպագրիս դրուած բազմաթիւ վերտառութիւնքն և քերթուածք, ի դրուատ և ի գովեստ իր հմտութեանն. բարեկամ և թղթակից էր մեծահամբաւ Փոսթէլի արեւելագիտի գաղղիացւոյ:

Ի խորագրին յիշատակուած երկու արեւելեան լեզուաց, ինչպէս նաեւ հայկականիս քերականական ուսումնասիրութիւն մ'է այս գրութիւն: — Յէջն 16—20 կը խօսի մեր ձայնաւոր տառից վրայ (*De Armeniorum*

vocalibus), ինչպէս նաեւ ուրիշ արեւելեան լեզուաց՝ մասնաւոր ու առանձին գլուխներով: Ապա յ'էջն 142-193 երկար գլուխ մը Զորոյն Հայոց, Երեւոյն (De Armeniorum literis, et introductione) գայն կոչելով, և նախընթացաբար պատմական տեղեկութիւն մի դնելով Հայաստան աշխարհի վրայ. « Ասիոյ գաւառ մ'է, կ'ըսէ, ի մէջ Տաւրոս և Կապաս լեռանց, ժանօթ՝ ինչպէս կը համարինք, անոնց որ հետամուտ են արտաքին մաստնագրաց գրուածներուն, և հին և նոր սրբազան կտակարանաց: Թողլով զՊտղոմէոս: Սոլինոս, Ստեփանոս, Լուկանոս, Ծննդոց գրոց ութերորդ գլխոյն մէջ կը կարդանք թէ յեօթներորդ ամսեան ջրհեղեղի՝ հանգեաւ տապանն ի լերինս Արարատայ. այսպէս նաեւ ի գիրս չորրորդ թագաւորութեանց, թէ երբ Սենեքերիմ ասորեստանեայց թագաւոր յետ պարտութեանն յիսրայելացւոց դարձաւ ի Նինուէ, և պաշտօն և զոհս կը մատուցանէր աստուածոյն Նեսրաքայ, Ադրամելէք և Սանասար որդիքը սրով զարկին զնա և սպանին, և ինքեանք փախան յերկիրն Հայոց. թէ յայնմ աշխարհի են Տիգրիս և Երատի, և Լուկանոս կ'ըսէ իր վեցերորդ գրոց մէջ թէ « Հռովմայեցին կը խմէ Հայաստանի Երասխայ ջրէն »: Հայաստան ի ժամանակաւորս, կ'ըսէ, կը հնազանդի թագաւորին Պարսից, որ Սֆէ կը կոչուի. իսկ հոգեւորական գլուխն է Սիմաս (?) պատրիարք, որ Հնդկաստանի նախագահին՝ Յովհաննու քահանայի կը հնազանդի: Վերջի ատեններս, կ'ըսէ, Թուրք տիրեցին Դավրէժ (Troisau) մեծ քաղաքին, ու սրով և հրով կործանելով գայն՝ բոլոր քրիստոնեայ բնակիչներն՝ քառասուն տարուընէ վեր եղողներն խողխողելով, մնացածներն ալ գերեցին կամ վաճառեցին: Քաղաքին բնակչաց անուանիչներէն մին՝ Յովհաննէս անուն, Պաւլոս քահանայապետին ոտքը գալով՝ իր գթութիւնն ու պաշտպանութիւնն խնդրեց դժբաղդ հայրենակցացն համար:

Հայոց տառից թիւը երեսունուինն կը դնէ Թեսէոս,



նշանակելով անոնց ձեւերն ու հնչմունք, թէ՛ արեւմտեան և թէ՛ արեւելեան տառադարձութեամբ. զոր օրինակ՝ բէն գրին դիմաց կը դնէ եւրոպական տառիւք թէ byen և թէ pyen. Գի՛ տառին՝ giem և chiem, Դայն՝ դիմաց da և ta, և այլն:

Ապա առանձին գլուխներով « Յաղափս Բաժանման հայ-կական Դասից. — Յաղափս Բաժանման Բաղայայնից. — մասնաւոր գլխակարգութիւն մը ի սուրբ գրոց քաղուած հերայեցի բառից և անուանց՝ դիմացնին նշանակելով համանիշ հայ բառն և անունն, և անով գաղափար մը տալ ուղեւորով եւրոպացւոց՝ հայ բառերու հնչման: Ասանկ՝ օրինակի համար, կը դնէ հայ տառերով Ադա՛ բառն, և յետոյ այդ երբայական անուան տրուած այլեւայլ նշանակութիւնք՝ նախ հայ և ապա նաեւ լատին տառիւք: Խօսի նաեւ անոնց տառադարձութեան վրայ: Այսպէս ալ հայ տառից, յայբէ մինչև ի վերջինն, յարմար կամ անյարմար, իմաստուն կամ իմաստակ անդրադարձութեանց նիւթ կ'առնու ու կը ճառէ վրանին, այլեւայլ օրինակներով կամ հայագիր բառերով: Մէջ բերուած օրինակներն ընդհանրապէս ի սուրբ Գրոց առնուած են, մանաւանդ ի նոր կտակարանէ. բայց մերթ ալ ի հընոյն, ինչպէս նաեւ ի հայ թարգմանութենէ Պորփիրի գրոց:

Ի վերջ գրոցն զետեղուած են տէրունական աղօթքն, նախ ի քաղղէական լեզու, ապա ի հայ և յասորի. նոյնպէս նաեւ հրեշտակային ողջոյն, մեծացուցեց օրհներգութիւն և այլն:

## ԱԿՈԼՈՒԹ ԱՆԴՐԷԱՍ

Գերմանիոյ մէջ՝ հայկական ուսմանց առաջին սկզբնաւորութիւնն եղած է հոչականուն արեւելագիտին Անդրէի Ակոլութի ձեռքով, որ ի 1654 (6 մարտ) ծնած է ի Բեռնստադ, և մեռած ի 1704 (4 նոյեմբերի): Կենսագիրքը՝ իբրու զարմանալիք մը կը ներկայացընեն զինքը ի յիշողութեան. և թէ վեցամեայ հասակին՝ արդէն իր ամէն ուզածը կրնար բացատրել հերբայական լեզուով: Շարագրած գլխաւոր գրքերն, որ արեւելեան մատենագրութեան կը վերաբերին, երկուք են. առաջինն՝ *Քուրան* կուրանք *Τετραπλα alcoranica, sive specimen Alcoram quadrilinguis; arabici, persici, turcici et latini*, տպագրեալ ի Պերլին (1701), և յետոյ և եօթն էջերու մէջ ամփոփուած ճաշակ մը արաբական օրինագրքին. որոյ ամբողջ թարգմանութիւնն ալ կ'ուզէր ընել և հրատարակել Փրեդրիկ Գ կայսրընտիր իշխանին ծախքով:

Երկրորդ գրուածքին հայ և լատին խորագիրն է. *Աբդի-հայեթի*. Obadias armenus, quo cum analisi vocum armenicarum grammatica et collatione versionis armenicæ cum fontibus aliisque maximum partem orientalibus versionibus exhibetur primum in Germania specimen characterum armenicorum in celeberrima academia Lipsiensi procuratorum a M. Andrea Acolutho Vratislav. Siles. Anno epochæ Messianæ MDCXXC Armenorum MCXXIV. Lipsiæ, typis Justiniani Brandi.

Երկար ուղերձիւ մը կը սկսի, նուիրելով *Inclytæ Cesareæ Reipublicæ Vratislaviensis*, յիշատակելով արեւելեան լեզուաց ուսումնասիրութեան վիճակը յեւ-

րոպա, և մանաւանդ ի Գերմանիա յառաջ քան զ1680 . թէ սակաւաթիւք էին անոնց հետամուտքը, աւելորդ ու գրեթէ վնասակար համարելով այդ ուսմամբք պարապիլը . և թէ ինչպէս երեսի վրայ էին երրայեցի, ասորի, քաղղէական, արաբ, եթովպացի, պարսիկ և թուրք լեզուք: Իսկ հայկական լեզուի համար կ'ըսէ թէ « ցայսօր արտաքսուած էր այն ի Գերմանիոյ » . (At enim vero exul atque extorris in hunc usque diem è Germania fuit armenorum lingua) .

Գրուածքն՝ ինչպէս անունէն ալ յայտնի է, Աբգիոս մարգարէութեան հայկական ու անոր Ակոլութի ձեռքով եղած լատին թարգմանութիւնն է, իբրեւ նմոյշ մը մեր նախնեաց ոսկեղէն թարգմանութեան, որ այն ատեններն կը սկսէր ծանօթանալ արեւմտեան գիտնոց, և իրաւամբ իւր վրայ կը հրաւիրէր ամենուն մտադրութիւնը: — Էջք տպագրին՝ յառաջնոյն մինչեւ ցեօթներորդն՝ երեք սիւնակաց բաժնուած են . յորս առաջինն՝ հայ ընթերցուածին՝ լատին տառերով փոխագրութիւնն է . երկրորդն՝ հայերէն լեզուով և տառիւք, իսկ երրորդն՝ լատին թարգմանութիւն: Յ'7 իջէն ց'53 քերականական մանրամասն վերլուծութիւն մը կը բովանդակէ և բացատրիչ ծանօթութիւններ . իսկ երեք վերջին էջք՝ կը ներկայացընեն զհայ այբուբեն և անոնց զօրութիւնը:

Թեպէտս Ամբրոսիոսի և Ռիվոլայի հետեւողութեամբ՝ որպէս զի այս ձեռնարկին մէջ կարող ըլլայ յաջողիլ, մասնաւոր հայկական տառեր փորագրել և ձուլել ստիպուեցաւ շատ ու ծանր ծախքով:

Ակոլութ սորված էր ուրիշ բազմահմուտ արեւելագիտի մը քով, Աւգոստոսայ Ֆայֆէր (1640–1698), որ նախ ի Վիւրթէմպէրկ և ապա ի Լայպցիկ ուսուցիչ էր աստուածաբանական ուսմանց:

Ժամանակակիցքը կը կոչեն զԱկոլութ՝ ամենահմուտ հին եգիպտական և հայ լեզուաց և իմաստութեանց . (lingua et sapientia ægyptiaca et armenorum potis-

simum linguæ restituta): Ուզած է ապացուցանել թէ հայերէնը հին եգիպտական լեզուի հետ յարակցութիւն և նմանութիւն ունենալով, պէտք է որ անկէ յառաջագայի: Բայց բանասէրք ժամանակին, ինչպէս Սպանէէյս և Լայպնից, չհաւանեցան իր այս կարծեաց: Նամակ մ'ալ ունի առ Լուդուիկ Փիլէ՝ Սորպոնի աստուածաբանն, գրեալ ի Վրատիսլաւ (26 մայիս 1696), յորում կը յիշեցընէ նմա թէ ինն տարի յառաջ (1687) գրած ըլլայ առ ինքն՝ որ թէպէտ փարիզացի՝ բայց լատինականին հաւասար գիտութեամբ կը գրէ, կ'ընթեռնու և կը խօսի հայերէն լեզուով: (Parisinus scribit, legit, audit, loquitur scilicet armenice, quasi latina legat).

Մեզի համար նոր է այս ծանօթութիւնը, թէպէտեւ յայլուստ գիտեմք Փիլէի մեծարանքն և մեծ համարում սուրբ Գրոց հայ թարգմանութեան վրայ:

Արդիու գրոց և Ակոլութի վրայ տեղեկութիւններ կրնան դնել խնդրողք Marsch. *Bibliotheca Sacra*. — Nova A. ta hist. eccles. — Chambers, *Biographie*. — Allgemein — Geshrten Leicon. Փոյ՝ հանդիսի (Ա. Տարի), և ուրիշ զանազան գրուածոց մէջ:

## Հ. ՊՐԷՆՆԵՐ

Վիստոնեանց Խորենացոյ պատմութեան լատին թարգմանութենէն քանի մի տարի յառաջ անոր համառօտութիւնն ալ ընծայեցաւ նոյն լեզուով ի Ստեֆան Դուբուսոյ՝ Հենրիկ Պրէննեթի ձեռքով: Դուբուսոյի էր սա, ծնեալ ի 1669: Կարողոս Ժ դեսպան մը ուզեց շրկել ի Պարսս՝ վաճառականական փոխոխակի յարաբերութիւններն կարգի դնելու նպատակաւ: Պրէննեթ արքունի հրամանաւ ընկերացաւ դեսպանին: Ի դարձին պատե-

բազմ հրատարակուած ըլլալով ընդ Ռուսս և ընդ Շուսետս, մեծին Պետրոսի հրամանաւ կալանաւորեցաւ ի Մոսկուա, և միայն խաղաղութեան դաշնադրութեանը հաստատուելէն ետքը կրցաւ ազատութիւնը ձեռք ձգել (1721): Դառնալով ի Շուսետս, արքունի մատենադարանապետ անուանեցաւ, ու մեռաւ ի 1732: Իր լեզուով շարագրած է Տեղեկոյիք մը Պետրոսի մեծին արշաւանաց ընդդէմ Պարսից, և լատինական համառօտութիւն մը, ինչպէս ըսինք, Խորենացւոյ պատմութեան գրոց, ծանօթութեամբք՝ որ և տպեցաւ ի Ստոքհոլմ (1723): Առաջին Թարգմանութիւնն էր այդ Թանկագին երկասիրութեան. Պրէննէր այս գրուածը շարագրեց երբ ի բնտի էր յաշխարհին Ռուսաց՝ այն համառօտութեան վրայէն զոր կրօնաւոր ոմն Դոմինիկեան ըրեր էր ի Հռովմ ի վանս սրբոյն Սաբինայ ի 1699 Թուականի, որոյ հանդիպեցաւ Պրէննէր ի Սպահան, և իրմէ ընդունելով օգտուեցաւ յիւրում հրատարակութեան: Թարգմանութեանս լատին խորագիրն է. *Epitome commentariorum Moysès Armeni de origine et regibus Armenorum et Parthorum; (breviori stylo compositum per Joannem Bartholomeum a Sancto Hyacintho); item serius principum Iberiæ et Georgiæ: cum notis et observationibus Henrici Brenneri. Accessit ejusdem epistola ad Dr Ericum Benzeliū, de presenti statu quarundum gentium orientalium. Stockholmine, 1723. in 4. էջ 108:*

Մենք այս երկասիրութեան անուամբ եւեթ ծանօթ ըլլալով, առ այժմ չենք կարող աւելի ընդարձակ տեղեկութիւն մը տալ՝ յառաջաբանին և ծանօթութեանց պարունակութեան: Փափաքելի է որ փնտռուի ի մատենադարանս Փարիզի, Լոնտոնի և մանաւանդ երկասիրողին հայրենեաց, և բանասիրաց հաղորդուի: Այսչափ միայն ըսենք որ փափաքողք կրնան այս գրոցս ծանուցման և քննադատութեանց ծանօթութիւն առնուլ՝

եթէ յաջողին ձեռք ձգել, *Acta eruditorum Lipsien-sium ab an. 1682 ad an. 1731*. տպագրեալ ի Լայպցիկ ի յիսուն հատորս. ուր ի հատորն 1724 տարւոյ յէջս 436—9 Պրէննէրի գրոց վրայ տեղեկութիւն մը կայ: — Նոյնպէս ի գիրսն *Acta literaria Sueciæ*, յամի 1727 յէջս 457:

Քիչ յառաջ յիշուած Դոմինիկեան Բարթոլոմէոս կրօնաւորն, Պրէննէրի աշխատակից, կը գրէ առ նա ի 1669 (յապրիլի), ի Սպահանէ, մանրամասն ծանօթութիւններ տալով նմա զվանորէից գաւառին Նախիջեւանու, և զվանորէից զոր արեւմտեայք ունէին ի Հայս, ի Վրաստան և ի Պարսկաստան. զորս տասնըջորս կը դնէ թուով. և իր ուխտակցաց համար կ'ըսէ թէ վանք մը ունէին ի Սպահան, ուր կը գտնուէր նաեւ միաբան մի յԱպարաներոյ:

## Մ. Վ. ԼԱՔՐՈՋ

Գալանոսէ ետքը յարատեւութեամբ հայկական լեզուի պարապող արեւմտեայց մէջ կը գտնենք զԼաքրոզ:

Մաթիւրէն Վէյսիէ տը Լաքրոզ, բազմահմուտ ու բազմալան արեւելագէտ, ծնած է ի Նանթ Գաղղիոյ (1661, դեկտ. 4). հարուստ ծնողաց որդի, որուն ուսուսման հաստիարակութիւն մը տալու նպատակաւ ամենեւին ծախուց չինայեցին: Այնչափ դիւրութեամբ սորվեցաւ նա զլատին լեզու, որ կը խօսէր ու կը գրէր համարձակ այն հասակին մէջ՝ յորում այլք իր ուսումնակիցք և հասակակիցք՝ հազիւ թէ ընդելացած կ'ըլլային լեզուին կանոնաց: Մեռաւ ի 1719:

Բազմաթիւ երկասիրութեանցը մէջ՝ անոնք միայն յիշատակենք որ մեր լեզուին և մատենագրութեան կը վերաբերին:

Պատմութիւնն քրիստոնէութեան յԵթովպիա և ի Հայո. (Histoire du Christianisme en Ethiopie et en Arménie):

Գառնի Լատրոյիան Նաճակաց (Thesaurus epistolicus Lacrozianus), երեք հատուք, տպագրեալք ի Լայպցիկ, 1762-46, յորս շատ տեղեկութիւնք և ակնարկութիւնք կան մեր լեզուին և մատենագրութեան պատկանաւորք:

Բաւարան հայ լեշուի, ձեռագիր, և որոյ վրայ տասուկ երկու տարի աշխատած է:

Ասոնցմէ աւելի մեզի համար հետաքննականն է ենթադրեալ Ստեփանոս Սեանեաց կամ Օրբելեանի Պատմութիւնն Մնացորդաց, որոյ վրայ քիչ մը ետքը:

Բարեկամ և թղթակից էր Լաբրոզ իրեն ժամանակակից ուսումնականաց շատին. ասանկ Սպանհէյմ, Պայլ, Լանֆան, Լէյպցից, Կուփեր, Յ. Ալք. Փաբրիկիոս, Վոլֆ և այլք:

Ասոնցմէ մին, Գ. Կ. Գոետիոս, (Goethius), կը գրէ առ նա ի Լայպցիկէ յամի 1717, Ակոլութոսի՝ միւս այլ հայագիտի, զոր յիշեցինք, մահուընէն ետքը, մօտը գտնուած արեւելեան ձեռագրաց հաւաքման վրայ համառօտ տեղեկութիւն մը տալով, և կը յաւելու. « Ասոնց մէջ հայկական լեզուով գիրք մ'ալ կայ, զոր իր պարուհնակած նիւթոյն համար շատ պիտանի կը համարէիր, և եթէ յիշողութիւնս զիս չիխաբեր՝ քանի մը թերթերն ալ թարգմանութեամբ համառօտած էիր: Եթէ կ'ենթադրես թէ այդ գրուած կարող ըլլայ օժանդակութիւն մը ընծայել քու Հայոց պատմութեան նկատմամբ ըրած հաւաքմանդ, իմացու ինձ. և ես յօժարամիտ կուտամ որ գործածես զայն, ինչպէս նաեւ մեր մատենադարանին մէջ գտնուած ուրիշ որ և իցէ գիրք »:

Թէ ինչ էր Լաբրոզի աշխատասիրած այս հաւաքմունք, զոր թղթակիցն կը յիշէ, չենք կրնար որոշ բան մը ըսել, որովհետեւ տպագրուած չըլլալով՝ անձանօթ մնացած կամ անուամբ միայն յիշուած երկասիրութիւն մ'է:

Այսչափը միայն կրնանք ըսել, քաղելով նոյն իսկ իւր նամակներով տուած տեղեկութիւններէ, թէ նոյն միջոցին կը պարապէր նա Ստեփանոսի Սիւնեցւոյն անուամբ իր ձեռքն հասած պատմական երկասիրութեան մը լատին թարգմանութեամբ: Ինքն Լաքրոզ՝ 1717 ին առ թէոփիլ Պայէր գրած նամակին մէջ յիշատակութիւնը կ'ընէ անոր քով գտնուած այս պրքին, Ստեփանոսի Սիւնեցւոյ Պափնա-Միւս Օրդելեան Նախարարաց կոչելով զայն, և փափաք կը յայտնէ որ գէթ քիչ ատենուան համար իրեն յանձնուի ի հետազոտութիւն \*:

Ակոյութի քով գտնուած գրչագրին վրայէն՝ Լաքրոզ ըրած է իւր թարգմանութիւնը ի վեցերորդ գլխոյն, և որ հրատարակուած է ի շարս թղթակցութեանցն ընդ վերոյիշեալ Թէոփիլի Պայէր, աւելցընելով նոյն գրքէն նաեւ քանի մը հատուածք, յորս կը խօսի հեղինակն զԹաթարաց: Այս զանազան քաղուածք, ատեն անցնելէն ետքը, կրկին տպագրուեցան առանց որ և իցէ փոփոխութեան, ի 1810 ի Ս. Պետրբուրգ, այսպիսի խորագրով. *Excerpta ex libro Stephani Synensis, archiepiscopi, scripto sub finem sæculi XIII, cui titulus est Պատմութիւն Օրդելեանց (Badmutiun Orbeleanzz), Hystoria Satraparum Orpelenisium in maiore Armenia: à M. V. Lacrozio, Bayero transmissa.* Կը գտնուի դարձեալ նոյնը տպագրեալ յառաջին և ի միակ տետրակի արեւելից վերաբերեալ հաւաքման մը, զոր միտք ունէր Յ. Կլարքոտ շարունակաբար հրատարակել, և որ կը կոչուէր; *Arkhir für Asiatische litterature, geschichte und sprachkunde, erster band; p. 114-118:*

Առ նոյն Պայէր գրած նամակաց այլեւայլ հատուած-

\* Utinam tamen uno aut altero è numero librorum Armenicorum, quos istic perlustravi, mihi per brevissimum temporis spatium usura concederetur. Inde, ut nosti, descripsi olim *Stephani Synensis historiam Satraparum Orpelenisium*, libellum quantivis pretii.



ներէն յայտնապէս կ'երեւնայ որ Լաբրոզ մեծ կարեւորութիւն կուտար Օրպէլեանց պատմութեան հրատարակութեան, և թուի թէ ամբողջ թարգմանութիւնն ալ պատրաստած էր: Եւ թէպէտ հեղինակը, կ'ըսէ Սէն-Մարտէն, այնչափ կարգարան չէ իր պատմութեանը մէջ, զանազան պարապներով (lacune) յաճախ կ'ընդհատի, սակայն կը կարծենք թէ արժանաւոր է Լաբրոզի յարգանաց, և շատ կերպով կրնայ օգտակար ըլլալ Ասիոյ ընդհանուր պատմութեան, ոչ միայն Օրպէլեանց տողմին վրայ գրածներովը, որ ուրիշ տեղ չեն գտնուիր, այլ նաեւ Մողոլաց աշխարհակալութեանց պատմութիւններով, ու Վրաստանի մէջ հանդիպած յեղափոխութիւններով, որոց տարեգիրք սակաւածանօթք են մեզ: Ուստի արեւելասէր բանասիրաց մեծ ծառայութիւն մը ընել կը համարինք նոյն պատմութեան բովանդակ բնագիրն ու թարգմանութիւնը հրատարակելով: Հայկական առաջին սկզբնագիրը պիտի ըլլայ այն Գաղղիոյ մէջ ամբողջապէս հրատարակուած, հանդերձ գաղղիական թարգմանութեամբ »:

Այսչափ Սէն - Մարտէն: Մենք աւելցնենք որ թէ՛ ինքն և թէ Լաբրոզ սխալեցան Ստեփանոսի Սիւնեցւոյ երկասիրութիւն ենթադրելով զայն, համանուն և բոլորովին տարբեր գրութիւն՝ դեռ այն ժամանակ բանասիրաց անծանօթ, իսկ հիմայ ծանօթ ամենուն: Լաբրոզի և Սէն - Մարտէնի թարգմանութիւնը՝ բոլորովին տարբեր հեղինակի մը գործ է, և վրիպակաւ ի Լաբրոզէ, որոյ կարծեաց հետեւող եղած է և Սէն - Մարտէն՝ Ստեփանոսի Սիւնեցւոյ ընծայուած: Պարսկերէն Մնացորդաց խորագրով տպագրութիւն մ'ալ կայ գրուածիս ի Մատրաս 1775: Ասոր թարգմանութիւնն է զոր ամբողջովին գաղղիական թարգմանութեամբ ընծայեց Սէն - Մարտէն:



Ուրիշ երկասիրութեամբ մ'ալ կը պարապէր ի ժամանակին Լաքրոճ, — Խորենացոյ պատմական գրուածքովը՝ — յառաջ քան զՊրէններ և զՎիստոնեան եղբարս. և յաճախ կը հանդիպինք որ իր բանասէր և բանիրուն բարեկամք՝ առ նա ինքն ուղղած նամակներնուն մէջ, և Վիստոնեանք մանաւանդ, իր կարծիքն կ'ուզեն իմանալ այդ գրուածին վրայ՝ զոր միտք ունէին լատինական Թարգմանութեամբ ծանօթացընել Եւրոպիոյ:

Գէորգ Վիստոն արդէն ճաշակ մը իրենց Թարգմանութեան ղրկած էր առ նա, և ի 1730 ի Լոնտոնէ կը գրէր. « Հաճութիւն չես ցուցըներ մեր դիտաւորութեան՝ Մովսիսի առաջելոյ ի լատին Թարգմանութեան: Մեծարելով ալ քու դատաստանդ, աւելի չափաւոր ենք ի մեր կարծիս: Յամենայնի ջատագով չենք Խորենացոյն պատմագրութեան. որ եթէ յաճախ առասպելախառն, սակայն ոչ միշտ անօգուտ և խոտելի: Մեր խորհուրդն և մտածութիւն է՝ նախնի մատենագրաց գրուածներն հաւատարմութեամբ ի լոյս ընծայել, և մեր կրցածին չափ՝ այդ նորագիտ և հաճոյական պատմութիւնը հմտից խորհրդածութեանց ենթարկել. որպէս զի անանկով թէ՛ հայկական ուսում բարգաւաճի, և թէ ուրիշ գրքերու ալ, նաեւ աստուածաշունչ գրոց Թարգմանութեանը քննութեան, որոյ յարգը մեզմէ աւելի կը ճանչնաս ու կը մեծարես, դուռն բացուի ուսումնասիրաց: Խորենացոյ վրայ, — որովհետեւ քան զամենայն սիրելի է մեզ ճշմարտութիւն, — միտք ունինք համառօտ ծանօթութիւններ աւելցընել, որոնք կրնան ծառայել թէ՛ իր պատմութեան զանազան տեղերը լուսաւորելու, և թէ միանգամայն անընդունելի համարուածներն մերժելու: Այս նպատակիս հասնելու համար՝ մեծապէս օգտակար և հաճոյական պիտի ըլլան մեզ այն տեղեկութիւններ զոր

խոստացար յղել. քու աշխատասիրած Սիւնեցւոյ գրոց, Հեթմոյ և Ներսիսի մեկնաբանութեանց հետ՝ փափաքելի է մեզ գիտնալ Խորենացւոյ մէջ գտնուած քանի մի անիմանալի բառից ճիշդ նշանակութիւնն ալ » :

Լաբրոզ նոյն 1730 ի 20 ապրիլի գրած նամակաւ առ Գուլիելմ Վիստոն, հարցասէր բարեկամին հետեւեալ տեղեկութիւնները կուտար. « Խորենացւոյ վրայ իմ կարծիքս կ'ընթեռնուս ի ծանօթութիւնս վիպասանական քերթուածի Կլայեցւոյն Ներսիսի: Միայն քանի մը խօսք աւելցընեմ: Կը համարիմ թէ այդ պատմութիւնը շարագրողը ապրած ըլլայ ի միջոցի իններորդ և տասներորդ դարուց, յաւուրս Բագրատունի իշխանաց, որ մեծ ազդեցութիւն ունէին յայնմ ժամանակի, և իշխանք էին բովանդակ Հայաստան աշխարհի: Կը կարծեմ դարձեալ թէ զինուորական անձ մը եղած ըլլայ. զի հմուտ և յոյժ ճշգրիտ կը գտնեմ զնա ի նկարագիրս մարտից և պատերազմաց. ինչպէս կը նկատես որ ի լուսանցս գրոցն տեղ տեղ նշանակած եմ: Կը յղեմ նաեւ Ներսիսի Կլայեցւոյ Յետոս որդի վիպասանական քերթուածը, զոր մասնաւոր մտադրութեանդ կը յանձնեմ. սակաւագիւտ գրութիւն մ'է, և ինձ մեծապէս սիրելի » :

Վիստոնի խնդրանաց համեմատ՝ իրենց անծանօթ կամ անիմանալի կարծուած Խորենացւոյն քանի մի բառից ալ նշանակութիւնը կուտայ: Այս ծառայութեան մէջ ալ յաճախ կը սխալի Լաբրոզ, յայտնելով իր ոչ այնչափ հմտութիւնը ի հայ լեզուի. ուր Վիստոնեանք մեծապէս օժանդակուած կ'երեւնան ի Նուրիջան Ղուկայ՝ մեզի արդէն ծանօթ և ճարտար տպագրչէ Ամսդելտամի: Աւելորդ կը սեպենք օրինակներ մէջ բերելը:

Քանի մը տարի ետքը գրուած նամակի մը մէջ (1735 յունիս 19), յառաջ քան զհրատարակութիւն պատմութեան Խորենացւոյն, կը գրէ նոյն Գէորգ Վիստոն. « Խորենացւոյ վրայ՝ երկու կողման պատճառներն ալ խնամքով կ'ընելով, համառօտիւ յայտնեմ կարծիքս: Մե-

զի կ'երեւնայ թէ բաւական հմտութիւն ունեցող մատենագիր մ'է, դիւրահաւատ քան քննադատ, և այլոց երկասիրութիւններէն օգտուելով յօրինած է զիւր պատմութիւն. հաւատարիմ և խոհական, սակայն յաճախ անստոյգն ու վրիպականն իբրեւ ճշմարիտ աւանդելով: Հինգերորդ դարու մէջ ապրած է. և չկայ պատճառ մը յետագայ դարուց մէջ զինք դնելու. ուր ամենայն ազգային մատենագիրք, և ի մասնաւորի Շնորհալի իր վիպասանականին մէջ կ'ընդունին այդ դարուն մարդ ըլլալը »:

1731 յուլիս թուականաւ ալ կը գրէ առ Լաքրոզ. « Ինչ որ քու աշխատասիրած Կլայեցւոյ վիպասանական քերթուածոյն և Խորենացւոյ պատմութեանց ծանօթագրութեանց համար նշանակեցի, չեմ ուզեր որ կարծես թէ այն մտքով գրած ըլլամ՝ իբրու թէ ինք զինքս բաւական սեպելով այսպիսի խնդրոց մէջ հետդ ասպարէզ իջնելով վիճաբանելու: Այլ միայն ճշմարիտն որոնելու և անոր խելամուտ ըլլալու դիտմամբ. ու իբրեւ մոլորահետ ի ճանապարհի՝ քեզ և այլոց հետեւի: Յայսպիսիս և ուրիշ յոր և իցէ հետազօտութիւնս՝ միայն զճշմարիտն և զստոյգն արժան է փնտռել, ինչպէս և դու զնոյն գործես »:

1735 յուլիս 13 գրած թղթով մ'ալ կ'իմացընէ Լաքրոզի թէ Խորենացւոյն պատմութեան իրենց ձեռքով լատինական թարգմանութիւնն արդէն հրատարակուելու վրայ է, և համառօտիւ ծանօթութիւն կուտայ ի գլուխ գրոցն դրուած յառաջարանին պարունակութեանը:



Վիեննայի կայսերական մատենադարանին մէջ գրչա գիր հաւաքածոյ մը կը պահուի Լաքրոզի ընդօրինակութեամբ, (Cod. Arm. 22), գրեալ ի Պերլին և հոն թաղաւորական ձեռագիրներէ օրինակած: Բաց ի գրչա-

գրաց՝ յորոց հաւաքումնն եղած է, յիշատակարաններէն, տեղ տեղ կը հանդիպինք նաեւ Լաքրոզի գրածներուն ի հայ լեզու և ի գիր. այսպէս յէջ 340. « Եւ ես Մատուրինոս Վրիսսերը Լակրոզը Նաննետացի զայս աւետարանագիր տարագրեցի Բերլին մայրաքաղաք, առեալ ի ձեռագրեալ մատենէ, որ ի Թագաւորական գրատան պահէ. Յամի Տեառն մերոյ Յիսուսի Քրիստոսի ՌԶԺԴ (=1714) ի Մարտ ամսոյ է »: Նոյն յիշատակարանը նման խօսքերով, միայն Թուականաց տարբերութեամբ, կը կրկնուի սրբոյն Յովհաննու Ոսկեբերանի և Նիկողայոսի հայրապետի վարուց պատմութեան վերջը:

Ուրիշ գրչագիր Հաստաձոյ մ'ալ կայ նոյն կայսերական մատենադարանին մէջ, նոյնպէս գրչագրեալ ի Լաքրոզէ (Cod. Arm. 23). իր Թարգմանութեանց, ծանօթութեանց և ընդօրինակութեանց հաւաքումը:

Յէջ 1-50. Շարագրութիւն Հոմերական, վիպասանութեամբ սակս Հայկազանց սեռի, և Արշակունեաց զարմի. ի սկզբանցն ի վախճան: Ասացեալ Ներսիսի եղբոր կաթողիկոսի Հայոց Տէր Գրիգորիսի յիւրականրս նախնիս. ի համբակութեան ելով տիս. — *Compositio Metrica narrationis Historicæ de genere Armeniorum...* Այսպէս բովանդակը հանդերձ լատին Թարգմանութեամբ՝ վերնագիր դնելով *Carmen historicum Nersis Patriarchæ*. Գրութեան առաջին սիւնը հայ բնագիրն. երկրորդ սիւնը լատիններէն Թարգմանութիւնն է: Լաքրոզ՝ յիշատակագրութիւն մը կը դնէ ի լատին լեզու. *Descripsi et in linguam Latinam converti ex editione Veneta Poematum Nersis, sive libri quem a primis vocibus Armenio appellant Յիսուս որդի Jesus ordi...* Berolini A. D. N. I. C. MDCCXIII. Maturinus Veyssiére La Croze.

Էջ 51-57. *Carmen Historicum Haithonis, sive Հեամոյ, Regis Armeniæ, editum in fine Bibliorium editionis Amstelodamensis A. C. 1666, ubi extat pa-*

gina № 829; post Indices, latinitate donatum a me Maturino Veyssière La Croze. Վերնագիրն է. « Ոտանաւոր բարեպաշտի արքային Հայոց Հեթմոյ. « Որ ծառայեալս եմ բիւր ախտից » և այլն: Սեան մէկը հայ բնագիրն, միւսը թարգմանութիւն:

Էջ 58-62. Additio Uscani de Festo Paschatis (Յաւելուած Ոսկանայ վասն տօնի Զատիկին. և յետոյ այլեւայլ ծանօթութիւնք Լաքրոզի):

Էջ 63-103. Annotationes in Carmen Historicum Nersis Patriarchæ (Ծանօթութիւնք ի վիպասանութիւնս Ներսիսի Հայրապետի):

Էջ 104-122 Ad Carmen Haithonis Regis annotationes. (Ծանօթութիւնք յՈտանաւորն Հեթմոյ արքայի):

Էջ 123-142 Appendix de reliquis Regibus Armeniæ Minoris (Յաւելուած վասն այլոց թագաւորաց Փոքուն Հայոց):

Էջ 1 (նոր սկսեալ) 1-146. Յուցակ ազգաբանութեան թագաւորաց Հայոց Յովնանէի դէր Անայ և Էշեան Հայոց Ռոմայ: Դիմացը լատին թարգմանութիւնն ի Լաքրոզէ, սիւն առ սիւն:

Էջ (նոր) 134-145. Excerpta quædam de statu Armeniorum, sub finem sæculi XIV, ex Historia Schildtbergeri germanice scripta. Միայն լատիներէն, երկսիւն գրութեամբ:

Էջ 146-180 Յաւելուածք:

Էջ 146-168. Հատուած յաշխարհագրութենէ Խորեանացոյ (Աւի): Վերնագիր լատիներէն թարգմանութեան. Appendix altera in qua Miscellanea quædam Geographica utriusque Armeniæ et vicinarum regionum. Descriptio Asiæ ex opusculo geographico Mosis Choronenensis editio Amstelodami 1668: Դիմացը սիւն առ սիւն լատիներէն թարգմանութեամբ: Յետոյ յիշատակագրութիւն. « Տարագրեցի և թարգմանեցի ի Բերլին ես Մատուրինոս Վրիտիերը Լակրոզը:

Յամի Քրիստոսի ՌԶԺԳ (1713) ի Յուլիա ամսոյ Ժշ: Նոյնը և ի լատին լեզու:

Յետոյ Լուսինեանց տոհմին վրայ հատուածք ի գրոցն Estienne de Lusignan, Histoire generale de l'ile et Royaume de Chypre: — Նոյն գրքէն. Généalogie des Princes d'Arménie Mineure. — Généalogie des Roys d'Arménie, և այլն: Իսկ ի վերջն (յէջ 180) քաղուածոյ յԱռաքել պատմագրէ \*:

### Յ. Յ. ՇՐՕՏԷՐ

Ութեւտասներորդ դարուն մէջ երեւցած ամենէն աւելի նշանաւոր հայագէտն էր՝ Յովհան Յովակիմ Շրօտէր (Սկրոտեր), ծնեալ ի Նալբիրիւն որ ի լանդկրաւութեան Հէս-Քասսէլլի, ի 6 յուլիսի ի 1680. ուսաւ զհերրայականն և ուրիշ արեւելեան լեզուներ ի համալսարանին Մարպուրկի, Գէորգ Օթթոյ (1634-1713) ուսուցչին ձեռքին տակ, և որ յետոյ յանձնեց զինքը համբաւանուն Յովք Լուտովֆի ֆրանքոսլոթեցոյ: Հոն մասնաւոր ջանքով ետեւէ եղաւ Շրօտէր ուսանել զթովպացին: Լանդկրաւը 1707 ին դիւրացոյց Ութրեխթ երթալու միջոցները, ուր աշակերտեցաւ Ռէլի, Լէյտէֆէրի և մանաւանդ Ռէլանդի, երեք անուանի ուսուցչաց: Հոլանտա եղած ատեն իմացաւ թէ հայ արքեպիսկոպոս մը, Թովմաս Գողթնացի, իր քեռորդոյն Ղուկայ Նուրիջանի հետ եկեր էր յԱմսդերտամ, հայերէն լեզուով գրքերու հրատարակութեան նպատակաւ. Շրօտէր՝ որ արդէն Մարպուրկ եղած ատեն սկսեր էր

\* Տաշեան վարդապետին կազմած վիէննայի կայսերական մատենադարանի գրչադրաց ցուցակէն քաղեցիկք այս ժանօթութիւնները, որովք կը ստուգուէին Լաքրուլի Թղթակցութեանց յէջ յիշատակած աշխատասիրութեանց տեղեկութիւնները:





թեան յառաջագիմութեամբ մեծապէս կորուսած կը համարուին իրենց կարեւորութիւնը, բայց անով հանդերձ հետաքննական ըլլալէն չեն դադրիր:

Ա. Քննախօսութիւն Հայ լեզուի հնութեան, յեղափոխութեանց, յատկութեան և գործածութեան վրայ:

Բ. Քերականութիւն և Առողջանութիւն կամ Չափադիտութիւն հին լեզուին:

Գ. Դասանութիւն եկեղեցւոյն Հայոց, Թարգմանութեամբ ի լատին և ծանօթութեամբ:

Դ. Տեսութիւն Հայոց արդի կամ գործածական լեզուին:

Ե. Երեք արամախօսութիւնք Հայոց նուիրական, աշխարհական և ընտանեկան սովորութեանց վրայ:

Զ. Թղթադրութիւն, և այլն:

Գիրքն ընծայուած է Հասսիոյ լանդկրաւ Կարոլոսի առաջնոյ, իր Մեկենասին, զոր արժանապէս դրուատելէն ետքը կը յաւելու հեղինակն. «Արեւելից մէջ, ի Մոսկուա և այլուր՝ հմուտ և գիտնական անձանց հետ ունեցած յարաբերութեամբք ստացած տեղեկութեանցս առհաւատչեայն քեզ կը վերընծայեմ՝ զՊանն հայկական լեզուի. դանձ մը՝ ցանկացեալ ցարդ յիմաստնոց Եւրոպայ, և բազմաց անծանօթ իր պարունակութեամբը, նկատմամբ լեզուին մեծարգոյ հնութեանը, կատարելութեան, և աստուածաբանական, պատմական, իմաստասիրական ուսմանց մեծապէս օգտակարութեան»:

Հմուտ, հետաքննական և մեր լեզուին համար պատուաւոր Յառաջաբանէ մը ետքը, Շրօտէր ի գլուխ գրոցն դնելով հայկական տառերով ու լեզուով Հանդերձ Ասորո-ծով, սկսի խօսիլ հայ լեզուի հնութեան վրայ (De antiquitate linguæ Armeniæ): Որչափ շահագրգիռ՝ այնչափ ալ դժուարին կը գտնէ բազմահմուտ հեղինակն այս խնդրոյս լուծումը. առ որ բաւական չի սեպեր՝ յոյն և լատին դասական մատենագրաց քով գտնուած ցրիւ և անկատար տեղեկութիւններն. և ոչ ժամանակաւ աւելի նորագոյն՝ հնախոյզ և հնագէտ հեղինակաց խու-

զարկութիւնքն և քննադատութիւնք։ Սակայն եթէ չուզենանք ալ, կ'ըսէ, ինչուան ի ժամանակս Նոյի ի վեր հանել անոր ծագումն և սկզբնաւորութիւն, այլ առանց տարակուսի բարելոնեան աշտարակին շինութեան ու աստուածասաստ պատուհասիւ կործանման ատենին կը վերաբերի. և զոր կը ջանայ հաւատարմացնել ի յիշատակարանաց հնութեան՝ Հայոց ազգին իր հաւատարմութեամբն արգոյ՝ պատմագիրն Մովսէս Խորենացի, որ քաղելով ի գրուածոց հնոց Քաղդէացւոց և Յունաց՝ Թողոց, կ'ըսէ, պատմական ընտիր երկասիրութիւն մը, յորմէ պիտի օգտուի և ինքն յապացուցանել իր ենթադրութեան և կարծեաց ստուգութիւնը հայ լեզուի հնութեան նկատմամբ։

Արդէն ծանօթ, և ինչուան դարուս սկիզբը ազգերնուս մէջ ընդհանրապէս տիրող կարծեաց հետեւողութեամբ, լեզուաց զանազանութիւնը ազգաց իրարմէ բաժանման և ցրման հետեւանք սեպելով, զՆոյ և իր սերունդը այս բաժանման և ցրման անմասն համարելով, մանաւանդ թէ ըստ սուրբ Գրոց՝ զինքը Նրհեղեղէն փրկող տապանին Արարատ լեռան վրայ հանգչելովը՝ ո՞վ կրնայ տարակուսիլ, կ'ըսէ, որ ութ հոգիք՝ մարդկային ազգի կրկին նախահարք, հոն հաստատելով իրենց բնակութիւնն՝ խօսած ու ընտանի լեզունին ալ չիժաւալեցին. և ժամանակ անցնելէն ետքը՝ իրենցմէ սերեալքն շրջակայ երկիրներն բռնադատուելով ցրուիլ, նոյն լեզուն գործածեցին, իրենց հարցն ու նախնեաց լեզուն, մինչեւ աշտարակին շինութեան պատճառաւ՝ շփոթեցան լեզուք, և մարդիկ բաժնուեցան իրարմէ։ Այս ըստ ինքեան մեծոյժ ունեցող փաստին առջեւ, ինչ որ հերբայական կամ ուրիշ հին լեզուաց համար ենթադրութիւններ մէջ բերուած են, ամենէն աւելի զօրաւոր կը գտնէ ի նպաստ հայկականին եղածներն։

Հերբայականին հնութեան և անկէ յառաջ եկած այլեւայլ նախնի ազգաց լեզուներու վրայ խօսելէն ետքը,

կ'անցնի Շրօտէր Խորենացւոյ պատմութեան առաջնոյ մասին ծանօթ աղբեր՝ Մարիբասայ գրքին։ Կը դնէ ըստ գրութեան նորա՝ հայ նահապետաց և թագաւորաց ա- նուանքն, ի Հայկայ մինչեւ յերեսներորդ վեցերորդ յա- ջորդ նորա, ի Պարոյրէ մինչեւ յԱրտաշէս կամ յԱր- տաշիր արչակունի, թուելով զնա ութսներորդ ի Հայ- կայ։

Ասոնք ամէնքը Հայոց նահապետք և թագաւորք կը դնէ՝ յերկուց հարստութեանց. զառաջինն ի Հայկայ մին- չեւ ցՎահէ, և զերկրորդն՝ յԱրչակայ առաջնոյ մինչեւ ցԱրտաշիր։

Հայկայ համար, կ'ըսէ, յետ յիշատակելոյ զնա մա- րիբասեան գրոց համեմատ և անոր խօսքերով, թէ մի էր ի նոցանէ որք « յղացեալ ամբարտաւանութեամբ ծնան զամբարիշտ խորհուրդն աշտարակաշինութեան », թէ առաջին եղաւ որ իր հետ միաբանողներով և ազ- գը ձեւացընողներուն հետ խօսեցաւ զհայ լեզու (Haik primus haicanam linguam loquitur gentis suæ con- ditor)։ Կը համարի թէ յառաջ քան զկործանումն աշ- տարակին՝ հերբայական լեզու խօսող հօրէ ծնած ու դաս- տիարակուած էր նա, և մինչեւ ի կործանումն որ ի Սենաար՝ նոյն լեզուն կը խօսէր։ Բերայ բռնութեան չկարենալով հանդուրժել, կ'ապստամբի իրմէ, և կ'եր- թայ ի սահմանս Արարատայ, որ է ի հիւսիսակողմանս, « հանդերձ որդւովք և դստերօք, և որդւոց որդւովք »։ Ու յառաջ տանելով մարիբասեան աւանդութիւնը, թէ « Գայ և բնակէ ի բարձրաւանդակ դաշտի միում, և անուանէ զանուն լեռնադաշտակին Հարք... շինէ և գիւղ մի և անուանէ յիւր անուն Հայկաշէն » վրայ կը բերէ. « Ահաւասիկ հայկական լեզուի հնութեան կրկին վկայութիւնք. վասն զի Հ-րդ՝ մեծին Հայաստանի գաւառ մ'է, ինչուան հիմայ այս անունով կոչուած, և շէն Հայոց լեզուին մէջ ցարդ գործածական բառ, ուստի շինել և շինուի »։ Կը յաւելու նաեւ ի հաստատութիւն իւր

կարծեաց Հայոց Յր, Գերեզման տեղեաց անուանք, այսպէս կոչուած ի բնակչաց երկրին, և նոյն անուններով հասած մինչեւ առ մեզ: Ասոնց, և Հայկազանց ժամանակի նահապետաց անուանց և անոնց նշանակութեանց վրայ յերկար՝ և իր ատենին տեղեկութեամբք՝ հմտաբար խօսելէն ետքը, և որ մեզի և նորագոյն գիտութեանց համար արդէն հնացած և իրենց արժէքը բաւական կորուսած կը սեպուին, կ'անցնի Շրօտէր երկրորդ գլխով մը հայ լեզուի վիճակին կամ ունեցած կերպարանափոխութեանց վրայ (De fatis linguæ Armeniacæ) խօսիլ:

★  
\* \*

Կը ջանայ այս գլխոյն մէջ ցուցնել թէ ինչ որ հայ ժողովուրդն և ազգ, նոյնպիսի վիճակ մը ունեցած է նաեւ իր լեզուն: Ազգին ծաղկեալ ու բարգաւաճ վիճակին համեմատ՝ լեզուն ալ ճոխ, ընտիր և բարգաւաճ եղած է. անոր տկարացած, անշուք ու նկուն պայմանն՝ ունեցած է իր մեծ ազդեցութիւնն նաեւ լեզուին վրայ: Վայելուչ ծանրութեամբ իրենց բնիկ լեզուն կը խօսէին, կ'ըսէ, Հայկազունք՝ երբ թագաւորական ու իշխանական գահոյից վրայ բազմող նահապետաց ու արքայից քաջարի գործունէութեամբ կ'իշխէին մերձաւոր՝ ու երբեմն նաեւ հեռաւոր ազգաց վրայ. բայց երբ յատուկ թագաւորութիւնն ու իշխանական ազդեցութիւնը կորուսին, ու Սարակինոսք, Խորազմեայք և Թաթարք սկսան տիրել իրենց բնիկ երկրին ու հայրենեաց, այդ իշխանութեանց ու տիրապետութեանց ի հարկէ ու բռնադատ ազդեցութիւնը կրեց նաեւ լեզուն, որով սկսան գաւառական բարբառք երեւնալ, իրարմէ բոլորովին տարբեր, ու ինչուան նաեւ իրարու անիմանալիք:

Հայ լեզուի առաջին ծաւալող կը համարի զՀայկ\*՝

\* Ինչպէս յայտնի է՝ Շրօտէր կը շփոթէ զՀայկ ընդ Արամայ:

որ Բելայ և անոր բանակին վրայ տարած յաղթութենէն ետքը ետեւէ եղաւ, կ'ըսէ, իր իշխանութիւնն ընդարձակել. և անցնելով ընդ Եփրատ, Փոքուն Հայոց ամէն բնակչաց, մինչեւ ի Կապադովլիա՝ իրեն հպատակութեան տակ եղող ժողովրդոց պատուիրեց հայկական լեզուն խօսիլ. զոր և կը հաւատարմացընէ Խորենացւոյ վկայութեամբ, թէ « Հրաման տայ բնակչաց աշխարհին ուսանել զխօսս և զլեզու հայկական » . ուր անդրադարձընել կու տայ Շրօտէր թէ Խորենացի չըսեր ղեպոս Հայկայ, այլ ղեպոս հայկոս (մեր լեզուն), ինչուան հեղինակին դարուն արդէն ծանօթ լեզուն, և որ Հայկազանց ու Հայկայ լեզուն էր կ'ըսէ: — Հայկայ ատեն ու իր բարեբաստ կառավարութեամբն, կ'ըսէ Շրօտէր, այնչափ խոր արմատ ձգեց հայ լեզուն, որ իր իշխանութեան տակ եղող ամէն ժողովրդոց սովորական լեզու մը եղաւ, և հասաւ մինչեւ առ մեզ. ձեռագրաց և տպագրաց մէջ գրեթէ իր ամբողջութեամբն, ծանրութեամբ և վսեմական ոճով գերագոյն բարբառ մը:

Ի Խորենացւոյն (ինչպէս նաեւ յայլոց) յիշատակուած նախարարութեանց վրայ ալ կը խօսի Շրօտէր, և երբեմն նաեւ քմահաճոյ մեկնութիւններ տալով անոնց անուանց նշանակութեան. ինչպէս Գնթունիքը առաջ եկած կը սեպէ կոսմոսի (quanto) բառէն, իբրու սպասաւորք արքունի տան: Ասոնց ամենուն անուանց մէջ՝ իրենց պաշտաման կամ յանձնուած իշխանութեան յատուկ նշանակութիւն մը համարելով նկատել, կը հետեւցընէ թէ հայկական լեզուն այն ատեններէն ի վեր պէտք էր որ սովորական եղած ըլլար ազգին մէջ. և թէ այն ժամանակ միայն սկսաւ փոփոխութիւններ կրել և օտար ազդեցութեանց կնիքը, երբ Հայք այլեւայլ մերձաւոր ու մերթ նաեւ հեռաւոր ազգաց հետ բռնադատուեցան պատերազմունք ունենալ. մանաւանդ մեծին Աղեքսանդրի մահուընէն ետքը՝ յունականն ընդ հանուր արեւելս գործածական ըլլալով, Հայոց մէջ ալ մուտ գտաւ, բայց առանց բուն

լեզուին հետ խառնուելու կամ ձուլուելու, արուեստից՝ կամ այն ատեն ծանօթ մակացութեանց բառերէն զատ . զորս եթէ ուզենանք հայ լեզուէն հանել, նաեւ ինչուան քրիստոնէական հաւատքն ընդունելնէն ետքն ալ, քիչ բառ կը գտնենք, կ'ըսէ, որ յոյն ծագումն ունենան : Այսպէս հիւսիսակողման Հայք, որ յաճախակի վերաբերութեանց մէջ էին ընդ Ասորիս և Պարսս, ինչուան նոյն ատեններն անարատ պահեցին լեզուն : Ընկերական և միջազգային անհրաժեշտ յարաբերութիւնք ալ, կ'ըսէ, չկրցան վնասել լեզուին անխառն անարատութեան մինչեւ Քրիստոսի թուականին չորրորդ դարը, քանի որ Հայկազունք և Արշակունիք կանգուն և յաղթող պահեցին իրենց իշխանութիւնը : Բայց երբ իրենց նախկին փայլը կորուսին կամ բոլորովին ինկան, սկսան մուտ գտնել Հայոց մէջ պարսիկ և յոյն տառք՝ փոխանակ հայկականաց . և առ այս վկայութիւն կը բերէ Խորենացոյ հանրածանօթ խօսքը թէ « Գիր Պարսից և Յունաց, որովք այժմ գիւղից և գաւառաց, եւս և իւրաքանչիւր տանց առանձնականութեանց և հանուրց հակառակութեանց և դաշանց՝ այժմ առ մեզ գտանին անբաւ զրուցաց մատեանք » : Մեծ Հայաստան ալ ի Փոքուէն բաժնուելով, առաջինն Պարսից ազդեցութեան ու իշխանութեան տակ կ'իյնար, իսկ միւսն Յունաց կայսերութեան : Այս բաժանման հետեւանք կ'ըլլար՝ Հայաստանի ծանր ու անհանդուրժելի նեղութեանց տակ իյնալն ու հեծելը, և անթիւ ձեռագիրք՝ մանաւանդ անոնք որ յոյն տառերով գրուած էին, հրոյ ճարակ կ'ըլլային : Այսպիսի աղիտից առաջն առնելու համար՝ լեզուին յարմար, ու հայ ձայներն լիուրի բացատրող տառեր գտնելու ետեւէ կ'ըլլային Մետրովկ և իւրքն, և յաջողեցան իրենց փափաքելի գիւտին մէջ :



Հայկական տառից գիւտին պատմութիւնն աւանդէ Շրօտէր՝ մեզի ծանօթ ի հին աղբերաց քաղելով, ու թարգմանչաց նախանձելի ու մեր ազգային գրականութեան բարգաւաճանաց պատմութիւնն ընելէն ետքը, կը յաւելու միւս ալ խորագիր մը Երեւնիի դարուն առեւելնի վախճան կոչելով. յորում համառօտիւ կը նկարագրէ հայ լեզուին և դպրութեանց աղէտքը. որ որչափ ալ ծանր եղան, կ'ըսէ, սակայն չկրցան կորսնցընել զայն խօսող ազգը և անհետ ընել յերկրէ, և վրայ կը բերէ.

« Ունեցան, ինչպէս ցարդ եւս ունին Հայք, ամէն դարու մէջ՝ սրբակրօն վարուք և գիտութեամբ նշանաւոր անձինք, որք ընդհանուր անկման և բարբարոսութեանց դիմամարտելով՝ ազգին կրօնքը, և եկեղեցւոյ հասարակաց պաշտամանց հետ պահպանեցին նաեւ զլեզուն իրենց բազմաթիւ գրաւոր երկասիրութեամբ: Այսպիսիք եղան աշակերտք թարգմանչաց՝ Եղիշէ, Ղեւոնդ, Ենովք, Գինթ, Դադան, Կորիւն, Աբրահամ, Յովսէփ, Եզնիկ: Իրենց հետեւողք Յովհան Մանդակունի, Անանիա Շիրակացի, Մովսէս և Կոմիտաս Արշարունեաց, Իսահակ Զորափորոյ, Ստ. Սիւնեաց, Գր. Նարեկացի, Գր. Մագիստրոս, Գր. Վկայասէր, Ներսէս Կլայեցի, Ներսէս Լամբրոնացի, Վարդան վարդապետ, Յակոբ Կլայեցի, Յովհաննէս Պլուզ, Մխիթար Գոշ, Գր. Սկեւռացի: Նոյն պէս երկու վերջին դարուց մէջ և ինչուան ի ժամանակս հեղինակին ապրողք, Պաւլոս և Իսահակ Մուշեղեք, Յովհաննէս Ուռհայեցի, Մեքիսեթ Երեւանեցի, Խաչատուր Կեսարացի, Ոսկան Երեւանեցի, Ստեփանոս Լէոպոլսեցի, Միքայէլ և Սիմոն Զուղայեցիք, Մովսէս Բաղիշեցի, Աղեքսանդր պատրիարք Էջմիածնի, Առաքել Դավրիժեցի, Վարդան Թոխաթեցի, Մեսրոպ, Սուրբիաս եպիսկոպոս, Աստուածատուր Լէոպոլսեցի, Թով-

մաս եպիսկոպոս Վանանդեցի, Ղուկաս Նուրիջան, և այլք :

« Ասոնց ջանիւք և գրուածներով հին հայկական լեզուն պահուելով, ապագայից ալ աւանդուեցան, ու անցեալ և մեր այս դարուն մէջ, կ'ըսէ, տպագրութեան շնորհիւ յաւերժական եղան : Հայ տպագրութեան արուեստին սկզբնաւորութիւնն եղաւ ի Վենետիկ՝ ի ձեռն վարդապետաց ոմանց, ու նոյն քաղաքը բնակող վաճառականաց . յետոյ ի Զուլա, մերձ ի Սպահան Պարսից . ի Հոռոմ՝ Հաւատոյ տարածման ժողովոյն ու դպրոցին տպարանին մէջ . յ'Ամսդերտամ, ի ձեռն Ոսկանայ Երեւանեցւոյ, որ ապա իւր տպարանն փոխադրեց Քաղդիոյ Մարսէյլ քաղաքը, ուստի ի Կոստանդնուպոլիս : Հայկական տպագրութիւնք եղան նաեւ ի Լէոպոլիս (Լեհաց), ի Փարիզ՝ Ռըշիոյ ծիրանաւորին ջանիւք, ի Լիփսիա՝ յԱկոլութոս : Ասոնցմէ վերջ՝ ամենընտիր տպագրատունն կանգնեալ յԱմսդերտամ, ծախիւք Թովմաս արքեպիսկոպոսի, որոյ արժանաւոր ժառանգն և յաջորդ եղաւ՝ իր քեռորդին և ամենայն գովութեանց արժանաւոր Ղուկաս Նուրիջան » :

Ու մի առ մի կը՝ Թուէ Շրօսէր այս տպարաններէն եղած հրատարակութիւնքն՝ առաւելապէս եկեղեցականք, և որոց յոյժ կարօտ էր ազգն : Այս ամէն կարեւոր, և մեզի սրդէն ծանօթ տեղեկութիւններէն ետքը, կը յաւելու հեղինակն թէ ինչպէս իր ատենի հայազգեաց սիրելագոյն և փափաքելի պարապմունքն էին, մանաւանդ դեռ ի կանգուն մնացած վանս, այս ուսումն իրենց լեզուին և եկեղեցւոյ նուիրական գիտութիւնք . անանկ որ ի պաշտօն և ի ծառայութիւն սեղանոյն մտնել ուզող անձինք՝ պէտք է որ յառաջ սորված ըլլան իրենց հայ լեզուն . հետամուտ ըլլան պատուածաշունչ գրոց և ուրիշ եկեղեցական մատենից գիտութեան . լիուլի տեղեկութիւն ունենան հաւատալեաց, շարականաց, եկեղեցւոյ արարողութեանց, ժողովոց և աւանդութեանց հարց :



Հայոց մէջ կը հանդիպիս, կ'ըսէ, շատերու՝ որ ոչ միայն սաղմոսներն, այլ նաեւ Յովբայ, Սողոմոնի Առակաց, Եսայեայ մարգարէութեան, Պաւլոսի թղթոց, և նաեւ սուրբ Գրոց մեծագոյն մասին այնչափ ընտանի են, և սերտած ի բերան, որ պէտք եղած ատեն կը զրուցեն, և ամէն օր անոնց ո՛ր մասը և ինչուան ո՛ւր կը կարդացուի յեկեղեցւոյ՝ անվրէպ կ'իմացընեն, ի մեծ զարմանալսողաց: Տեղեակք են նաեւ իրենց ազգային եկեղեցւոյն և սրբոց վարուց պատմութեանց:



Հայկական լեզուի այլ և այլ վիճակի և յեղափոխութեանց վրայ այսչափ հմտութեամբ և սքանչանօք խօսելէն ետքը, կը խոստանայ ձեռագիր և տպագրեալ մատենագրութեանց վրայ ընդարձակագոյնս ճառել՝ Մարտիրոս Հայկազն կոչուած ուրիշ մէկ երկասիրութեան մը մէջ, որ հրատարակուած՝ կամ թերեւս չարագրուած ալ չէ. և կ'անցնի առանձին գլխով մը խօսիլ հայ լեզուին հոգւոյն կամ բնութեան վրայ (De Indole linguæ Armeniacæ).

Հեղինակին երկասիրութեան այս գլուխն ալ հետաքրքրնական է, միշտ՝ ինչպէս կանխեցինք ըսել, համեմատութեամբ լեզուաբանական ուսմանց և գիտութեան որ իր ժամանակին ընդունելի էին:

Հայկականը գլխաւոր լեզուաց դասակարգին մէջ դնելով, կը յաւելու Շրօտէր թէ իր մէջը կ'ամփոփէ այլեւայլ նախնական անուններէ զատ՝ յաւուրց անտի աշտարակագործութեան առ մեզ հասած նաեւ օտար բառեր, ուրիշ ազգերէ և ի լեզուաց փոխառութեամբ: Առաջնոց կարգէն կը համարի, օրինակ իմն, զբառն Արարած և կը մեկնէ աղբոս ած, հրեշտակ՝ իբրու հոգ քնի: Աւելորդ է ըսել թէ այսպիսի բազմաթիւ նախնական համարուած կամ ենթադրուած բառից մեկնու-

նութեանց մէջ կը հեռանայ ի ստոյգ գիտութենէ. թէպէտ և իր այս դրութեանն հետեւողներ ալ ունեցած է, ինչպէս յայտնի է բանասիրաց:

Ինչպէս Խորենացոյ խօսքերով հաւատարմացոյինք, կ'ըսէ, զանազան ազգութիւնք խառնուեցան ընդ Հայոց, և կամ դրսէն պատերազմաւ և բռնութեամբ մուտ գործեցին յաշխարհն, իրենց խօսած և գործածած լեզուաց հետքն ձգելով հոն: Ի Փնթունեաց և ի Բագրատունի ցեղէ մտած կը համարի այլեւայլ երրայական բառեր. ինչպէս ընթոյշ, օր, առիժ, գլխի, գեհե՛ն, դե՛ն և այլն. նոյնպէս ի Փաղդէացոց՝ օրե՛ն, իսիւրդ, իւրե՛ն, աղալ, լալ, և այլն. յարաբականէն՝ անաթ, քաղէ, լեւե՛ւ, լիկե՛ն, հանապարհ, և այլն. ի նախնի լեզուէ Պարթեւաց՝ քաթո, լաո, լաոլաթ, քըն՛, դրաթո, և այլն. ի յունէն աբաթ, եկեղեցի, հեթանոս, քրքիւն, ասոնց ամենուն համեմատական նոյնանիշ բառերն ալ իրենց լեզուով ու տառիւք մէջ բերելով, ու երբեմն ոչ դոյզն հմտութեամբ և ճարտար անդրադարձութեամբք:

Որչափ այլ այսպիսի և ասոնց նման բազմաթիւ եկամուտ բառերով ճոխացած կը գտնէ զհայ լեզու, միև կողմանէ ալ նկատելով անոր ճոխութիւնն զոր ունի ի բնութենէ լեզուին, մայր լեզու մը կը նկատէ զայն, յորմէ ծնած են և բարգաւաճ կերպարանք առած և ցայսօր շարունակուած գաւառական ազգային բարբառք. և յորոց մեծապէս օտարացած կը գտնէ իր հայ բարեկամաց և վաճառականաց ոմանց, որ այն ատեն կը գտնուէին յԱմսդերտամ, գրութիւնքը և խօսքը, խառն արար, պարսիկ և թուրք բառերով: Խօսքին հաւաստիքն ալ մէջ կը բերէ այնպիսի գրուածներով յ'էջս 229 և ի հետեւեալսն, ինչպէս նաեւ զրուցատրութեանց և նամակաց օրինակներով յ'էջ 391, և այլն:



Խօսելով ապա հայերէն քերականութեան մասանց բանի վրայ, և անոր ուրիշ յատկութեանց, կ'անցնի չորրորդ գլխով մը հայերէն լեզուի կիրառութեան կամ գործածութեան (De usu linguæ Armenicæ) վրայ:

Լեզու և խօսք յԱստուծոյ տրուած են, կ'ըսէ, մարդուս. որպէս զի մեր մտաց մէջ եղածը՝ բերնով արտաբերենք. և ինչ որ յօգուտ է հասարակաց և կարեւոր ի գիտութիւն և ի տեղեկութիւն՝ մեզի հետ ապրողաց կամ մերձ եղողաց աւանդենք. իսկ զիր՝ Պղատոնի և Կիկերոնի վկայութեամբն ալ՝ նոյնպէս երկնապարգեւ ձիրք մ'է, որպէս զի լեզուի և խօսքի տեղ բռնէ: Անոր միջոցով՝ ականջաց լսածը և իմացած՝ աչաց ալ կ'երեւութանան. և հեռաւորաց հետ ալ՝ ինչպէս ներկայ եղողաց, կը խօսակցինք. և մտածութիւնք, հին և նոր գիրք, խօսք, գործ, ինչպէս թէ իրօք մեր աչաց առջեւ հանդիպած ըլլային, այնպէս կ'իմանանք և կ'ըմբռնենք: Չանազան օտար լեզուաց և գրոց ծանօթութեամբ և գիտութեամբք ալ անոնց հետ յարաբերութեանց մէջ կը մտնենք. և ինչ որ նուիրական, նշանաւոր, հասարակաց կամ առանձինն գրուած կայ առ նոսա կամ գործուած, գրով կը տեղեկանանք և մեզ կը յատկացընենք: — Այս ընդհանուր ծանօթութենէն ետքը կը յաւելու Շրօտէր.

Սորա միջոցով, հայկականն ալ որ հերբայականէն ետքը ամենահին լեզուաց մէկն է, իր վրայ հասած բազմարկածեան դէպքերու մէջ ալ յաջողեր է սուրբ Գրոց անգուգական և աստուածաբանական ուսմանց հետամտից մեծապէս յարգի թարգմանութենէն զատ՝ պահել և ինչուան առ մեզ հասցընել բազմաթիւ ընտիր երկասիրութիւնք. ոչ լոկ հին ու արեւելեան եկեղեցեաց, ժողովոց, կանոնական սահմանաց նկատմամբ, այլ և կարի հետաքննական պատմական գրուածներ, յուշարարք ի-

րենց նախնի թագաւորաց և իշխանաց քաջարութեանց, պատերազմաց և խաղաղութեան, կառավարութեան և քաղաքագիտական հանճարոյ. բնական և իմաստասիրական գիտութեանց, խոստոց, պտղոց, մետաղաց անուանք, և անոնց վրայ տեղեկութիւնք: Եւ այս ամեն լեզուի ճրից վրայ համառօտիւ կը խօսի հեղինակը, ինչպէս նաեւ ի մասնաւորի աստուածաշունչ գրոց թարգմանութեան, և անոր նախկին տպագրութեան յԱմսդերտամ: Կը յիշատակէ ապա՝ իրեն ծանօթ մեր ազգային պատմըչաց անուանքը, հայկական ժամանակագրութեան և Աղարիայի թուականին վրայ ալ ծանօթութիւններ տալով, և այլն:

Կը դնէ յետոյ զքերականութիւն հայ լեզուի, խօսելով առանձին նաեւ քերթողական արուեստին վրայ:

Շրօտէր յօրինեց նաեւ բառարան մը հայ լեզուի, որ երբեք չհրատարակուեցաւ, և կը գտնուի հիմայ ի մատենադարանին Գասսէլի: Քերականութեան տպագրութեանէն ետքը դառնալով ի Մարպուրկ, արեւելեան լեզուաց ուսուցիչ անուանեցաւ, ինչպէս յետոյ նաեւ աստուածաբանականին: Մեռաւ յ'19 յուլիս 1756. մահուընէն տարի մը յառաջ նոյն պաշտօնը յանձնուած էր որդւոցը միոյն, Յովհաննու Գուլիելմի (1726-1793), որ հօրը նման արեւելագէտ մ'էր:

## ՎԻՍՏՈՆ ԵՂԲԱՐՔ

Հայ տպագրութեան պատմութիւն կ'աւանդէ մեզ թէ Վանանդեցի Թովմաս արքեպիսկոպոս 1695 ին Խորենացւոյ Պարո-նէան գրոց սկզբնազրին առաջին տպագրութիւնն ըրաւ յԱմսդերտամ, իրեք տարիէն ալ իր անուանն ընծայուած Աշխհաֆր-նէան:

Հետաքննական նորութիւն մ'էր որ կ'ընծայուէր բանասիրաց, և բնական էր որ անով ախորժէին պարապել ուսումնասէրք, թէ հեղինակին անձամբ և թէ պատմութեան գրքովը. ուստի 1736 ին հայկական բնագրովն ու ի հանգիպոյ լատին թարգմանութեամբ ի լոյս կ'ընծայուի Խորենացւոյ Պարմա-նիւն ու Աշխարհագրո-նիւն՝ վխտոնեան եղբարց ջանիւք և աշխատսիրութեամբ: Հայ խորագիրն է. Մովսիս Խորենացոյ Պարմա-նիւն և Աշխարհագրո-նիւն. իսկ լատինն. Moysis Choronenensis Historiæ Armenicæ libri III. Accedit ejusdem scriptoris Epitome Geographiæ. Præmittitur Præfatio, quæ de literatura ac versionis sacra armenica agit; et subjicitur Appendix, quæ continet Epistola duas armeniacas, primam Corinthiorum ad Paulum apostolum, alteram Pauli apostoli ad Corinthios, nunc primum ex codice Ms. integre divulgatas. Armeniace ediderunt, latine vertèrunt, notisque illustrarunt Gulielmus et Georgius, Gul. Whistoni filii, Aulæ Clarenensis in Academia Cantabrigiensi aliquandiu Alumni. Londini, 1736:

\*  
\* \*

Ընդարձակ և հմուտ յառաջարան մը ունի այս թարգմանութիւն, զոր հրատարակիչք իրենց արժանապէս պատիւ բերող հմտութեամբ պատշաճ սեպեր են դնել ի գլուխ գրոցն: Երկարօրէն կը խօսին աստուածաշունչ Գրոց հայկական թարգմանութեան վրայ. օրինակներով կը ցուցնեն անոր յարգը, չիքաշուինք ըսել՝ նաեւ առաւելութիւնն ուրիշ հին թարգմանութեանց վրայ: Գրուածքին այս մասը ու անոր քննադատութիւնը՝ մեր այս երկասիրութեան սահմանէն դուրս է:

Խորենացւոյ պատմութեան գրոց վրայ խօսելով՝ ընդհանրապէս կ'երկրորդեն իրենց այն ամէն կարծիքները զոր արդէն հաղորդած էին առ Լաբրոզ, ինչպէս տե-

սանք նախընթաց քանի մի էջերու մէջ : Սակայն քննադատականին առջեւ անարդարանալի համարուած կամ մատենագրական թերութեանց և պատմական յայտնի անհշդութեանց վրայ խօսելու ատեննին ալ չափաւորք կ'երեւին քան զբաղումս, որ իրենցմէ ետքը պարապեցան մեր պատմահօր անձին և անոր գրուածքով : Այլ մեծարողք միշտ իր անձնականութեան, աւելի յօժարեցան խարուող, կամ իրենց խօսքովն՝ դիւրահաւան համարիլ զնա, քան որ և իցէ պատրուակաւ կամ դիտմամբ խաբելու աշխատող . ուստի և իր երկասիրութիւնը ամենայն մեծարանաց և հետաքննութեան արժանաւոր խոստովանեցան : Ով որ, կ'ըսեն, կը կարծէ թէ այս պատմութեան գրէն օգուտ մը քաղելը կարելի չէ, զայնպիսին բոլորովին անգրագէտ մէկը կը համարինք . ուստի և յոյսերնիս մեծ է թէ արդարադատ և հմուտ ընթերցողք՝ մեր այս ձեռնարկը պիտի չարհամարհեն, որ այսպիսի ամենահին լեզուով շարագրուած երկասիրութիւն մը ի խաւարէ ազատելով ի լոյս կ'ընծայենք :

Այս տողերը կը գրէին ու կը հրատարակէին Վիստունեանք 1736 մայիսի առջի օրերը :

Եւ յիրաւի, մեծ մտագրութեան արժանաւոր եղաւ իրենց այս իմաստուն ձեռնարկը : Այդպիսի շահագրգիռ երկ մը և անոր հրատարակութիւն՝ կարելի չէր որ միակողմանի ելեթ արգասիք ունենար . կարելի չէր որ նոյն ժամանակին բանասիրութիւն հաւասար արժէք և կշիռք տար անոր՝ միայն հրատարակողաց տեսութեան և կարծեաց համեմատ : Պիտի երեւնային, երեւցան ալ, շատ բանասէրք՝ որ ինչպէս յառաջ քան զհրատարակութիւն գրոցն, անկէ ետքն ալ քննադատականին ամէն խստութեամբ պիտի վարուէին այնպիսի պատմագրի մը երկասիրութեան նկատմամբ՝ որ բոլորովին նոր էր իրենց անձամբն ու գրուածքով, և չէր համաձայներ արդէն ծանօթ և նախընթաց յոյն և հռովմայեցի պատմագրաց մինչեւ առ մեզ հասած երկասիրութեանց հետ, որոնք

ունեցեր էին և կը շարունակէին ունենալ մեծ կշիռ և արժէք ուսումնասէր և բանասէր աշխարհի մէջ: Խորենացւոյն պատմութեան լատին թարգմանութիւն՝ սահմանուած էր արդարեւ արեւմտեան բանասիրութեան մտադրութիւնը հրաւիրել մեր պատմութեան և մատենագրութեան վրայ. և Վիստոն եղբարցմէ ընծայուած այս առաջին հայկական երախայրիք՝ փափաքելի պիտի ընէր ուրիշ նորութեանց ի խնդիր ելլել և համակրել անոնցմով:

Ասոր սկզբնաւորութիւնն և յառաջադիմութիւն գաղղիական ազգին կերպով մը պարտապան է ուսումնական աշխարհ:



Քանի մի դարէ հետէ, Խաչակրաց արշաւանաց ժամանակէն ի վեր, արեւելեան ազգաց պատմութեամբ, հնախօսութեամբ ու աշխարհագրութեամբ պարապող մեծ ազգը, ունենալով նաեւ քաղաքագիտական նպատակ մը՝ իր ազդեցութիւնը ալ աւելի տարածելու և սիրելի ընելու այդ հեռաւոր աշխարհաց մէջ, ունէր իր պետական պաշտօնեայքը, ուսումնական և հետազօտող ճանապարհորդքը և առաքելական քարոզիչք, որոնք ուշի ուշով կը պարապէին այն ժողովրդոց և անոնց աշխարհաց ուսումնասիրութեամբ, և փոյթ ունէին փոխադրել յարեւմուտս նաեւ անոնց գրաւորական և ի նախնեաց աւանդուած ճոխութեան մէկ մասը, թէ՛ զանոնք անկորուստ պահելու պահպանելու, և թէ՛ անոնցմէ օգտուելու դիտմամբ: Իրենց տեսութենէն և այս նպատակէն չէր կրնար վրիպիլ և Հայաստան աշխարհ և ժողովուրդ:

Մեծին Լուդուիկեայ փառապանծ թագաւորութեան ժամանակ և անկէ ալ յառաջագոյն՝ Փաղղիոյ մայրաքաղաքին մեծ և բազմահարուստ մատենադարանն սկսեր էր իր ճոխութեանց կարեւոր և ազնուագոյն մասն սե-

պել հայկական գրչագրաց հաւաքումը, չիւնայելով ոչ աշխատանքի և ոչ ծախուց: Ձանոնք ցանկելու հոգն ու աշխատութիւն վրան առնող հայերէնագէտն Վիլֆոուա՝ հետեւեալ երեք դասակարգի կը վերածէ.

Ա. Մեծին Լուդուիկի Թագաւորութեան ատեն՝ արքունի մատենադարանին մէջ գտնուած հայ գրչագիրք էին 100 թուով:

Բ. 1730 ին ստացուած գրչագիրք, երեք թուով, որ հինգ տարի վերջը հասան ի Փարիզ:

Գ. Դարձեալ նոյն թուականին ստացուած ուրիշ գրչագիրք, քսան և աւելի թուով:

Մայրաքաղաքին ուրիշ գրատանց մէջ ալ կային սակաւթիւ հայ գրչագիրք:

Արքունի գրատան հարիւր երեսուն և աւելի գրչագրաց թիւը եռապատկեցաւ և քառապատիկ եղաւ մեր օրերը, և օր քան զօր կը ճոխանայ: Վիլֆոուայի յօրինած ցուցակը՝ զոր արգէն հրատարակած են Մոնֆոքոն և Մինեի, հետեւորդ ստացմամբ մատենադարանին շատ ճոխացած է, և նոր ցուցակք արգէն յօրինուած և պատրաստք են ի տպագրութիւն:

Այս հաւաքման մէջ առջի բերան քիչ էին պատմական երկասիրութիւնք. բայց իրենց նոյն իսկ սակաւաւոր թուով՝ բաւականք ի գրգռել զհետաքննութիւն, և յորդորամիտ առնել զգաղղիացիս յուսումն հայ լեզուի և ի խնդիր նորա պատմական հնութեանց: Այս փութոյն և ջանից մեծապէս օժանդակած են արգէն յիշատակեալն Վիլֆոուա, իր աշակերտն և հետեւող Լուռտէ, մեզի ծանօթ և երախտապարտ անուանք, և իրենց ժամանակէն քիչ ետքը՝ ի Փարիզ հաստատուած հայերէն լեզուի ուսման վարդապետական ակումբը՝ ի Դպրոցի արեւելեան կենդանի լեզուաց: Իրաւացի է որ այս երկու անձանց, և այս ուսումնական հաստատութեան վրայ համառօտ տեղեկութիւն մի ունենան ընթերցողք:



## ՎԻԼՅՈՒՍ

Ութեւտաներորդ դարու արեւելագիտաց մէջ հռչականունն Գուլիէլմ Վիլֆոուա, ծնաւ Փարիզ (1690), պատուաւոր ընտանիքէ։ Տիրոնի արքայարանին մէջ ուսմանց ընթացքն աւարտելով, ինքզինք տուաւ մասնաւոր օնօնով յուսումն և ի կատարեւագործութիւն երբայական լեզուի, և Սուրբ Գրոց լաւ խելամտութեան համար կարեւոր ուրիշ լեզուաց։ Պըզանտնի եկեղեցական դպրանոցին համբաւ՝ հոն ձգեց զինքը, ուր վարդապետ եղաւ աստուածաբանութեան և սրբազան կարգերն ընդունեցաւ։ Տաղանդովը Տակըսոյ արքունի դիւանադպրին հաճոյանալով, անոր պաշտպանութեամբ Օւլէանի դքսին քարտուղարի պաշտօնն ընդունեցաւ։ Սըվէն քահանայի ի Կոստանդնուպոլսոյ ի Փարիզ փոխադրած ձեռագրաց մէջ՝ բաւական թուով հայերէն ընտիր ձեռագիրք կային. և որովհետեւ նոյն ժամանակին գիտնոց մէջ ի Փարիզ՝ միայն Վիլֆոուա քահանայն էր տեղեակ նոյն լեզուի, իրեն յանձնուեցաւ զանոնք քննելը և մանրամասն տեղեկագիր մը կազմելը։

Վիլֆոուա՝ Սուրբ Գրոց բաղդատական ուսմանց սիրող և հետամուտ, երիտասարդ հասակէն ետեւէ եղած էր յաջողութեամբ, ինչպէս ըսինք, բաց ի հերբայականէն, նաեւ արեւելեան ուրիշ հին լեզուաց։

« Տղայ հասակէս, կ'ըսէ, մասնաւոր ախորժ և բռն բերում կը զգայի Սուրբ Գրոց ուսման։ Տասուիրեք տարուան էի երբ արդէն ծանօթ և ընտանի էին ինձ երբայեցի տառք և նշանակք, և որոց հետամուտ էի և փութալան։ Բայց անկէ անդին չգնաց իմ յառաջադիմութիւնս. կամ այն պատճառաւ որ տղայական հասակ անհաստատ է ընդհանրապէս, և կամ առիթը կը պակ-

սէր այդ բերմանս հետեւելու: Հինգ տարի ետքը՝ ուսթեւտասնամեայ եղած ատենս, այդ ուսման կարեւոր և անհրաժեշտ գրքերը գնեցի, ամենայն ջանքովս այդ լեզուն պարապելու դիտաւորութեամբ: Սկսայ դաս առնուլ ամէն մը՝ որ լաւ հմուտ էր հերթայականին. բայց տասնուհինգ օրէն՝ ուսուցիչս չհամարձակեցաւ յառաջ վաթել սկսած դասախօսութիւնը. որովհետեւ կը հակառակէր անոր հռետորականին վարդապետս: Դիմացս ելած այս արգելք՝ փոխանակ լքուցանելու, աւելի եռանդ մը վառեց յիս և մեծագոյն փափաք այս նուիրական լեզուն: Լոկ անձնական ջանքովս և հետապնդութեամբ՝ երբայեցի լծորդութանց դժուարին ասպարէզը կտրեցի անցայ, և այնուհետեւ բոլոր կարելի եռանդեամբ տուի ինքզինքս յուսումն կիտից և անոնց փոխադրութեանց, և որով կը պարապէի 1709 ին ծանր ձմրան երկար դիշերները: Թանկագին ժամանակ մը՝ զոր շայեկանագոյն կերպով կրնայի գործածել Սուրբ Գրոց բնագիրն ուսումնասիրելով քան բարունեաց սնոտեօք. բայց այն ատեմ ուրիշ էր կարծիքս, ենթադրելով թէ առանց կիտից՝ հերթայականին ուսման շէնք կը կործանէր կ'իյնար:

« Ինչ ալ ըլլայ, քիչ ժամանակէն այնչափ եղաւ յառաջադիմութիւնս ընթերցման, որ ալ բուն սկզբնագրին վրայ կարող էի Սուրբ Գրոց ընթերցմանն պարապիլ: Բայց ամէն դիտութեամբս ալ՝ նկատմամբ կիտից, մերթ ընդ մերթ դժուարութիւնք կ'ելնէին դիմացս, որով և իմաստք անիմանալի կը մնային: Այն ատեն բնագիրը լուսաբանող մեկնըչաց հարկ կ'ըլլար դիմել. և կը տեսնէի որ որչափ մեկնիք՝ այնչափ ալ տեսալք մի նոյն տողին մեկնութեան. և հետեւաբար՝ այնչափ առիթք անստուգութեան ինձ համար: Հերթայականին հետ՝ կը զբաղէի նաեւ հին պատմութեանց ժամանակագրութեան և աշխարհագրական ուսմամբ. որպէս զի կարող ըլլամ Սուրբ Գրոց իմաստից խելամտութեան աւելի պայծառ լոյս մը ծագուած տեսնել:

Քաանուերկու տարուան կը մտնէի ի Թրոյա՝ ի մեծ դպրանոցն եկեղեցական, հռչականուն Տըլավինեի ձեռքին տակ, որ յետոյ Սան քաղաքին արքեպիսկոպոսն եղաւ. ու երկու տարիէն պատուեց զիս՝ ընդունելով ի փոքրիկ դպրանոց վիճակին. ուր աստուածաբանականին և հայրագիտութեան ուսումնասիրութիւնը, որոց պարագեցայ ամբողջ չորս տարի, որչափ ալ չափի մէջ դրաւ հետաքննութիւնս Սուրբ Գրոց ուսման, բայց առանց կուրուսանելու զայն յաչաց և ի սրտէս: Քահանայական ձեռնադրութիւն և վարդապետական աստիճանի տիտղոսն ընդունելով ի Պըզանսոն՝ ի վերջ կոյս 1716 տարւոյն, բարեբաստագոյն գտնուեցայ այնուհետեւ բոլորովին իմ հակամիտութեանցս և բերմանցս հետեւելով՝ մեծաւ եռանդեամբ տալու ինքզինքս՝ իմ սիրելի ուսմանցս և պարապմանց:

« Փարիզ դառնալէս ետքը՝ մեր դարուն ամենամեծ մարդոց մէկը, — և այս չէ իր բոլոր գովութիւնը, — ինձ պատուիրեց որ երբեմն երբեմն փոքր մարգարէից գրքերն կարդամ իր առջեւը՝ իրենց սկզբնագրին լեզուովը: Ըրած իմաստուն անդրադարձութիւններն և խոհական դատաստանք թէ՛ բնագրին և թէ՛ անոնց ամենէն աւելի մեծանուն մեկնըչաց խօսքերուն, բացին աչքերս և իմացուցին թէ միայն հեբրայական լեզուին գիտութիւնը բաւական չէր դիտած վախճանիս հասնելու »:

\*  
\* \*

Շարունակելով պատմել այն առթով քաղդէացի, արաբ, ասորի, եթովպական ու սպանիացի լեզուներու ուսմանն հետեւիլը, կը յաւելու. « Օր մը Ուոլթընի Սուրբ Գրոց բազմալելու տպագրին յառաջաբան տեղեկութեանց 91-է իջին յառաջին սեանն դրուած հետեւեալ տողերն աչքիս հանդիպեցան. Գրիգոր սկոլաստիկոս ասորի կ'աւանդէ թէ ամենուն ծանօթ է որ Հայք՝ որչափ

ալ ի յոյն լեզուէ ըրած ըլլան աստուածաշունչ Սուրբ Գրոց Թարգմանութիւնը իրենց լեզուով, սակայն աստուականին հետ ալ համեմատեցին օրինակներն, և որուն տեղ տեղ ալ համաձայնեցան: Ըստ դիպաց հանդիպելով այս տողերուն, և որոց կրկին անգամ ընթերցումը աւելի ազդեցութիւն ըրին վրաս, մէկէն գրավահառի մը դիմեցի՝ հայերէն լեզուի քերականութիւն և բառգիրք մը փնտռելով քովը: Վրան վեց ամիս անցաւ առանց յաջողելու ձեռք ձգել ուզած գրքերս. վերջապէս մէկու մը ձեռքով փափաքս կատարուեցաւ, 1729 ին, և սկսայ անմիջապէս աշխատիլ հայերէն լեզուին վրայ:

«Քանի՜ ծանրագնի եղաւ ինձ առջի բերան՝ այս ահաբեկիչ (terrible) լեզուն. որուն քով ուրիշ ամէն լեզուաց ուսումն, նոյն խսկ արաբականին, խաղալիկ մը կ'երեւնար ինձ համեմատելով հայկականին հետ: Խիստ և ամենադժուարին հնչումն, բառեր՝ որ բոլորովին խուժադուժ (barbare) և անօրինակ կը թուէին. Ռիվոլայի պակասաւոր քերականութիւն մը. նոյն հեղինակէն շարադրուած բառգիրք մը, քերականութենէն ալ անկատար. որովհետեւ պարունակած բառերն՝ վեցերորդն ալ չեն լեզուին ամբողջութեանն. և վերջապէս քրիստոնէական վարդապետութեան գիրք մը՝ այնչափ անհոգ և անմտադիր անձանց ձեռքով հրատարակուած, յորում չէ կարելի գտնել էջ մը ուր չվխտան իրարու կպած, կամ իրարմէ անջատ բառեր խառնուած չփոթած իրարու հետ: Այս ամէն հանգամանք և դժուարութիւնք կարծես կը միաբանէին՝ ինչպէս դիւրին է գուշակել, նոյն լեզուին ուսումն պաղեցընելով զիս ետ կեցընելու: Բայց կը ջանայի քաջալերել զիս, արծարծել վառել զհոլը եռանդեանս, անոնցմէ ամենեւին չահաբեկելով: Տասը հօլովմունքը սորվեցայ, որոց իւրաքանչիւրը տասը փոփոխութիւնք ունին. և ձգեցի ինքզինքս բայերու խոնարհմանց և անկանոններու մէջ որ բազմաթիւ են, և վեց ամսէն աւելի անցուցի ի դժուարին նախակրթանս հայ

լեզուի: Վերջապէս յաջողեցայ քիչ մը հասկընալ իմ քրիստոնէական վարդապետութեանս գիրքը: Բայց իմանալով միանգամայն թէ անկարելի պիտի ըլլայ ինձ աւելի յառաջադիմել սիրած լեզուիս ուսման մէջ այսպիսի անյաջող առաջնորդներով, գնացի (ի 1731) ի մատենադարանն արքունի, ուստի ի փոխ առի՝ զօրինակ աստուածաշունչ գրոց: Այս օրուընէն սկսայ երկու գործի մէկտեղ ձեռք զարնել. այսինքն՝ հայկական լեզուի լուրջ պարապման, հետեւելով անդուշ ամէն օր յետ ճաշաժամու, և թարգմանել զԵրգոց երգս Սողոմոնի. համեմատութեամբ ընթերցուածոց քաղդէացի, ասորի, յոյն, արաբ, եթովպացի և ոսկանիական կամ փեթրաբեան թարգմանութեանց: Այս աշխատասիրութիւնս ներկայացուցի Սալիէ քահանային, որոյ դատաստանը մեծապէս կը յարգեմ, և որ ծանոյց ինձ թէ կը գտնուին ի նժաբողորովին նոր տեսութիւնք՝ որ ցարդ մէկէ մը զուրցուած չեն. և թէ խոհականութիւն չէր հրատարակելը այնպիսի ատեն մը՝ յորում ազատամիտք ամէն բանով կը զեղծանին: Իմ գործածած բացատրութիւնքս թէպէտեւ աւելի զգուշաւորք կը թուէին՝ քան ուրիշ թարգմանութեանց մէջ, սակայն Սալիէ խիստ գողտր գտաւ: Ուստի իր իմաստուն խորհրդոց անսալով, յօժարակամ մէկդի դրի զայն, այնչափ սիրով՝ որչափ աւելի աշխատութեան կարօտութիւն կար իմ նոր գրութիւնս բացայայտելով՝ գոհացուցիչ ընթերցման արժանաւոր ընել զայն:

★  
★ ★

« Երգոց երգոյն վրայ սկզբնաւորեալ երկասիրութեանէն հրաժարելովս՝ հայկական ուսմանս փնաս մը չեղաւ: Դարձայ միւսանգամ յարքունի մատենադարանն, ուր յաջողեցայ գտնել հայ լեզուի բառգիրք մը. և ուրախութեամբ ընդունելով զայն՝ ուսմանցս սենեակն մտայ, նոյն

օրուրնէ անոր գործածութիւնն սկսելով: Կարծածէս աւելի օգտակար եղաւ ինձ այն գիւտ: Հայ աստուածաշունչ մատենից վրայ ըրած երկամեայ և յարատեւ հետազօտութիւնք՝ բաւական ընդելացուցած էին ինձ նոյն լեզուին մէջ սովորաբար և յաճախակի գործածուած բառերն. իսկ նոր ձեռք ձգած բառգրոցս օգնականութեամբ՝ հասկրնալու վիճակի մէջ էի անոնցմէ դուրս մնացածները, և որ կարեւոր էին ուսումս կատարելագործելու համար: Սրտիս մէջ բնածին աշխատելու սէր և եռանդ՝ յորդորամիտ ըրին զիս Փարիզ քաղաքէն հեռանալ, ու հայկական լեզուի ուսման աւելի մտադրութեամբ պարապիլ: Աստուածաշունչը տեղը դարձնելով, առի ուրիշ գիւրք մը՝ Հայոց հայրապետի մը երկասիրութիւն. ու վերադառնալով ի գիւղ՝ տեսայ որ ընտիր գրուածք մ'էր ձեռք ձգածս. Ներսէս Դ մեծ հայրապետին ընդհանրական թուղթն էր այն, զոր յաթոռն կաթողիկոսութեան բազմած ատեն ուղղեր էր առ ամենայն հայասեռ ազինս: Ետեւէ էի ի թարգմանել զայն, բայց ոչ առանց ծանր վաստակոց. վասն զի ամէն իմաստ՝ նոր դժուարութիւն մը կը հանէր դիմացս: Արեւելեան շատ ազգաց յատկաբանութիւնք (idiotisme) միանալով հայկաբանութեան ոճերու հետ, որոց դեռ այնչափ ծանօթացած չէի, կարծես ամենայն ճիգն ի գործ կը դնէին ետ կեցընելու յառաջադրեալ նպատակէս:

« Բայց որովհետեւ նախախնամութիւնն պատրաստեր ու սահմանած էր զիս այս դժնդակ աշխատանքին, նոր ձեռք բերած գրքերուս մէջ կը հանդիպէի այնպիսեաց ալ որ կրնային մի առ մի դիւրացընել ինձ առջեւ ելած ամէն դժուարութիւններ: Ներսիսի Շնորհալոյ ընդհանրականին թարգմանութենէ ետքը՝ քաջալերուեցայ ի թարգմանութիւն սրբոյն Գրիգորի Նարեկացւոյ հայ վարդապետի մէկ ճառին: Հեղինակին դժուարագոյն ոճը և գրութեան լեզուն՝ թելադիր եղան ինձ գէթ քիչ մը աւտենուան համար ետ կենալ այս աշխատութենէն. բայց

ապա դժուարութեանց առջեւ արիութիւնս կրկնապատիկ եղաւ. ու վեց ամսուան մէջ օրը տասուերկու կամ տասներորս ժամ միակերպ աշխատելով, ընդհանրական թուղթը և Նարեկացւոյ հառը թարգմանեցի ամբողջ: Բայց այսպիսի յաջողութեան մը ուրախութիւնը շատ նուազեցաւ կրած քառամսեայ հիւանդութեամբս և որ մերձեցոյց զիս ի դրունս մահու. և արգասիք էր այն յերկար պարապմանցս և անոր մէջ յաջողելու համար կրած աշխատութեան: Հագիւ քիչ մը ապաքինած, փափաքելի էր ինծի սիրելի հայկական լեզուի ուսման շարունակութիւնը: Բարեբաղդաբար այն տան մէջ ուր կը բնակէի՝ հայերէն քանի մի տպագիրք գտնուեցան: Կը զբաղէի մերթ ընդ մերթ անոնց ընթերցմամբ. և երբ առողջութիւնս գտայ, սկսայ ասդիէն անդիէն հայերէն հատուածներ թարգմանել: 1734 մարտ ամսոյն՝ կրկին աչքէ անցուցի Շնորհալոյ թղթոյն թարգմանութիւնը. զոր սկզբնագրին հետ բաղդատելով՝ շատ ճշդութեամբ եղած կը գտնէի, ու քանի մի սրբագրութիւններ ընելով կը համարէի թէ տպագրութեամբ հրատարակուելու անարժան երկ մը չէր, և հաճոյական ընդունելութեան կրնար հանդիպիլ, իբրու նմոյշ մը այն գրչագրաց՝ որոց յաբեւելից ժամանումը արդէն հռչակուած էր ի Փաղղիա:

« Բայց յառաջ քան զհրատարակութիւն այս հետաքրնական երկասիրութեան, համոզուեցայ թէ առաւելագոյն յարգ պիտի ստանար այն եթէ հարկաւոր եղած տեղերը ծանօթութիւնք ալ աւելցուէին: Արքունի մատենադարանն երթալով՝ հանդիպեցայ հոն նոյն սուրբ հայրապետին ուրիշ այլեւայլ գրուածոց: Այս գիւտը՝ խորհուրդ մը միտքս ձգեց, որ լոկ ընդհանրական թղթոյն թարգմանութեամբ գոհ չըլլամ. այլ ետեւէ ըլլալ գտնելու իրեն ուրիշ երկասիրութիւններն ալ. ու թարգմանելով՝ միացընել ընդհանրականին հետ, և ամբողջը միանգամայն հրատարակել, որով ձեւանար քառածալ բաւական մեծկակ հատոր մը:

« Այսպիսի հետազոտութիւնք առիթ տուին ինձ նոր աշխատասիրութեան մը ձեռք զարնելու. արքունի մատենադարանին մէջ գանձուած հայ գրչագրաց ցուցակ մը յօրինել, պէտք եղած տեղեկութիւններով անոնց ամենուն վրայ: Սկսելով թերթել և աչքէ անցընել այդ գրչագիրքը, տեսայ որ շատերը հաւաքմունք են, զորս հարկ էր առանձին քննութեան ենթարկել. որով միտքս գրած գրութիւնը ի գլուխ հանելու համար գէթ երեք ամսուան կարօտութիւն ունէի: Չէի սխալած ենթադրութեանս մէջ. վասն զի սկզբնաւորութենէն մինչեւ յաւարտ հասցընելը՝ ինն ամսէն աւելի տեւեց: Հոս պատշաճ կը սեպեմ քանի մը խօսք աւելցընել այն ձեռագրաց վրայ ընդհանրապէս. այսինքն՝ տառից որով գրուած են, և դժուարութեանց որոց հարկ եղաւ յաղթել՝ անոնց ընթերցումը ինձ ընտանի ընելու համար:



Փարիզոյ ազգային մատենադարանի հայկական յեռադրաց վրայ Վիգորայի Էմիլիոյ Զանգուինի. — « Հայկական ձեռագրաց ցուցակիս վերջը պիտի գտնէ ընթերցողը անոնց թիւը՝ որոց քննութեամբն զբաղեր եմ: Նշանակուած են ի նմա անոնց արտաքին երեւոյթ (forme), տեսակք տառից որովք գրուած են և վերադիրք. և այդ վերջինը չունեցողներուն՝ բռնադատուած եմ իմ կողմանէս աւելցընել անոնց պարունակութեանն համեմատ:

« Բազմաթիւ են այս դասակարգին պատկանող գրչագիրք. վասն զի Հայք՝ ճանչնալով արդէն իրենց գործածած գրքերը, և գիտնալով անոնց անուանքը, հոգ չեն ունեցած նշանակել անոնց վերադիրքը ի գլուխ գրոցն. որով ընդհանրապէս ոչ նախաբան տեղեկութիւնք և ոչ ալ յառաջաբան ունին: Քլիտակարգութիւնք սովորաբար պակաս չեն. բայց յաճախ անորոշ և անհաւատարիմ կերպարանօք. որով և կը հանդիպի նշանակուած



տեսնել զայն ինչ՝ որ իրապէս կը պակասի ի գիրսն. ուստի եթէ ուզենայ ոք որոշ գաղափար մը ունենալ անոնց բովանդակութեանն, պէտք է որ ամբողջ գլուխը աչքէ անցընէ:

Ասոնք են առաջին ներկայացած դժուարութիւնք՝ որոց պէտք էր յաղթել, և անհրաժեշտ հարկաւոր՝ իւրաքանչիւր գրչագրի ընթերցման մէջ յաջողելու համար: Ասոնց վրայ յաւելուլ արժան է ուրիշ դժուարութիւն մ'ալ. գրչագրաց շատին սկզբնաւորութեան կամ աւարտման պակսիլը, և ոմանց մէջ ալ թէ՛ մէկը և թէ՛ միւսը »:

Յայլ և այլ և արդէն ծանօթ դասակարգութիւնս կ'որոշէ Վիթռուա զձեւս հայկական տառից, և են՝ Եր-  
կառից, Գրիգորից, Բուրգից, Նօրից, Գաղանգից, Ծաղկից և այլն. և կը յաւելու.

« Ասոնք են զանազան ազգք տառից՝ որոց հանդիպեցայ ի գրչագիրս: Բայց պէտք չէ ենթադրել թէ կենդանիք կամ ծաղկըներ ներկայացընող տառք՝ արուեստով ու ճաշակով յօրինուած ըլլան, և որոց մեծ բացակայութիւն կը տեսնուի. վասն զի այն տառից ամենէն աւելի ճարտարագոյն համարուած հայ արուեստագէտք՝ չեն կրնար բաղդատուիլ եւրոպացի նորավարժաշակերտի մը հետ ալ: Եթէ արուեստական միայն ըլլար այս թերութիւն, ըսելիք մը չունէինք. բայց այսպէս չէ. վասն զի ենթադրած են թէ ընտիր ախորժակի ցոյց մ'է և պատուաբեր իրենց ճարտարութեան՝ այնպէս իրարու հետ խառնել տառերն որ մարդ չիգիտեր ո՛ր կողմանէ և ինչ կերպով զանոնք ընթեռնուլ: Բայց աւելի տագնապեցուցիչն՝ յաճախ հանդիպելն է երեք կամ չորս սող բանից՝ խորտակեալ (brisé) տառիք, որոց մասունք բաժան ի մարմնոյ իրենց բուն տառից, նախընթացից կամ հետեւորդաց հետ կը շփոթին: Հանդիպեր է ինձ երբեմն ութ օր անցընել՝ առանց կարող ըլլալու ճանչնալ թէ ինչ տառք են և ինչպէս պէտք է ընթեռնուլ զանոնք. և անտարակոյս մեծ դժուարութիւն մ'է այս աշաց և վայրապար կորուստ ժամանակի:

« Բայց այս ալ բաւական չէ: Երկաթագիր գրչագիրք յոյժ դժուարընթեռնլիք են. եթէ ի պատճառս ձեւոյ տառից, որ թէպէտ վայելուչք են, այլ բառից իրարմէ զատուած չըլլալուն պատճառաւ՝ ամբողջ իմաստք, և երբեմն նաեւ երկարք, այնպէս իրարու քով սեղմ միացած են՝ որ կարծես թէ իրենց ամբողջը բառ մը միայն կը ձեւացընեն. և հարկ կ'ըլլայ մի և նոյն իմաստը չորս հինգ անգամ ընթեռնուլ, և երբեմն նաեւ ամբողջ սիւնակը, որպէս զի իմանաս թէ ինչ նիւթի վրայ կը խօսի հեղինակը աչքիդ դիմացն եղող տողերու մէջ: Այնպիսի նեղիչ աշխատանք մ'է այս գլխոյ և լաչաց, որ յաճախ չկարենալով շարունակել՝ բռնադատուած եմ ուրիշ օրուան ձգել աշխատութիւնս...

« Թանաքը զոր գործածած են Հայք ի գրչագիրս, մերթ խիստ գէշ տեսակէն է. և ասոր պատճառը կամ ամենաքիչ խիժի կիրառութիւնն է, և կամ անոր չափազանց թանձր ըլլալը: Խիժի պակասութեան հետեւանք է որ տառերն երկար չեն դիմանար, մանաւանդ գիծին տեղ մը դրուած կամ պահուած ատեննին: Ասկէ զատ, եթէ իջի մը վրայ քիչ մը ջուր թափուի, տառք՝ որոց վրայ ջուրը կը տարածուի՝ անդարմանելի կերպով կ'եղծանին. և ինչ պիտի ըլլան եթէ պատահամբ տղմի կամ ջրոյ մէջ իյնայ գրչագիր մը: Ուստի պէտք է զգուշանալ, և խնամոտ ձեռաց յանձնել անոնց պահպանութիւնը: Մեծ խնամք ունենալովս առ այդ, ամենայն ջանք և փոյթ ի գործ դրած եմ անոնց անաղարտ մնալուն: Ուրիշ անպատեհութիւն մ'ալ, երբ թանաքը խիստ թանձր ըլլայ. վասն զի մագաղաթէն կամ թղթէն լաւ կերպով չծծուելով, և հետը հաստատապէս չմիանալով, վրան ժամանակ անցնելէն ետքը՝ գիրը կը ջնջուի կամ կը զատուի, ուրիշ բան չիթողլով՝ բայց եթէ անորոշ կամ աննշան հետք տառից:

« Թանաքէն զատ Հայք ուրիշ չորս տեսակ հեղուկ ալ կը գործածած են իրենց գլխագիր առուից գրութեան հա-

մար: Այս չորս հեղուկք՝ այլ և այլ գոյն ունին. կարմիր, մուր կարմիր, ծիրանեգոյն և կապոյտ: Կարմրագոյնք աւելի հեշտեաւ կ'եղծանին. իսկ ծիրանին ու կապոյտ՝ որոց գործածութիւն համեմատաբար ցանցառ է, յերկարատեւք են: Թուղթը թէ՛ ընտիր է և թէ թանձր. յառաջ քան զգրութիւն կը յղկեն ու տողերը գծերով կը նշանակեն. ծծուն թղթոյ ամենեւին հանդիպած չեմ ի հայ գրչագիրս »:

\*  
\* \* \*

Վիլֆոուա մանրամասն կը խօսի Փարիզու մատենադարանին մէջ իր ատեն գտնուած Ճառընտրաց, Յայսմաւուրաց, Քերականութեանց և անոնց մեզի ծանօթ պարունակութեան վրայ. և ի վերջոյ կ'անցնի ճառել հայկական բանաստեղծութեան ու տաղաչափութեան մասին. « Պարզապէս, կ'ըսէ, գաղափար մը եւեթ տալու համար և վեր ի վերոյ կերպով ի գիտութիւն հետաքըննողաց թէ ինչ է և որպիսի բանաստեղծական արուեստ առ Հայս:

« Մագիստրոս կը վկայէ թէ քան զՅոյնս մեծագոյն արուեստի մը կարօտ ենք՝ ոտանաւոր գրելու համար. վասն զի միացած է ի մեզ չափն ու նոյնավերջական յանգ. երկուքը իրարու հետ միաբանեցընելով ախորժալուր ընելու համար՝ մեծ հանճարոյ կարօտութիւն կայ, և գործադրութիւնը դժուարին. բայց այսպիսի արուեստէ մը յառաջ կու գան զարմանալի հատուածք քերթողականք: Մենք տողերը կը վերջացընենք մերթ երկու և մերթ երեք տառիւք՝ որ կը նմանին իրարու երկու տողից մէջ ալ. և այս կերպով կը ձեւանան վեց կամ չորս ոտք ու նեցող տողք:

« Յարաբացւոց, — կը շարունակէ նոյն բանասէր իշխան, — ընդունած ենք այս մեծ արուեստը, և որոյ հետամտութիւն և ուսում՝ յերկար ջանից ու աշխատու-

թեան արգասիք են. վասն զի հարկաւոր է ուսանել նախանոց տառերն, յետոյ լեզուն և քերթողութիւնը:

« Յոյնք չափ կը գործածեն իրենց տողերը կազմելու համար, բայց յանգ չունին. ուր բովանդակ Արաբաց մէջ սովորութիւն եղած է երկուքին ալ հաւասար գործածութիւնը, թէ՛ չափու և թէ՛ յանգաց. հարսանեաց հանդէս մը չի կատարուիր առ նոսա՝ առանց գեղեցիկ և ճոխ քերթուածոց՝ զոր նուիրեն ամուսնաց: — Հայոց մէջ յԱրաբիա գնացողք կը յիշատակուին, բանաստեղծական արուեստ սորվելու նպատակաւ (Սահլ?) ոմն որդի Շապհոյ, զոր այլք քաղդէացի կը համարին, և Ահարոն քահանայ: Սոքա թարգմանիչք էին ի յոյն և յարաբ լեզուաց. պարապեցան նախ ի թարգմանութիւնս բժշկական մատենից. բայց որովհետեւ լաւ չէին հասկընար զիպոկրատ և զԱսկլեպիադ, բռնադատեցան ի թարգմանել գլխաւորութիւն, զտրամաբանութիւն և զիմաստասիրութիւն. յետոյ ի թարգմանութիւն այլ գրոց, մինչեւ լիով լի հմտացան արուեստին: Ամէն անգամ որ կը յաջողէին աւարտել թերթի մը թարգմանութիւնն, կը մատուցանէին զայն առ թագաւորն, որ առատաբար վարձատրելով, մաքուր ոսկով շրջապատել կու տար իրեն ներկայացուած թերթերը:

« Արաբացի ու հայկական բանաստեղծութեան վրայ տրուած այս ընդհանուր գաղափարէն ետքը, Յովհան Երզնկացի, որ ժամանակաւ կրտսեր է քան զՄագիստրոս, իր ձեռքն եղած հեղինակաց խօսքերը մէջ բերելով, իրեք կանոն կ'աւանդէ, որ կը սորվեցընեն թէ ինչպէս ձայնաւորք՝ երկարք ի բնէ, կը սղին. և ինչպէս սուղք բնութեամբ՝ տեղ տեղ կ'երկարին: Այս կանոններն են, նախ՝ ինչպէս երկու վանկով ձեւացած բառի մը վերջին երկձայնն կամ երկբարբառ կը սղի՝ երբ հետեւեալ բառն սուղ միավանկ է: Երկրորդ՝ տարակուսելի ձայնաւոր մը կը սղի, երբ յերկու բաղաձայնից մին որովք կազմած է բառը, նայ կամ կակուղ ըլլայ: Երրորդ՝ երբ երկա-

վանկ բառի մը առաջինն ըլլայ երկար և երկրորդն սուղ : Ուրիշ կանոն կամ ազատութիւն մ'ալ կայ հայկական բանաստեղծութեան մէջ, որով շնորհուած է բառի մը պառլին մասը գնել ի վերջ տողին, և զմիւսն ի սկիզբն երկրորդին :

« Ասոնք են քերթողական առանձնաշնորհութիւնք զոր Հայք առած են յԱրաբաց :

« Մագիստրոս չաւանդեր մեզ թէ ո՛յք են զանազան տեսակք տողից որ գործածական ըլլան Հայոց մէջ : Յիշատակուած կը գտնեմ թէ՛ վեցաչափը և թէ՛ քառաչափ . բայց տասնավանկ ալ գտած եմ, ինչպէս նաեւ իննս-վանկ » :

Զափուց վրայ խօսելէն ետքը, քանի մի դիտողութիւններ կ'ընէ Վիլֆոուա նաեւ նոյնավերջ յանգաց նկատմամբ : « Որովհետեւ, կ'ըսէ, այն ժողովրդոց ծանօթ չէ արական և իգական յանգաց զանազանութիւն, զոր կը տեսնենք ի գաղղիականին, չենք կրնար սպասել որ յանգք փոխուին երկերկու տողից մէջ, ինչպէս առ մեզ : Իրենց թոյլ տրուած է որ տողք շարունակին վերջանալ մի և նոյն յանգով, որչափ հաճոյ երեւնայ քերթողին, բաւական է որ տողք հաւասարաթիւ ըլլան . որով կրնան, եթէ ուզեն, երկու, տասն, քսան՝ երեսուն տողք և աւելի՝ միշտ ի տառով վերջացընել . նոյնպէս նաեւ ել, եւլ, էլ, և այլն :

« Ասիկայ պէտք չէ որ զարմացընէ զմեզ . վասն զի գաղղիական քերթողական արուեստն ալ նոյն ոճով էր ի մետասաներորդ դարու . թերեւս առաջին խաչակրութեան ժամանակ և առթիւ յԱրաբացւոց ընդունուած սովորութիւն մը » :

Մեր քերթողական արուեստին այս համառօտ տեսութենէն, կ'անցնի Վիլֆոուա խօսիլ հայ քերականութեան և անոր հանգամանաց վրայ, զոր աւելորդ կը համարինք մէջ բերել :



Յառաջ ալ յիշեցինք թէ թագաւորական (ազգային) մատենադարանին հայկական գրչագրաց ցուցակն յօրինած է Վիլֆուա, անոնց ամենուն պարունակութեանց համառօտ տեղեկութիւններով: Եւ նախ քանի մի նախարան ծանօթութիւնք դրուած են ի դիւրութիւն և ի գիտութիւն այդ ցուցակը գործածող բանասիրաց, մանաւանդ իր ազգակցացը և ընդհանրապէս ամէն եւրոպացի հայերէնագիտաց. « Զի կրցայ, կ'ըսէ, ըստ փափաքանացս կարգաւորել այդ գրչագիրքն ըստ նիւթոց, կամ հատորներու չափուն և դրից համեմատ. այլ մէկ կողմանէ ինչ որ ինձ կը յանձնուէր, անոնց վրայ քննութիւններս կ'ընէի: Կարելի ալ չէր ուրիշ կերպով վարուիլ, մինչ անոնց բովանդակութեանը լիուլի տեղեկութիւն չունէի:

« Այս գրչագրաց իրարմէ տարբեր ժամանակներ եղած ստացումը զատեցի և որոշեցի, նշանակելով վրանին վթուականն յորում բերուեցան ի մատենադարանն արքունի. բայց որովհետեւ անոնցմէ երկուքը՝ որ Գուպէրի գրատան մէջ եղած ձեռագրաց հետ գնուեցան, շատ ատենէ ի վեր փոխադրուած են ի Քաղղիա, հարկ սեպեցի զանոնք յառաջ նշանակել քան զյետոյ բերեալսն ի Կոստանդնուպոլսոյ յամի 1730:

« Սոյն թուականին ստացուած ձեռագիրներէն շատը կազմուած չըլլալով, ուրիշ դասաւորութիւն մը ըրի ասոնց, առանձինն կրկնակի տառիւք և թուագրովք: — Նշանակեցի իւրաքանչիւրոց գրչութեան դարն ու թուականը: Եւ որովհետեւ բազմաթիւ են գրչութեան թուական չունեցողքն, բաւական սեպեցի ենթադրութեամբ միայն որոշել անոնց ժամանակը կամ դարը: — Գրչագիրքս, բաց յերկուց կամ յերից, էջերը նշանակող թուագիրք ալ չէին կրեր: Այս տաղտկալի աշխատու-

թիւնն ալ ըրի անոնցմէ շատին վրայ, ոչ եթէ՝ ինչպէս առ մեզ սովորութիւն է, ի վերին կողմն իջիցն դնելով զթուահամարս՝ այլ ի ստորեւ, ինչպէս սովոր են ընել Հայք:

« Կը ծանուցանեմ, կ'ըսէ, հայազգի գաղղիագիտաց, որոց ձեռք կրնայ իյնալ իմ այս ցուցակ, որ տեղ տեղ իրենց արդի հնչմանէն խոտորեբ եմ: Այսպէս վարուելուս պատճառ, ձեռագրաց վրայ ըրած քննութիւններովս՝ հին Հայոց ճիշդ հնչման կերպը գտնելս եղած է, մանաւանդ զի Շրօտէր՝ որ հայերէն լեզուն սորված էր բուն ազգային ու հմուտ ուսուցչաց քով, ընդհանրապէս շատ տառից նկատմամբ՝ այս հնչմանց կը հետեւի յիւրում քերականութեան տպագրելոյ յԱմսդերտամ ի 1711):

« Վերջապէս դիտել կու տամ, կ'ըսէ, որ ձեռագրաց գրչութեան թուականն նշանակած ատենս չեմ հետեւած արդի Հայոց սովորութեան, որով հայկական թուականին սկզբնաւորութիւնը Քրիստոսի 551 թուականին կը դնեն. մինչ ես այդ թուէն երկու տարի ետքը դրած եմ, հետեւելով հռչակաւորն Անանիայ Շիրակացոյ հեղինակութեան, որ ի վեցերորդ դարու, նոյն տարւոյն մէջ հաստատեց Հայոց թուականը: Այս վախճանաւ քննեցի՝ հայկական եկեղեցւոյն գործածութեան համար իրմէ կարգադրուած կաղանդացոյցը, և հարկ սեպեցի իրեն հետեւողութեամբ կրկին հաստատել զթուականն՝ որոյ հեղինակն է, ինչպէս միաձայն կը հաւատարմացընեն հին և նոր Հայք: Նորոց այս սխալը՝ Հայոց թուականին սկզբնաւորութիւնը 551 թուականին դնելով, մեծապէս զգալի կ'ըլլայ հետեւեալ օրինակաւ: Կոտֆրուա տը Պոլսոն, Երուսաղեմի տիրեց Հայոց 546 թուականին. եթէ արդի Հայոց մէկուն հարցընես թէ Քրիստոսի ո՞ր թուականին հանդիպեցաւ այդ, 551 թուականն 546 թուոյն վրայ յաւելլով պիտի ըսէ թէ Երուսաղեմի տիրեցին Փռանկը ի 1097 թուականի: Ուր ես Անանիայ

Շիրակացւոյ և Սամուելի Անեցւոյ ժամանակագրութեան հետեւելով՝ որ կ'որոշեն Գաղղիոյ պատմութեան այս փառապանծ թուականն, 553 յաւելլով 546 թուոյն վրայ, պիտի պատասխանեմ թէ Երուսաղեմի առումը հանդիպեցաւ ի 1099, և որ համաձայն է մեր (գաղղիացի) պատմըչաց :

« Դեռ չեմ կրցած հասկընալ թէ ուստի՝ յառաջ կու գայ արդի Հայոց մէջ մուտ գտած այս սխալ, և ինչ աղբիւրէ առնելով 551 ին կը դնեն իրենց թուականին սկզբնաւորութիւնը, մինչ զայն հաստատողը, ինչպէս ըսի, 553 ին կը դնէ, ազգին հաճութեամբ և հրամանաւ սահմանելով մասնաւոր կաղանդացոյց մը, զոր կը գործածեն ցարդ, և յորմէ երբեք խոտորած չեն ազգային գիտնականք » :



Վիլֆռուայի ծանօթ երկասիրութիւնքն, նկատմամբ մեր լեզուին և մատենագրութեան, հետեւեալքն են.

1.<sup>o</sup> Արդէն շատ անգամ մեզմէ յիշատակուած արքունի մատենադարանին մէջ գտնուած հայ ձեռագրաց ցուցակը հետեւեալ խորագրով. Catalogue des manuscrits arméniens de la Bibliothèque de Roy; dressé en 1735, par l'abbé de Villefroy.

2.<sup>o</sup> Remarques sur le Catalogue précédent. Idée des manuscrits les plus intéressants.

Այս երկու գրուածք՝ թարգմանուելով ի լատին հրատարակուեցան ի ցանկի գրչագրաց արքունի մատենադարանին. բայց բուն սկզբնագիրն տպագրեցաւ ի Մոնֆրօնէ ի բազմահմուտ գիրսն Bibliotheca bibliothecæ manuscriptorum, ի 1739, Հատոր Բ. յ'էջ 1015-1027 : Միւս այլ տպագրութիւն Մինեի, ի Nouvelle Encyclopédie Théologique. Dictionnaire des Manuscrits, Հատոր Ա. յ'էջ 1120-1240.



3.<sup>o</sup> Discours préliminaire de la notice des manuscrits arméniens de la Bibl. de Roi: Յարգունական (այժմ ազգային) մատենադարանի ի Փարիզ. Ms. p. XIV. զոր կը յիշատակէ և Գաթրըմէր (է լաւ Լաւորէ):

4.<sup>o</sup> Lettre au R. P.\*\* en lui envoyant une traduction française des cantiques arméniens, composés dans les V. et VI. s. pour les fêtes de la Nativité de S. Jean-Baptiste et du mystère de la Présentation au temple. (Ի Mémoires de Trévoux, 1735, յամսաթերթն օգոստոսի, յ'էջ 689, հանդերձ յառաջարան տեղեկութեամբ զշարականաց: Անդ, յ'էջ 1341-81):

5.<sup>o</sup> Canon de la Nativité de S. Jean Baptiste. որ որ է գաղղիական թարգմանութիւն շարականին Արեւելանն արդարութեան:

Յովհաննու Կարապետին ծննդեան կանոնը՝ Մովսիսի Խորենացւոյ կամ Անանիայ Շիրակացւոյ կ'ընծայէ, և զԽորենացի՝ հեղինակ կը համարի Տեառնընդառաջի տօնին շարականաց:

6.<sup>o</sup> Récit de martyre de S.<sup>t</sup> Christophe (=Քրիստափորի վկային), de la famille de Shanaghloûkh, et de ceux qui ont été immolés par le fer avec lui. Tiré du Ménologe arménien. Manuscrit de la Bibl. du Roi. (Անդ, 1752, յամսաթերթն սեպտեմբերի, յ'էջ 2110):

7.<sup>o</sup> Ոսկերերանի ներբող ի սուրբ Լուսաւորիչն, ի հայ թարգմանութենէն փոխադրեալ ի լատին (Ապրաքսիոսի արանց սկզբնաւորութեամբ ճառն). — (B. Jo. Chrysostomi encomium sancti Gregorii Illuminatoris ex armene lat. versum) և զետեղեալ ընդ անհարազատ գրուածս սուրբ հայրապետին ի Մոնֆորտէ. ի հատ ԺԲ. յ'էջ 822: Opp. gr. et lat. cura et studio Bern. de Montfaucon. Parisiis, 1718-38):



Ջրպետեանն ի յառաջարանի Քերականութեանն կ'աւանդէ ըստ վկայութեան Լուստէի թէ Վիլֆոուս հայերէն քերականութիւն մ'ալ յօրինած ըլլայ: Անշուշտ այս երկասիրութիւնն է որ գրչութեամբ Լուստէի կը պահուի ի մեր մատենադարանի, և որոյ յառաջարանէն քաղեր ենք իր վարուց և հայ ուսմանց տեղեկութիւնները: Գրուածքիս խորագիրն է De la langue arménienne, հմուտ և հետաքննական հառով մը մեր լեզուին վրայ, յորմէ հարկ կը սեպենք հետեւեալ տողերը թարգմանելով մէջ բերել, որովք կը տեսնուի այն մեծ սէրն և համարում զոր ունէր մեր ազգին և մատենագրութեան նկատմամբ:

« Գեղեցիկ դպրութեանց համար մեծ նշանակութիւն ունեցող և շայեկանագոյն դիպաց մէջ, ամենէն աւելի օգտակար կրնանք համարիլ 1730 ին յարեւելից առ մեզ հասած և յանուն Լուդովիկեայ ԺԵ ստացուած յոյն և հայ գրչագրաց հաւաքում մը: Եթէ գրականական ախորժակաց տէր անձինք, որոց զմայլական հաճոյքն է իմաստունն Յունաստան, նորանոր լոյսեր կը յուսան քաղել ի յոյն գրչագրաց, որովք պիտի օգտուի նաեւ հասարակութիւնն ընդհանրապէս, քանիպատիկ յուսոյ առիթ կ'ընծայեն հայ գրչագիրք: Հինն և նուիրական Յունաստան արդէն լիուլի ծանօթ է. իրեն գլխաւոր յիշատակարանք ձեռուրնիս են ի վաղուց, և նորանոր գիւտք որ օր ըստ օրէ կրնան յայտնուիլ, տարալոյս չիկայ որ պիտի ծառայեն աւելի լոյս և կենդանութիւն սփռել այն տեղեկութեանց վրայ, զոր հելլեն հմուտութեամբ անուանի անձինք՝ երեք հարիւր տարիներէ ի վեր մշակեր և դեռ եւս կը մշակեն յԵւրոպա:

« Հայկական գրչագիրք ընդհակառակն նոր մատենագրական աշխարհ մը կը ներկայացընեն մեզ, ուր եւրո-

պաղցի մը տակաւին մուտ գործած չէ, անոր մէջ ամփոփուած ճոխութիւնքը հասարակաց ծանօթացընելու համար: Անոնք որ մինչ մեր ատեններն՝ հաստատած են հոն իրենց բնակութիւնն, առաքելական քարոզիչք, նպատակ և վախճան ունենալով ի կրօնից յանձնուած աշխատութիւն և գործ մը, զայն միայն ունեցեր են տեսակէտ. պաշտամանը գործոյն անհամաձայն գտնելով Հայաստանի Հնութեանց Հիմնովին ուսումնասիրութիւնը, այդ կոչմանէն անդին չեն ուզած անցնիլ:

« Անտարակոյս հանոյական զարմանք մը պիտի ազդէ երբ գիտցուի որ եթէ ծանօթանալու ամէն արժանաւորութիւնն ունեցող ազգ մը կայ, Հայոց ազգն ու երկիրն է: Թերեւս անհաւատալի երեւնայ լսելը թէ Ասիոյ ամենէն հռչականուն ակադէմիայն եղած է գրեթէ հազար տարուան միջոց, Քրիստոսի 440 Թուականէն մինչ յառումն Կոստանդնուպոլսոյ, և որոյ հետեւանք եղաւ ուսմանց և գիտութեանց անկումն ոչ միայն ի Յունաստան, այլ նաեւ ի Հայս:

« Կը համարձակիմ ըսել թէ իններորդ դարէ մինչեւ յերեքսասներորդն՝ Հայաստան կրնար ուսուցիչ ըլլալ երկրիս մեծագոյն մասին, բովանդակ այն միջոցին ճոխացած ըլլալով այնպիսի հռչակաւոր անձնաւորութեամբք որ հմտացեալք էին ամենայն գիտութեանց. աստուածաբանք, սրբազան ճարտարախօսք, քերթողք, իմաստասէրք, եկեղեցական մատենագիրք, պատմաբանք, աստեղաբաշխք, ճարտար Թարգմանիչք, հմուտք ասորի, արաբ, պարսիկ և լատին լեզուաց: Կրնամ իսկ յաւելուլ թէ ոմանք իրենց յարդի քերթողաց այնչափ լաւ ի՛ իմանային հին գաղղիական բարբառը, որ չորեքսասներորդ դարու մեր վիպասանից մէկուն գրուածքը Թարգմանեցին հայ չափական ոտիւք: Սէրը զոր ունեցան Հայք յուսումն գլխաւոր լեզուաց՝ զոր հիմայ իսկ յիշատակեցինք, պէտք է որ նոյն ազգը մեծապէս սիրելի և պատուական ընէ մեզ. վասն զի իրենց իմաստունքը Թարգմանեցին ինչ

որ ընտիր և օգտակար գտան այն լեզուաց գրականութեան մէջ, զհայրենիսն աւանդապահ ընելով ամենազգի իմաստուն մատենից: Հայաստան մէյմ՝ որ ծանօթանայ, այնուհետեւ կը բացուին դրունք արեւելից, և կը յայտնուին մեզ անյուսակի ճոխութիւնք. և եթէ յաջողինք նորանոր գրչագիրք ձեռք բերել, չենք կրնար բացատրել թէ ո՞րչափ և որպիսի լոյս պիտի ընդունինք թէ՛ այս գիտնական ազգին և թէ մերձաւոր ժողովրդոց պատմութեան վրայ » : . . . .

9<sup>0</sup>. Ի մատենին The Bible of every Land կ'ընթեռնունք թէ Վիլֆոուա իր ժամանակին բանասիրաց հետ միախոհութեամբ ձեռք զարկած ըլլայ յամին 1775 ի նոր հրատարակութիւն աստուածաշունչ գրոց, օգտուելով հայ թարգմանութենէն ալ. և թէ իբրու նոյշ մը՝ Ամբակումայմարգարէութեան գիրքը տպագրելով, յետոյ այդ ձեռնարկ խափանուած ըլլայ: Մենք այդ հրատարակութիւնն ալ տեսած չենք:

Քիչ ետք՝ պիտի յիշատակենք այս նկատմամբ Լուստէի ձեռքով եղած աշխատասիրութիւնը:



Հայ պատմութեան և մատենագրութեան մեծապէս օգտակար երկասիրութեան մ'ալ ձեռք զարնելու միտք ունէր Վիլֆոուա: Հայ ձեռագրաց ի Փարիզ և անոնց համառօտ բովանդակութեան նկարագիրն ընելէն ետքը, կ'ըսէ. « Իրաւամբ կրնան պահանջել յինէն՝ այս մեր ծանօթութեանց համառօտութիւն մը, յորում ի մի հաւաքուած տեսնուին ինչ որ կրնայ վերաբերիլ Հայոց մէջ ծաղկած ամէն գիտութեանց և արուեստից: Օրինակ իմն, աստուածաբանական ուսմանց տեսակիտով՝ մէկ գլխակարգութեան մը տակ զետեղեմ՝ իրենց ամէն աստուածաբանքը և անոնց գրուածոց անուանք: Հաճոյիւք պիտի նկատեն իրենց մէջ գտնուած քերթողական երկասիրու-

թիւնք, երգեր, բանաստեղծութեան ֆիացորդք՝ անոնց հեղինակ հայ քերթողաց անուններուն հետ: Հաճոյական պիտի ըլլայ իրենց գիտել համառօտիւ, ի մի գլուխ ամփոփուած, թէ որո՞նք են յունական եկեղեցւոյ այն գրուածներն, զոր Հայք անկորուստ աւանդեցին, և որ տակաւին հրատարակուած չեն: Համոզուած եմ թէ գոհ պիտի ըլլան մեծապէս երբ իմանան թէ արդեօք հայ թարգմանութիւնքը բաղդատեր եմ այն սկզբնագրաց հետ որոց վրայէն փոխադրուած են: Վերջապէս, իրաւամբ կրնան հարցընել ինձ թէ ինչո՞ւ գէթ ցուցակ մը չեմ հրատարակեր Հայաստանի թագաւորաց, և այդ մեծ եկեղեցւոյն պատրիարքաց վրայ ծանօթութիւն մը: Կը խոստովանիմ թէ իմ ընթերցողէս պիտի գանգատէի եթէ չպահանջէր յինէն թէ՛ նշանակածներս և թէ ուրիշ գանազան տեղեկութիւններ, զորս երկար կ'ըլլայ մի առ մի յիշատակել: Բայց կը խնդրեմ իրմէ մտադրել, թէ ինչ որ այժմ այս ամէն նիւթոց վրայ հրատարակուի, կանխահաս պտուղ մի պիտի ըլլայ և անկատար երկասիրութիւն: Նոր լոյսերու կը սպասեմ ի հայ գրչագրաց և ի տպագրաց, զորս տակաւին քննած չեմ, և կատարեալ գործ մը ընծայելու համար, ինչ որ փափաքելի է և կարելի, դեռ մեծ աշխատանք կայ ինձ ընելիք: Բայց որպէս զի ամէնքն համոզուին թէ կ'ուզեմ հասարակաց այս իրաւացի պահանջը գոհացընել, և որ միանգամայն անհրաժեշտ կարեւոր է հայկական մատենագրութեան, թոյլ տրուի ինձ առաջի առնել իմ գաղափարիս ուրուագիծը, եթէ նախախնամութիւն շնորհէ ինձ զմիջոցս առ ի շարունակել զուսուսմասիրութիւն իմ ի վերայ Հայաստանի:

« Հայ լեզուի գրչագրաց և տպագրաց վրայ քննութեանց ատեն երեք նպատակ ունէի. և նախ թագաւորական գրատան հայ ձեռագրաց ցուցակը կարգի վրայ առնուլ, և հետեւաբար ամեն փափաքողաց առջեւ դնել անոնց բովանդակութիւնը. երկրորդ՝ իմ առանձին օ-

գուտս փնտռելով, ետեւէ ըլլալովս այն աշխատանքին՝ լաւագոյն եւս վարժիլ ի հրահանգս նոյն լեզուին, և տեղեկանալ ինչ որ անոր կը վերաբերի. և երրորդ՝ անոնց ամենուն որ այս լեզուին ուսման պիտի պարապին՝ լաւագոյն օրեր և միջոցներ պատրաստել՝ և կարելի եղած լոյսը ընձեռել, որպէս զի ընդհանուր դաշտփար մի ունենան Հայաստանի թէ նուիրական և թէ արտաքին վիճակին վրայ։ Հա՛րկ է աւելցնեմ չորրորդ նպատակ մ'ալ, որոյ առջեւ պէտք չէ անտարբեր մնալ։ Արդեօք հասարակութիւն աւելի հաճոյիւք և օգտակարութեամբ չ'ընդունիր այն երկասիրութիւններն որ ետեւէ ետեւ պիտի ընծայուին, երբ պատրաստուած ըլլան արդէն ընդհանուր և յաճախ մասնաւոր տեղեկութեամբք՝ որոնք մեր այս առաջին մասին մէջ պիտի դրուին իրեն դիմաց։ Այս վախճանաւ յօրինեցի ու կարգի վրայ առի 1730 թուականին ի Կոստանդնուպոլսոյ հասած գրչագրաց վրայ ծանօթութիւններ։ Իսկ հիմայ կը մնայ ինձ՝ գիտութեան ախորժ և սէր ունեցողներն գոհացընելու համար, քննել նախ արքունի մատենադարանին մէջ, 1730 ին ստացմանէն յառաջ գտնուած գրչագիրքը։ Երկրորդ՝ քննել այնուհետեւ սոյն լեզուով եղած Գոլպերեան գրատան մէջ գտնուածներն, որ գեղեցիկ դպրութեանց սիրող ծիրանաւորին ջանիւք փոխադրուեցան յարքունի մատենադարան։ Յետոյ կուգան նոյն լեզուով տպագիրք ոչ միայն յարքունական մատենադարանի, այլ ուր որ կարելի ըլլայ գտնել։ Զորրորդ՝ աչքէ և հետազօտութենէ դուրս չեմ ուզեր թողուլ սրբոյն Վիկտորի գրատան մէջ պահուած քանի մի հայ գրչագիրքը։ Հինգերորդ՝ պիտի խնդրեմ ի Բիւնտոն քահանայէ գրել ի Վենետիկ, ուր Հայք տպարան մը ունին, իրենց լեզուով տպագրուած գրոց ցուցակ մը ուղեւոր։ Պիտի բաղդատեմ ընդ գտելոցն յարքունի մատենադարանի, և կը յուսամ որ Բիւնտոն բարեհաճի տալ բերել ինչ որ պակասի։ Վեցերորդ՝ դուրս պիտի չձգեմ ինչ որ Յոյնք և

Լատինք գրեր են Հայոց նկատմամբ, և այս ամէն գրուածոց վրայ զատ տեղեկութիւններ պիտի տամ: Եօթներորդ պիտի ընթեռնում ի Հայաստան ճանապարհորդութեանց գրքերը և հաւաքեմ ծանօթութիւններ, որոնց նպատակն ըլլայ՝ ճանչցնել ինչ որ ուղիղ է և ստուգապատում, և նշանակել ինչ որ ընդհակառակն անստոյգ է և պակասաւոր այդ երկասիրութեանց մէջ: Չպիտի մոռնամ դիտել տալ, օրինակ իմն, թէ աշխարհիս մէջ զուրցուած ամենէն անհաւատալիւն է ինչ օր Գաւեռնիէ կ'աւանդէ Հայոց մկրտութեան վրայ. և համոզուելու համար բաւական է համեմատել այս խորհրդոյն մատակարարութեան նկատմամբ գրածս (Գ. բ). իրեն պատմածին հետ (Ուղեորութիւն է Պարս, Գիրք Գ, Գլ. բ.) Վերջապէս պիտի խնդրեմ յիմաստնոց որ բարեհաճին օգնել ինձ իրենց լուսովը և հմտութեամբ՝ ընելիք հետազօտութեանցս, անոնց կարգաւորութեան և նիւթերուն ընտրութեան: ... Երբ յաջողի ինձ ի գլուխ հանել այս մտածութիւն, այն ատեն աւելի ընդարձակ ոճով և որոշ հմտութեամբ պիտի խօսիմ հայկական գրոց և անոնց հեղինակաց վրայ » և այլն: Ուրիշ այլեւայլ զբաղմունք՝ չներեցին Վիլֆոուայի այս օգտակար մտածութիւնն ի գործ դնել, որ մեծապէս ձեռնտու պիտի ըլլար՝ նոյն ժամանակին, սիրելի և արգոյ ընծայելով մեր պատմութիւնն ու մատենագրութիւն: Մեռաւ նա ի 1777, ի 4 ապրիլի:

## Ս • Լ ՈՒՌՏԷ

Վիլֆոուայի աշակերտաց մէջ, որոց աւանդեց զուսումն հայ լեզուի, գլխաւորներէն մէկն էր Սիմոն — Պետրոս Լուստէ քահանայն, ծնեալ ի Լիոն իբր ի 1729, և ի 1761 ընտրուած ուսուցիչ երբայականի՝ Վիլֆոուայի

կենդանութեան ատեն, և անոր պաշտաման յաջորդութեան իրաւունքով (survivancier): Իրեն նման համակրութեամբ և եռանդեամբ լի առ լեզու մեր և մատենագրութիւն, մասնաւոր յանձնարարականաւ պետական անձանց Քաղղիոյ՝ յամի 1785 եկաւ ի վանս սրբոյն Ղազարու ի Վենետիկ, ստացած ուսումը ալ աւելի կատարելագործելու նպատակաւ: Յօրինած էր արդէն հայ և լատին ընդարձակ բառգիրք մը, զոր մեր լեզուի աւելի հմտագունից սրբագրութեանն ենթարկել կարեւոր կը համարէր. և այս միւս վախճան մ'էր այդ ճանապարհորդութեան: Ասոնցմէ զատ, իր ժամանակին Քաղղիոյ կառավարութեան քաղաքագիտութիւնը՝ դարերէ ի վեր արեւելից մէջ ստացած և պահպանած ազդեցութիւնն ալ աւելի ամրապնդելու և արդիւնաւոր ընելու դիտմամբ՝ հայկական լեզուի ուսման մասնաւոր աթոռ մը կ'ուզէր հաստատել ի մայրաքաղաքին. և զլուռտէ Ղըրկելով յիտալիա և ի Վենետիկ, կը փափաքէր այդ մտածութիւնը ի գործ դնելու և դիւրացնելու միջոցներու վրայ խորհիլ, Սակայն երկրին մեծ յեղափոխութիւնը՝ որ քիչ ատենէն վրայ հասնելով բռնացաւ, այդ մտածութիւնն ալ նաւակոծեց, ինչուան որ յետոյ ուրիշ առթով և կերպով հաստատուեցաւ նոյն ուսումն ի դպրոցի արեւելեան կենդանի լեզուաց:

Մէկուկէս տարի մնաց Լուռտէ ի Ս. Ղազար, նոյն միջոցին ուրիշ կարեւոր աշխատութեան մ'ալ ձեռք զարնելով: Աստուածաշունչ գրոց հայկական Թարգմանութեան ընտրութեան վրայ սքանչացած, փափաքեցաւ փոխադրել զայն ի լատին լեզու, հանդերձ բաղդատութեամբ ընդ յունին և եբրայականին, և անցընել ի կարգ տպագրելի բազմալեզու Սուրբ Գրոց: Քաթրըմէր, գրիչ իր վարուց, և որ տեսած էր զայդ աշխատութիւն, կը վկայէ թէ երեք միածալ հատորք էին, և կը պահուէին ի մասնաւոր գրատան մարգիդ Ֆորթիայ: Այսպիսի կարեւոր երկասիրութեան մը սկզբնաւորու-



Թիւնն ըրած էր ի վենետիկ, և յառաջ տարած մինչեւ ի վախճան Թագաւորութեանց գրոց, ինչպէս կը վկայեն նաեւ ժամանակագիրք մեր : և յետ դարձին ի Փարիզ շարունակելով զայն՝ երկու հատորը աւարտեց . իսկ զերրորդն ի Լիվոռնոյ ի 1797 : Այս երեք հատորոց մէջ կը բովանդակուէին ամբողջ պատմականք Գրոց Սրբոց, և կը պահուին ցարդ յարքունի մատենադարանի Միւնխենի Պաւարիոյ :

Քալէմքեարեան վարդապետին կազմած նոյն մատենադարանի հայկական ձեռագրաց ցուցակէն կը քաղենք սոյն երկասիրութեան նկարագիրը .

« Թիւ գրչագրին, 19. մեծադիր (35. 5+23 սմ) . երեք հատոր ամբողջ փառակազմ մատենանք : Առաջին հատորին կռնակը ոսկեգիր դրոշմուած Bible arménienne traduite par M. Lourdet. Կողին ներքին երեսը տպագիր զինանշան մը կայ, տակը M. le marquis Fortia, rue de la Rochefaucaud, N. 12 : Կողին թղթին վրայ Ex bibl. Quatr. Գրութեան ճակատն Liber Genesews, Absolutus, die 11 Aprilis, anno Domini 1792. Այս հատորն Մովսիսի հինգ գիրքն է հայերենէ ի լատին թարգմանեալ, առանց բնագրի, ճոխ ծանօթեամբք : Ի վերջոյ . Explicit totus Pentateuchus, Deo favente et protegente Beatissima Virgine Maria, hac ipsa die 2. Decembr. Anni R. S. H. 1793. Ad maiorem Dei gloriam ipsiusque Ecclesia utilitatem.

« Երկրորդ հատորն նոյն զինանշանը, կողին վրայ նոյն գրութիւն : Այս հատորն է Liber Josue. Ի վերջոյ . Explicit liber Josue die 7 Julii, anno Domini 1794. Judicum, libri Ruth. Ի վերջոյ . Explicit liber Ruth die 9bri 21<sup>a</sup>, anno Domini 1794. Libri Regum. Explicit liber 1 Reg. die 16<sup>a</sup> April. 1795. Liber Regum II, III, IV, որմէ ետեւ Ad maiorem Dei gloriam, et auspice Deiparâ Sanctissima Virgine Maria, explicit liber hic Regum quartus Venetiis, anno R. S. H. 1795, die vero Decembris 30<sup>a</sup> .

« Երրորդ Հատոր. նոյն կազմ, զինանշան և այլն: Կը սկսի Paralipomenum, liber Primus, Secundus. յետոյ Deo iuvante absoluti sunt duo libri Paralipomenum, Venetiis, anno R. S. H. 1796 die vero 12<sup>a</sup> Octobris. Յետոյ Libri Esdræ I, II; Libri Nehemiæ; Libri Tobiae die 9<sup>a</sup> mensis Julii, anno R. S. H. 1797. Յետ որոյ Liber Judith. որմէ ետեւ Explicit liber Judith in Livorno, die 7<sup>a</sup> mensis Januarii, anno R. S. H. 1798. Յետոյ Libri Esther. որմէ ետեւ Explicit liber Esther, post quosdam locorum mutationes, die 2<sup>a</sup> Junii, anno R. S. H. 1798. in urbe Florentiæ.

Լուստէի երկասիրածն է նաեւ Հետեւեալն որ կը պահուի նոյն Միւնխենի արքունի գրատան մէջ, և խորագիր կը կրէ. « Գիրք Մննդոց ի Հայէ ի լատին ». Cod. Arm. XX 1785: Մեծ քառածալ (24, 5+18, 5), 216 թուղթ. կանաչ թղթով, խաւաքարտեայ կազմով Հատոր մը, Մննդոց գրոց լատին թարգմանութիւն, մէկ երեսը Հայերէն բնագրով, միւս երեսը լատիներէն: Ինչպէս յառաջարանէն կ'երեւնայ, 1723 ին Մխիթար Աբբա-հօրմէ հրատարակեալ Աստուածաշնչոյ վրայէն է թարգմանութիւնը: Ճակատն է Biblia Sacra. Armeno-Latina, in Supplementum ad Sacra Biblia Polyglotta Waltonis. Genesis. Tomus primus. Auctore Petro Simone Lourdeto, presbytero Parisensi, Regio linguarum Hebraice et Siriace professore, nec non librorum Censore Regio. Parisiis; anno R. S. H. 1785 »:

Այս խորագիր երկու ինչ կը յայտնէ. նախ թէ ինչ վախճանաւ ձեռք զարկեր էր Լուստէ այս դժուարին աշխատանքին, որ չիրականացաւ վերահաս ազգային քաղաքական յուզմամբք. և երկրորդ թէ արեւելեան գրոց քննչի պաշտօնն կը վարէր ի Փարիզ, որով իրեն յանձնուեցաւ Հայ բառգրքի մը քննութիւն՝ զոր հրատարակել կ'ուզէր Հայրն Գաբրիէլ Վիլլաֆորեցի, նախկին առաքելական քարոզիչն, որ երեսուն տարի կե-

ցեր էր ի Հայաստան: Սյս գրուածքն յարմարցուած էր համանման ուրիշ երկասիրութեան մը վրայ, զոր յօրիներ էր հայրն Յովհաննէս Մկրտիչ ի Գեկսիչիոյ, մեծաւոր կարգի վեղարաւորաց ի Հայաստան:

Վիլլաֆորեցի դանգատեցաւ Լուռտէի վրայ, և մեղադրեց թէ իր երկասիրութիւնը երկարատեւն քովը պահելով ընդօրինակած ըլլայ զայն, որպէս զի յետոյ իր անուամբ հրատարակէ: Լուռտէ նեղուած, իր այնչափ խնամքով յօրինած բառգրոց օրինակն առնելով Վիլլաֆորեցւոյ ներկայութեամբ կրակը ձգեց զայն: Իրեք տարի վրան անցնելէն ետքը՝ անխոնջ և բազմավաստակ Լուռտէ քահանայն՝ կրկին յօրինման ձեռք զարկաւ և գլխաւորեց, որ դժբաղդաբար չհրատարակուեցաւ: Ատեն անցնելէն ետքը՝ այս բառգրոց ձեռագիր օրինակը գնոց առաւ Պէլլոյ՝ որ նախկին աշակերտ մ'էր արեւելեան կենդանի լեզուաց դպրոցին:

\*  
\* \*

Ի դարձին ի Փարիզ՝ գաղափարաց մեծ յեղափոխութիւն տեսաւ ի Գաղղիա, գուշակք ապագայ յուզմանց. և զոր առ մերսն գրած թղթոց միոյն մէջ հետեւեալ խօսքերով կ'ականարկէ. « Լուաւ, կ'ըսէ, հայրութիւնդ\* զոր ինչ այժմ չար լինին ի Գաղղիա. ուր եթէ ոչ ողորմեսցէ մեզ Աստուած, ամենայն ինչ ի կորուստ քրիստոնէական հաւատոց սահին օր ըստ օրէ: Ի վաղուց հետէ նոր փիլիսոփայութիւն զօրացաւ, և միասին պակասեցաւ բարեպաշտութիւն առ մեզ: Փիլիսոփայքն՝ ի ձեռն ոմանց չարաչար պաշտօնէից՝ հաւանեցողքին զթագաւորն մեր դարձուցանել ի թագաւորութիւնս ոչ միայն զպրօտեստանդաւ, այլ և զամենայն այլս հերձուածողս:

\* Կը գրէ առ Ստեփանոս վարդապետ Ագոնց, (ապա ընդհանուր արքայաւոր Ուխտին և արքեպիսկոպոս), որ իր ուսուցիչն և աշխատակիցն էր:

Իսկ արքայ մեր, թէպէտ բարեպաշտ, որչափ կարէ բարեպաշտիլ թագաւոր, բայց դիւրաշարժ է և նուաստ մտք. ուստի հնարիւք հանին ի նմանէ ղհրովարտակ, զի առակցեսցին ընդ մեզ ակաթողիկոսք ի թագաւորութեան... Յայսմ ժամանակի թշուառութեանցս սակաւք գտանին ուսումնասէրք » : Ուրիշ նամակի մը մէջ ալ կ'ըսէ. « Ստացայ և աշակերտ հայերէն լեզուի զքահանայ մի, առ ի օգնել թարգմանութեան աստուածաշնչի » : Հաւանականաբար Կառնիէ քահանայն էր սա, որուն յանձնեցաւ ապա երրայական լեզուի ուսուցչութեան աթոռը :

Ոչ աննշան են թուով իր այս հայերէն թղթակցութիւնք ընդ մերսն. և նախագիծ օրինակքն են անշուշտ որոց համար նոյն Գաթրըմէր կ'աւանդէ թէ կը պահուէին ի գրատան Փարիզու, բայց յետոյ ի նորոգ կարգաւորութեանն անհետ եղած ըլլան, չգիտելով թէ ո՛ւր գետեղած է մատենադարանապետն Վան — Պրայէր : — Նամակներէն զատ ձեռուընիս կայ փառիկ քերթուած մը յօրինեալ ի նմանէ ի նուէր հարսանեաց դստեր ազնուական Նանի սեպհոյն վենետկեցւոյ :

Իսկ Հայկոս Բագրոյ (Dictionnaire de la langue arménienne) գրչագիր օրինակը կը պահուի յազգային գրատան Փարիզու \* : — Մեռաւ Լուստէ ի Փլորենտիա, յամի 1799, յ'9 մարտի :

\* \* \*

Միւս այլ աշակերտ Վիլֆոուայի ի Փարիզ եղաւ Պետրոս Տիւֆուր (Du Four), միանձն զոմինիկեան : Իր մէկ լատին նամակէն՝ զոր ուղղած է առ նախահայր Ուխտիս յօգոստոսի 1749 տարւոյն, չգիտնալով իր երջանիկ վախճանը որ հանդիպած էր նոյն տարւոյն ապրիլի

\* Պատմ. հայերէն գրութեանց. Հատ. Բ. 416 :

27 ին, հետեւեալ տողերը կը քաղեմք, « Վէց ամսէ ի վեր, կ'ըսէ, իմ երեք կրօնակիցներովս՝ հայկական լեզուի ուսման կը պարապինք, հրահանգուելով ընդ առաջնորդութեամբ մեծարգոյ Վիլֆոռուս քահանայի, արեւելեան դպրութեանց համալսարանուն ուսուցչին, որ թագաւորական մատենադարանին ամէն հայ գրչագիրքն աչքէ անցուց և անոնց համառօտութիւնն շարագրեց: Ընթերցման կերպը և քերականական կանոններն իրմէ ուսնելով, սաղմոսարանը թարգմանեցինք, որչափ կրնայինք օժանդակիլ Ռիվոլյայ բառգրոց աղքատութենէն: Ետեւէ եղանք ապա Հեթմոյ արքայի մէկ քերթուածը փոխել ի հայէ ի լեզու գաղղիական. և արդէն ի գլուխ հանելով զայն, մեր եռանդը առ մեծագոյնս թեւակոխել կը համարձակեցընէ:

« Հայ լեզուի ուսմամբ զբաղելնուս պատճառը, լոկ հեռաւոր ժողովրդեան մը բարբառոյն գիտութեամբ, այլոց առջեւ ընդունայն համբաւ կամ պարծանք ստանալ չէ. այլ հասարակաց օգուտը, ինչպէս պատշաճական է խոհական և կրօնասէր անձանց. վասն զի ասով միայն աշխատութիւննիս արդիւնաւոր կրնայ ըլլալ: Մեր նպատակն է՝ կրօնիւք և մատենագրութեամբ ձեր նշանաւոր ազգը ծանօթացընել Քաղղիացւոց, և իրեն երկասիրութեանց ընտրելագոյն մասունքը, բարոյականին ընտիր վարդապետութիւնքը, ճարտարխօսութեան սքանչելի կըտորները յեղուլ ի մեր լեզու: Ուստի թախանձանօք կը խնդրենք որ նշանակես մեզ զանուանս և զվաստակ ձեր ընտիր մատենագրաց. զպատմաբանս, զբանաստեղծս, զաստուածաբանս և զսրբազան ճարտարախօսս. վասն զի ասոնց գրուածոց թարգմանութիւնք մեծապէս օգտակար կրնան ըլլալ կրօնից և եկեղեցւոյ:

« Զեր պատմըչաց հայր գիտենք զՄովսէս Խորենացի, որոյ պատմութիւնն արդէն իսկ թարգմանուած է ի Վիստոն եղբարց, բազմադիւնք և մեծարեալք թէ՛ ձեր ազգէն և թէ՛ յօտար գիտնականաց. թէպէտ և այս

Թարգմանութիւն ըստ ամենայնի կատարեալ չէ, ինչպէս լսեք եմ ի Բաղդասարայ Յովհաննիսեան հայազգւոյ, և որ այս առ ձեզ թղթիս առիթ եղաւ: Ձեր մատենագիրն Խորենացի յիրաւի շատ հին, արժանահաւատ և համառօտաբան է. և գաղղիական Թարգմանութիւն մը անտարակոյս մեծապէս հաճոյ պիտի անցնի Քաղղիացւոց: Եւ թէպէտ պատմածներէն շատը սխալ ալ չի համարինք, սակայն չենք ալ գիտեր ինչպէս պաշտպանել զմատենագիրն և իր գրուածը մեր ազգային քննադատից առջեւ, որք բազում ինչ ի նմա իբրու առասպելական կը մերժեն. օրինակ իմն, Արգարու ընդ Յիսուսի ունեցած յարաբերութիւնը. — ունի՞ք արդեօք այնպիսի յիշատակարաններ կամ արձանագրութիւնք, որովք դիւրութեամբ կարելի ըլլայ հերքել հակառակորդաց առարկութիւնները:

« Ունինք յարգունի գրատան քաղաքիս Սրբոյ Լուսաւորչի անուանով քսանուիրեք ճառք, Յովհաննու Երզընկացւոյ ներբողենիւ. սակայն կը տարակուսինք անոնց վաւերականութեան վրայ: — Նոյն տարակոյսն ունինք նաեւ Ս. Գրիգորի Վարդապետ-Նիւն կոչուած գրուածին վրայ:

« Շատ ուրախ եղայ տեսնելով ձեր տաղաչափական մատենագրութիւնքը, որ եբրայական ոտանաւորաց նմանութիւնն ունին, պահելով միանգամայն իրենց ժեսմութիւնն ու փայլը: Կը լսեմ թէ ձեր վարդապետաց մին՝ Ս. Թովմայի Ակուինացւոյ աստուածաբանութեան երկրորդ մասը հայկական ոտանաւորի վերածեր է. կը փափաքէի գիտնալ թէ արդեօք աւարտե՞ր է զամբողջն...»:

Այս թուականէն տասը տարի յառաջ (1739) գրուած նամակ մ'ալ կը գտնենք՝ մօտերս հրատարակուած « Ս. Երուսաղեմի Ժամանակագրական պատմութիւն »\*

\* Երկասիրութիւն Աստուածաբան Եպիսկոպոսի Տ. Յովհաննէսեանց յառաքելական ուխտէ Սրբոց Յակովբեանց. Երուսաղէմ, 1890:

կոչուած հեաաքննութեան արժանաւոր երկասիրութեան մէջ: Գրողն է մեծանուն ծիրանաւորն Յիւսէօրի, ուղղեալ առ Գրիգոր Շղթայակիր պատրիարք Երուսաղէմի, ի լեզու գաղղիական. սակայն ի վերջն կը յաւելու թէ « Զայս նամակ ետու թարգմանել ի բարբառ Հայոց, առ ի ցուցանել ձեզ թէ ծանօթք եմք լեզուի ձերոյ, և ի կիր արկանեմք զայն ի դէպս »: Ի հաւատարիս թարգմանչին լեզուին ուղղութեան և ի ցոյց ծիրանաւորին ունեցած համարման առ ազգն և մատենագրութիւն մեր, աւելորդ չեմք համարիր հետեւեալ տողերն մէջ բերել.

« Մեծ և զգալի մխիթարութեամբ ընկալայ, Տէր, զնամակն ձեր գրեալ յառաջնում աւուր յունվարի ի սոյն ամի: Աքանչացայ ի վերայ փայլուն և բազմահանձար բանիցն՝ զոր ընծայէ չքեղ և մեծավայելուչ բարբառն հայկական... »

« Խնամով պահպանեմք ի փառաւոր գրատան ամենարեպաշտ թագաւոր կայսեր մերոյ զբազմաթիւ երեւելի յիշատակարանս առեալ ի ժողովոց, և զգրեանս առաջին եպիսկոպոսաց ձերոց, որ անմահ փառք են եկեղեցւոյն Հայոց »...:

Հաւանական կ'ենթադրեմք թէ Վիլֆոուայի ըլլայ այս թարգմանութիւն, թերեւս և յօրինուած նամակին. թէ պէտեւ նոյն ատեններն, և յառաջ եւս քան զայդ թուական, պակաս չէին նաեւ Հայ ազգայինք ի մայրաքաղաքին և յայլ քաղաքս Գաղղիոյ, ինչպէս յառաջ մեր տուած քանի մը տեղեկութիւններէն ալ տեսնուեցաւ: Ասոնց վրայ աւելցնենք 1683 ին գրուած յիշատակագիր մի. « Ի թուին Հայոց ՌՃԼԲ՝ Փետրուար ամսոյ երկու աւուրն՝ ես Բաղիչեցի մահտեսի Շահմուրատ զնացի ի Թագաւորանիստ քաղաքն Վերսալիս. տեսայ զթիւթիւնն Յովհաննէս Վարդապետն, Սիսիանցի Զաքարիա Վարդապետն, Հալապցի Ղազարոսի որդի Յովսէփն, Էրզրումցի Յովհաննիսի որդի Գրիգորն, Ղազանճի Մուրատն, Ռսկան Վարդապետի քուերորդի Սողոմոնն: Նաեւ

տեսանք Յրանցայու թագաւորն, գկինն, գորգին և գեղ-  
բայրն, գեղթոր հարսն և զվէգիրն: Տեսանք զսէրայ-  
ներն և զայլ սալթանաթն սէրային. գեղեցիկ շինուածք,  
ոսկեղէն, արծաթեղէն և ճէվահիրեղէն. ութը կամար  
մէկ մէկի վրայ, արծաթեղէն և թուրլու թուրլու ամա-  
րաթով: Եւ մին երկայն սրահ՝ որ է խաղալոյ տեղ, որ  
կէսն շինած է, և զկէսն նոր կը շինէին, որ վեց միլիոն  
խարճ կու գնայր, որ իւր զափուն էր, և ամենայն եր-  
կրի վերայ մէթ աներու տեղ կար: Թահմին արաք որ  
տասնըվեց միլիոնի զարդ կայր », և այլն:

## ԴՊՐՈՑ ԱՐԵՒԵԼԵԱՆ ԿԵՆԴԱՆԻ ԼԵԶՈՒԱՑ

### Ի Փ Ա Ր Ի Զ

Նախընթաց գլուխներուն մէջ խօսելով հայ լեզուի ու-  
սումնասիրութեան բարգաւաճանաց վրայ յարեամուտս,  
յիշատակեցինք իննեւտասներորդ դարէն յառաջ երեւ-  
ցող եւրոպացի հայագէտքը:

Դժուարին չեղաւ մեր այդ աշխատանք, զի սակաւա-  
թիւ էին անոնք, զորս յիշեցինք. ուր աւելի ծանր պի-  
տի ըլլար եթէ ուզենայինք զբաղիլ ազգային հայագի-  
տաց վրայ խօսելով:

« Հայ գրականութիւն, ըսած է Վիկտոր Լանկլուա,  
ի գլուխ Հոյ պատմեաց հաստիճան դրուած յառաջարանին  
մէջ, քրիստոնեայ արեւելից ամենէն աւելի արգասաւոր  
և հետաքննադաններէն մէկը, միայն մեզմէ կէս դար  
յառաջ սկսուած է յեւրոպա լրջաբար ուսումնասիրուիլ:  
Ինչուան այն ատեն Վիլլոտի և Լաբրոզի ջանքերն յօթն-  
եւտասներորդ դարու, և Շրօտէրի, Վիլֆոուայի և  
Վիստոն եղբարց ի յաջորդին, մեծ արգասիք մը յառաջ  
բերած չէին: Պէտք է յառաջ խաղալ մինչեւ ի կէս ութ-



եւտամներորդ դարու, յորում պիտի հանդիպինք առաջին ֆանից հռչականուն Մխիթարայ Սեբաստացւոյ՝ ազգային դպրութեանց վերածնութեան տեսակէտով։ Այս հանճարեղ անձին ձեռքով՝ հայեփփան մտտենագրութիւն յաջողեցաւ իր նախկին պայծառութիւնը միւսանգամ ստանալ. և այս տողերը գրած ատեննիս ալ (1868) դադարած չէ այդ մեծ շարժումը՝ զոր տուաւ Պելոպոնիզայ կամաւոր տարագրեալը՝ ազգային ուսմանց և հետազօտութեանց։ Վենետիկ, Պոլիս, Վիէննա, Փարիզ, Պետերպուրկ, Մոսկուա, Թիֆլիզ, Երուսաղէմ, այս մտաւորական շարժման կեդրոններն են, որ օր ըստ օրէ ալ աւելի կը ծաւալի ու կ'ընդարձակի, և գուշակել կուտայ հայ ազգին համար լաւագոյն օրեր և բազդ ։

Նախ ի Գաղղիոյ կը սկսինք, զի և այլք յարեւմտեան արեւելագիտաց չեն ժխտեր նմա զայս պատիւ, և կը խոստովանին թէ իրն է արդիւնք՝ դարուս հայկական ուսմանց առաջին զարկը տալուն։ Հայագէտն Հ. Հիւպըման՝ ուսուցիչ ի համալսարանին Սթրասպուրկի, կը խոստովանի առ բանասիրական ընկերութիւնն Լանտրայի տուած Տեղեկագրին մէջ (1877, մայիսի 13). դեռ նորերս ալ՝ կէթթինկէի համալսարանին արեւելեան լեզուաց ուսուցիչն, միւս հայագէտն Պաւլոս Տըլակարտ (ի Göttinghische gelehrte Anzeigen ի 15 ապրիլ 1887), ի դրուատելն զՕկիւսթ Գարրիէր՝ ուսուցիչ հայ լեզուի ի դպրոցի արեւելեան կենդանի լեզուաց ի Փարիզ։ Բաւական է առնուլ ի ձեռս գհոյակապ հատորն հրատարակեալ ի 1869 յԱկադիմիոյ Արձանագրութեանց և Գեղեցիկ դպրութեանց, և որոյ խորագիրն է « Հաւաքումն պատմիչաց Խաչակրաց. — վաւերականք հայկականք » համոզուելու համար թէ ինչպէս յարատեւ եղած են միշտ հայկական ուսմունք ի Գաղղիա։ Այդ ընտիր երկասիրութեան հրատարակողն՝ Եդ. Տիւլորիէ 1867 տարւոյն Արուեստահանդիսին առթիւ հրատարակած գրութի մը մէջ այս ուսմանց յառաջխաղացութեան

նկարագիրն տուաւ, ինչպէս և Գարրիէր՝ արդի ուսուցիչն հայ լեզուի և Տիւրքիէի յաջորդն։ Ոչ դոյզն նպաստաւոր եղան մեզ՝ Փարիզու Ասիական ընկերութեան քարտուղարաց Ժ. Մոհլի, Ե. Ռընանի եւ Ճ. Տարմէս-դէդէրի տեղեկագիրք, ինչպէս նաեւ գերման արեւելեան ընկերութեան։



Գաղղիոյ մայրաքաղաքին մէջ արեւելեան կենդանի լեզուաց մասնաւոր դպրոցի մը հաստատութեան ազաւջին գաղափարն ունեցաւ Լ. Մ. Լանկլէս, որ ի 1790 մասնաւոր ուղերձով մը առաջարկեց Ազգային ժողովոյն ցուցրնելով թէ որչափ օգտակար էր հայրենի վաճառականութեան, քաղաքական շահից և դիտութեանց յառաջադիմութեան համար ի Փարիզ կամ ի Մարսէյլ քաղաքաց մէջ հաստատել արար, պարսիկ և տաճիկ լեզուաց համար առանձին ուսուցչութեան աթոռներ, և յանձնել կարող և հմուտ անձանց՝ որ երկարատեմ արեւելք կեցած ըլլալով՝ ընտանեցած ըլլան երկրին բնիկ ժողովրդոց լեզուին և մատենագրութեան, որոնք ամէն առաւօտ քանի մը ժամ հրապարակական դասախօսութիւն ընելու պարտեկան ըլլան։ Այսպիսի առաջարկութեան՝ նոյն 1790 տարւոյն ժողովոյն ընդունելի ըլլալուն հաւանականութիւն չիկար։ Բարեբաղդաբար՝ Լանկլէս այն առաւջին ձախորդութենէն յուսահատող և մտաց խորհրդէն ետ կեցող անձ չէր։

Քանի մի տարի ետքը աւելի բարեպատեհ ժամանակ մի իրեն ներկայացաւ։ Յեղափոխական կառավարութեան բռնած ընթացից բնական հետեւանքով՝ բազմադոյնք ի թարգմանաց հիւպատոսարանացն արեւելից՝ հրաժարեր քաշուեր էին իրենց ծառայութենէն. և նոր լեզուաց դպրոցին գրեթէ բոլոր աշակերտք՝ մեծին Լուգուիկի անունն կրող դպրոցէն ելեր զատուեր էին, որ այն մեծա-

փառ անունը փոխելէն ու Հասարակական գործոց (Col-lège de l'Égalité) կոչուելէն զտա, սկզբանցը ու վարչութեան մէջ ալ զանազան այլափոխութիւններ կրած էր. որով յամին 1795 միայն երկու աշակերտք մնացած էին հոն: Թարգմանաց նուագութիւնն ալ այնչափ զգալի էր, որ պարապ մնացած պաշտամանց համար՝ ընդունակ տն. ձինք գտնել գրեթէ անհնարին էր: Մէկ կողմէն երկրին վաճառականական ու քաղաքական շահն իր պահանջէր՝ այսպիսի դժուարին դիրքի մը դարմանին փութալ. միւս կողմանէ ալ նոր լեզուաց ուսման համար հաստատուած դպրոցը՝ պզտի տղայք ընդունելովը, տէրութեան ստիպողական պիտոյիցը օգնելու խիստ դանդաղ միջոց մը կ'ընծայէր: Հարկ էր փութալ ի հաստատութիւն այն պիսի դպրոցի մը՝ ուր չափահասք քիչ ատենի մէջ կարեւոր ուսումն մը ընդունելով՝ կարող ըլլան հայրենեաց օգտակար ըլլալ, այլեւայլ տեղուանք Թարգմանի պաշտօն կատարելով:

Լանկէս որ 1790 ըրած առաջին փորձէն ետքը տն. գործ կեցած չէր, յարմար ժամանակը գտնելով՝ միւս. անգամ՝ պաշտօնի հասաւ: 1795 տարւոյն սկզբնաւ. բութեան դաշնադրականաց կառավարութեան բազմութիւ պաշտօնէից հետ ունեցած բարեկամական յարաբերութեամբքն օգտուելով, իր նախկին առաջարկութեան մէջ քանի մը փոփոխութիւններ ընելով, կրկին ներկայացոյց զայն Ազգային ժողովոյն. և այս անգամ ընդունելի եղաւ: Ուտի 1795 մարտ 30 վճռեցաւ որ

Ա. Ազգային Մատենադարանին շինութիւն մէջ հասարակական դպրոց մի հաստատուի յուսումն արեւելեան այն կենդանի լեզուաց որ օգտակար ճանչցուին երկրին քաղաքավար տեսչութեան և վաճառականութեան:

Բ. Արեւելեան լեզուաց դպրոցին մէջ պիտի գտնուին ուսուցիչ մը գրաւոր և աշխարհիկ արար լեզուի. ուսուցիչ մը տաճիկ և Թաթար լեզուաց. ուսուցիչ մը պարսիկ և մալայ լեզուաց:



1798 թվականի 11 ին՝ արեւելեան լեզուաց դպրոցին մէջ դրուած ցուցակը կը նշանակէր թէ « հայազգին Ջրպետեան իր լեզուին դասախօսութիւնը պիտի ընէր » : Այս առաջին փորձն՝ արդէն յառաջագոյն սահմանուած լեզուաց ուսման վրայ՝ նոր լեզուի մ'ալ դասախօսութիւնն աւելցընելու՝ միայն երեք տարի տեւեց : Յակոբ Շահան Ջրպետեան եղեսացի՝ քիչ յառաջ հասած էր ի Գաղղիա . և գաղղիական լեզուի ունեցած անբաւականութիւնն՝ չէր ներեր օգտակար կերպով մայրենի լեզուին դասախօսութիւնն ընել իր աշակերտաց : Ուստի և հայկական լեզուի առժամանակեայ ընթացքը վերացուեցաւ (1801) :

Չի բաւ Ջրպետ այդ առաջին անյաջողութեամբ . այլ իր ազգին յատուկ յարատեւութեամբ՝ ամենայն փութով և ջանիւք ետեւէ եղաւ սորվիլ զգաղղիական լեզու : 1806 ին հրատարակեց Փ . Մարդէն արեւելագիտի մը (դոր չէ արժան շփոթել ընդ Սէն-Մարգենի) աջակցութեամբ՝ բոլորովին աննշան ու իմաստնոց համար ամենեւին կարեւորութիւն չունեցող գրուած մը « Հետազօտութիւնք ի վերայ հին պատմութեանն Ասիոյ » (Recherches sur l'histoire ancienne de l'Asie) : Բայց անով կրցաւ հաւաստիք մը տալ՝ գաղղիականին մէջ ըրած յառաջագիմութեան, առաջարկելով որ կարենայ միւսանգամ ձեռք առնուլ հայ լեզուի դասատուութեան ընթացքը . Լանկլէս իր կողմանէ դժուարութիւն մը չունենալը առ այն իմացուց . Հասարակաց կրթութեան նախարարն ալ հակառակութիւն չիցուցուց նոր փորձի մը, և հաճութիւն տուաւ որ առժամանակեայ ընթացք մը սկսի հայ լեզուի յ'8 թվականի 1810 տարւոյն . խոստանալով որ եթէ փորձն յաջողութիւն գտնէ, կարեւորն տնօրինէ հայկական լեզուի ուսման յարատեւ ընթացք մը հաստատելու :

Այս երկրորդ անգամ յաջողեցաւ Զրպետ իր ձեռնարկութեան մէջ: Իր այն ատենուան աշակերտներէն մէկը, Պէլլոյ, հեղինակ «Փորձ հայկական լեզուի» գրոց (Essai sur la langue arménienne) տպագրելոյ ի Փարիզ ի 1812, որ յետոյ եկեղեցական աստիճանի մէջ մտաւ, կը պատմէ թէ Զրպետ հայ ուսման սկզբնաւորութիւնն ըրաւ ի 1811 ի 15 փետր. քսան աշակերտով, յորոց հինգ միայն կրցան յարատեւել. այս հնգին մէջ էին ինքն Պէլլոյ և Ժան-Ա.—Սէն-Մարգէն (1791—1832) որ իրաւամբ իր հայրենակիցներէն մէկէն կոչուած է «Փառք արդի հմտութեան և պարագլուխ հայագիտաց Գաղղիոյ»: 1812 ին հայ լեզուի ուսման վարդապետական աթոռը հաստատուպէս սահմանուեցաւ ի Մոսկուա տրուած կայսերական վճռով մը: Զրպետ նոյն տարւոյն մէջ հրատարակեց «Տեղեկութիւն ի վերայ երկուց հայ գրչագրաց (Թիւ 95 և 99 ի կայսերական մատենադարանին), որ բովանդակեն զպատմութիւն Մատթէի Երիցու, և քաղուած ի պատմագրութենէ անտի վերաբերելոցն առաջին խաչակրութեան, ի հայ և ի գաղ.» (Notice de deux manuscrits arméniens — n. 95 et 99 de la Bibliothèque Impériale —, contenant l'histoire de Mathieu Eretz; et extrait de cette histoire relatifs à la première croisade, en arménien et en français; Paris. = Extrait du tome IX des Notices et extrait de la Bibl. Imp. et autres Bibliothèques =): Այս Թարգմանութիւն հաւատարիմ չէ. վասն զի Զրպետ ջանացած է հեղինակին բնագիրը սրբագրել և ոճը գեղեցկացընել: 1810 ին հրատարակեց «Ընդհանուր նկարագիր Հայաստանի» կոչուած գիրքը (Tableau général de l'Arménie), ու 1816 ին «Խորհուրդք (Թելադրութիւնք) առ Հայս. հարաւային գաւառաց պետութեանն Ռուսաց յաղագս մշակութեան բամբակի» (Conseils aux Arméniens des provinces méridionales de l'empire russe, sur la culture du coton her-

bacé). 1818 ին օժանդակեց հայկական մասին նկատմամբ՝ հետեւեալ երկասիրութեան. « Տեղեկութիւն ի վերայ այժմեան վիճակին Պարսկաստանի, ի լեզու պարսիկ, հայ և գաղղիացի, ի Միր Տաւուս Ծատուրէ, Լանկլեսէ և ի Զրպետ » (Notice sur l'état actuel de la Perse, en persan, arménien et français, par Myr Davoud Zadour, Langlès et Cirbied). 1820 ին Գաղղիոյ Հնագիտաց ընկերութեան Յիշատակտրանաց համար գրեց հատուած մը « Զկառավարութենէ և զկրօնից նախնի Հայոց » խորագրով. (Le Gouvernement et la Religion des anciens Arméniens).



Ինչուան այն ատեն գաղղիացի հայասիրաց գործածութեան համար քերականութիւն մը շարագրուած չէր: Դպրոցին կանոնաց համեմատ, ուսուցիչը պարտական էր յօրինել քերականութիւն մը, և տալ զայն ի տպագրութիւն: Արդէն 1806 էն ի վեր Զրպետ՝ « Հետազօտութիւնք » կոչուած գրոց յառաջարանին մէջ կը ծանուցանէր թէ քերականութեան գիրքն աւարտած էր, Բառգրոց յօրինումն ալ յառաջացած. նոյն քերականութեան վրայ և համեմատ կը դասախօսէր, սակայն թոյլ կը շարժէր ի դործ հրատարակութեանն: Նոյն ատեններն՝ Աւգերեան Հ. Յարութիւն կը հրատարակէր հայանգղիական քերականութիւն մը՝ ծախիւք Լորտ Պայրլնի, ու տեղ տեղ նաեւ սրբագրութեամբք: Ալ պէտք չէր դանդաղիլ. ուստի և բռնադատեցաւ Զրպետ՝ իր շարագրածն ալ տպագրել (1823), մեծ ու անմարսելի հատոր մը, ինչպէս կ'ըսէ Գարբիէր, և լի վրիպակօք: Բարեբաղդաբար՝ Գաղղիոյ մէջ հայերէն լեզուն բարգաւաճ վիճակ մը սկսեւ էր ստանալ: Սէն-Մարգէն արդէն հրատարակեւ էր իր « Յիշատակագիրքը » Հայաստանի վրայ (Mémoires sur l'Arménie 1818-1819) ու

Շէզի և Աբէլ Ռէմիզա արեւելագիտաց աշակցութեամբ հաստատեր էր ի 1822 Ատէֆան ընկերութիւնը, որոյ հրատարակած օրագիրն այնչափ օգտակար եղաւ ապա ի ծաւալել զլոյս ի վերայ արեւելից:



Նոյն ատեն ի Փարիզ կը գտնուէր Կոստանդնուպոլսեցի դիտնական վարդապետն Յովհաննէս Զոհրապեան (1760—1829), որոյ ուսումնական արդեանց վրայ կ'արժէ համառօտ յիշատակութիւն մը ընել:

1791 ին բանասիրական ճանապարհորդութիւն մը ըրեր էր ի Լեհաստան, ուր շատ դարերէ ի վեր հաստատուած հայ գաղթականութիւն մը կար, և յաջողեր էր ի Լէոպոլիս հին գրչագիր մը գտնել 1296 թուականին գրուած, յորում երեքտասան ճառք Փիլոնի երրայեցւոյ՝ հին հայկական թարգմանութեամբ, և որոց իննին յունական սկզբնագիրք կորսուած էին: Վրան քիչ ատեն անցնելէն ետքը տեղեկացաւ՝ թէ նոյն երկասիրութեան ուրիշ հին գրչագիր մ'ալ կայ (գրեալ ի 1298) ի մատենադարանի պատրիարքարանին Հայոց որ ի Պոլիս, զոր ձեռք ձգելով կրցաւ պակասները լրացընել և վրիպակքը ուղղել ի Լեհաստան գտած գրչագրին: Օրինակ մը առաւ սրբոյն Ղազարու մատենադարանին, ուրիշ մ'ալ իրեն քով պահելու համար: 1816 ին իւր այս գիւտը հաղորդեց ուսումնական աշխարհի՝ Անճէլոյ Մայ Միլանու ամբրոսեան մատենադարանի գրապետին հետեւեալ խորագիրն ունեցող գրուածքով մը. « Յաղագս նոր անտիպ գրուածոց Փիլոնի հերրայեցւոյ » (Philo Judæus de virtute ejusque partibus, invenit et interpretatus est Ang. Maius. Preponitur dissertatio cum descriptione librorum aliquot incognitorum Philonis, cumque partibus nonnullis chronici inediti Eusebii Pamphili et aliorum operum notitia; e codicibus armeniacis petita. Mediolani, typis regiis, 1816):

1796 ին Զոհրապեան տպագրեց ի Ս. Ղազարու վանս՝ Մովսիսի Խորենացւոյ Պէտրոսի գիրքը ընտիր ծանօթութեամբ: Այս գրքին վրայ կրկին պիտի դառնանք Ատոլֆ Պաւկարթնէրի երկասիրութեանց վրայ խօսած ատեննիս:

Աշխատած է Զոհրապեան նաեւ Մխիթարեանց յօրինած Հայկազեան նոր բառգրոց վրայ: 1749 ին հրատարակուածին խմբագիր յօրինումը Մխիթարայ արքայի Սեբաստացւոյ ձեռքովն եղած էր, որոյ շարունակութիւնն յանձնեց իր աշակերտաց, և ի մասնաւորի Ա. նանեան Հ. Մկրտչի: Առաջին հատորն հրատարակուեցաւ ի 1749, իսկ երկրորդն՝ քսան տարի ետքը (1769): Նորանոր ձեռագրաց օր ըստ օրէ յայտնուելովը, իմացուեցաւ նաեւ բառգրոց թերութիւնն ու պակասութիւններ. ուստի և յանձնուեցաւ երեք գիտնական վարդապետաց անոր նորոգ խմբագրութեամբն զբաղիլ: Ասոնք էին հարքն՝ Գաբրիէլ Աւետիքեան, որ ամենընտիր հայ քերականութեան մը հեղինակն է, Խաչատուր Սիւրմէլեան և Յովհաննէս Զոհրապեան\*: Այս աշխատակիցք՝ բոլոր ծանօթ գրչագիրներն աչքէ անցընելով, վկայութիւններ պիտի քաղէին: Այսպիսի ծանր աշխատութեան պարապեցան 1784 էն մինչեւ ի 1790, երբ մեծ յեղափոխութեան պատերազմունքն և խռովք՝ շարունակութիւնը խափանեցին: Փաղղիացւոց արշաւանաց ատեն, Պոնափարթ ուզեց սրբոյն Ղազարու Մխիթարեանց ուխտն ալ վերցընել, ինչպէս ուրիշ կրօնաւորական միաբանութիւններն: Զոհրապեան Միլան գնաց, ու միջոցը գտաւ այդ հրամանը խափանելու. և բղեաշխը յանձն-

\* Կը վրիպի Շրումպֆ, Աւգերեան Հ. Մկրտիչ վարդապետը շփոթելով ընդ Զոհրապեանի, և սմա ընծայելով առաջնոյն աշխատեմք արդիւնքը և աշխատանք՝ այդ գրութեան կազմութեանը, յօրինման և լրութեան: Ընդարձակ յառաջաբանին մէջ քիչ խօսքով ակնարկուած են իր կրած դժուարութիւնք:



առաւ եղաւ թողլու զայն « Վենետիկոյ Հայկական ա-  
կադեմիա » անուամբ:



Զոհրապեան ի 1805 հրատարակեց ի Վենետիկ Հին  
և Նոր կտակարանի պատմութիւն մը աշխարհիկ լե-  
զուով, որ մեծ ընդունելութիւն գտնելով յազգին՝ այլ  
և այլ տպագրութիւն ունեցաւ քանի մի տարուան մէջ:  
Ամենուն ծանօթ է որ ի հինգերորդ դարու՝ մեծին Սահա-  
կայ և իմաստնոյն Մեսրոպայ ջանքով, որուն պարտը կան  
ենք Հայկական տառից գիւտը, աստուածաշունչ Ս. Գիրք  
Թարգմանութեան ի հայ, եօթանասնից ընտիր օրինակի  
մը վրայէն՝ զոր փոխ առած էին Կոստանդնուպոլսի  
Մաքսիմիոս պատրիարքէն: Այդ Թարգմանութեան ա-  
ռաջին տպագրութիւնն եղաւ յԱմսդերտամ ի 1686 Ոս-  
կան արքեպիսկոպոսի ձեռքով. որոյ մէջ անցուց նաեւ  
քանի մը գրոց իր սեպհական Թարգմանութիւններն,  
զոր ըրած էր լատին վերկաթայի վրայէն: Նոյնը տպա-  
գրեցաւ ի Պոլիս (1705) և ի Վենետիկ (1733): Զոհ-  
րապեան առաջինն եղաւ որ նոյն գրոց քննադատական  
տպագրութիւն մը հրատարակեց, 1319 թուականը կրող  
գրչագրի մը վրայէն, ուրիշ բազմաթիւ գրչագրաց ըն-  
թերցուածոց տարբերութիւնները նշանակելով ի ստորեւ  
իջիցն իբրեւ ի ծանօթութեան: Այդ գրչագրաց մէջ  
նշանակուած բազմաթիւ աստեղանիշները նկատելով  
հետեւցուց Զոհրապ թէ հայերէն Թարգմանութիւնը  
կատարուած է Որոգինեսի Գեղեթան (Hexapla) օրինա-  
կին վրայէն: Իր կողմանէ ի սկիզբն գրոցն դրուած ընդ-  
հանուր յառաջարաններն՝ կատարեալ օրինակք կրնան  
համարուիլ քննադատութեան: Անվանի (apocryphe) կո-  
չուածներէն ալ՝ մէկ քանին զետեղեց յիւրում տպա-  
գրութեան, և միտք ունէր անոնցմէ դուրս մնացածներն  
ալ աւելցընել: Այս յաւելուածին գրչագիր օրինակն գեռ

պահուած է ի Փարիզ յազգային մատենադարանի. և Պարրիէր անկէ մաս մը հրատարակեց ի 1886 ի *Nouveaux Mélanges orientaux*, Յովսէփայ Գեղեցկին և Ասանթի պատմութիւնը: Ասանթ զուար էր Պուգի-փարայ քրմին եգիպտացւոյ, զոր Փարաւոն հարսնութեան տուաւ Յովսէփայ. Փարաւոնի որդին կ'ուզէր առնուլ զնա յամուսնոյն, փախցընելով. բայց հարսն՝ հաւատարիմ իր պարտուց և սիրոյն, կրկին դարձաւ առ Յովսէփ:

1816 ին Զոհրապ ի լոյս ընծայեց ի Ս. Ղազար մեարդպեան այբուբենից գաղափարքը. իսկ ի 1818 Ա՛նճէլոյ Մայ գիտնականին հետ Եւսեբեայ Ժամանակագրութեան հայերէն ձեռագրին լատին թարգմանութիւնն, ի Միլան, քառածալ, որոյ համար Սէն-Մարգէն « Իմաստնոց » օրագրին մէջ վկայեց թէ կատարեալ ու հաւատարիմ փոխադրութիւն մ'է հայ գրչագրին\*: Հրատարակիչը՝ տպագրութիւնը լմըննալէն ետքը՝ նուիրեց Փարիզի Ասիական ընկերութեան: Տարիներ անցնելէն ետքը՝ (1823) հռչականունն Ճ. Լէփարտի իր կողմանէ ծանօթութիւններ հրատարակեց, հիմ առնելով Վատիկանի 154 թուով ձեռագիր մը: Նոյն 1818 տարւոյն մէջ, Զոհրապի հրատարակութեան զուգաժամանակ, Հ. Մ. Աւգերեան, ուրիշ թարգմանութիւն մ'ալ ի լոյս ընծայեց նոյն գրքին, սրբոյն Ղազարու մատենադարանին ձեռագրին վրայէն, մեղագրելով զԶոհրապ որ իրենց ընկերութեան կանոնաց դէմ վարուած էր, հրատարակելով անկէ վերցուած գրչագիր մը: Այդ խնդրոյն նկատմամբ՝ Յ. Հ. Փեթրմանի պատմածները կրնան գտնել խնդրողք ի յառաջաբանին՝ զոր Շէօնէ դրած է ի սկիզբն իւր թարգմանութեան Եւսեբիոսի (1876): Զոհրապի լատին

\* Սէն-Մարգէնի ա.ս. ենթագրութեան սխալը՝ բաղմամբի օրինակներով հաստատեց Աւգերեան Հ. Մ. վարդապետ՝ իր թարգմանութեան յառաջաբանին մէջ:

Թարգմանութեան երկրորդ տպագրութիւնն եղաւ ի « Հաւաքման Հարց եկեղեցւոյն Յունաց » Միների (Collection Migue des Pères de l'Eglise Grecque), Սամուէլի Անցւոյ Ժամանակագրութեան Թարգմանութեան հետ :



Երբ Զրպետ հրատարակեց իր Քերականութիւնն, Զահրապ ալ ձեռք զարկաւ Լոնտոնի Աստուածաշնչի ընկերութեան առաջարկութեամբ Թարգմանել Նոր կտակարանն յաշխարհիկ լեզու, զոր կը փոփաքէր ընկերութիւնն տպագրել տալ ի Փարիզ, Թարգմանչին հրակողութեամբ : « Ասիական » օրագրի խմբագրութիւնն ուղեց որ Զահրապեան՝ իր Թերթին միջոցաւ հրատարակէ կարծիքն ու տեսութիւնը Զրպետի Քերականութեան վրայ : Հասկընալու համար թէ ինչ ոճով էր այդ քննադատութիւնը, բաւական են հետեւեալ տողերը .

« Չեմ գիտեր թէ այս կարգէ գուրս վարդապետը, որ այդչափ համեստ չափաւորութեամբ խորհուրդներ կու տայ, որ դպրոցի մէջ իր ուսումն քրած է . բայց որ և իցէ կերպով՝ իր ուսուցչին պատիւ չի բերեր . ուրիշներու դաս տալէն աւելի՝ լաւագոյն էր որ ինք միւսանգամ հոն դառնար... Վասն զի այնպիսի սխալներ կ'ընէ, յորոց յետին աշակերտ մ'ալ կը զգուշանայ . երես մը չես գտներ ուր խորթ ոճից և խժարանութեանց չի համարուիր » :

Զրպետ բողոքեց և 40 երես գրուածով մը պատասխանեց այդ քննադատութեան, որոյ խորագիրն էր « Ասիական օրագրի 15<sup>ր</sup> Թերթին մէջ Զրպետեան քերականութեան նկատմամբ հրատարակուած քննադատութեան մը հերքումն, Փարիզ 1823 » . որոյ առանձինն տպագրութեան պատճառը՝ յօդուածին չափազանց երկարութիւնն էր, և « Ասիական » օրագիրն յանձն չառաւ իր Թերթից մէջ ընդունել : Զրպետ այս մերժման

գէժ՝ զանգատեցաւ իր աշակերտ Սէն-Մարգէնին, որ ինքզինքն արդարացուց թէ տեղեկութիւն և մասնակցութիւն չունի. և թէ կ'իմացընէ « Իմաստնոց օրագրին », գիտնալով միանգամայն թէ « Ասիական » վերի վերոյ քննադատութիւններն չընդունիր, բայց իր սրտին փափաքն է որ ճշմարտութիւնն յաղթանակէ: Զոհրապ « Ասիական » օրագրին մէջ երկար պատասխանով մը ցըցուց՝ այլ և այլ օրինակներ մէջ բերելով, թէ ինչպէս այդ գրուածին հեղինակը բազմաթիւ վրիպակներ գործած է, յայտնելով իր անբաւականութիւնն ի քերականական ուսման:

Այն ատեն Զրպետեան ձախողակ խորհրդով մը ներկայացուց իր գրուածը Յ. Գլափրոթի, նամակ մ'ալ ուղղելով առ նա (19 օգոստ. 1823) և ցաւ յայտնելով զինք համամիտ տեսնելուն իր հակառակորդաց հետ: Գլափրոթ առանց քաշուելու փութաց պատասխանել, թէ մանաւանդ բաղդաւոր կը սեպէ ինքզինքը այդպիսի իմաստուն անձանց հետ միաբանելուն, օրով առիթ տրուած է տգիտութեան քօղը պատռել մէկդի ձգել և անհիմն յաւակնութիւնները իրենց բուն արժէից վերածել: Վրայ բերաւ թէ Զրպետեանի նախկին աշխատասիրութիւններն ալ մեծ վստահութիւն մը ազդած չէին նորա հմտութեան և գիտութեան նկատմամբ: Այս նամակն տպագրել տուաւ Գլափրոթ, և այնպէս ղրկեց առ Զրպետ, « որպէս զի մամլոյ յանձնելու նեղութիւնը չիկրես » ըսելով:

Զրպետի համար վերջին հարուած մ'էր այն, ուստի շուզեց այնուհետեւ մնալ ի Փարիզ: 1824 թուականին վերջին հրաաարակութիւն մ'ալ ըրաւ Փաղղիոյ հնագիտական արքունի ընկերութեան յիշատակարանաց մէջ, Դիոնեսիոսի Թրակացոյ քերականութիւնը տպագրելով, որոյ թարգամանութիւնը գտած էր մայրաքաղաքին մատենադարանին 124 և 127 թուանշանները կրող գրչագրաց մէջ: 1826 ին երեք տարուան համար արձակուրդ

ուզեց դառնալու ի Թիֆլիզ . ուր հրաւիրուեր էր քաղաքին Ներսէս արքեպիսկոպոսէն, եւրոպական լեզուաց մասնաւոր դպրոց մը հաստատելու դիտաւորութեամբ : Հոն 1834 ին եղաւ իր մահը :

\*  
\* \*

Երիցեանց՝ իր Առաջին Հայտ նոր երկասիրութեանը մէջ՝ հետեւալ տեղեկութիւններն կուտայ Զրպետի վերջին տարիներուն վրայ (Ա. 562) :

« Դասախօսելով Փարիզի կայսերական ճեմարանում (?) հայերէն լեզուն և գրականութեան պատմութիւնը, Զրպետը տակաւին 1814 թուին ցանկացաւ տեղափոխուիլ Փարիզից Մոսկուայի նոր բացուող Լազարեան ճեմարանը . բայց թէ ինչ պատճառով այդ չի յաջողվեց — յայտնի չէ մեզ : Ներսէսը, 1824 թուին բանալով Թիֆլիզում իւր ուսումնարանը՝ հրաւիրեց Զրպետին գալ այս տեղ տարեկան 2000 ռուբլի ռոճիկով, որ մօտ 8000 ֆրանկ էր գոյացնում : Ըստ պայմանին, այդ գիտնականը պիտի ստանար 500 ֆր. ճանապարհածախս և պիտի տեղափոխէր Թիֆլիզ իւր հարուստ գրատունը ու նուիրէր այդ հաւաքումն Ներսիսի ուսումնարանին : Բաց ի այդ, պայմանաւորուած էին, որ Զրպետը ստանար իւր ռոճիկը այն ամսից երբ դուրս կգար Փարիզից : Ճանապարհածախսը ստանալուց եօթը ամիս անցած նա հազիւ հասաւ Թիֆլիզ, բերելով հետը մի երկու սնդուկ գրքեր : Հարցափորձից երեւաց, որ նա իւր գրքերի մեծ մասը ծախել է Փարիզում, աւելորդ բեռը համարելով դոցա բերելը Թիֆլիզ, որպէս անօգուտ այս տեղի ուսումնարանին համար... Ներսէսը գրկախառն ընդունեցաւ գիտնական պրօֆէսսորին... Սկզբում ամեն ինչ կարգին էր գնում, և Զրպետը եռանդով էր յառաջ տանում իւր դասերը, ընդհանուր յարգանք վայելելով ամէնքից : Բայց երբ Ներսիսի բաղդը փոխուեց, Զրպետն

ալ փոխեց իւր ընթացքը: Նա շարաթներով և ամիսներով այլեւս չէր իջնում դասարանները, թէ և շարունակում էր բնակգլխի նոյն ուսումնարանում և ստանում էր իր ուսնիկը: Սկզբում անձնական հիւանդութիւնն էր պատճառ բերում, իսկ յետոյ բացարձակ յայտնեց, որ պահանջում է խորիմում անցուցած հինգ վեց ամսուայ ուսնիկը, որ Ներսէսը չէր տուած: Ներսէսը իւր գնալիս՝ ուսումնարանի վերատեսչութիւնը թողեց Ալամդարեանի ձեռքին. իսկ իւր բարեկամ Գէորգ աղա Արծրունուն և Յարութիւն Շերմազանեանին յանձնեց տընտեսական մասը... Սոքա հրաժարուեցին կատարել Զրպետի պահանջմունքը, և գրեցին Ներսիսին»։...

Բայց կայսրը 1830 ին շնորհեց Զրպետի 500 ուրլի թռչակ, որպէս ի վարձատրութիւն:

Իսկ Զոհրապ ձեռնտու եղաւ Սէն-Մարգէնի ի հրատարակութիւն գաղղիական թարգմանութեան Վարդանայ ընտիր առական՝ Ասիական ընկերութեան համար: Նոյն ընկերութեան առաջարկեց և 1828 ին տպագրեց Ներսիսի Կլայեցւոյ ողբը յառում Եդեսիա քաղաքի յԱրաբացւոց, որուն տիրեցին Սարակինոսը 1143 թուականին, գտնելով գրքերթուածն յարքունի մատենադարանի, 80 թուանիչը ունեցող հայ գրչագրի մը մէջ:

Մեռաւ Զոհրապ ի Վերսայլ 1829 մայիս 8 ին, կտակելով Ասիական ընկերութեան 500 ֆռ. գումար մը: Ժամանակին նախարարապետը Կիզոյ՝ գերեզմանին վրայ հայերէն ու գաղղիարէն արձանագիր մը դնել հրամայեց:

Հայագէտն Եւգինէոս Պորէ « Ասիական » օրագրին մէջ (1835, հատ. ԺԵ. էջ 572-76) հետեւեալ գովում թեան խօսքերով կը դրուատէ զԶոհրապ. « Երախտապարտ ըլլալու ենք իր յիշատակին՝ որ այնչափ նշանաւոր էր իր ազգային լեզուին և անոր հմտութեան մէջ. և շնորհակալութիւննիս յայտնել յանուն այն երիտասարդ հայագէտների որոնց թիւը օր ըստ օրէ աճելու վրայ է ի

Գաղղիա: Վասն զի Հայոց գրականութեան նկատմամբ աշխատողաց մէջ ամենէն արդիւնաւորներէն մէն է այս գիտնականը, և իր երկասիրութիւններն կը կրեն զկնիք խզճամիտ և բուն գիտութեան »:



Ասոնք են գաղղիացի Շրումպֆ Հայագէտ բանասիրին Ջրպետի և իր ժամանակին անցից վրայ հաւաքած և աւանգած տեղեկութիւններն: Առանց ուզելու իր արժանիքէն վեր գիտութիւն և արդիւնք մը ընծայել Ջրպետի, մեզի կ'երեւի թէ նոյն ատենուան տիրող բանասիրական կուսակցութեան ոգւոյն հետեւանք մը եղած է գրեթէ բռնադատուիլը թողուլ զուսուցչութիւն հայ լեզուի ի նորահաստատ դպրոցին արեւելեան լեզուաց Փարիզու. և իրեն դէմ ցուցուած հակառակութեան գլխաւոր պատճառը կամ այն էր որ նոյն պաշտաման հետամուտք պակաս չէին, և կամ գաղղիացւոյ մը կը փափաքէին որ յանձնուի այն, ինչպէս դպրոցին սահմանադրութիւնը կը թուէր պահանջել, նախամեծար սեպելով քան զօտարս: Սակայն հարկ է խոստովանիլ թէ իր արդիւնքն ունի Ջրպետ, հայ լեզուի ուսման ներմուծման և յառաջագիմութեանն ի մայրաքաղաքին Գաղղիոյ:

Մեր այս ենթադրութիւնը կ'արդարացընէ իր յաջորդներէն մէկը, Տիւլորիէ, հետեւեալ խօսքերով. «Նշաւաւոր էր նա, կ'ըսէ, զարգացեալ և գործունեայ հանճարով. իր աշխարհին պատմութեան և գրականութեան ոչ անտեղեակ. միայն՝ ինչպէս շատք յարեւելեայց, չունէր այն քննադատական ոգին՝ ինչ մտքով որ մեք եւրոպեանք կը հասկընանք, և աւելի ընտանի ըլլալով հայ արդի լեզուին, քան հնոյն և գիտնականին: Այս բարեմասնութիւնք և թերութիւնք յայտնի կը նշմարուին 1823 ին հրատարակած մեծահատոր Քերականութեանը մէջ, զոր ոչ այնչափ գիտնական ոճով հաւաքեր է ի համ-

անուն գրութեանց Միքայէլ Զամչեան և Գաբրիէլ Աւետիքեան Մխիթարեան հարց: Բայց յայնմ ժամանակի այս նկատմամբ տարրական ուրիշ երկասիրութիւն մը չըլլալուն, համեմատական օգտակարութիւն մը ունէր այս գրուածք՝ զոր չճանչնալ՝ անարդարութիւն է: Յունական հնութեանց յիշատակարաններէն մէկը, զորս Հայք իւրացուցին, Դիոնեսիոսի Թրակացւոյ քերականութիւնն է, հաւանականաբար շարագրուած ի Հռովմ, ուր յաւուրս Պոմպէի և Կեսարու կը վարժապետէր հեղինակն: Գրքիս Թարգմանութեան ատեն զանազան յաւելուածներ եղած են անդատին ի հինգերորդ դարէ, հայ լեզուի յարմարցընելու նպատակաւ: Զրպետ (Փարիզի) արքունի մատենադարանին երկու գրչագրացը մէջ՝ այս Թարգմանութեան մասն մը գտաւ ընդարձակագոյն քան զհատուածս բնագրին զոր Փարբիկիոս հրատարակած էր յեօթներորդ հատորի յոյն Մատենադարանին, զոր տպագրութեամբ ի լոյս ընծայելով ճոխացոյց Փաղզիոյ հնագիտաց ժողովոյն՝ որոյ անգամ էր, Յիշատակարանաց հաւաքումը »:

Յառաջ բերենք՝ առ բարեկամս իւր ուղղած քանի մը նամակներէն, զոր ունինք, հետեւեալ տեղեկութիւններն, որ չեն պակաս հետաքննականք ըլլալէն՝ հայկական լեզուի աթոռոյ հաստատութեան և գէթ նոյն ժամանակաց համար յառաջ բերած արդեանց վրայ: Իրեն քիչ պատիւ չէ Սէն-Մարգէնի նման ուսումնական և բազմահմուտ հայագէտ մը նախ իրեն աշակերտ ու ապա աշխատակից ունենալը:

Յ' 12 դեկտեմբ. 1812 տարւոյն կը գրէ. « Զհաստատութենէ դպրոցի հայկազեան բարբառոյ՝ դեռ զոչինչ գրեցի. և այս վասն ոչ գիտելոյ իմ և եւս զորպիսութիւն ապագայ ելից նորուն. այլ այժմ յորդորիմ ծանուցանել աստ ստուգութեամբ ինչ. զառաջինն հաստատեալ այս դպրոց յ'3 հոկտեմբերի 1809 հրամանաւ նախարարին ներքնային իրաց տէրութեանս, բարձեալ եւ



ղեւ ի նմանէ զկնի չորից ամաց, իբր ոչ յոյժ պիտանի, պատճառաւ ոչ ունելոյ Հայոցս զիշխանութիւն թագաւորական. ապա յ'8 դեկտեմբերի 1810 ժամանակեայ հաստատութեամբ՝ որպէս նախկինն, կրկին անգամ վերստին հաստատեցաւ հրամանաւ նոյն նախարարութեան իբր հարկաւոր իմն լեզու յինչ ինչ իբր: Վերջապէս յետ կրելոյ և միանգամայն յաղթելոյ բազում ընդդիմութեանց ցուցակօք գրուածոց՝ հաստատեալ եղեւ սոյն դպրոց ի 27 փետրուարի տարւոյս հրովարտակաւ կայսեր՝ որպէս օրէնք. և այնպէս կարգեցաւ ուսումն լեզուին մերոյ՝ համադաս ընդ լեզուացն տաճկաց, պարսից և արաբացոց՝ որք բաղկացուցանեն զվարժարանն արեւելեան բարբառօց, կարգեալ ի պէտս քաղաքական և վաճառականական առընչութեանց »:

Ի 4 փետր. (1815). « Դպրութիւն լեզուի մերոյ և գրականութեան՝ վերաճանաչեալ ի տէրութենէ և ի համալսարանէ ազգին՝ ըստ որում լեզու սուրբ, բուն և հնագոյն, սկսեալ եղեւ ի սկսանիլ դպրական ամի, միշտ ի նոյն դպրոցի, որոյ նպատակն է ուսումն լեզուաց և իրակութեանց դիւանաց արեւելեան ազգաց: Շնորհապարտ մնամք առ ազգս այս արդարեւ, որ յարտաքսելն ի դպրոցէս զդպրութիւն յունական լեզուի և յունագնեայ վարժապետի, զմերայինս պահել յօժարեցաւ ի մասնաւոր իմն շնորհ առ մեզ, և ի պատճառս բարեբարոյութեան ազգին մերոյ, և յառաջադիմութեան հաւատարիմ գրականութեան արեւելեան աշխարհաց »:

Ուրիշ նամակի մը մէջ ալ. (22 դեկտ. 1815). « Յարգութիւն հայկական գրագիտութեան և ծանօթութիւն լեզուի մերոյ յաւելանան աստ հետզհետէ. կարգեալ գոլով ի թէութենէ իմն՝ որ աւելի ի յառաջադիմութիւն հրապուրէ, քան յընդ կրօնկն դառնալ. վասն որոյ խնդրեն զինչ և իցէ հայկազեան գրեանս ընտրողաբար, մանաւանդ զայնս որ վերաբերին ի գիտութիւն լեզուի, տաղաչափութեան, պատմութեան, աշխարհագրութեան,

Հնախօսութեան և այլ արտաքին բանասիրութեանց, նաեւ ոմանց եկեղեցական գրականութեանց... Ազգս այս բնուստ գործունեայ և յօժարակամ ի փոխել կամ ի յաւելլուլ զնպատակս մտաւորական կրից առ ի չերելիլ ստորին, աւելի աժխոյժութեամբ երկասիրէ զգիտութիւնս: Յայտնի է թէ կաճառք գրագիտացն Եւրոպիոյ՝ իւրեանցն սեպհական արդեամբք զբազումս արգասաւորութիւնս և զվերականգնումն անուան և գրագիտութեան յունաց համբարեցին, մինչեւ տալ իսկ նոցա զգիւրութիւն և զյորդոր ի յուսմունս: Ապա քանի՜ հաճոյական լինէր ձեզ և մեզ, եթէ գրականութեան ազգի մերոյ և եւս այսպիսւոյ իմն վիճակի էր հանգիպեալ կամ մերձեցեալ...

« Զդպրոց մեր միշտ հաստատուն ի նոյնութեան՝ բացեալ ի հինգ ամսոյս՝ յետ զբաւելոյ զսովորական արձակուրդ ժամանակս՝ սկսաք զկարգ դասատուութեանց: Յ'9 ամսոյս ընտրեալ եղէ անդամ գործակալ ճեմարանին Թագաւորական ընկերութեան հնագիտաց Փաղղիոյ (Académie de la Société royale des Antiquaires de France). ապա յ'18 ընկալայ զհրովարտակն, ի յ'19 զընդունումն ըստ սովորութեան: Ճեմարանս ի հնումն կոչէր Կեղտեմ (Académie Celtique), և ի 1805 ընկալաւ զնոր սահմանադրութիւնս և զբազում ընդարձակութիւնս. և ի 1816 զայլ Թագաւորական արտունութիւնս: Վարժարանն հնութեան և յիշատակարանաց Փաղղիոյ (Le Musée des Antiquités et des Monuments français) է ընդ պահպանութեամբ նորա, յորում է և դամբարանն երանելի հոգւոյ Թագաւորին մերոյ Լեւոնի Զ. ճեմարանն պարապի հասարակօրէն ի վերայ հնագիտութեանց, պատմութեանց, աշխարհագրութեանց, յիշատակարանաց, ժամանակագրութեանց և այլ բազում բանասիրական հմտութեանց »:



Այս նամակը ուղղեալ են առ մեծարգոյ Աւետիքեան վարդապետն մեր, որ և առ նոյն Զրպետեան ուսուցիչ ուղղեալ Թղթով մը (1811, նոյեմբ. 11) կը փափաքէր գիտնալ թէ « Յակնարկել մեր զԲառարան երեւելի աւրանց, տեսաք ինչ ինչ պատմական կամ գրաբանական ի յօդուածսն մատակարարեալս ի ձէնջ՝ անծանօթս ի մէնջ մինչեւ ցայժմ, և ոչ հանդիպեալ ի յիշատակարանսն գտեալս առ մեզ. նմին իրի ցանկալի էր մեզ լսել զուստն, կամ զյորմէն: Օրինակի աղագաւ, յիշեսցուք զեղեալն ի յօդուածն Աբշոն, մի յաշակերտաց Թարգմանչացն, զորմէ ասի Թարգմանեալ զգործ մեծին Աթանասի, և ճառ մի ընդդէմ կրակապաշտութեան, և մի ի վերայ սրբոյն Պաւղոսի, և մի ի Համբարձումն Քրիստոսի: Այլ և ի յօդուածն Ղալաբիկ, ասի սորա Թարգմանեալ զժամանակագրութիւն Յուլեայ Ափրիկանոսի, և այլ եւս գործք: Զայսոսիկ և զայսպիսիս, որոց յիշատակ չերեւի ի մերում գրատան, և ոչ այդր ի կայսերականն կամ ի Թագաւորականն, ցանկայաք իմանալ յորո՞ց աղբերաց տեղեկացեալ ձեր, և կամ եթէ կայցէ՞ յիշատակ ի գրատունս որք այդր, և մոռացումն լեալ իցէ նշանակել ի Բառարանին, ինդրեմք շնորհել մեզ տեղեկութիւն »:

Առ որ կը պատասխանէ Զրպետ նոյն տարւոյն դեկտ. 20 ին գրած նամական. « Վասն տեղեկութեանցն զոր ցանկայք գիտել թէ ուստի՞ կամ յօրմէ մատենէ հանեալ իցէ իմ զյիշատակարանս ոմանց գրուածոց և Թարգմանութեանց Արձան և Ղաղարիկ Թարգմանչաց մերոց՝ որպէս և այլոց, պարտիմ ծանուցանել թէ յոչինչ մատենէ կայսերական գրատան ունիմ զայնս, այլ ի հատուկտիր բանից ինչ Թողեալ ի վերայ Հայոցս՝ ի Հ. Մկրտչէ ումեմնէ Գաբրիէլեան ի կարգէ գաբուչինաց,

որ երեւի աւելի վարժեալ ի հայկական գրչութիւնս՝ քան զայլ օտարազնեայս. որ արար զբառարան ինչ ի հայ լեզուէ ի լատին և յիտալական լեզուս, և զայլ իմն բառարան ի լատինականէ ի հայ: Գրեանք սորա՝ թէ՛ ձեռագիր և թէ՛ տպեալ, անցին նախ ի ձեռս Հ. Գ. Վիլլաֆորայ, ապա գրեան երկոցունց սոցա, զորս Լուստէ տեսեալ է, որպէս և բառգիրք երկրորդ անձինս... միանգամայն և ուրուագիծ ծանօթութիւնք ի վերայ ձեռագիր մատենից Հայոց թողեալ ի Վիլֆուուս հայասիրէն, և այլ ինչ մանրակատար բանք մինչեւ նամակք եւս անցին ի ձեռս իմ, և Մարդէն անուն աշակերտին իմոյ: Այլ վերոյիշեալ հատուկտիր գրուածն՝ յինն երեսս պարունակեալ, տայ զանուանս անձանց և գրուածոց հարիւր տասն հեղինակաց Հայոց »:

Հարցմունք մ'ալ կ'ընէ նոյն իր բազմահմուտ թղթակցին. « Յանկամ յոյժ, կ'ըսէ, ծանօթ առնել զիս եթէ տեսեա՞մ է ձեր զդոյզն ինչ վկայութիւն ի յոյն կամ յարաբացի հեղինակս՝ արքայ արքայից անուանելոյ ոմանց թագաւորաց մերոց Բագրատունեաց. զի որպէս յայտ է ձերումդ իմաստութեան՝ Զմէկիկ հայկազն կայսր ի նամակին որ առ Մատթէի եղեսացւոյ՝ զայս վերտառութիւն տայ թագաւորին մերոյ Աշոտոյ երրորդի. այլ ոմն ի համալսարանէ տեղւոյս՝ ինձ մեծապէս ծանօթ և բարեկամութեամբ լծակցեալ, ընթերցեալ զայս բան ի թարգմանեալն յայն նամակ, գրեաց յանցեալ աւուրս զերկար թուղթ ինչ առ Մարդէն աշակերտն, ցուցանելով անկարելի իմն լինել գոռոզութեան յունաց՝ տալ զայնպիսի իմն վերտառութիւն արքայից Հայոց, մինչեւ յերկրայս դնել զհարազաաութիւն բարեմիտ մատենադրին մերոյ Մատթէոսի երիցու. և հայասէրն Մարդէն բերեալ մատոյց ինձ վաղվաղակի զայն թուղթ. որում փութացայ տալ զպատասխանի... այլ ցանկամ նորոգել զայս բան յայլում տեղւոյ՝ վկայութեամբ օտարասեռից եւս: Փափաքելի է ինձ դարձեալ գիտել թէ իցէ՞ ի

ձեզ արգելօք ծանօթութիւն ինչ ի վերայ դրամոց տպելոց յանուն թագաւորացն մերոց Բագրատունեաց և Աղուանից » :

Այս հարցասիրութեանն ալ հետեւեալ պատասխանը կ'ընդունի (6 մայիս, 1812) . « Ընդ նախընծայ պատուա հայասէր աշակերտացդ՝ ուրախութիւն յոյժ ընկալաք, իբրեւ ընդ երախայրիս բազմաջան մշակութեան վարժապետիդ : Հաճութեամբ սրտի տեսանել ախորժեմք զթարգմանութիւն նամակի Չմշկիկ կայսեր առ մերս Աշոտ Թագաւոր . այլ ոչ զարմացաք ընդ դիմադրութիւն իմաստնոյ ուրումն համալսարանի քաղաքիդ՝ յաղագս արտայնջ արտայ կոչելոյ հռոմին զհայն . ոչ անսովոր է անհնազէտս՝ յուզել խնդիրս և վէճս կամաւորականս յառաւելութիւն բացայայտութեան առաջիկայ իրացն . որպէս կարծեմք և իմաստնոյ առնդ յայտմ պատճառէ շարժել զընդդիմաբանութիւնն . ոչ ապացոյցս ինչ պատմականս ունելով ի ձեռին, այլ միայն յազգային բարուցն յունաց առեալ պատճառաբանութիւն : Վայելչաբար ցուցեալ է ձեր զանկեղծութիւն բանից նամակին ի հարազատ պատմագրաց մերոց, առաջի արարեալ զբնաւորութիւնս ազգիս՝ անպարծ լինել յիւրական պատմութիւնսն, գուցէ առաւել փոքրկացուցեալ քան զարժանն, ուր ընդ հակառակն յունաց և հռովմայեցւոց սեպհական տեսանեմք ի պատմութիւնս ազգաց իւրեանց թուցանել զգրիչս ի վեր քան զգլուխ պատմելեացն :

« Իսկ զոր հարցանէք՝ յիշատակս ինչ հաստատութեան ունել այսր վերտառութեան, ահա յերկու յոյն մատենագիրս գտանեմք յունական բառիւ զնոյն իմաստս . որոց պատմագրելով զերթն Աշոտոյ Բ ի Կոստանդնուպոլիս, կոչեն զնա որդի դոս արիմոս դոս արիմոս որ է ըստ հայունսն իշխանաց իշխանին :

« Ապա եթէ յազգային բարուց կամիցիմք խորհրդաբանել, թող անկարելի համարեսցի զոռոգութեան յունաց իշխանաց իշխան մակադրել զհայն : Սակայն գիտացէ

զի Յովհաննէս Չմշկիկ ոչ էր յոյն արեամբ, այլ հայկազն. և իբրեւ ազատ ի յունական բարուց՝ ոչ անպատիւ ինքեան համարէր՝ զիւրն համազգի պատուաբանել: Թողում ասել զի յԱշոտայ երկրորդէ սկսեալ էր ըստ այլազգեաց Շահանշահ անուանել զԲագրատունի թագաւորս մեր, և Չմշկիկ կայսր ըստ ընկալեալ սովորութեանն մականուանէր զԱշոտ Գ:...

« Այլ առ երկրորդ հարցուածդ՝ որ յաղագս դրամոց Բագրատունեացն և Աղուանից, ոչ ունիմք տալ բնաւ ծանօթութիւնս ինչ փափաքելիս: այլ՝ որպէս յուսադրութիւն է՝ թերեւս այն որ զիշխանութիւն ժամանակաց ունի ի ձեռին, յերեւան ածիցէ յերբեմն ժամանակի ի շտեմարանաց աւերակացն Հայաստանի »:

Այսչափ ինչ, իբր փշուրք 'ի մեր մատենադարանաց, ի հաւաստիս հմտութեան և բանասէր ախորժակաց Զրպետի:



Կը մնայ մեզ քանի մը խօսք աւելցնել իր երկասիրած Հայ լեզուի քերականութեան վրայ, զոր չենք համարիր անստգտանելի. միայն անաչառ քննադատից կը յիշեցնենք թէ զրեթէ առաջին փորձ մ'է մեր լեզուն հիմնաբար ծանօթացընելու արեւմտից, և որոյ մէջ է իւր գլխաւոր արժէքը և հեղինակին արդիւնքը:

Գիրքը հրատարակուած է ի Փարիզ, ի 1823, հետեւեալ գաղղիական և հայ խորագրով. *Grammaire de la langue Arménienne, où l'on expose les principes et les règles de la langue, d'après les meilleurs grammairiens, et les auteurs originaux, et suivant les usages particuliers de l'idiome Haïkien; rédigée pour les Elèves de l'Ecole Royale et spécial des langues orientales vivantes, près la Bibliothèque du Roi; par J. Ch. Cirbied, Arménien, professeur royal de lan-*

gue arménienne en la même Ecole, etc. « Քերականութիւն Արամեան լեզուի, յորում բացատրին սկզբունք և կանոնք Արամեան լեզուին ըստ հեղինակութեան ընտրելագոյն Քերթողաց, ուղղախօս Մատենագրաց և սեպհական սովորութեանց հայկական բարբառոյ, յօրինեալ ի պէտս ուսման աշակերտացն արքայական և մասնաւոր Գպրոցի արեւելեան լեզուաց Թագաւորական Գրատան, ի Յակովբայ Շահան Զրպետեան յեղեսացւոյ» և այլն:

Ի սկիզբն գրոցն գրուած յընդարձակ յառաջաբանին կ'ըսէ (յ'էջ 47). « Գրեթէ դարէ մը ի վեր հայկական լեզուի օգտակարութիւնը ճանչցուեցաւ ի բազմաց, և մանաւանդ յիմաստնոց Փաղղիոյ, Գերմանիոյ և Անգլիոյ. սակայն մշակութիւնն խիստ անկատար կերպով եղած է: Ոմանք յոյժ թեթեւաբար կը դատէին, ինքզինքնին բաւական հմտացած կարծելով, երբ հազիւ ընթերցումը գիտէին և քանի մը բառից նշանակութիւնը: Այլ իմաստնագոյնք և առաւել լուսամիտք, խելամուտք էին թէ յորում է լեզուի մը ծանօթութիւնը, և թէ ինչ պէտք է զայն ձեռք բերելու համար, սակայն իրենց ալ ամէն հարկաւոր միջոց կը պակսէր, իրենց դէմ ելած արգելից յաղթելով, յաջողութեամբ և օգտիւ մշակելու զհայկականն: Այդ նպատակին հասնելու համար չունէին ընտիր բառգիրք մը լատին կամ գաղղիական բացատրութեամբ, և ոչ կատարեալ քերականութիւն մը որով կարող ըլլան ծանօթանալ լեզուին սկզբանց, կանոններուն և ոճից: Գիտնականքն Վիլլոտ, Պրէննէր, Շրօտէր, Վիստոն եղբարք, Վիլֆոուա, Լոււտէ, կը խոստովանին կրած դժուարութիւնն, և այն աշխատանք զոր ունեցեր են՝ հայ մատենագիրներն քիչ շատ հասկընալու համար: Հայագիտաց մէջ՝ ամենէն աւելի այդ աշխարհին մատենագրաց ընտանեցողը, զանոնք լաւ հաւկըցողը, ըստ մեզ է առաքինի և համեստ քահանայն Վիլֆոուա. իմաստուն արեւելագէտն, որ անցեալ դա-

րուն կիսուն մանրամասն ցուցակ մը յօրինեց (Փարիզու) արքունի մատենադարանին մէջ գտնուած հայ ձեռագիր կամ տպագրեալ մատենից։ Այս երկատիրութիւն աչքէ անցուցած ատեն՝ հմուտ ընթերցողը կը հանգիպի յաճախ վրիպակաց կամ բնագրին իմաստից հակառակ նշանակութեանց։ Բայց մի և նոյն ժամանակ հաճոյական զարմանք մ'ալ կը զգայ, տեսնելով գաղղիացի մը այնչափ ծանօթացած հայ մատենագրաց ամենագգի լեզուին, երբեմն ամենէն աւելի դժուարին տողերն ալ հասկընալով, և որոյ համար խորունկ ուսումն կը պահանջուի։ Բոլորովին օտար էր իրեն լեզուն՝ որոյ ուսմանն հետամուտ էր. և այսպիսի հետազօտութեանց պարապած ատեն՝ չունէր դեռ եւս հիմա ձեռուընուտ տակ գտնուած ընտիր քերականութիւններն ու բառգիրք։ Իր արդեանց վրայ այս ականարկութիւնն ընելով՝ պարտք կը սեպեմք յայտնել մեր հիացումն և երախտագիտութիւն այս հմուտ հայագիտին անուան և յիշատակին՝ յարժանաւոր մեծարանս և ի պատիւ » ....

## ԼԸՎԱՅԵԱՆ ՏԸ ՖԼՈՐԻՎԱԼ

Զրպետ երեք տարուան արձակուրդի հրամանէն ետքը չդառնալով ի Փարիզ, իր փոխանորդը Պաւղոս Էմիլ Լըվայեան տը Ֆլորիվալ, 1830 սեպտ. 4 հրամանագրով մը հայ լեզուի ուսուցիչ դրուեցաւ։ Հրովարտակաց դպրոցին (Ecole des Chartes) ու յետոյ Արեւելեան կենդանի լեզուաց վարժարանին մէջ իր ուսմանց ընթացքն աւարտած էր (1821-28), ու 1831 ին համառօտ գրուածք մը հրատարակեց հետեւեալ խորագրով. « Ուղղափառ Հայոց դէմ 1828ին ի Կոստանդնուպոլիս տրուած հալածանաց պատմութիւն » . (Exposé des persécutions exercées en 1828 à Constantinople contre les catholiques Arméniens.



Հրատարակեց դարձեալ երկոտասաներորդ դարու հեղինակ՝ Մխիթարայ Գոշի առական գաղղիական թարգմանութիւնն \*, ու Մխիթարեան ուխտին հիմնարկութեանն ու նպատակին վրայ համառօտ երկասիրութիւն մը: Փափաքելով ուղեւորութիւն մը ընել ի Հայաստան, 1834ին արձակուրդի հրաման խնդրեց. բայց վենետկոյ սրբոյն Ղազարու կղզիէն անդին առաջ չերթալով, հոն քիչ մը ատեն գեգերեցաւ հայկական ուսումը կատարելագործելու դիտմամբ. և այն առթիւ՝ Մխիթարայ ուխտին իբր ուսումնական անձ յօդացաւ: Բացակայութեանն ժամանակ՝ փոխանորդ դրաւ զԵւգինէոս Պորէ, և որոյ վրայ քիչ ետքը առիթ պիտի ունենանք խօսիլ: 1836ին հրատարակեց ի Փարիզ Մովսիս Խորենացոյ պատմութեան գաղղիարէն թարգմանութիւն մը, պակասաւոր ու շատ անհարազատ. այնչափ որ բռնադատուեցաւ անհետ ընել զայն՝ վերցընելով ի վաճառմանէ. ու 1841ին հայերէն բնագրով ու գաղղիարէն ընտրելագոյն թարգմանութեամբ նոր հրատարակութիւն մը ընել ի Ս. Ղազար, իրեն աշակից ունենալով զՊարրիէլ վարդապետ Այվազովսքի, հետեւեալ խորագրով. Moïse de Khorène, auteur de V<sup>e</sup> siècle; texte arménien et traduction française, avec appendice contenant notice géographique précis de toute l'histoire d'Arménie. — Tableau de la littérature arménienne.

\* \*

« Հայկական լեզու, — կ'ըսէ թարգմանիչն ի յառաջարանին, — մայր ու հնութեան մէջ իր նախանձորդը չունեցող լեզու մը, կրնար յունական մատենագրութեան հաւասարապատիւ հռչակաւոր անձնաւորութիւնք ներ-

\* Թեպէտ յիշատակուած կը գտնենք զայս թարգմանութիւն, բայց տեղ մը նանդեպած չենք անոր, որով հաւանական կը թուի մեզ թէ երբէք հրատարակուած չէ:

կայացընել մեզ, եթէ զայն գործածող հեղինակաց ա-  
մէն երկասիրութիւնք հասած ըլլային ձեռուընիս:

«Նկատելով զայն իբրու արմատական, հայ լեզուն ան-  
թիւ բառեր կը բովանդակէ, յորմէ թուին յառաջագայիլ  
լատին այլեւայլ բառեր, համազօր նշանակութեամբ:  
Օգտակար լեզուագիտական տեսակիտով, պատմական  
այլեւայլ խնդիրներ ալ իրենց լուծումը կը գտնեն: Ո՛ր-  
չափ յիշատակագիրք յօրինուած են Սալլուստիոսի այն  
հատուածը մեկնելու՝ յորում կ'ըսէ թէ Մարաց ազգին  
անունն և տոհմն ի Մեդաց առաջ եկած է, մինչ ի հայ լե-  
զուի Մարք կը կոչուին Մեդք: Այլեւայլ խնդիրք եղած  
են նմանապէս Բրետոնաց և Կելտաց վրայ: Տակիտոս  
կ'ըսէ թէ լեզուներն նման է Կիմերաց, և սոքա և Կիմ-  
մերեանք, ըստ Պոսիդոնիոսի՝ զոր մէջ կը բերէ Ստրա-  
բոն, մի և նոյն ժողովուրդք են: Ըստ Սիւնկելլոսի՝  
Փոմեր է նահապետ կապադովկացւոց. ինքն է դարձեալ  
Կելտաց նահապետն ըստ Յովսեփոսի: Եւ ստուգիլ՝ Նոյայ  
թուը՝ զոր Փոմեր կ'անուանենք, առ Հայս Փոմեր կը  
կոչուի, և մեր ըստ յունաց կապադովկացիք կոչուած-  
ներն՝ Փամիրք կ'ըսուին հայ լեզուի և պատմութեանց  
մէջ:

«Մեր այս ըսածներէն կը հետեւի որ հայկական լե-  
զու կարծուածէն աւելի արժանաւոր է ոչ միայն լեզուա-  
գիտաց մտադրութեանն, այլ նաեւ պատմական բանա-  
սիրութեան պարապողաց:

«Կրնայ թերեւս ըսուիլ թէ իր ծագումը ինչուան ի  
Նոյ բարձրացընող ժողովուրդ՝ չորրորդ և հինգերորդ  
դարերէ շատ յառաջ յիշատակարաններ պէտք էր որ  
ունենար: Բայց մէկմէկու ետեւ հասնող աղէտք ի վե-  
րայ Հայաստանի, և շարունակեալ արշաւանք և աւարա-  
ռութիւնք, դիւրաւ կրնան բացատրութիւն մը տալ թէ  
ինչպէս ամենայն ինչ որ յառաջ քան զհասարակաց  
թուականութիւն և անոր առաջին դարերուն մէջ, ան-  
հետացեր վերցուեր են...

« Անով հանդերձ՝ հայկական մատենագրութիւն ճոխ և գեղեցիկ նուիրական տեսակիտովը, ունի նաեւ պատմական երկասիրութիւնք՝ զորս արժան է ուսումնասիրել, ոչ միայն յոյն և հռովմայեցի մատենագիրներէ մոռցուած կամ արժանապէս չյարգուած ժողովրդեան մը տարեգիրքը ճանչնալու համար, այլ նաեւ աւելցընելու կամ ուղղելու համար անոնցմէ տրուած տեղեկութիւններն զոր ունինք ասորեստանեայց, մարաց, պարսից, յունաց և հռովմայեցւոց վրայ:

« Խիստ յերկար կ'ըլլայ հայ պատմագրաց բոլորին վրայ նաեւ համառօտաբար խօսիլը. բաւական համարինք միայն մէկուն արժանիքը յայտնել. — Խորենացւոյ՝ հինգերորդ դարու մատենագրին, Հայոց պատմահօր, զի իրմէն ընդունուած և աւանդուած են մինչեւ իր ժամանակաց դէպքերու պատմութիւնը: ... Բարեկամ և սիրող ճշմարտին, ոչ երբեք կը խարդախէ զայն ի շնորհուկս իր դարուն մեծ անձնաւորութեանց. Սահակ Բագրատունւոյ կ'ընծայէ իւր գիրք, որոյ խնդրանօք յօրինած էր. և հեռի յամենայն մարդահաճոյ և շողոքորթիչ բանից, կ'ըսէ իսկ թէ ոմանք՝ անարժանք անհաւատարմութեան, ուզեր են Հայկայ ցեղէն իջեցընել Բագրատունեաց տոհմին սկզբնաւորութիւնը. բայց ստուգութեան հետքն անգամ չիկայ այդ կարծեաց մէջ: Առանց ուզելու ձրի կամ շողոքորթութեամբ ժողովրդականութիւն վաստըկիլ, կը մեղադրէ՝ երբ հարկ տեսնէ, զԹագաւորս, զազգն՝ ուսմանց անսիրելութեան համար խըստիւ յանդիմանելով, որ որչափ ալ ջնջուած կրնան կարծուիլ ապագային մէջ արտադրած ընտիր մատենագրաց բազմութեամբ, բայց այդ յանդիմանիչ խիստ խօսքերն ալ՝ նշանակ և հաւաստիք են պատմագրին անկեղծութեանը, և այլ դիպաց մէջ հայ ազգին և ժողովրդեան տուած գովութեանց ստուգութեանը:

« Կը պահէ նա զստուգախօսութիւն ի պատմագրութեան, և իր յատուկ մեծվայելչութիւնը: Կրնայ երբեմն խա-

բուած ըլլալ, բայց ոչ երբէք խաբող : Եթէ Սէն-քրուայի հետ գտնուեցան կարծողք թէ Խորենացի յաճախ Հե-րոդոտեայ դիւրահաւանութիւնն կը ցուցնէ, և թէ զար-մանալեաց պատմութիւններ կը յօդէ, մենք կ'ըսենք թէ այդ մեղադրութիւն չէ իրաւացի . զի ինչ որ առասպելա-կան երեւոյթ ունի, զայն տարակուսելով մէջ կը բերէ . և եթէ Ժողովրդային աւանդութիւններ կ'աւանդէ, վասն զի գիտէ թէ հաճոյական են անոնք Սահակայ Բագրա-տունւոյ : Մեք (գաղղիացիքս) ամենայն խնամօք կը հա-ւաքենք մերիներն, և գոհութիւն կ'իմանանք թէ հին Ժողովրդեան մը պատկանածներն կարենանք ծանօթա-ցընել . զի ազգի մը Ժողովրդական աւանդութիւնք՝ կեն-դանի պատկերք են իրեն անցելոյն, հոգւոյն և սրտին...

« Բայց դրական դպրոցը՝ եթէ պատմութեանց մէջ մի-այն ճշմարիտն ու ճշմարտանման կ'ուզէ փնտռել, և ըստ բնական կարգի իրաց, թող պատուէ, ոչնչացընէ եթէ կը համարձակի՝ մեր միջնադարեան գրչագիրքն, այն դեղեցիկ առհաւատչեայքը մեր նախնի հարց բարե-մտութեան, պարզութեան և կրօնից . ոչնչացընէ այն սրտաշարժ և բարեպաշտիկ զրուցաց գրքերն՝ զորոնք ա-մէն օր մոռացութեան փոշիներէն ի նոր կեանս կը վե-րածենք . ոչնչացընէ մեր ժամանակագիրքը, մեր հարց և մեր յատուկ պատմութիւններն . և եթէ այս բաւական չըլլայ, բոլորովին նոր Ժողովուրդ մը կազմէ, այսօրուան Ժողովուրդ մը, որպէս զի երիկեան տարեգրոց մէջ՝ զար-մանալոյ հետք մը չգտնուի :

« Ստոյգ է որ Խորենացի պատմութեան գրոցը մէջ կարգաւորեալ դասաւորութիւն մը չունի, զի մերթ սկը-սած պատմութեան թելը կը կտրէ, յետոյ միւսանգամ՝ ձեռք կ'առնու, ուրիշ տեղ մը աւարտելու համար . յի-շատակներով լեցուն ծերունւոյ միտք մ'է, և կը փութայ դրի վրայ առնուլ՝ այնպէս որ մտքին մէջ կու գան : Բայց ո՞վ կրնայ ըսել թէ Մովսէս միտք ունեցած չըլլայ ատե-նին ժամանակակից դիպուածներն կարգադրելով, նոր պատմական երկասիրութիւն մը ձեւացընել...

« Ինչ որ Նինոսի վրայ կը գրէ՝ աւելի ճշմարտանման կը թուի քան որ այլք ի պատմագրաց աւանդեր են նոյն Նինուէի թագաւորին վրայ. և եթէ Խորենացի Արամայ կ'ընծայէ ինչ որ Դիոգոր Սիկիլիացի Նինոսի, դիպաց կապակցութիւնը կրնան արդարացընել այս ետեւառաջութիւնը: — Շամիրամայ նկատմամբ, ինչպէս առ Խորենացւոյ՝ ուրիշ մատենագիրներէն ալ նոյնպէս հելտասէր մէկը կը նկարագրուի: Հայաստանի մէջ կառուցանել տուած հրաշալի քաղաքին վրայ զուրցուածներուն մէջ՝ չափազանցութիւն չիկայ. ցայսօր կեցած են ճանապարհորդքը հիացընող աւերակք... Շամիրամայ մահն ալ՝ կ'երեւնայ թէ ի Խորենացւոյ աւանդածին պէս եղած ըլլայ. Զրադաշտ ոչ եւս խորհրդակա՞ն մէկն է. այլ նենգամիտ պաշտօնեայ, որ գիտէ զեղծանիլ Շամիրամայ վստահութեամբ, և ապա անոր վրայ պատերազմի կ'ելլէ: Յաղթուելով ի Շամիրամայ, բայց ամենակարող անոր որդւոյն Նինուասայ վրայ, առանց աշխատանքի կը հաստատէ ու կը տարածէ մոգակրօնութիւնը: Մարաց թագաւոր Աժդահակայ վրայ ալ՝ մինչ Հերոդոտ և Քսենոփոն կը թուին բոլորովին առասպելաբանել, Խորենացի ընդ հակառակն բնական անձնաւորութիւն մը կը ներկայացընէ զինքն: Փալով Կիւրոսի՝ Քսենոփոն իր դիւցազին վրայ ուրիշ դիւցազին ալ փառքը կ'աւելցընէ. այդպիսի յափշտակութիւնք յաճախ կը հանդիպին. և եթէ գիտենք որ Արտաշիսի առաջնոյ մահուընէն վերջը, Հայաստան միշտ նուաճեալ և ազատութիւնը կորուսած՝ չիկրցաւ իր յաղթականացմէ կորզել առնուլ անցեալ փառաց անուանքը որ իրմէ կապտուեցան, չենք զարմանար այն ատեն որ ըսուի մեզ թէ Կրեսոսի յաղթողը Կիւրոս չէ, այլ պարթեւն Արտաշէս, Հայոց թագաւորը: Թող որ Խորենացի, որ գիտէր նաեւ միւսն՝ Կիւրոսի ընծայուածին պատմութիւնը, մէջ կը բերէ ի հաւաստիս իւր բանից զՊոլիկրատ, զԵւագարոս, զԿամադրոս, զՓլեդոն, դժբաղդաբար կո-

րուսեալ պատմագիրքը, որք կ'աւանդէին Կրետոսի գերութիւնը յԱրտաշիսէ: Յաղթողաց պատմութիւնը բնականաբար յարաբերութիւն ունի յաղթողաց պատմութեան հետ, ուստի և թագաւորք Պարսից յաճախ կը ներկայանան մեզ ի պատմութեան խորենացւոյն: Եռպետն Անտոնիոս կը պահէ հոն հռովմէական պատմութեան մէջ իր անձին տրուած նկարագիրը, և յաղթողն թագաւորաց և ժողովրդոց՝ Կլէոպատրա կոչուած կնկանէ մը կը յաղթուի: — Հրէական ժողովրդեան տարեգրութիւններէն ալ մասն մի կը գտնենք ի պատմութեան խորենացւոյ: Իսկ նկատմամբ արեւելեան կայսերութեան, բազմաթիւ են յիշատակութիւնք. Կոստանդիանոսի դարձին, իր անունը կրող քաղաքին շինութեան, Թէոդոսի՝ հետաքննականք թէ՛ յոյն և թէ հռովմէական պատմութիւններու համար »:

Օտար պատմութեանց նկատմամբ ունեցած շահեկանութեանց վրայ խօսելէն ետքը, կը բացատրէ եռանդուն լեզուով մեր ազգային պատմութեան համար ունեցած ամենամեծ կարեւորութիւնը:

Լըվայլեան՝ այս նոր տպագրութիւնը ընծայեց Ռուսաց Նիկողայոս Ա կայսեր, և ոսկեղէն մեծ մետալ մը ընդունեցաւ:

Քանի մը տարիէն առանձինն հրատարակեց խորենացւոյ գրոց վրայ պատմական և աշխարհագրական ծանօթութիւնները, որ նշանակուած են վերը յիշուած խորագրին մէջ:

Աւելան օրագրին մէջ քանի մը յօդուածներ տալէն ետքը, 1843ին ի լոյս ընծայեց զգաղղիարէն թարգմանութիւն Եզնըկայ Կողբացւոյ « Ընդդէմ աղանդոց » երկասիրութեան, հինգերորդ դարու յայտնի մատենագրին և աշակերտի սրբոյն Սահակայ և Մեսրոպայ: Այդ թարգմանութեան մէջ ալ, որ մանաւանդ օտարազգւոյ մը համար ունի մեծ դժուարութիւններ, կը թերանայ ի ճշգրտութենէ, ինչպէս յԱրեւելեան հանդէս ուսումնաթերթի

ցոյց տուաւ Արման տը Վիկերինգ (de Wiekering) ի հատորն Հինգերորդ յէջ 207-216: Եւ յիրաւի, Թարգմանիչն շատ տեղ չիմանալով մատենագրին միտքը՝ սխալ իմաստներով խեղաթիւրեր էր անոր խօսքերը:

Տը Ֆլորիվալ Լըվայեան մեռաւ ի 1862. և յաջորդեց զնա ի պաշտամանն Տիւլորիէ, որ քսան տարի անընդհատ գրաւեց հայ լեզուի ուսուցչութեան պաշտօնը:

### Ե Դ . Տ Ի Ի Լ Ո Ր Ի Է

Քաղաղիոյ Դուլուզ քաղաքը ծնած էր նա ի 1807, և առջի բերան զպտի լեզուի ուսումնասիրութեամբ պարապած. 1838ին Անգղիա շրկուեցաւ եգիպտական արձանաց ուսումնական հետազօտութեան: Այդ պարապմանց միջոց բազմաթիւ ձեռագրաց հանդիպելով մալայերէն և յաւայական լեզուներով, փափաք և միտք ունեցաւ այդ լեզուաց ուսմամբ պարապիլ, և 1848ին դառնալով ի Փարիզ, հրաման ընդունեցաւ անոնց դասախօսութիւնն ընել Արեւելեան լեզուաց դպրոցին մէջ (1844): Գիտակ էր նա արաբ, հայ և ռուս լեզուաց: Այդ վերջինին ուսումը անհրաժեշտ էր հայերէնի հետամուտ արեւմտեան բանասիրաց համար, զի հայերէնի նկատմամբ շատ գրուածներ հրատարակուած կան այդ լեզուով:

Տիւլորիէի գրուածներէն զանոնք միայն յիշատակելով գոհ ըլլանք, որոնք Հայաստանի պատմութեան և մատենագրութեան կը վերաբերին. և որ միայն բաւական են յարդարացընել Ռընանի գովեստը՝ զոր տուաւ նմա Ասիական ընկերութեան 1882 տարւոյն յունիս 30 գումարման ատեն. « Արդի արեւելագիտաց մէջ սակաւք միայն կրցեր են Տիւլորիէի նման իրենց բովանդակ կեանքը նուիրել այդ ուսումնասիրութեան »:



Հայերէնի ուսումն օր ըստ օրէ կը նուազէր և անկման վիճակի մէջ էր ի Գաղղիա: Տիւրքիէ ուզեց ջանալ վերականգնել արեւելեան մատենագրութեան գեղեցկագոյն ճիւղերէն մէկը, և թողլով իր արդէն պատրաստած յաջորդաց մալայ ու յաւայական լեզուաց ուսմանց և մատենագրութեան ընթացքն յառաջեցընել, որոց նախկին կազմակերպողն էր, եռանդեամբ և սիրով ձգեց ինքզինքն բոլորովին նոր ասպարիզի մը մէջ, հայերէն լեզուի ուսման: Պարագայք ալ յաջողութիւն կը խոստանային: Մեծ հաստատութիւն մը, Սամուելի Մուրատայ դպրոցը, այդ անունը կրողին առատաձեռն տրուք և Մխիթարեանց ձեռքով և տեսչութեամբ կը հաստատուէր ի մայրաքաղաքին Գաղղիոյ, որք Տիւրքիէի մեծապէս օժանդակեցին չխնայելով ոչ խորհուրդ և ոչ ուսումնական օգնութիւն: Հայոց ազգի պատմական հետազօտութեանց համար, որ իրեն գլխաւոր նպատակն էր, կայսերական մատենադարանն և ուրիշ հասարակաց հիմնարկութիւնք, խիստ սահմանաւոր և անբաւական աղբերք կը բովանդակէին. ուստի և իր ջանքն պիտի ըլլար զանոնք լրացընել, մեծ ծախքով գաղափարել տալով ուրիշ մատենադարանաց մէջ պահուած գրչագիրքը, և դժուարին ու ապերախտ աշխատանքն յանձն առնլով անձամբ օրինակելու դեռ անտիպ գրչագիրներն: Վենետկոյ, Վիեննայի, Պետրպոլըզի ու Մոսկուայի ձեռագիրք հաջորդուեցան Տիւրքիէի, որով յաջողեցաւ քիչ տարուան մէջ ամբողջ հայ պատմագրաց երկասիրութիւններն ձեռք ձգել:

Այս ջանից և փութոյն առաջին արդասիւքն եղաւ հրատարակութիւնն (1849) համառօտութեան ժամանակագրի մը որոյ ամենամեծ կարեւորութիւնն յայտնեւ էին Սէն-Մարգէն և Գաթրըմէր անոր մէջէն քաղուած հա-



տուածներով, Միքայելի ասորւոյ: Իր գրուածքը՝ ազգային ասորի լեզուաւ, դեռ չգտնուեցաւ. որով երեքտասաներորդ դարու մէջ եղած հայկական թարգմանութիւն՝ սկզբնագրի տեղ կը բռնէ այսօր:

Գրուածքիս խորագիրն էր, զոր ի 1849 հրատարակեց Տիւրորիէ ի Փարիզ, *Extrait de la Chronique de Michel le Syrien, comprenant l'histoire des temps écoulés depuis la 8<sup>e</sup> année du règne de l'empereur Justin II, jusqu' à la 2<sup>e</sup> année de Léon III, dit l'Isaurien (523-717), traduite sur un manuscrit de la Bibliothèque imperiale: Տիւրորիէի անկէ հանած հատուածը Յուստինոս Բ կայսեր իշխանութեան ութերորդ տարիէն կը ձգուի մինչեւ յերկրորդ ամ Լեւոնի Գ իսաւրացւոյ (573-737), և հետեւաբար կը բովանդակէ զպատմութիւն Ասիոյ մէջ կատարուած մեծ յեղափոխութեանց միոյն. և պատերազմաց որովք Արաքացիք տիրեցին Պարսկաստանի, Սիւրիոյ և հիւսիսային Ափրիկէի, և յունական կայսերութեան արեւելից մէջ ունեցած գեղեցկագոյն գաւառաց: Հեղինակին դիրքը, իբրու հալածեալ դաւանութեան մը պատկանող՝ յակորիկ քրիստոնէից մարտիկ աղանդոյն, իր պատմութեան բուռն և դիւրայոյզ կերպարանք մը կուտայ, որով և մեզի համար շահագրգիռ և իսկաշնորհ տիպ մը կ'ունենայ գործածած զանազան աղբերց նորութեամբ: Թէ ո՞րչափ յարգի էր այս գրուած կրօնակցացն առջեւ, որոց և պատրիարք էր յԱնտիոք, յայտնի է ի բազմապատիկ փոխառութեանց Գրիգորի Աբուլֆարաճ, որոյ ժամանակագրութիւն հետեւողութիւն մ'է և շարայարութիւն իրեն նախորդին:*

Տիւրորիէի այս հրատարակութիւն՝ սկզբնաւորութիւն մ'էր աւելի դժուար և երկար ժամանակի կարօտ երկասիրութեանց, բաց ի մերթ ընդ մերթ գիտնական և ուսումնական հանդիսից մէջ երեւցած յօդուածներէն, ի Հանդէս երկուց աշխարհաց, յԱւետիան օրագրի, ի Նոր Գարեգիէս հա-

նապարհորդութեան, նպատակ ունենալով զհին և զնոր Հայաստան, իր նախնի վէպքն և ազգային երգեր, ազգին արդի վիճակին վրայ տեղեկութիւններ ի Թուրքիա, ի Ռուսաստան և յԱւստրիա, Ռուսաց տիրապետելուն ի վերայ միոյ մասին Հայաստանի, Կովկասու պատերազմին՝ և այլն, զորս յետոյ պիտի յիշենք:

\*\*\*

Այս ամէն յօդուածներն մեծ երկասիրութեան մը պատրաստութիւն կրնային սեպուիլ, որոյ 1857 տարւոյն մէջ հրատարակուած յայտարարութիւնն ծանոյց էութիւնն ու վախճանը. և էր ընտրանաւ եղած Հայ պատմչաց հրատարակութիւն մը հանդերձ գաղղիական թարգմանութեամբ ու ծանօթութեամբք: Այսպիսի հրատարակութեան մը գաղափարը նոր չէր, այլ դարուս սկիզբէն այլեւայլ անգամ մտածուած և առաջարկուած:

Սէն-Մարգէնի և Ջրպետի խուզարկութիւններէ և Հայ պատմչաց ոմանց քանի մը գրուածոց հրատարակութիւններէ ետքը, այս խորհուրդ և փափաք յայտնուեր էր գաղղիացի և ուրիշ բանասիրաց սրտին մէջ. ու արդէն 1809ին դեկտեմբեր 20ին հետեւեալ աղերսագիր կը ներկայացուէր Իտալիոյ Թագաւորութեան փոխարքայի, Հակէր Յովսեփայ՝ Փաւիայի համալսարանի տեսչին ձեռքով:

« Մեծափառ Տէր, Իտալիոյ Թագաւորութիւն՝ որ Ձեր արքայական մեծափառութենէ կառավարուելու բարեբաստութիւնն ունի, արեւելեան դպրոց մը կը պարունակէ յինքեան, որ թէպէտ բոլորովին կրօնային հրահանգք պարապի, բայց կը թուի որ եթէ այս Թագաւորութիւն յօժարի՝ նշանաւոր օգտակարութիւն մի կրնայ անով ձեռք ձգել:

« Սրբոյն Ղազարու դպրոցն է այս ի Վենետիկ, որոյ Հայ վարդապետք՝ կատարեալ հմուտք Ասիոյ ամենէն աւելի իմաստուն ընդուաց միոյն, ու վանական կենաց

ամէն դիւրութիւններն ունենալով, կրնան օգտակար ըլլալ՝ տալով մեզ զբառացի թարգմանութիւն շարի հայ պատմագրաց հնոց, զոր ազգն ունի. և որ ի չորրորդ դարէ քրիստոնէութեան շարունակաբար կը հասնի մինչեւ ցըրեքտասաներորդն, և ալ աւելի անդին. ըսել է՝ ճիշդ դպրութեանց անկմանէն մինչեւ ցվերականգնումն :

« Այս պատմիչքն են՝ Ագաթանգեղ, Զենոբ և Փաւստոս ի չորրորդ դարու :

« Վարդապետ (անշուշտ յիշատակագիրն ակնարկել կ'ուզէ զԵղիշէ), Փարպեցի, Արծրունի և Մովսէս ի հինգերորդին :

« Մամիկոնեան և Ապլղարիպ? ի վեցերորդին :

« Շիրակացի յեօթներորդին :

« Կաթուղիկոս (= Յովհան), Երէց (= Ղեւոնդ) և Ասողիկ ի տասներորդին :

« Վերջապէս զանազան պատմիչք մետասան, երկուտասան և երեքտասան դարուց. կամ թէ անանկ միջոցի մը՝ որ պատմական տեսակիտով բոլորովին մութ և ամուլ կրնայ համարուիլ :

« Այս գրուածներէն ոմանք արդէն հրատարակուած են. բայց միայն հայ լեզուով և կամ ի յոյն, կամ Եւրոպայէ հեռու տեղուանք, և կամ լատինական գէշ թարգմանութեամբք և պակասաւոր :

« Ուրիշներ ալ՝ դեռ եւս ձեռագիրք, որ Քաղղիոյ և Իտալիոյ ամենամեծ մատենադարանաց մէջ ալ չեն գտնուիր, և կը պահուին ի մատենադարանի վէնետկոյ դպրոցին :

« Ասոնց մէջ կան այնպիսիք որ ծանօթութեանց գանձարան մը կը բովանդակեն, Ասիոյ մեհենական դիւաններու մէջէն հանուած, կամ արեւելից հին յիշատակաբաններէ, մոզուց և քրմաց վկայութեանց վրայ հաստատուած, կամ պարսիկ, հեբրայական և արաբ գրքերէ քաղուած :

« Եթէ բիւզանդեան պատմչաց հաւաքումը՝ հրատարա-

կեալ լատին թարգմանութեամբ, ունելով ի հանդիպոյ  
և գոյն բնագիրն, այնչափ պատուաբեր եղաւ Քաղղիոյ.  
եթէ ծառայեց և միշտ պիտի ծառայէ ի լուսարանել  
զպատմութիւն միջին դարուց, և անհրաժեշտ սեպուած  
է Եւրոպայի ամենայն մատենադարանաց համար. Հայ  
պատմաց հաւաքում մ'ալ թարգմանութեամբ ի լատին  
և կամ յիտալական, իրենց հայ սկզբնագրովն ի հան-  
դիպոյ, պիտի ըլլայ, մեծափառ Տէր, անտարակոյս ար-  
ժանաւոր յիշատակարան մը նափոյէնեան դարու. Իտա-  
լիոյ թագաւորութեան մեծ պատիւ ընող գրուածք մը,  
և յամենայն ուսումնասիրաց փնտուած:

« Զեմ ուզեր խօսիլ ուրիշ ամէն երկասիրութեանց  
համար՝ զոր կրնան մեզ ընծայել այդ հայ վանականք.  
և վկայ խօսքիս՝ Եւսեբեայ ժամանակականքը, որոյ յոյն  
սկզբնագիրը կորսուած է, և միայն քանի մը հատուածքն  
ձեռուրնիս հասած, և անցեալ դարու մէջ գտնուեցաւ  
ի Հայաստան, և արդէն ի լատին թարգմանուեցաւ  
ի Վենետիկ: Վկայ Փիլոնի կորուսեալ գրուածներն, և  
որոց հայ հին թարգմանութիւնք յայտնուեցան ի Հայաս-  
տան, և հռչականուն մատենագրին ի Լոնտոն հրատա-  
րակուած երկհատոր գործոց՝ երրորդ հատոր մ'ալ կազ-  
մելու նիւթ կ'ընծայեն:

« Սրբոյն Ղազարու դպրոցին հարք՝ գեղեցիկ հայ-  
կական տառեր ունին, և տպարան մը. և ոչ միայն քա-  
ջահմուտք են այս հին, քիչ ծանօթ և ամենադժուա-  
րին լեզուին, այլ և այնչափ անձինք ունին որ կարողք  
են քիչ ժամանակի մէջ ի գլուխ հանել թէ՛ զթարգմա-  
նութիւն և թէ՛ զհրատարակութիւն Հայաստանի պատմաց  
հաւաքման մը:

« Այսպիսի ձեռնարկ մը մեծապէս օգտակար պիտի  
ըլլայ աշխարհագրութեան, ժամանակագիտութեան, բնա-  
կան պատմութեան, արեւելեան հնագիտութեան, Ասիոյ  
գրականութեան, աշխարհի տարեգրութեանց. և եթէ  
մեր օրերը կը նկատենք որ յաճախ անօգուտ կերպով՝

բազմածախ ուղեւորութեանց ձեռք կը զարնուի քանի մի արեւելեան յիշատակարաններ գտնելու նպատակաւ, կամ հնութեանց մնացորդք՝ հեռաստան աշխարհաց մէջ, որչափ պիտի շահուինք անոնցմէ որ արդէն մէկ տեղ հաւաքուած են. և որոց օգուտն և գերազանցութիւն վկայուած է ամենայն հաւատարմութեան արժանաւոր և այս աշխարհին նուիրական և հին լեզուին ամենահմուտ իմաստուններէ:

« Եթէ պարագայք չներեն որ այսպիսի հրատարակութեան մը մէկէն ձեռք զարնուի և գործադրուի, փափաքելի է որ Ձեր կայսերական մեծափառութիւն մեզի հրամայէ որ գէթ այժմէն ձեռք զարնուի այս Հայաստանի պատմչաց մէկ քանիի թարգմանութեան, ինչպէս վարդապետի, կաթողիկոսի և Վարդանայ. թէ անոնց ոճը ծանօթացընելու նպատակաւ, և թէ իբրու ճաշակ մը և նախընթաց կարապետք աւելի ընդարձակ և կատարեալ հաւաքման մը: Մովսիս Խորենացոյ միայնոյ թարգմանութիւն տուաւ մեզ պատուական մանրամասնութիւնք Ասիոյ հին պատմութեան և աշխարհագրութեան վրայ, յորմէ կրնանք ենթադրել թէ որչափ աւելի ընդարձակ պիտի ըլլայ այն եթէ ուրիշ պատմիչներն ալ ունենանք »:



Այս առաջարկութիւն անգործադրելի մնաց. քաղաքական յեղափոխութիւնք, պատերազմունք, Նափոյէտնի և իր կազմած հարստութիւնն տկարանալով և իյնալով, ալ կարելի չէր այդպիսի բանասիրական խնդրովք զբաղիլ: Մեզի կ'երեւնայ թէ Ջրպետեանի խորհուրդ և քաջալերութիւն կար այսպիսի մտածութեան մէջ, և յորմէ շարժած՝ Մխիթարայ ուխտին բազմահմուտ և բազմավաստակ Հ. Մկրտիչ Վ. Աւգերեան սկսեր է ի լատին լեզու թարգմանել զամենայն հայ մատենագիրս, չորս մեծ հա-

տորներ՝ որ դեռ եւս անտիպ են, և Եւրոպացի գիտնոց համար ամենացանկալի երկ մը, Bibliotheca Patrum Armenorum խորագրով:

Նոյնպիսի հրատարակութիւն մը՝ միայն մեր պատմըչաց նկատմամբ, փափաքեցան ընել Վենետիկոյ Մխիթարեանք՝ իտալերէն լեզուով և հմուտ ծանօթութեամբք. բայց Խորենացւոյ և Ագաթանգեղոսի հատորներն միայն ի լոյս ընծայուեցան:

\*  
\* \*

Տիւլորէի երկասիրելիք մատենադարանին խորագիրն էր. Bibliothèque historique arménienne, ou Choix des principaux historiens arméniens, traduits en français et accompagnés des notes historiques et géographiques: collection destinée à servir de complément aux chroniques byzantins et slaves. Այս մեծ ձեռնարկ՝ մեծ հովանաւորութեան տակ դրուած էր, առհաւատչեայ անոր յաջողութեան, Ռուսիոյ կայսեր Ալեքսանդր Բ ընծայուելով:

Անոր վրայ հետեւեալ ծանօթութիւնը կը հրատարակէր Տիւլորէի՝ զոր արդէն նոյն ժամանակին հայերէն թարգմանութեամբ հրատարակութենէն յառաջ կը բերեց.

« Հայոց մատենագրութեան մէկ պարծանքը՝ կ'ըսէ, պատմական յիշատակարանաց շատութիւնն ու պատուականութիւնն է: Այն յիշատակները՝ չորրորդ դարուն սկիզբէն մինչեւ մեր օրերը անընդհատ կերպով մը իրարու յաջորդելով՝ իրաւցընէ ոսկիէ շղթայ մը կը կազմեն որ հին ատենին աշխարհքը մերինին հետ կը կապէ: Հայ պատմագիրները արաբացիներէն հինգ հարիւր տարի առաջ ըլլալով, կրնանք ըսել թէ ոչ միայն անոնք են ամենէն ապահով առաջնորդ, այլ և մէկ հատիկ առաջնորդ են՝ արեւմտեան Ասիոյ Սասանեանց իշխանու-

Թեանը տակ եղած ատեն՝ այն երկրին մէջ պատահած դիպուածները հասկընալու համար: Վասն զի Հայոց ազգն ալ, առջի բերան այն հզօր Թագաւորաց կերպով մը հպատակ ըլլալէն, ու ձեռքը մնացած ինքնիշխանութիւնը քանի մը պատերազմներով անոնց դէմ պաշտպանելէն ետեւ, անոնց ընդարձակ տէրութեան մէջ ընկղմեցաւ, զօրքեր ու զօրավարներ տուաւ անոնց բանակներուն, պաշտօնեաներ անոնց տէրութեան, խնամութիւններ ըրաւ Պարսից և նոյն իսկ Սասանեանց երեւելի ազգատոհմներուն հետ. միանգամայն Հայոց իշխանները, հայրապետներն ու եպիսկոպոսները անդադար երթեւեկութիւն կ'ընէին Տիգրոնի արքունիքը: Այս երկու Թագաւորութեանց մէջ եղած ընտանութիւնն աւելի ալ էր անկէց յառաջ, այս ինքն Արշակունեաց ատենը, երբոր ասոնց երկու գլխաւոր ճիւղերը Պարսկաստանն ու Հայաստանը մէջերնին բաժներ էին. որով քաղաքականութիւննին միացեր էր, և երկար ժամանակ կրօննին ալ մէկ եղեր էր, ինչպէս որ Հայոց հին մատենագիրներն շատ տեղ այս բանս կը յիշատակեն: Երբորդ դարուն երկու ազգաց կրօնքը իրարմէ բաժնուեցան. վասն զի ի Պարսկաստան Սասանեանց Թագաւորութեամբը Զրադաշտի հին օրէնքը նորէն հաստատուեցաւ, և Հայաստան ի քրիստոնէութիւն դարձաւ. անով Հայոց երկիրն ալ քաղաքական կերպով միացաւ Պարսկաստանի հետ՝ Սասանեանց միապետութեանը մէջ ընկղմելով Հայաստանի արեւելեան բաժինը:

« Մինչդեռ Հայաստան մէկ կողմանէ արեւելքի հետ միացած էր, մէկալ կողմանէ նոյնպէս կապուած էր արեւմուտքի հետ: Քրիստոսի Թուականէն հարիւր տարիի չափ առաջ մեծին Տիգրանայ Թագաւորութեան ժամանակը քիչ մը ատեն յաղթանակեց ու փառաւորուեցաւ. բայց Հռովմայեցոց զօրքերը անոր արեւմտեան կտորը շուտով խորեցին ու կայսերաց լծոյն տակ ձգեցին. քրիստոնէութիւնն ալ որ Կապադովկիոյ Կեսարիա քաղա-

քին եկեղեցիէն հոն մտաւ, Հայոց սրտին մէջ սաստիկ սէր մը ձգեց՝ Յունաց մատենագրութեան ետեւէ ըլլալու։ Այնուհետեւ Հայաստան անդադար մէյմը մէկդին մէյմը միւս դին կը քաշուէր այն արեւելեան ու արեւմտեան ազգեցութիւններէն, ու երբեմն Պարսից՝ երբեմն ալ Հռոմոց կամ Բիւզանդացոց տիրապետութեան կողմը կը հակամիտէր։ Հայոց այն ժամանակի մատենագրութեանը վրայ յայտնապէս կ'երեւնայ այս կրկին շարժմունքը, այս երկու իրարու ներհակ գաղափարաց յորձանքին ազդեցութիւնը. այնպէս որ թէպէտ աշխարհագրական դրից ու ազգային աւանդութեանց կողմանէ արեւելցի էին, բայց մատենագրական ու կրօնական կրթութեամբ այն ժամանակէն սկսան փոխուիլ ու հելլենականութեամբ տոգորուիլ։ Իրենց պատմագրութեանը մէջ՝ Հռովմայեցոց ու Բիւզանդացոց պատմութեան հըռչակաւոր անուններուն շատը կը տեսնուին. զոր օրինակ, Լուկուլլոս և Պոմպէոս, Միհրդատ և Տիգրան, Անտոնիոս և Կորբուլոն. ետքերն ալ՝ Հերակլ, մեծն Խոսրով, Յազկերտները և այլք՝ որոնց վրայ շատ պատուական տեղեկութիւններ կուտան։ Հայերը վեց հարիւր տարիի չափ Պարթեւաց իշխանութեան տակն էին, և շատ մը թագաւորներ ալ ունեցան անոնցմէ ետեւէ ետեւ, ինչպէս նաեւ իրենց առաքելաշնորհ լուսաւորիչը սուրբն Պրիգոր և առջին փառաւոր հայրապետները, և շատ մը հոյակապ ազգատոհմներ. և ահա ասով Հայոց մէջ ողջ պահուեցաւ մնաց նաեւ Արշակունեաց տէրութիւնը կործանելէն ետեւ այն գրեթէ անծանօթ ազգին աւանդութիւնը։

★  
★ ★

« Երբոր Արաբացիք իրեն հիւսիսային կողմերն եղած տէրութեանց վրայ վազեցին, և անոնցմէ ետեւ Սելճուգեան Թուրքերն ու Մողոլները, իրենց ահագին դաշ-



տերուն մէկ ծայրէն տրեւմտեան Ասիոյ վրայ յարձակեցան, անոնցմէ տիրապետուած երկիրներուն առաջինը Հայաստանն եղաւ: Այն ատեններն Հայաստանի մէջ պատահած վրդովմունքը գիր անցընելով՝ Հայոց պատմագիրները շատ մը մանր տեղեկութիւններ կուտան մեզի, որ ուրիշ տեղ գտնելը անկարելի է: Դարձեալ, մի և նոյն բաները թէ՛ մահմէտական և թէ՛ հայ հեղինակներէ պատմուած ըլլալով, իրարու հետ որ բաղդատուին՝ շատ զարմանալի ու հետաքրքրական կերպ մը կ'առնուն: Նոյնպէս զարմանալի ոճ մը ունին հայ պատմագիրները՝ երբ ազգասիրութեամբ վառուած կը նկարագրեն Յունաց կայսերութեան յեղափոխութիւնն որ Հայաստանի վիճակին վրայ ամէն ժամանակ ազդեցութիւն ըրած է. կամ թէ երբոր խաչակրաց պատմութիւնները կը պատմեն, Կիլիկիոյ Հայերուն անոնց ըրած օգնութիւնները մէջ կը բերեն, ու Ֆրանկաց լեզուին և կալուածական ու ասպետական օրէնքներուն վրայ Հայոց ինչ աստիճանի սէր ձգելը կը նկարագրեն: Հայոց պէս մէկ ազգ մը չկար որ կարենար աւելի տեղեակ ըլլալ այն դիպուածներուն որ խաչակրաց պատերազմներուն ատենները պատահեցան Կիլիկիոյ մէջ, և Անտիոքայ դքսութեան ու Եդեսիոյ կոմսութեան հիւսիսային կողմերն որ հայաբնակ գաւառներ էին. ուստի և հարկաւ արեւմտեան ազգաց և արաբացւոց ու ասորւոց պատմիչներուն պակասորդը Հայերը կը լեցընեն:

« Մեզի աւելի մօտ ատեններ, Առաքել Դավրիժեցին գեղեցիկ ոճով մը գիր անցուց Շահաբասայ ըրածները, Հայոց անոր հրամանաւը իրենց տներէն տեղերէն հանուելով Ասպահան տարուիլը, Ջուղայի մէջ իրենց գաղթականներուն յառաջագիմութիւնը, անոնց ձեռքովը Շահաբասին և անոր յաջորդներուն օրերը վաճառականութեան ծաղկիլը: Վերջի երկու հարիւր տարուանս մէջ ալ Տաճկի թագաւորաց շատին պատմութիւնները գրողներ եղած են Հայերէն, որ մինչեւ հիմա գրեթէ անծանօթ մնացեր են:



« Ընդհանրապէս հայ պատմագրութեան մեծ կատարելութիւնն է անկեղծ ու պարզամիտ ճշմարտասիրութիւն, պատմելու ոճին ու թուականներուն մէջ հաւատարմութիւն և ճշդութիւն, շատ անգամ ալ ընդարձակ տեղեկութիւն: Որովհետեւ Հայոց հեղինակներուն մեծ մասը եկեղեցական են, այսինքն՝ եպիսկոպոսներ, քահանաներ ու արեղաներ, զարմանք չէ որ կրօնական վէճերու և դիպուածներու, գերբնական պատահմունքներու, սուրբ գրոց յիշատակութիւններու վրայ երկայն երկայն խօսին, և թէ՛ մեծամեծ վրդովմունքները, թէ՛ աննշան դիպուածները՝ Նախախնամութեան և աստուածային արդարութեան անմիջական ազդեցութեամբը միայն մեկնաբանեն: Երբեմն կը պատմեն թէ ի՞նչպէս իրենց հայրենակիցները ոտք ելեր ու պատերազմեր են Պարսից թագաւորներուն դէմ որ մոգութեան աղանդին կ'ուզեն եղեր դարձնել զիրենք. անկէց ետքն ալ Արաքացւոց բռնակալութեանցն ու հարստահարութեանցը դէմ. երբեմն կը պատմեն թէ ի՞նչպէս Հայերը՝ Թուրքաց ու Մողուաց անթիւ բազմութեանը դէմ տկարացած ու անճար մնացած՝ անտերունչ ոչխարներու պէս սրոյ ճարակ եղեր են. մէկ կողմէն այն դիւցազնական քաջութիւնը, և քրիստոնեայ ժողովրդեան մը անձնուրաց համբերութիւնը, մէկալ դիէն իր յաղթական հարստահարիչներուն բարբարոսութիւնն ու անգթութիւնը այնպիսի կենդանի տեսարան մը կը ձեւացընեն ողբերգութեան, որ այն պատմագրաց խիստ հասարակ ոճն ալ՝ կարգէ դուրս աշխոյժ մը ու կենդանութիւն կ'առնու: »



« Հայոց պատմութեան մէկ աղբիւրն ալ՝ Ռուբինեան թագաւորաց հրովարտականքն են որ Կիլիկիոյ մէջ թագաւորեցին միջին դարուն, մինչեւ որ իրենց աթոռն ընկաւ, և Հայոց ինքնիշխանութիւնը Եգիպտոսի Մէմփիս քաղաքէն սուղլաններուն ձեռքով վերցուեցաւ :

« Ռուբինեանք շատ յարաբերութիւններ ունեցան այն Եւրոպացւոց հետ որ Ասորւոց երկիրն ու Կիպրոս կը զաւորէին մէջ բնակեր էին. և կամ վաճառականութեան համար Կիլիկիա գնացեր էին և անկէ մինչեւ Ասիոյ ներսերը առուտուր կ'ընէին. ասով երկու կողմէն ալ իրարու օգտակար եղան : Այն յարաբերութիւնները կարգի դնող հրովարտականքը Հայերէն, գաղղիարէն, շատն ալ լատիներէն գրուած են. և հիմա կը գտնուին Եւրոպայի այլեւայլ դիւաններուն մէջ, ինչպէս Վիէննա, Վենետիկ, Ճենովա, Թուրին, Փլորենտինա, Հռոմ և Նեապոլիս, երբեմն ալ զանազան տպագիր հաւաքմանց մէջ : Թէ որ անոնք մէկտեղ ժողովուին, ինչպէս որ արժան է, դիւան մը կը ձեւանայ որ ատենով Ռուբինեանք ունեցած են և հիմա չկայ :



« Պատմագրութեանց մէջ կարգ մը դնելու համար բնական կ'երեւնար Հայաստանի տիրող այլեւայլ իշխանութեանց ժամանակներուն նայիլ, որ են նախ՝ Հայկազանց իշխանութիւնը, որ Ասորեստանեայց ինքնակալութեան հետ մէկտեղ կը սկսի, և կը վերջանայ՝ Վանայ որդւոյն Վահէի մահուամբը, որ ժամանակակից էր Աղեքսանդրի Մակեդոնացւոյ. այս իշխանութեան ատենէն մնացածը թագաւորաց ցանկ մըն է միայն և քանի մը մութ և անստոյգ աւանդութիւններ : Երկրորդ,

Արշակունեաց իշխանութիւնը, երկրորդ դարուն կէսէն (նախ քան զՔրիստոս) մինչեւ հինգերորդ դարուն կէսը: Երրորդ, Բագրատունեաց իշխանութիւնը, իններորդ դարուն վերջերէն մինչեւ մետասաներորդին կէսերը. և չորրորդ՝ Ռուբինեանցը որ մետասաներորդ դարուն վերջի տարիներէն մինչեւ չորեքտասաներորդին վերջերը քչեց: Բայց այս չորս իշխանութիւններն անընդհատ կերպով չեն յաջորդեր իրարու, այլ քիչ շատ միջոցներ կը ձգեն. թող որ Հայոց մատենագրութեան ծնանելէն շատ առաջ կը սկսին, ու անոր նորէն ծաղկելէն առաջ կը վերջանան:

« Ուստի լաւ թուեցաւ մեզի այնպիսի կարգ մը բռնել որ համեմատ ըլլայ Հայաստանի վրայ ետեւէ ետեւ անուամբ կամ իրօք տիրապետող օտար ազգաց յաջորդութեանը: Այսու բաժանմամբ կրնանք Եւրոպացւոց մէջ աւելի սովորական եղած ու ծանօթ անուններ գործածել, և հինգ ժամանակի մէջ ամփոփել ըստ կարի բոլոր մեր պատմագիրները: Առաջինն է Սասանեանց ժամանակը, Հայոց մատենագրութեան սկզբնաւորութենէն, Ք դարու սկիզբը, մինչեւ Սասանեանց տէրութեան անկումը, Ե դարուն սկիզբները. երկրորդը՝ Արաբացւոց ժամանակը՝ Ե դարուն մէջտեղուանքէն մինչեւ մետասաներորդին կէսերը. երրորդը՝ Սելճուգեանց ժամանակը, ԺԱ դարուն ետքերէն մինչեւ երկոտասաներորդին վերջը. չորրորդը՝ Թաթարաց ժամանակը, ԺԳ դարուն սկիզբներէն մինչեւ հնգետասաներորդին կէսերը. և հինգերորդը՝ Արդի ժամանակ, որ ԺԵ դարուն կէսէն մինչեւ մեր օրերը կը հասնի. և այն միջոցը Հայաստանը բաժնուած կը գտնուի Տաճկաց ու Պարսից մէջ. երեսուն տարիէ մը ի վեր ալ՝ այն երկուքին ու Ռուսաց տէրութեան մէջ:...

Մտքերնիս դրած ենք որ Հայերը, այն փոքրիկ՝ բայց հանճարեղ ազգը, տաք աչքով կը նային մեր ջանքին որով ի լոյս կ'ընծայենք իրենց պատմական յիշատակա-

րանները որ քիչ ճանչցուած են, և յորս ճարտար գրիչներ ի գիր անցուցեր են իրենց ծագումը, իրենց հայրապետաց և քաջաց գործողութիւնները, իրենց նախնեաց ըրած յաղթութիւնները, ունեցած յաջողութիւնները, և գլխերնէն անցած խեղճութիւններն ու դժբաղդութիւնները:

« Արդէն արեւելքի քրիստոնեայ ազգերուն մէջ առաջին ըլլալով ուսումնասիրութեան և քաղաքակրթութեան փափաքին կողմանէ, անշուշտ եւրոպացի ազգաց պէս Հայերն ալ պիտի հասկընան թէ առաջին սորվելիքը այս օրուան օրս իրենց սեպհական պատմութիւնն է. և թէ որչափ հարկաւոր է որ փութան իրենց վաղեմի նախնեաց այս պատուական մնացորդները ժամանակին աւերմունքներէն ազատ պահելու:

« Տպագրութեան կողմանէ մեր գործոյն հրատարակումը անշուք՝ բայց վայելուչ պիտի ըլլայ: Բոլորը մէկէն քանի մը ութածալ հատոր գրքեր պիտի ձեւանան, իւրաքանչիւրին մէջ մէյմէկ գործ կամ աւելի... Առաջին հատորոյն հետ (որ Հայոց ժամանակագրութեան վրայ է), կը հանենք նաեւ փորձի օրինակ մը և ստորագրութեան յայտարարութիւն »:

\*  
\* \*

Ինչպէս կը կարծէր և իրաւամբ կը յուսար Տիւրքիէ, իր այս օգտակար՝ և պատմական ուսմանց տեսակիտով մեծաշահ առաջարկութիւնը, ընդունելի և հաճոյ եղաւ Քաղզիոյ և իմաստունն Եւրոպիոյ ընդհանրապէս, և Փարիզու ասիական ընկերութեան ժողովոյն ատենագալիբ անուանին Մոհէ՝ իրենց ժողովոյն տարեկան համաժողովութեան մէջ հետեւեալ խօսքերով կը ծանուցանէր զայն կանառակցացը.

« Հայոց մատենագրութեանը պատմիչներու կողմանէ ինչ աստիճանի հարուստ ըլլալը ամենուն յայտնի է,

կ'ըսէր. մեր Թուականին չորրորդ դարէն ի վեր անընդ-  
հատ շարք մը ունի պատմագրաց. անկէց ի դատ, Հայոց  
երկրին դրիցը պատճառաւ՝ իրենց մատենագրութիւնն  
ալ մասնաւոր յատկութիւն մը ունի: Հայք օտար ազգաց  
վրայ ոչ երբեք մեծ ազդեցութիւն մը ունեցած են, բայց  
դժբաղդաբար միշտ վերաբերութիւն մը եղած է անոնց  
մէջ ու աշխարհակալ ժողովրդոց մէջ: Ատենով Պարսից  
հպատակ եղան, Հռովմայեցոց ու Յունաց ձեռքը ան-  
ցան, Արաբացոցմէ նուաճուեցան, իրենց երկրին մէկ  
մասը խաչակիրներուն տակը ձգեցին, Մողոլներէն ու  
Թուրքերէն հարստահարուեցան: Իրենց տարեգրութեանց  
հին մասին մէջ պահուած են՝ Սասանեանց ժամանակը  
գրուած ու կորսուած գրքերու կտորներ: Եւ որովհե-  
տեւ Պարսից հպատակ էին, իրենց կառավարութենէն  
ու Պարսից հետ ունեցած կռիւներէն՝ Պարսկաստանին  
վրայ այնպիսի Թանկագին տեղեկութիւններ կ'առնուէր  
որ ուրիշ տեղ չեն գտնուիր:

« Հետեւեալ տասուերկու դարերուն մէջ, Հայոց պատ-  
մագիրներուն խօսքովը կը ստուգուին մահմէտական ազ-  
գաց տարեգրութիւնները, վասն զի անոնց հետ ապրե-  
լու ստիպուած էին Հայք կամ պատերազմով կամ հպա-  
տակութեամբ, և այս ժամանակակից անընդհատ պատ-  
մութիւնները անթիւ տեղեկութիւններ կու տան մեզի  
յաղթական ազգաց վրայօք... Հայերը իրենց պատմա-  
գիրներէն շատը հրատարակած են, և անոնցմէ մէկ  
քանին Եւրոպայի գիտուններ Թարգմաններ են. բայց հայ  
պատմչաց ամբողջ հաւաքում մը դեռ տեղ մըն ալ չի-  
կայ. և ահա զայս ընել կը խոստանայ Պ. Տիւրքիէն  
այս օրեր ըրած յայտարարութեան մէջ. միտքը դրեր է  
որ կարգաւ հրատարակէ այն պատմիչներուն Թարգմա-  
նութիւնը, կարեւորները ամբողջ՝ մէկալնոնք համառօ-  
տելով. և այսպէս ինչ որ խեղճ սորվելու բան կայ այս  
մատենագրութեան մէջ՝ մէկտեղ հաւաքել:

« Առաջ մէկ հատոր մը ժամանակագրութիւն պիտի հա-

նէ, որ իր Մատենադարանին այլեւայլ մասանց կապը կ'ըլլայ. յետոյ դեռ չեղած կամ չթարգմանուած գրքերէն պիտի սկսի հրատարակութիւնն...

« Այսպիսի հարկաւոր և տաժանելի ձեռնարկութեան մը յաջողելուն որչափ ալ փափաքինք՝ քիչ է »:

Արդարեւ մեծ՝ և պատմական ուսմանց համար բազմաշտէ և կարեւոր ձեռնարկ մ'էր այս, զոր ինք Տիւրքիէ չկրցաւ գործադրել: Բայց իրմէ ետքը Լանկլուա և Պրոսէ՝ մասամբ յաջողեցան իրականութիւն տալ այդ օգտակար մտածութեան, ինչպէս քիչ ետքը պիտի տեսնենք:

★  
\* \*

Քիչ ատենէն Մատենադարանին առաջին հատորը հրատարակուեցաւ, բովանդակելով Մատթէի Ուռհայեցւոյն ու իրեն շարայարութիւնն ընող Գրիգորի երիցու պատմական երկասիրութիւնն:

Խորագիրն էր; Tome Ier. Chronique de Matthieu d'Edesse (952-1136) avec la continuation de Grégoire le Prêtre, jusqu' en 1162, d'après trois manuscrits de la Bibliothèque Impériale. Paris 1858.

★  
\* \*

Արդէն ի 1850 հրատարակեց Տիւրքիէ Մատթէի Ուռհայեցւոյ առաջին Խաչակրաց արշաւանաց պատմութեան համառօտութիւնը (Ը + 108 էջ). 1858ին նոյն հեղինակին ժամանակագրութիւնը (952-1036) ամբողջ, որոյ շարունակութիւնն երկասիրած է Գրիգոր Երէց (մինչ ի 1162 թիւ Փրկչին):

Այս հարիւր տասն տարուան շրջան՝ պատմական ամենահետաքննական դէպքեր կը բովանդակէ. և կը ծառայէ իբրու շրջանակ մը նոյն միջոցին յոյն և մելիման պատկերին, յորում գլխաւոր դերը կը պատկանի Հայաւ

տան աշխարհի: Արարաց արշաւանք ի կղզիս Միջերկրականի, ամենայաղթ մարտք պատերազմաց Նիկեփոր Փոկասայ և Չմշկիկ Յովհաննու յԱսորիս, Սելճուգեան թուրքաց վերահաս ժամանումն և իրենց աւերիչ ասպա տակութիւնք մինչեւ յեզերս Միջերկրականին, ջնջումն վերջին հայկական ինքնօրէն իշխանութեանց հնարագէտ քաղաքականութեամբ կայսերաց Բիւղանդիոյ, առաջին խաչակրութիւն՝ որում մասնակցեցան և Հայք, գաղղիական տիրապետութեան հաստատուին ի վերայ ափանց Եփրատայ, քանի մը տարուան մէջ Եդեսիոյ կործանումն ի ձեռն Էմատ-Էտտին Չանգի աթաբէկի և իր Նուրէտտին որդւոյն. հաստատութիւն և առաջին սկզբնաւորութիւն Փղբուն Հայոց (Կիլիկիոյ) Թագաւորութեան, և անոր գլխաւորաց ձեռքով տրուած պատերազմունք ընդդէմ սուլտանաց Իկոնիոնի, վերաբերութիւնք ընդ լատին իշխանաց Սիւրիոյ, — ասոնք են ահաւասիկ գլխաւոր տեսաւանք նկարուն զոր Ուղհայեցի և Գրիգոր Երէց կը ներկայացընեն մեզ:

Բայց հայ պատմագրաց և ժամանակագրոց ընթերցման մէջ առաջնորդուելու և անոնցմէ աւանդուած անցիցը լաւ խելամուտ լինելու համար՝ պէտք է նախնապէս տեղեակ ըլլալ իրենց գործածած ժամանակագրական դրութեանը, որ վեցերորդ դարուն կիսէն ասդին սովորական եղաւ յազգին, և իրեն հիմն ունի զլրջան 1461 անորոշ (vague) տարիներու, իւրաքանչիւրն 345 օրուան, առանց կոտորակի (աւելեաց), հաւասար յուլեան 1460 տարիներու, և որոյ սկզբնաւորութեան կէտ դրուած է 1552 տարւոյն յուլիսի մետասաներորդ օրը: Դժուարութեան կամ լուծելու խնդիրը կայացած էր ճշդիւ որոշել և սահմանել պատմական հաւաստեօք սկզբնաւորութեան կէտը, որ մինչեւ նոյն ատեն ընդունայն ըրած էին ամեն այն աշխատանք և ուսումնասիրութիւն ի գիւտ նորին. և այնպիսի կարեւորութիւն ունեցող խնդիր մը, որ օր մը եւեթ աւելի կամ պա-



կաս՝ բաւական կ'ըլլայ ի շփոթել ժամանակագրութեան ամբողջ աստիճանը բոլոր թուականներն շփոթելով: Այս հետազոտութեանց գլխաւոր արգասիքն եղաւ ծանօթութիւնն թէ Հայք իրենց պատմական յիշատակարանաց և գործնական կենաց մէջ անայլայլ պահեր են անորոշ թուականի մը գործածութիւն, որ ի հին և նախնի ժամանակաց սովորական էր Եգիպտացոց և Պարսից, և հաւանականաբար նաեւ Ասիոյ հիւսիսակողմանց: Բայց մինչ Պարսիկք փոփոխութիւններ կը մտցընէին տարւոյ այս եղանակին մէջ, նախ Սասանեանց վերջին Թազաւորաց ատեն, երկրորդ Յազկերտի, և ապա ջալալեան ուղղութեամբ Մէլիքշահ սուլտանի իշխանութեան ժամանակ. և երբ Եգիպտացիք այն թուականին տեղ սկսան գործածել աղեքսանդրեան անխախտ թուականը, Հայք պահեցին զայն առանց ո՛ր և իցէ յաւելման և փոփոխութեան, իրենց յատկանիշն եղող անխախտ հաստատամտութեամբ, և որով սովորեցան պահպանել անփոփոխ սիրով ունեցած և ի նախնեաց աւանդուած աւանդութիւններն և համոզմունք: Ուստի և հաստատեցին ազգային թուական մը առ ի կարգաւորեալ տնօրէնութիւն եկեղեցական տօնից, որոյ համար հարկ էր յուլեան տոմարն ու եկեղեցական տոմարի հաշիւն, որ Մետոնի չրջանն է, կարգաւորեալ և ուղղեալ ի Նալլիոպեայ՝ անորոշ տարւոյ չրջանին համաձայնեցընել, որով միայն դիւրին և կարելի կ'ըլլար ազգային թուական մը հաստատել: Համաձայնութեան այս կերպը անիմանալի կ'ըլլար առանց նախընթաց տեղեկութեան եկեղեցական տոմարի, որ երբեմն եռանդեամբ և խնամով յուզուած ուսումնասիրութիւն մ'էր, և ապա երեսէ ձգուած և մոռցուած: Անոր վարդապետականն բացատրելու համար, ստիպուեցաւ Տիւրքիէ երկար ուսումնասիրութեամբք պարապիլ, և արգասիքն պատմական ուսմանց մատուցուած մեծ ծառայութիւն մը եղաւ. վասն զի ինչպէս Պետոյ կ'ակնարկէ, զատկական հաշիւը ուղղիչ մ'է միջին դարուց

ամենայն ժամանակագրական ծանօթութեանց, թէ՛ արեւմտից և թէ՛ արեւելեան քրիստոնէից մէջ: Անորոշ տարւոյն գերազանցութիւն ի գիւտ պատմական և քաղաքական հաշուոց՝ անտարակուսելի է. և յիրաւի, մինչ ամենայն ազգաց ժամանակագրութիւն յաճախ խոկած և մութ է անանցանելի դժուարութեամբ, Հայոց մէջ գրեթէ ամենեւին չունի անատուգութիւն, և իրեն ոճովը կրնայ տիպար մը կոչուիլ ճշտութեան: Այս վախճանաւ շարադրած է Տիւլորիէի կարեւոր երկասիրութիւնն՝ որոյ խորագիրն է. *Recherches sur la Chronologie arménienne technique et historique, avec de nouvelles considérations sur l'origine et la formation des ères monines, et une table manuelle pour le calcul des dates qui se trouvent dans les chronographes byzantins et slaves. — Chronologie technique, 1859.*



Իսկ 1869ին տպագրութեան լոյս տեսաւ նորա գլխաւոր աշխատասիրութիւնն, որ էր «*Հաւաքումն Խաչակրաց պատմըչաց. Հայկական վաւերականաց հատոր առաջին*» . (*Recueil des historiens des Croisades. Documents arméniens, publié par l'Académie des Inscriptions et Belles – Lettres*): Այս մեծ աշխատասիրութեան վրայ հետեւեալ կերպով կը խօսի է. Ռընան ասիական ընկերութեան տարեկան Տեղեկագրին մէջ ի ժողովի գումարելոյ ի 25 յունիս 1870. «*Յառաջաբան մը, կ'ըսէ, գործածած վաւերականաց վրայ. ընդարձակ ներածութիւն Փոքր Հայոց թագաւորութեան և Կիլիկիոյ վիճակին վրայ՝ ի ժամանակի խաչակրաց. ի սկիզբն գրոցն դրուած են ազգագրական և տոհմաբանական ցուցակներ. և յետոյ պատմագիրքն Մատթէոս Ուռհայեցի, Միքայէլ ասորի, Ներսէս Լամբրոնացի և ուրիշներ, հայերէն բնագրով և գաղղիերէն թարգմանութեամբ: Յաւելուած մ'ալ*

Լուսինեանց թագաւորութեան պատմութեան, այն ժամանակին որոյ նկատմամբ քիչ են հայկական վաւերագիրք: Կը վերջնայ հատորն չորս հրովարտակաց արեւատիպ նմանահանութեամբ, և գրական՝ պատմական և աշխարհագրական ցուցակներով: Պրուածքիս (դեռ անտիպ) երկրորդ հատորը պիտի բովանդակէ հրովարտակներ, քահանայապետաց կոնգակներ, դրամներ, նկատողութիւններ, արձանագրութիւնք՝ որ կը պատկանին Հայոց աղգի այն պատմութեան՝ որոյ կեդրոնն էր Սիս քաղաք »:

Սելճուգեանք՝ մեծ Հայաստանի վրայ ըրած արշաւանքներով, ստիպեր էին երկրին քրիստոնեայ ժողովուրդքը հեռանալ օտարութեամբ իրենց երկրէն, և յունական կայսերութեան արեւմտեան սահմանաժայթքը ապաստանիլ: Յաջորդաբար ցրուեցան յեզերս Եփրատայ՝ ուր թըշնամին քիչ ատենէն ետեւնէն պիտի հասնէր, և մինչեւ ի հարաւային արեւելեան անկիւն փոքուն Ասիոյ, ուր վերջապէս յաջորդեցան գտնել իրենց փնտռած ապահովութիւնը: Տաւրոսի անհարթ լեռանց մէջ՝ ի Կիլիկիա այլեւայլ իշխանութիւնք հաստատուեցան այս գաղթականաց ձեռքով: Ասոնց մէջ ամենէն նշանաւորն, և որ յետոյ պիտի տարածուէր մինչեւ յեզերս Միջերկրականին և ի ծով կիպրացւոց, իրեն սկզբնաւորութիւնն պարտի քաջայանդուգն և արիական կուսակցութեան առաջնորդի մը. Ռուբենի, որ իրեն անունովն կոչուած Ռուբինեան իշխանաց նահապետն է: Այս փոքր իշխանութիւնը, զոր արեւմտեայք խաչակրաց ատենէն սօվոր են թափառողութիւն փոքր Հայոց կոչել, կամաց կամաց ընդարձակելով, յարաբերութիւններ ունեցաւ ասորեստանի լատին գաղթականաց հետ, ու Երուսաղեմի ու ապա Պըտղոմայիդայ անկմանէն ետքը, Կիպրոսի թագաւորութեանն հետ՝ վերջին պատուար մեղաւ քրիստոնէութեան յարեւելս: Իր պատմութիւնը անմիջական կերպով կապուած է անդրաժողովեան նուիրական պատերազմաց ընդ-

Հանուր պատերազմաց հետ: Ոչ միայն Հայ մատենագիրք, այլ և յոյն, լատին, գաղղիացի, արաբք և ասորի ժամանակակից գրիչք, կը պատմեն կամ կը յիշատակեն գէթ հարեւանցի կերպով զքաղաքական անցս կամ դէպս թագաւորութեանն: Հաւաքել ի մի այս պատմութիւններն իրենց հայկական սկզբնագիրներուն մէջէն, համեմատել և լուսաւորել բաղդատելով օտար հեղինակաց հետ, Տիւլորիէի գործունէութեան օգտակար և բուրովին նոր ձեռնարկ եղաւ. և զոր ի գլուխ տանելով՝ ձեւացուց խաչակրաց պատմչաց մեծ հաւաքման նշանաւոր հատոր մը, որոյ մտածութիւնն ունեցեր էին ժամանակաւ Բենեդիկտեանք. և Արձանագրութեանց և Գեղեցիկ դպրութեանց ակադէմիայն, արժանի ժառանգ այդ իմաստուն կրօնաւորաց, գործունեայ ջանիւք կը յարատեւէ դնել զայն ի գործ:

Փափաքելի ու ցանկալի է որ այս բազմօգուտ հաւաքման հայկական մասին երկրորդ հատորն ալ, որ արդէն գրեթէ պատրաստ և մեծապէս հետաքննական է, շուտով կարենայ հրատարակուիլ, տպագրութիւնն արդէն աւարտուած ըլլալով, ինչպէս կը կարծենք:



Ռուս լեզուի գիտութեամբ ու Էմինեան Մկրտչի հետ ունեցած թղթակցութեամբ կրցաւ Տիւլորիէ Լազարեան ուսումնարանի տեսչութեան ու հոգաբարձութեան հետ շարունակեալ յարաբերութեան մէջ ըլլալ: Նոյն ուսումնարանի վրայ տեղեկութիւն մը հրատարակեց ի 1855 յԱբե-եթեան հռոդիէ (Նոր շար, Հատ. Գ. 438-350, ու 1858ին յԱբե-եթեան օրոգիէ (Շար Ե, Հատ. ԺԱ 476-479) մահազոյժ կենսագրական մը Լազարեան Յովհաննու Բ կոմսին վրայ. որ նոյն տարւոյն փետրուար 18ին վախճաներ էր ի Փեթրպոլիկ:



Ազգային մատենագրութեան նկատմամբ կարեւոր երկասիրութիւն մ'էր զոր Տիւրքիէ հրատարակեց ի 1852 խորագրովս . « Ուսումնասիրութիւն հին Հայաստանի պատմական երգոց և ժողովրդական ավանդութեանց » , (Etudes sur les chants historiques, et les traditions populaires de l'ancienne Arménie), հետեւողութեամբ Ալիշան և Պաթրըճեան վարդապետաց և Մկրտչի Էմին գիտնական և հմուտ քննութեանց :

Տիւրքիէի կարեւորագոյն թարգմանութիւններէն մէկն է՝ ուսէ ի գաղղիականն՝ հետեւեալ խորագիրն ունեցող փոքրիկ բայց հետաքննական գրուածք մը . « Պատմութիւն, վարդապետութիւն, ավանդութիւնք և պատարագամատոյց արեւելեան հայկական եկեղեցւոյ » . (Histoire, dogme, traditions, et liturgie de l'église arménienne orientale). որոյ այլեւեայլ տպագրութիւնք եղան ի Փարիզ : Այս փոքրիկ գրուած, որ Լազարեան ուսումնարանի սեպհականութիւնն է, կը պարունակէ զհամառօտ պատմութիւն եկեղեցւոյն Հայոց, անոր հաւատոյ դաւանութիւնն՝ զոր յօրինած է Շնորհալի հայրապետն Ներսէս, զպատարագամատոյց, և այլ տեղեկութիւններ նկատմամբ սուրբ խորհրդոց, նուիրապետութեան, քահանայական սպասուց և հանդերձից, և այլն :

Հանդէս երկուց աշխարհաց (Revue de deux mondes) ուսումնաթերթին մէջ ալ 1856ին հրատարակեց Տիւրքիէ (Իտարի, Հատ. 2, 209-255) երկար ու հմտական հատուած մը « Հայկական ընկերութիւն յիննեւտասներորդ դարու, և իր քաղաքական, կրօնական ու մատենագրական դիրքը » (Les Arméniens en Autriche, en Russie et en Turquie, ou la Société arménienne au XIX siècle, sa situation politique, religieuse et littéraire) :

Թարգմանուած ի հայ և հրատարակեալ յԵւրոպայ լրագրի Միսիթարեանց ի Վիէննա, ի Փարիզ՝ յամսաթերթն Մասիոց աղտնի (1854), և ի ռուս լեզու տպագրեալ ի Թիֆլիզ՝ ի Պերժէէ (1855): Այս հատուածին իբրու շարայարութիւն կրնայ համարուիլ նոյն խորագիրը կրող հատուած մը, հրատարակեալ ի 15 յունիսի 1867, ի Մկրտչէ Պ. Տատեան. (Հանդէս երկոց աշխարհաց, ԼԷ տարի, Հատ. 69, 903-928):

Պիտնական հայագէտս ուրիշ բազմաթիւ յօդուածներ ալ հրատարակած է նոյն ուսումնասիրութիւն մէջ իրեն ժամանակակից քաղաքականութեան վրայ, մանաւանդ ռուսականին ի կովկասեան գաւառս, ինչպէս նաեւ ուրիշ նիւթոց: 1858, 15 ապրիլ թերթին մէջ տեղեկութիւն մը տուաւ Խոստարաշեանի հայ-ռուս բառգրոց վրայ: Քանի մը տարի յառաջ ալ նոյն հանդիսին մէջ հատուած մը հրատարակեալ էր « Փոքր Ասիա, ըստ ռուս ուրումն ուղեւորի » (L'Asie Mineure d'après un voyageur russe), որ էր Զիհաշեվ: Ասիական օրագրին մէջ ալ (Շար վեցերորդ, հատոր ԺԳ) Թարգմանեց ի հայէ յաշխարհագրութենէ Ալիշան Հ. Ղեւոնդի զգլուխսն որ յաղագս « Տեղագրութեան Հայոց Մեծաց »: Իսկ Փոքուն Հայոց վրայ ցուցեր էր նոյն ամսագրին մէջ (Շար վեցերորդ, հատ. Թ) Թէ որչափ օգտակար է Սարգիսեան Հ. Ներսիսի տրապիզոնեցւոյ՝ տեղագրական երկասիրութիւնն որ 1843էն ց'1853 ուսումնական ուղեւորութիւն մը ըրաւ ի Հայաստան: — Ասիական օրագրին՝ շար հինգերորդ, հատոր ԺԷին մէջ (377-437) հրատարակեց Տիւլորիէ, « Ուսումնասիրութիւն ի վերայ քաղաքական, կրօնական և վարչական կարգաւորութեան Թագաւորութեան Փոքուն Հայաստանի (Etude sur l'organisation politique, religieuse, et administration de royaume de la Petite Arménie). որոյ շարունակութիւնն և վերջ՝ ի հատորն ԺԸ 289-357: Արեւելեան հանդէս ամսագրին 1858 տարւոյն մէջ հատուած

մը ունի այս խորագրով. « Պատմութիւն խաչակրութեանց ըստ հայ ժամանակագրաց » . (Histoire des Croisades d'après les chroniques arméniennes, 169-184) : Ուրիշ հատուած մ'ալ . « Վաճառականութիւն, սակ մաքսատանց և քաղաքական պայման օտարականաց ի Թագաւորութեան Փոքուն Հայաստանի ի միջին դարս » . (Commerce, tarif des douanes et condition civile des étrangers dans le royaume de la Petite Arménie au moyen âge) ի հատորն ութերորդ նոյն հանդիսի (277-287, 350-366) :



Պատմական ուսմանց նկատմամբ Տիւրքիէ գոհ չեղաւ միայն խաչակրաց ժամանակին վերաբերութեամբ գրաւիելով : Իր մասնաւոր ուսումնասիրութեանն առարկայ ըրաւ Մողոլաց ժամանակը . ու 1858 ին հրատարակեց Աւիւան լրագրին՝ հինգերորդ շար, մետասաներորդ հատորին մէջ « Մողոլք՝ ըստ հայ պատմչաց, հատուածք Թարգմանեաք ի սկզբնագրոցն » . (Les Mongols d'après les historiens arméniens; fragments traduits sur les textes originaux; 192-255, 426-473, 481-508) : Եւ եւն քաղուածքս ի պատմագրութենէ Կիրակոսի Քանձակեցւոյ : Շարունակութիւնն, որ հանուած է ի գրոց Վարդանայ պատմչի, հրատարակուեցաւ ի հատորն ԺԶ, հինգերորդ շար (273-322) :

1867ին երբ Եւարիստ Բրիւտոմ ուսերենէ Թարգմանեց Ք. Պատկանեանի մէկ երկասիրութիւնը, « Քըն նութիւնք ի վերայ կազմաւորութեան հայ լեզուի » (Recherches sur la formation de la langue arménienne), Տիւրքիէ շատ ընտիր բանասիրական ծանօթութիւններ աւելցուց, ամենապարզ բացատրութեամբ հայկական լծորդութեանց գրութեանը : Գիտնոց կոչուած (Journal des savants) օրագրին մէջ քննադատեց Վ. Լանկլուայի հրատարակած հայ պատմագրաց հաւաքումը :

Տիւրքիէ մեռաւ ի 21 դեկա. 1881: Մահուընէն քիչ յառաջ կը պատրաստուէր ի հրատարակութիւն Ստեփանոսի Տարօնեցւոյ կամ Ասողկան ընդհանուր պատմութեան գաղղիական թարգմանութեան: Առջի երկու գրքերը արդէն պատրաստ էին ի տպագրութիւն, և հրատարակուեցան առ Լըռուի ի 1883: Շատ հետաքննական են ծանօթութիւններն որովք զարգարեց և ճոխացոյց Տիւրքիէ այն թարգմանութիւնը, և իր քաջածանօթ խորունկ հմտութիւնը կը ցուցնեն: Թարգմանութեանն բնագիր ընտրած է Փարիզու ազգային մատենադարանին վէջ գտնուած գրչագիր մը, և ուրիշ մը որ կը պահուի ի Սուրբն Ղազար Մխիթարեանց, բաղդատելով Էջմիածին գտնուածին հետ, զոր ի 1857 հրատարակեց Կարապետ վարդապետ Շահնազարեանց ի Փարիզ, և ռուսերէն թարգմանուեցաւ և հրատարակուեցաւ ի Մկրտչէ Էմինեան (ի Մոսկուա, 1864): Տիւրքիէ յաջորդն յուսուցչութեան հայերէն լեզուի՝ Աւիլատ Փարրիէր կը պատրաստէ զթարգմանութիւն երրորդ և վերջին գրոցն: Այս մասը պիտի բովանդակէ զմանրամասն կենսագրութիւն և զգրաւորական արդիւնս Տիւրքիէի:

## Ա. ԳԱՐՐԻԷՐ

Փարրիէր Աւիլատ ծնած է ի Լինընէյ (ի Ստորին Սէյն) և (բողոքական) աստուածաբանական ուսմանց ընթացքն կատարած ի Ժընեւ, և Սթրասպուրկի աստուածաբանական ուսուցչաց կաճառին առջեւ (faculté) բանամրցութիւն մը ըրած է « Պատմական և քննադատական հետազոտութիւն ի վերայ ժամանակի մարգարէութեան Ամբակումայ » խորագրով (Étude historique et critique sur l'époque de la prophétie d'Habacuc). Յետոյ բարձրագոյն ուսմանց դպրոցին մէջ երկրորդա-



կան ուսուցիչ (répétiteur) անուանեցաւ, ու 1873 ին քարտուղար-մատենապետ արեւելեան կենդանի լեզուաց դպրոցին, և որոյ գրատունը ձախացուց և կարգի դրաւ՝ քսան հազարի հասցընելով հոն ամփոփուած մատենից թիւը: — Հայկական աստուածաշունչ գրոց թարգմանութեան մէջ պահուած Յովեթայ եւ Ասանեթի պատմութեան, ի կարգէ անհարազատ գրոց, գաղղիական թարգմանութիւնն ըրաւ և հրատարակեց ի 1886 (Une version arménienne de l'histoire d'Asséneth; Nouv. Mém. Orientaux. 477-513): Զոհրապեան՝ իր 1805ին հրատարակած հայ աստուածաշունչ գրոց տպագրութեան մէջ իրրեւ յաւելուած դրեր էր նաեւ զ'Եզր չորրորդ, և յառաջորանին մէջ կը ծանուցանէր որ ուրիշ անվաւեր և ոչ հարազատ գրոց ձեռագիրք ալ կը գտնուէին իր քովը, ինչպէս Մահ երկոտասան մարգարէից, Կտակք երկոտասան նահապետաց, և Պատմութիւն Յովսեփայ Գեղեցկի և Ասանեթի: Այս գրոց՝ դեռ մէկն ալ հրատարակուած չէր. և սակայն ի ժամանակագրութեան Միւթարայ Այրիվանեցոյ, զոր էմին ի 1870 հրատարակեց ի Մոսկուա և ի 1867 Պատկանեանն ի Փեթրպուրկ, յայտնապէս կը տեսնուի թէ կար անոնց խմբագրութիւնն արդէն յերկոտասան դարու: Զոհրապ միտքը դրած էր երկոտասան նահապետաց կտակներն ու Յովսեփայ և Ասանեթի պատմութիւնն տպագրել, և օրինակն ալ արդէն պատրաստած տպագրողին յանձնելու: Քարրիէրայն օրինակը ձեռք ձգելով, գաղղիարէն թարգմանութեամբ հրատարակեց: Այս մանրամասն տեղեկութիւնները մէջ բերելնուս նպատակն է, որ ինչպէս բանիբուն հրատարակիչն իրաւամբ կ'ենթադրէ, սուրբ գրոց այլ և այլ անյայտ կամ անվաւեր մասունք, որք յառաջագոյն թարգմանուած են ի հայ և հիմայ շատերն կորսուած, կրնան դեռ եւս թաքուն պահուած ըլլալ ի խորշս աստուածաշունչ գրոց և մատենադարանաց, ուստի և հնասէրք պէտք է ետեւէ ըլլան անոնց գիւտին և հրատա-

րակութեանը, յորոց մեծապէս պիտի օգտուի սուրբ գրոց գիտութիւն։



Փարրիէր հրատարակեց դարձեալ զբնագիրը և զթարգմանութիւն հայկական արձանագրութեանց նշխարապատու փի մը որ ի Վասիլեւքի հաւաքման; *Inscription d'un Reliquaire arménien, de la collection Basilewski, avec deux planches.* — Paris 1883. (*Mélanges* 1883, և Ագգային տպագրատուն ի Փարիզ ի 52 էջս)։ Մեծապէս հետաքննական այս արձանագրութիւն, ոտանաւոր եղերեւորութիւն մ'է ի վերայ առմանն Հռոմկլայի ի Մէլիք-Աւրաֆ ուլղանէն Եգիպտոսի (1293)։ Սկեւռայի վանաց մէջ յօրինուած կ'երեւնայ, առ Թագաւորութեամբ Հեթմոյ (1289-1307)։

« Առիթ ունեցայ, կ'ըսէ ի յառաջարանին, երեք տարի յառաջ՝ Վասիլեւքի հաւաքման մէջ տեսնել այս սրբարանը, որովհետեւ արեւելեան լեզուաց դպրոցի մատենադարանը բերեր էին զայն, որպէս զի քննէ և Թարգմանէ հանգուցեալն Տիւղորիէ : Դժբաղդարար՝ աւելի ստիպողական պարապմունք, և խանգարեալ առողջութիւնը դարմանելու կարեւոր խնամք՝ արգելք եղան գիտնական ուսուցչին՝ ունեցած մտածութիւնը ի գլուխ հանելու՝ Թարգմանելով այն յիշատակարանին վրայի արձանագրութիւններն : Կը կարծեմ թէ բան մ'ալ ըրած չէր դեռ եւս, երբ սրբարանը Վասիլեւքի յանձնուեցաւ :

« Քանի մը ամիս վրան անցեր էր, երբ քննելով հին թղթերու և արեւելեան գրուածոց անուրդէ գնուած կապոց մը, այլեւայլ քառածալ թերթերու հանդիպեցայ՝ որ աւելի կարեւորագոյն գրուածի մը մասունք կ'երեւնային, հայկական ընդարձակ բնագիր մը ամփոփելով, և գլխագիր տառիւք տպագրուած : Առջի բառերը կար-

գալուս, իմացայ թէ սրբարանին՝ արձանագրութիւնքն են, և հրատարակողը տեսեր է զայն և ուսումնասիրեր։ Բայց որով ձեռքով եղած էր այդ, որ գրուածքի մէջ։ Այս հարցմունք՝ միայն վերջի ատեններ իրենց լուծումը գտան։

« Անցեալ աշնան ուղեւով բուն բնագրին վրայէն թարգմանել այս արձանագրութիւններն, որովհետեւ ձեռքս եղածը խիստ սխալական էր, Վասիլեւսքիէ խընդրեցի կրկին տեսնել բուն սկզբնագիր յիշատակարանն. որ և սիրալիր յօժարութեամբ կատարեց առաջարկութիւնս, և որոյ համար արժան է ինձ յայտնել երախտագիտութիւնս։ Բայց յանձնելով ինձ սրբարանն, և թոյլ տալով որ քանի մը եօթնեակ քովս պահեմ, կաթող չեղաւ ուրիշ տեղեկութիւն մը տալ ինձ ո՛ւր տեղէն եկած ըլլալուն և անոր նախնական վիճակին վրայ, բայց միայն թէ յիտալիա ձեռք բերած էր զայն։ Չէր գիտեր թէ հայ արձանագրութիւնքն տպագրուած ըլլան, մանաւանդ թէ բոլորովին անտիպ կը համարէր զայն։

« Այս միջոցին՝ աւիթ ունեցայ ես գրաւոր վերաբերութիւն և հաղորդակցութիւն ունենալ սրբոյն Ղազարու Մխիթարեանց ուխտէն Հ. Ղեւոնդ Ալիշանի հետ, հանրածանօթ անձի հայկական ուսումնասիրութեամբ պարագողաց։ Սրբարանին վրայ տեղեկութիւն հարցընելով, գիտուն միանձնը ամենայն յօժարամիտ փութով հաղորդեց ինձ այն ամէն տեղեկութիւններն զոր ունէր այդ ազգային յիշատակարանին վրայ, որոյ հետքը կորուսեր՝ բայց մեծապէս հետաքննական էր իրեն համար։ Իրմէն իմացայ թէ Ա. Այդ սրբարան 1830ին Փիէմոնթի Աղեքսանդրիոյ փրանկիսկեան (cordelier) կրօնաւորաց վանքին մէջ էր։

Բ. Թէ նոյն տարին ուսումնասիրութիւն մը ըրեր էր անոր վրայ պարոն Աստուածատուր Փափազեանց, Կոստանդուպոլսի սարդենիական դեսպանին հայազգի թարգմանը, թէ զայն արձանագրութիւններն թէպէտ տպա-

գրել տուած էր՝ բայց ապա այնչափ խստիւ մեջտեղէն վերուցած տպագրեալ թերթերը, որ հազիւ ինքն հայրն Ալիշան ձեռագիր օրինակ մը ունէր անոր։

Գ. Թէ Փափազեանց սրբարանէն քանի մը մանրաս մասունք փորագրել տուեր էր, և տնոնց քանի մը փորձ ձերն Հ. Ալիշանի յանձներ 1850ին, անոր Թուրքիէ անշքած ատեն։

« Ահաապիկ ինչ որ կրցեր էր ինչ հաղորդել մեծանուն Թղթակիցս և չէր դիտեր թէ արդեօք Թողուցած է Փափազեանց ձեռագիր բացատրութիւն մը սրբարանին և արձանագրութեանց։

★ ★

Նոյն միջոցին՝ երբ Թարգմանութիւնս աւարտեր, լուսագրել տուեր էի յիշատակարանը, և տպագրութեամբ ի լոյս ընծայելու կը պատրաստուէի գրուածքս, ընդունեցայ ի Վասիլեւքիէ համառօտութիւն մը Յիշատակարանաց Թուրքինի գիտութեանց արքունի ակադիմիայի այս խորագրով. Reliquiario armeno già esistente nel convento di Bosco presso Alessandria in Piemonte. Brevi cenni di Vincenzo Promis. Torino, Ermanno Leoscher; 1883: Այս յիշատակարանիս ուստի յառաջ եկած ըլլալուն ալ տարակոյս չի մնաց։ Թուրքինի արքունական մատենագարանին հմուտ գրապետը՝ Փրոմիս, նոյն գրատան մէջ գտեր էր Փափազեանցի ձեռագիրն և պատրաստած փորագրութեանց պղինձներն, և արդարացի փութով մը ձեռք կը զարնէր հրատարակութեանն, քանի մը համառօտ տեղեկութիւններով և հինգ պատկերներով։ Հայկական բնագրին խօսքն ալ չկար, և կ'երեւնայ թէ հրատարակողն տեղեկութիւն ալ չունէր Փափազեանցի ձեռքով եղածին։

Ինչ ալ ըլլար, իմ երկասիրութիւնս արդէն աւարտած էր. և Փրոմիսի յիշատակարանը կարգացողներն

պիտի տեսնեն թէ ինձի ամենեւին օգտակար չէր կրնար ըլլալ՝ հայկականը մեկնաբանելու։ Բայց նայնը չեմ կրնար ըսել իր պատմութեանը տեսակիտով, որուն վրայ ունեցած տեղեկութիւններս դեռ խիստ քիչ էին. այլ իր գրուածքէն դրականաբար իմացայ թէ 1828ին սրբաւորանն Աղեքսանդրիոյ մօտ Պուքոյ կոչուած գիւղին Գոմինիկեանց վանքին մէջ պահուած էր, թէ այս տարւոյն ուսումնասիրեց զայն պարոն Փափաղեանց. և թէ այս վանքին հիմնադիրն Պիոս Ե. քահանայապետ (1566—1572) հարուստ մատենադարանով մը և բազմաթիւ ընտիր առարկայից հաւաքմամբ օժտեց զայն, և գրոց մէջ էր թերեւս, ամենայն հաւանականութեամբ, նաեւ այս նշխարատուփը։

Գարրիէր կը համարի թէ աւարառուաց յափշտակութեամբ մը փոխադրուած ըլլայ յարեւմուտս. ուր այլք հաւանականագոյն կարծեօք թէ ի Հայոց գաղթականաց փոխադրուած, և կամ ի նոյն իսկ Գոմինիկեան միանձանց՝ որ դարաւոր առաքելութիւն և վերաբերութիւն ունեցած են ընդ մերսն, ինչպէս ուրիշ տեղ յիշեցինք\*։

★ ★

Հայ լեզուի ուսման հետամուտ գաղղիացի աշակերտաց համար մեծ ծառայութիւն մատոյց Գարրիէր, Լաւէր գերմանացւոյն հայ—դասական լեզուի քերականութիւնն թարգմանելով ի լեզու գաղղիական, յաւելուածով համառօտ բառգրոց և ծաղկաքաղ հաւաքման մը։ Հրատարակուած ի Փարիզ առ Մէզոննէօվի 1884 (Grammaire arménienne par M. Lauer, traduite, revue et augmentée d'une Chrestomathie et d'un Glossaire). Յառաջաբանին մէջ կ'ըսէ. « Տիւլորէի ցաւալի մահուամբ

\* Սրբաբանիտ լուսանկարք, ստորագրութիւն և պատմութիւն, աւտեղուած են յԱլիշան վարդապետէ, ի Սիւսսան, յ'էջ 107—112։

յանձնառու եղած ըլլալով արեւելեան կենդանի լեզուաց դպրոցին մէջ շարունակել զդասախօսութիւն հայկականին, մէկէն զգալի եղաւ ինձ որ աշակերտաց ձեռք տալու համար գաղղիարենով բացատրուած գիրք մը չունէինք: Եւ հան Ջրպետի մեծահատոր Քերականութիւնն (Փարիզ 1823), և Պատկանեանի աշխատասիրութիւնն, Թարգմանեալի Բրիտոմէ, Թէպէտ ուրիշ նկատմամբ նշանաւոր, օգտակար չէին կրնար սեպուիլ իբրեւ դասատետոր գործածուելու: Վասն զի մեզի համար պակասօն էր՝ սկսնական համար առձեռն գիրք մը, պարզ, դիւրիմաց, և համառօտ. ամփոփելով զկարեւորն եւեթ, յարմար սկզբնական տեղեկութիւնները տալու հայկական լեզուի, անոր որ կ'ուզէ սորվիլ զայն գործնական նպատակաւ մը, իրենց հեղինակներն ընթեռնելու, առանց հետամուտ ըլլալու համեմատական բանասիրութեանց, որ մասնաւոր կերպով կ'ուսուցնասիրեն զօրէնս կազմութեան լեզուաց: Դասական հայրենի քերականութիւն՝ աշխատասիրեալ ի լաւերէ, թուեցաւ ինձ թէ ամփոփէ այս ամէն պայմանները, յորոց ոմանք դժուարաւ կրնան միաբանիլ: Քանի մի տարի յառաջագոյն Թարգմաներ էի զայն, առանձինն իմ կրթութեանս համար: Ինծի կ'երեւնայ թէ էական ծառայութիւն մի կը մատուցանեմ հայկական ուսուցնասիրութեան ի մերում երկրի՝ իմ այդ ձեռագիրս տպագրել տալով: Նախնական սկզբնադրին վրայ եղած քանի մի սրբագրութիւնք՝ հեղինակին հետ համաձայնութեամբ եղած են, որ յանձնառու եղաւ Թարգմանչին հետ աչքէ անցընել և սրբագրել տպագրելի թերթերը »:

\*  
\* \* \*

Մկրտչի Էմին յորելինի առթովն ալ՝ հին բառգիրք մը հրատարակեց Փարրիէր՝ ի լատին և ի հայ, որոյ խորագիրն « Բանք կամ Խօսք Հայոց » (Verba seu di-

otiones Armenorum) ի Փարիզ, 1880: Այս համառօտ բառգիրքը գտնուեցաւ, ինչպէս արդէն ծանօթ է մեր ընթերցողաց \*, սրբոյն Հերոնիմեայ մէկ քանի գրուածներն ամփոփող գրչագրի մը մէջ. գրուած Պրիստոսի 900 թուականին, և Յթէոն քաղքին կղերանոցի մատենադարանին մէջ կը պահուէր, և զոր գտաւ գաղղիացին Օմոն: Պատուական ու հետաքննութեան արժանաւոր գիւտ մը, որովհետեւ տասներորդ դարէն յառաջ հայկական առուգանութեան վրայ դասաստան ու գաղափար մը կու տայ: Պաւլոս Տըլակարտ հայերէնագէտն՝ անոր կարեւորութիւնը կը ցուցնէ ի գերման ուսումնաթերթին Göttingische gelehrte Anzeigen, 1888, ի թերթն ութերորդ՝ յ'էջ 297, ու այլեւայլ հետեւանք կը հանէ, որ կը հաւաստեն արդէն իրմէ յառաջագոյն յայտնած կարծիք 1853ին հրատարակած գրութեան մը մէջ Zur Urgeschichte der Armenier խորագրով. այսինքն՝ թէ սանաքրիտ հագագայինքն ոչ, է, ոչ հայերէնին մէջ կը հնչուին տկար ու, է, ոչ տառերով. և որովհետեւ նոյն ատենն ալ կային ու, է, ոչ, սանաքրիտի նոյն բաղաձայն տառից տեղ, ջանացին տառից իրարու հետ շփոթութեան վըտանգէն խուսափել՝ դնելով է, +, Բ ուժովներն. բայց այս փոփոխութիւնք մասնականք էին: Գրութիւնն արդէն իր հաստատութիւնն առած ըլլալով, խօսուած կամ աշխարհիկ լեզուին մէջ միայն մուտ գտին այս փոփոխութիւնք: Յթէոնի բառարանին մէջ կը գտնենք ու=է, է=+, գրերն՝ որով յայտնի կ'ըլլայ թէ այդ փոփոխումը յառաջ են քան գտասներորդ դար: Եւ յիրաւի, շատ աւելի հին են ատոնք: Համոզուելու համար բաւական է դիտել թէ ինչ տառադարձութեամբ հայ բառերն կամ անունները կը հնչեն Հրեայք և Յոյնք: Նոյն իսկ հիմա զանազան գաւառաբարբառներու մէջ՝ անձայն կամ համր տառից հնչմունք շատ փոփոխութիւն կը կրեն. և բա-

\* Տես յ'էջ. 8 այս գրուածքիս.

ւական չէ, օրինակ իմ, ըսելը թէ թէ տառը դէ կը հնչուի ի Տփտիս և թէ ի Պոլիս, այլ պէտք է նկատել թէ ինչպէս կը հնչուին միջին գաւառարարաւորներու մէջ։ Այս դիտողութեան հետեւեալքն այն կ'ըլլայ՝ որ զրաբար հայերէնին ենթադրեալ տառադարձութիւնն ոչ երբեք ձայնական կերպով կարող պիտի ըլլայ ներկայացընել մասնաւոր տեղւոյ մը հնչումը։ որով ամենայն ընդօրինակութիւն (transcription) կ'ըլլայ գրականական և ոչ ձայնական։



1891ին հրատարակեց Փարրիէր համառօտ ուսումնասիրութիւն մը Մօէի Խորենացի, և նահապետական ծննդաբանութիւն (Moïse de Khoren et les généalogies patriarcales) խորագրով։ և կ'ընծայէր դայն Յ. Տէրէնպուր՝ Փաղղիոյ գիտնոց կաճառին (institut) անդամ, և բարձրագոյն ուսմանց դպրոցի տեսչին։ Այս գրութեան ալ իր հայերէն թարգմանութիւնն ու հրատարակութիւն ունեցաւ, ինչպէս նաեւ հետեւեալքն, Նորֆոյն ալբեր Մօէի Խորենացի (Nouvelles sources de Moïse de Khoren), և անոր Յաւելում (Supplement), որ հրատարակուեցան նախ յԱսորեայ հանդէսի, և ապա առանձինն ի Վիեննա, ի տպարանի Միխիթարեանց։

Հայոց մատենագրական պատմութեան և պատմահօր նկատմամբ՝ ժանր խնդիր մ'էր զոր կը յուզէր, արդէն ուրիշներէն բազմիցս յուզուածներուն վրայ աւելցընելով՝ նաեւ ժամանակի խնդիրը, և փոխանակ հինգերորդ դարու անձ մը զինք նկատելու, ինչպէս ցարդ, ութերորդին մէջ ապրած համարելով։

Ուսումնասիրելու և լրջաբար քննադատելու նիւթ մը՝ բանասիրաց ամենայն մտադրութեանն արժանի, որով արդէն սկսած են և կը շարունակեն զբաղիլ։

Համառօտ գրութեան մ'ալ ունի Փարրիէր՝ Կօրենացաց



առ Պապոս առաքել, և Պապոսի առ Կորնիւսցի երբորդ ան վաւեր թղթոյն վրայ և հրատարակուած է ի Փարիզ:

Հոս կը լմընցընենք արեւելեան կենդանի լեզուաց դպրոցին մէջ հայ լեզուի ուսուցչաց շարք, որ իրարու յաջորդեցին, նախ

Ջրպետ Շահան առժամանակեայ	1798—1801
» » »	1810—1812
» » ուսուցիչ	1812—1830
Լըվայեան տը Յլորիվալ՝ տեղապահ	1826—1830
» » ուսուցիչ	1830—1862
Տիւրորիէ	1862—1881
Փարրիէր	1881

Կը մնայ մեզ խօսիլ հիմայ Սէն-Մարդէնի, Պրոսէի, Վիկտոր Լանկուայի, Եւգենէոս Պորէի, Եւարիստ Բրիւսոմի, Փատտերիասի և այլոց վրայ:

## Ս Է Ն — Մ Ա Ր Դ Է Ն

Համառօտիւ ներկայացուցինք մեր ընթերցողաց թէ ինչ կերպով սկզբնաւորութիւն առին հայկական ուսմանը ի Փարիզ ի դպրոցի արեւելեան կենդանի լեզուաց, և ո՞չք հետզհետէ ուսուցիչքն: Տարակոյս չկայ որ այս ուսումն ունեցաւ իր արդիւնք, որ մեծագոյն պիտի ըլլային անշուշտ եթէ առաւել մտադրութիւն ըլլուէր, մերթ յաւիտ և ընդունակ աշակերտներ զրկելով ի Հայաստան՝ բուն երկրին մէջ սորվելու և ուսումնասիրելու զլեզուն: Այս նկատմամբ հետեւեալ խորհրդածութիւնն կ'ընէր Հանդէս խաղաղութան և մարենաբնական ուսումնասիրութի վարչութիւնը՝ գրեթէ քսան և աւելի տարի յառաջ (1873 յունուար 11) Տիւրորիէի դասախօսութեան նաւակատեաց խօսած ճառը տպագրելուն առթիւ. « Տարօրի-

նակ անկանոնութեամբ մը, կ'ըսէր, հայ լեզուի ուսուցչական աթուր, որ գլխաւոր՝ մանաւանդ թէ միակ նպատակ ունի դարերէ ի վեր մեռեալ լեզու մը սորվեցընելը, արեւելեան կենդանի լեզուաց դպրոցին մէջ հաստատուած է։ Գիւրին է ըմբռնել թէ այսպիսի զգալի անկանոնութիւն մը որչափ մեծ արգելք է ի զարգացումն և ի բարգաւաճանս այս լեզուին ուսման։ Եւ յիրաւի, պատշաճագոյն տեղի աթուոյն պէտք էր որ Գաղղիոյ դպրոցն ըլլար » :

Խօսինք միւս գաղղիացի հայագիտաց վրայ որ նոյն դպրոցին մէջ ուսուցչի պաշտօն չվարեցին, զորս վերը արդէն յիշեցինք։



Յովհ. Ա. ՍԷՆ-Մարդէն ծնաւ ի Փարիզ ի 1791։ Իր հայրը որ վաճառական մ'էր, որդին ալ նոյն արուեստին սահմանած էր. բայց հարուստ տեղանաւոր մը տղուն հանճարին հաւնելով, հօրմէն հաճութիւն առաւ որ թոյլ տայ որդւոյն յաճախել ի դպրոցն Կենդրոնական յուսումն՝ որ Չորս ազգաց (Quatre nations) կոչուած վարժարանին մէջ հաստատուած էր (1802-1809)։ Մեծ յաջողամտութիւն ցըցուց հոն՝ հանճար, հմտութիւն, երեւակայութիւն և բանից ճոխութիւն չէր պակսեր իրեն. որով և համարձակեցաւ Տոմ Բարլո խորագրով ողբերգութիւն մ'ալ յօրինել, և Խոօրո՛վ վիպասանական քերթուածի մը առաջին երգերն Տըլիլ քերթողին տուաւ յընթերցումն։ Տըլիլ ճանչնալով ալ թէ որչափ գովելի և արդիւնաւոր կրնայ ըլլալ՝ այդպիսի յանդուգն ճիգն և ջանք մը, լաւագոյն և օգտակար եւս համարեցաւ խորհուրդ տալ իրեն բանաստեղծութեան չպարապելու։ Մտադիւր անաց նա այս թելադրութեան, և արեւելեան կենդանի լեզուաց ուսման ետեւէ եղաւ ամենայն ջանք

քով, և քիչ ատենէն պարագլուխն արեւելադիտաց, —  
ինչպէս կ'ըսէր իր բարեկամն և ուսումնակից Աբէլ Ռէ-  
միւզայ: —

★ ★

Արեւելեան լեզուաց մէջ արաբականին ուսումը աւելի  
գիւրամատչելի էր այն ատեն, շնորհիւ Երբեմնիտսի, Կո-  
լիուսի և ուրիշ զանազան տպագրեալ և թարգմանեալ  
քնագրաց, զորս Փարիզու մատենադարանը ուսումնասիրո-  
ղաց կրնային ընծայել: Բայց Հայկականին Համար՝ թէ-  
պէտեւ նոյն ատեններն մասնաւոր աթոռ մը հաստա-  
տուած էր արեւելեան լեզուաց դպրոցին մէջ և Տերսան  
քահանայի և Աբէլ Ռէմիւզայի թանգարանք բաց էին  
իրեն Համար, սակայն ուսումնասիրաց և հետամտից քիչ  
օգտակարութիւն մատուցանելով: Սէն-Մարդէն յաղթա-  
նակեց ամէն արգելից և խոչընդակաց. և քսանըմէկ տա-  
րուան Հասակին՝ բաւական ծանօթութիւն և հմտութիւն  
ունէր արաբացի հարուստ լեզուին, որ նշանաւոր կրնայ  
Համարուիլ բաղմամբիւ փոփոխութեամբքը, համաձայնու-  
թեանցն և բառակազմութեան ճոխութեամբ: Շարունա-  
կելով և յառաջ վարելով ապա իւր Հայկական գիտու-  
թիւնն, որ հիմն պիտի ըլլար իր համարմանն և մասնա-  
գիտութեան, կը պարապէր նաեւ պարսիկ, ասորի և  
պարսկական լեզուաց. փորձեց նաեւ հարեւանցի կեր-  
պով մը վրաց լեզուին ետեւէ ըլլալ: Ոմանք կ'ըսեն թէ  
զենդի ուսմամբ ալ զբաղած ըլլայ, զոր այլք հաւանա-  
կան չեն համարիր: Նոյնպէս հաւանելի չերեւնար այլոց  
ենթագրութիւնը թէ քսանըմէկ տարուան Հասակին ար-  
գէն շարագրած ըլլայ իւր համբաւաւոր և անուանը  
մեծ պատիւ բերող երկասիրութիւնը « Պատմական և  
աշխարհագրական յիշատակագիրք ի վերայ Հայաստա-  
նեայ » (Mémoires historiques et géographiques sur  
l'Arménie): Այս գրուածք հրատարակուեցաւ ի 1819.

և անոր մէջ երեւցած հասուն գատողութիւն և ոճը նկատողը յայտնի կը տեսնէ, որ գէթ մեծագոյն մասամբ՝ մեզ աւանդուած ժամանակէն ետքը գրուած պիտի ըլլայ։ Ինչուան նոյն ատեն կարեւոր հրատարակութիւն մը ըրած չէր, բաց ի օրագրաց մէջ գրուած քանի մը աննշան հատուածներէ, եթէ ուզենա՞նք ի բաց առնուլ ուրիշ տեսակէտով կարեւորութիւն ունեցող՝ Պարտաւոր Յիշատակ (Motifs du vote négatif) խորագիրը կրող գրուածք մը, զոր իշխեց հրատարակութեան տալ, երբ 1815ին Նափոլէոն Փաղղիոյ հաւանութիւնն ուզեց առնուլ իր յաւելուածական մէկ կարգադրութեան (acte additionnel)։ Լաւագոյն էր որ այսպիսի խնդրոյ մը մէջ, — գէթ այսպէս կը դատեն իր կենսագիրքը, — ՍԷՆ-Մարդէն չխառնուէր՝ զբաղելով միայն Մամիկոնեանց և Օրբէլեանց պատմութեամբ։ Համարձակ լեզուով ու խիստ ոճով գրուած մ'էր այն։ Արդեօք Նափոլէոնի ձեռքն անցա՞ւ, կամ յետ ընթեռնելոյն ուզե՞ց տեսնել զհեղինակն։ Եղա՞յի միայն յայտնի է որ իր ապագայ ասպարիզին յաջողութեան մեծ խոչընդոտն եղաւ, ինչպէս պիտի տեսնենք։

\*  
\* \*

1818ին արքունի տպարանէն հրատարակուեցաւ՝ իր քիչ յառաջ յիշատակուած Յիշատակարանաց գրքին առաջին հատորը, երկրորդն ալ հետեւեալ տարւոյն։ Այս երկասիրութեան մէջ ՍԷՆ-Մարդէն կ'երեւնայ լեզուագէտ, քննադատ, և որով առաջին լուսաւոր ակօս մը բացող կրնայ համարուիլ ի խաւարի աշխարհի մը՝ որոյ վրայ ինչուան նոյն ատեն ի Փաղղիա տպուած ժանօթութիւնք խիստ անկատարք էին և համառօտք, և չէր կարծուէր թէ աւելի խորունկ կերպով ուսումնասիրելու արժանաւոր ազգ կամ երկիր մը ըլլայ, ուստի և իմաստնոց մէջ մեծ յուզում պատճառեց ՍԷՆ-Մարդէն իր այս

գործածքով: Գիշոյ կոչուած օրագիրն մեծ համակրութեամբ ողջունեց այս հրատարակութիւն, որ կ'ընդարձակէր գիտութեանց ապարէզը և տէրութիւն: Նոյն լեզուն գործածեցին նաեւ ուրիշ լրագիրք և հանդէսք. և այն ատեն իրականութիւն դարձաւ Ռէմիզայի գուշակութիւնն թէ Սէն-Մարգէն՝ պարագլուխ պիտի ըլլայ արեւելագիտաց:

Առաջին հատորը կը բովանդակէ զընդհանուր պատմութիւն և զաշխարհագրութիւն երկրին. և այս պատմութեան և աշխարհագրութեան գրքից ինչուան այն ատեն բոլորովին անծանօթ էին իմաստունք Եւրոպայ. մանաւանդ թէ բոլորովին սխալ գաղափարք և տեղեկութիւններ ունէին. Յովհաննու Սեդրոսեան եռահատոր հմուտ երկասիրութիւնն իտալական լեզուով չէր կրցած գտնել պէտք եղած և արժանաւոր յարգը:

Դրուած է հոն նկարագրութիւն Մեծ Հայոց (45—173), նկարագիր Փոքուն Հայոց (180—204), քննութիւն վիճարանական Հայաստանի այլեւայլ անուանց ծագման վրայ (205—278). համառօտութիւն մը պատմութեան Հայոց (279—404), և ժամանակագրական տախտակներ (404—446): — Երկրորդ հատորին մէջ հետեւեալ գլուխներն ամփոփուած են. Զկենաց և զգրուածոց Ստեփանոսի Ուռպելեան՝ արքեպիսկոպոսի Սիւնեաց (1—15). Քննադատական տեսութիւն ի վերայ Ուռպելեան տոհմին և ուրիշ այլ և այլ հին գաղթականութեանց ի Հայաստան և ի Վիրս հաստատելոց (15—57). Պատմութիւն Ուռպելեանց (57—176). Ժանօթութիւնք (176—301). Տեղեկագիր ի վերայ ժամանակի շարագրութեան աշխարհագրութեան ընծայելոյ Մովսիսի Խորենացոյ (301—309). Աշխարհագրութիւն ընծայեալ Մովսիսի. (309—178). Ժանօթութիւնք (388—395). Ճանապարհացոյց ի Դուին մայրաքաղաքէ Հայաստանի յայլ և այլ քաղաքս երկրին և այլոց ոմանց աշխարհաց (395—398). Տեղեկութիւն ի վերայ չորից գետոց դրախտին, և այլոց քա-

ռատուն և երկու գլխաւոր և անուանի գետոց (397—408)․ Աշխարհագրութիւն վարդանայ վարդապետի 407—454)․ Հրովարտակ Միհր Ներսէի քաղաքապետին Հայոց ի կողմանէ թագաւորին Պարսից՝ առ նախարարս աշխարհին Հայոց մեծաց (472—476)․ Ժանօթութիւնք (476—479)․ Թուղթ իշխանաց արեւելից Հայոց առ պապն (479—486)․ Ժանօթութիւնք (486—489)․ այբուբենական ցուցակ աշխարհագրական անուանց որ յերկոսին հասորս գրոցն․ (489—519)․ ցուցակ նիւթոց։ Բովանդակ գրոց մէջ՝ ուր որ հայ բնագիրը կայ՝ դրուած է ի մի էջ, և ի միւսն՝ թարգմանութիւնն ի լեզու գաղղիակոն։



Պրոսէ՝ որ ՍԷՆ-Մարդէնի գլխաւոր կենսագիրներէն մէկն է, « Երբ, կ'ըսէ, իր երկասիրութեանց առաջին փորձը կը նկատեմ, որ միանգամայն գլուխ գործոցն է, իր բովանդակ փառքը և բովանդակ գրականական զօրութիւնը, չեմ զարմանար այն հիացման վրայ՝ զոր հմուտք իրեն ընծայեցին։ Մեր ուսմանց մէջ, բանասէրը՝ փորող մ'է որ խառն հանք մը կը հանէ, կամ առ առաւելն օտար նիւթերէ կը մաքրէ․ մինչ գիտունը՝ զայն ճարտարութեամբ կը գործածէ, ու բանի կը բերէ պանչելապէս։ Այս է ՍԷՆ-Մարդէնի նպատակը։ Անդստին իր ուսմանց ընթացից սկզբնաւորութենէն, առանց դեղեւելու, յառաջ քալեց դէպ իւր նպատակն, որ արդէն իրեն ծանօթ էր, լեզուաց գիտութեամբ օժանդակուելու ի պատմութեան Ասիոյ և յաշխարհագրութեան, իր երիտասարդութեան ատենէն կազմած նախագաղափարով, ուստի երբէք չօտարացաւ։ Ուստի ամէն բան պրպտեց, քննեց ինչ որ կարեւոր էր իրեն այս նպատակաւ գրելու, ի հայ յարաբ և ի թուրք բարբառ։

« Ընդարձակ էին իր տեղեկութիւնք նկատմամբ այն աշխարհաց՝ որոց վրայ կեդրոնացած էին տեսութիւնքը։

Իրեն համար՝ հայ լեզուն պէտք էր որ մեծ յարաբերութիւններ ունենայ ընդ արդի՝ և մանաւանդ ընդ հին պարսիկ լեզուի։ Ուստի հետազոտութեանցը նպատակ դրեր էր այդ հին լեզուին ամէն բարբառներն. քննութիւն ուզած էր զենտ լեզուի և իր ճիւղերուն այն պատահաւոր զոր չէր կրցած գտնել հայերէնին մէջ՝ զոր համեմատաբար նորագոյն լեզու մը կը համարէր։ Այն վախճանաւ սկսաւ ուսումնասիրել կովկասեան գաւառաբարբառներն, և հետագոտել ինչ որ ի ժամանակին ծանօթ էր վրաց լեզուին վրայ։ Մանճի բանասիրին հետ քանի մը հարիւր բառերէ ձեւացած բառարանի մը յօրինման պարապեցաւ, և հարկ չէ ըսել՝ որ շատ անկատար երկ մ'էր։ Ու Հայաստանը իրեն կեդրոն մը առնլով, առաջ կ'երթար ի Պարթևս, Մարս, լերինս Կորդուաց, յԱսորեստան և ի Քաղդէաստան. ու կ'առաջնորդէր մինչ ի Լազիստան, Կողքիս, Իբերիս և յԱզուանս։ Ապա կը սկսէր բացատրել մէկը միւսով, լեզուներն ու պատմութիւնը, ժամանակագրութիւնը և գիտութիւնք, և իր իշխանութեան տակ գտնուող ամէն ժողովրդոց իրարու հետ ունեցած յարաբերութիւնքը։ Իր իշխանութիւնը կոչեցի, վասն զի տէր էր գրականական Ասիոյ այս մեծ մասին։

« Եթէ լոկ Թարգմանութիւն ըլլար, դիւրին գործ մ'էր. դժուարագոյն էր համեմատելը, և անոր հետեւանքն ընծայել. և յայսմ է գլխաւոր արդիւնք առաջին հատորոյ իւր Յեշաթախբանայ։

« Ընթերցողը նախ կը գտնէ հոն հայկական լեզուի դիրքին վրայ գրութիւն մը, ու խորունկ՝ և պատմական բանասիրութեան համար բոլորովին նոր խորհրդածութիւններ. յետոյ ուրիշ և նոյնպէս նոր երկասիրութիւն մը աշխարհագրութեան վրայ՝ պատմութեան վրայ հիմնուած, և արգասիք ընդարձակ ընթերցասիրութեան։ Յետոյ կը յաջորդեն Հայաստանի քաղաքային և կրօնական պատմութեան տախտակք. յորս յաճախ չհամաձայնիր ուրիշ

ժանօթ աշխատասիրութեանց, և հեղինակը չի ծանուցաներ մեզ այն մատենագիրներն որոնց հետեւեր է:

Իսկ յերկրորդ հատորին՝ բաց ի հետաքննական քննախօսութենէն Մամիկոնեանց և Օրբելեանց ի Հայաստան հաստատուելուն, բնագրին ի մատրասարնակ հայոց խընամբով յղկուած տպագրին թարգմանութիւնն մեծ աշխատանք մը չէր: Բայց եթէ ակնարկ մը ձգենք այն բազմաթիւ ժանօթութեանց վրայ որք դրուած են համառօտ բնագիրն ամբողջացնելու նպատակաւ, և ամէն լեզուներէ քաղուածոց հարստութեան, արժանապէս գովելու բաւական խօսք կը պակսի մեզ \* »:

\* \*

1814ին՝ Հնասիրաց ընկերութիւնն, որ կը յաջորդէր կելտական ակադէմիային, քարտուղար անուանեց զՍԷՆ-Մարդէն, և իրեն յանձնեց որ նոր ընկերութեան բացման կամ նաւակատեաց ճառախօսութիւնն ընէ: 1817ին Արձանագրութեանց և Գեղեցիկ դպրութեանց ակադէմիոյ մէջալ իր մէկ երկասիրութիւնը հրատարակել տուաւ. « Հետազօտութիւնք ի վերայ պատմութեան և աշխարհագրութեան Մեսենաց և Կումագենաց » (Recherches sur l'histoire et la géographie de la Mésène et de la Characène). և իր մահուընէն ետքը, ի 1838 հրատարակուեցաւ իննամօք Ֆելիքս Լաթաուի և Հասարակաց կրթութեան պաշտօնարանին ծախիւք:

Շահագրգիռ և հետաքննական երկ մ'էր այն, գէթ այն ժամանակաց համար, և ապացոյց հեղինակին մեծ հըմտութեան: Մետասան թագաւորներէն, որոնց հարեւանցի յիշատակութիւն մը կ'ընեն հինք, ՍԷՆ-Մարդէն անոնցմէ ութին գոյութիւնը կը հաստատէ հաւանական ապացուցութեամբք. ու Քրիստոսի թուականէն 129 տա-

\* Գրուածքիս վրայ տես ինչ որ ըսինք յ'էջ 30:



րի առաջ երկու փոքրիկ իշխանութեանց հաստատութիւնը . և վերջնոյն շարունակութիւնը կը դնէ մինչ ի 12<sup>ն</sup> յետ Քրիստոսի :

Ախտան օրագրին մէջ հրատարակուեցան նաեւ հետեւեալքն . Հայկական ուլթերթուիւն մը վրայ (Sur une tragédie arménienne). — Ի վերայ հայկական առակոց վարդանայ (Sur les fables arméniennes de Vartan). — Զարեհեւեան իրաւագրաց ընթացիկոց ի լորդ Քինկսորոսի (Sur des manuscrits orientaux offerts par lord Kingsborough). — Ի վերայ յեղափոխութեանց Հայաստանի առ Աւշտիա Բ . ի լորդարդարոս (Sur les révolutions de l'Arménie sous Arsace II, au IV<sup>e</sup> siècle). — Զհայկական արշամբերութեանց ի Պոլսի (Sur les inscriptions arméniennes de Bolgharie) : — Ասոնցմէ զատ յընդարձակ կենսագիր բառարանին Միշոյի հետեւեալքն , — Միհրդատ Բէն և տասնչորս Պարսէպէտ , երեք Միհրդատ Թագաւորք Պարթեւաց , Ուրտէրտ չորս , երեք Բաշկերտ , երկու Խոսրով , ութ Սաբահատ , չորս Փրատատ (կամ Հրահատ) Թագաւորք Պարթեւաց , երկու Փառնակ Գոնտոսի Թագաւորք , եօթն Փարսամէտ Իբերացւոց արքայք , վեց Սեւեհտ Թագաւորք Ասորեստանեայց , կրկին Ռիւսեհտ՝ պատերազմող պարսիկք , երկու Հեթում , վեց Լեւոն Թագաւորք Հայաստանի , հինգ Գրիգորեան և թողիկոսունքն . աւելի Եփրատ , Դաւիթ Անյաղի , հայ պատմիչք՝ Մովսէս Խորենացի Մարտիոս Կարին և Միլիարեան և եւայլն :

Բաց ի այս գրուածներէն՝ կ'ըսեն թէ մեծ կարեւորութիւն ունեցող ձեռագիր երկասիրութիւններ ալ թողուցած ըլլայ Սէն-Մարգէն , շատերը թարգմանութիւնք . և Պրոսէ՝ առանց հաշուելու հրատարակուածները՝ կը յիշատակէ հինգ թուով . և են համառօտութիւն մը Տիւրքական պատմութեան . Ղալաթ Փարզեցի , Մովսէս Խորենացի , այլեւայլ հատուածք Հայոց պատմութեան մի՝ որիչ ի գրոց Խորենացւոյն . Եղիշէ՝ Պարսիական վարդանանց , Պարսիական Տարմոց և Բեթի Ներսիսի , Մեծիկեցոյ Պար-

Դոմինիկ Լէնկէիտարի. այլեւայլ գրուածներ Սանտիագոնի, Մանիլանի, Ալբուկերկէի և Սասանիոնի հարստութեան վրայ, որոց համար կ'ըսեն թէ ընդարձակ ծաւալ ունեցող երկաթի ութիւնք ըլլան; և այլն: — 1818ին Կատէիքս զօրավարին այրւոյն հետ ամուսնացաւ. 1820ին Թոշոն Տաննըսի եգիպտագիտին յաջորդեց յակագիմիայի. ու երկու տարիէն ետքը՝ Ռէմիւզայի ու Շէզիի հետ Աֆաֆան ընկերայինը հաստատեց: Նոյն տարւոյն փոխանորդ պահապան անուանեցաւ Նաւարանի մատենադարանին, ու իրեն յանձնեցին Շարլ Լըպոյի արեւելեան կայսերաց պատմութեան գրոց երկրորդ տպագրութիւն մը ընել. և որոյ տասն առաջին հատորներն հրատարակեց 1824 էն մինչեւ ի 1830, յունական աղբերաց վրայ աւելցընելով նաեւ արաբ, պարսիկ և հայ հեղինակաց գրուածներէն քաղուածներ: — Շարունակութիւնն ըրաւ իր աշակերտն ու բարեկամ Պրոսէ, և աւարտեց ի 1836 ի քսան և մի հատորս. մանաւանդ երրորդ հատորէն անդին մեծապէս ճոխացուցած է նա Լըպոյի գրուածքը:

\*  
\* \*

Աֆաֆան օրագրին հաստատութենէն ետքը՝ Սեն-Մարդէն այլ և այլ հատուածներ հրատարակեց, յորոց մեզի կարեւորագոյն սեպուածներն յիշատակելով գոհ ըլլանք. « Տեղեկութիւնք ի վերայ կենաց և գրուածոց Մովսիսի Խորենացոյ » (Sur la vie et les écrits de Moïse de Khorène (1823). — « Տեղեկութիւն ուղեւորութեանն զոր արար յԵւրոպա և յԱտլանտեան ովկիանոսի ի վերջ հնգետասներորդի դարու և առ Թագաւորութեամբ Կարոլոսի ութերորդի՝ Մարտիրոս եպիսկոպոս Եզնկայ ի մեծ Հայս, գրեալ ի նմանէ ի հայ բարբառ, և Թարգմանեալ ի գաղղիականն » (Relation d'un voyage fait en Europe et dans l'Océan atlantique à la fin du XV<sup>e</sup> siècle sous le règne de Charles VIII, par Mar-

tyr, évêque d'Arzendjian dans la Grande Arménie: écrite par lui-même en arménien, traduite en français, 1828)<sup>1</sup> Հանդերձ հայ սկզբնագրովը ի հանդիպոյ:

Սէն-Մարգէն աշխատակից եղաւ նաեւ ի խմբագրութիւն Իմաստնոց օրագրին՝ հետեւեալ յօդուածներովը. « Ի վերայ տպագրութեան ժամանակականացն Եւսեբեայ յԱգերեանէ » (Sur l'édition de la Chronique d'Eusebe, par Aucher, 1820). « Ի վերայ ստորագրութեան Հայաստանի ի Հ. Ղուկայ Ինճիհեան » (Sur la description de l'Arménie ancienne par Luc Indjijian).<sup>2</sup> « Զհաւաքմանէ նախնի մատենագրութեան Հայոց հրատարակելոյ ի սուրբ Ղազար » (Sur une collection des auteurs classiques arméniens publiés à S. Lazare, 1828). « Զճանապարհորդութենէ Շուլցի յարեւելս » (Sur le voyage de M. Schulz en Orient, 1828). Սէն-Մարգէնի միջնորդութեամբն էր որ Կէյսէնի գիտնականը ղրկուեցաւ ի Հայաստան՝ վանայ արձանագրութիւնները գաղափարելու համար: Իրեն յանձնուած գործը՝ արդէն ի գլուխ հաներ էր երբ սպաննուեցաւ ի Քրդաց ի 1827: Սոյն հայագիտին տուած տեղեկութեանց և գրեթէ ճանապարհացոյց ուղեւորութեանց և օրինակաց համեմատ նմանահանութիւնքն հրատարակուեցան յԱւիտան օրագրի:

1 Այս գրչագիր որ կը պահուի յազգային մատենադարանին, հետեւեալ յուշագիրն ունի. « Ես Մարտիրոս միայն անուամբ եպիսկոպոս Եզնկայի, ի սուրբ Եփրակոսու յանապատէն ի Նորդեղա գեղէն:— Ի վաղուց հետէ փափաքէի ի սուրբ Վլխաւոր առաքելոցն գերեզմանին տեսանելոյ. և յորժամ հասեալ ինձ անարժանս արժանաւորիլ տեսլեան նոցա. և հանապազ սիրտս փափաքէր, բայց ումէք ոչ կարէի յայտնել զխորհուրդ սրտի իմում— Թվին ՌճԼԷ (1138) հոկտեմբերի ի Թ յեւայ ես ի իմ վանացն և եկի նեղաբար, հասի ի յՍտամպուլ և Աստուծոյ յաջողութեամբ գտեալ նաւ մի »...

2 Մեր ընթերցողք գիտեն թէ Ինճիհեան վարդապետ քննադատած է և հերքեր Սէն-Մարգէնի քանի մը կարծիքները ի Հնախաճիւղի Հայաստանի, ի հատորն Գ. յ'էջ 326:

Արձանագրութեանց ակադիմիային այլ և այլ տեղեկագիրք ներկայացուց ՍԷՆ-ՄԱՐԿԷՆ. բաց յայլոց « Հեւտազօտութիւնք ի վերայ կենաց և արկածից Լեւոնի՝ վերջին թագաւորի. Հայոց, ընթերցեալ ի 1825 » (*Recherches sur la vie et les aventures de Léon, dernier roi des Arméniens 1825*). Թագաւորական կամ ազգային գրատան մէջ պահուած գրչապրաց քաղուածոց և տեղեկութեանց մետասաներորդ հատորին մէջ ծանօթութիւն մը դրաւ Լեւոն Բ Հայոց թագաւորին մէկ հրամանագրոյն կամ արտունութեանց թղթոյն զոր տուեր էր ի նպաստ Գենուացւոց ի 1288 (*Notice sur le décret ou privilège de Léon II., roi d'Arménie, en faveur des Génois, en 1288*).

Յուլիսի խռովութիւնն (1830) պատճառ եղաւ որ ՍԷՆ-ՄԱՐԿԷՆ նաւարանի մէջ ունեցած պաշտօնը կորսնցընէ: Վասն զի քաղաքական խնդրոց մէջ մտնելով Ընդհանրական (Universel) լրագրին քանի մը յօդուածոց հրատարակութեանց թելադրութիւն ու մասնակցութիւն ունեցեր էր: Գաղղիոյ Դպրոցին մէջ ալ պատմութեան ուսուցչի աթոռ մը ունենալու խնդիրքը մերժուեցաւ, թէպէտ և Արձանագրութեանց և Գեղեցիկ դպրութեանց ակադիմիոյ ուսուցիչք մասնաւոր կերպով յանձնարարած էին զինքը: Մեռաւ ի մաղձախտէ ի 1832 ի վեշտասան յուլիսի:



Մահուընէն ետքը հրատարակուած գրուածներն են հետեւեալքն. 1<sup>o</sup>. « Յովհաննու կաթողիկոսի Պատմութիւն Հայոց, թարգմանեալ ի գաղղիական » (*Histoire d'Arménie par le catholico Jean VI (635-925), surnommé l'Historien, traduite en français*). տպագրեալ ի Փարիզ ի 1840. Այս թարգմանութեան սկիզբը գրուած է կենսագրական տեղեկութիւն մը Յովհաննու կաթողի-

կոսի վրայ, ի Յէլիքս Լաժառէ, թէպէտ չէր նա տեղեակ հայ լեզուի: Նէվ Պելճիոյ Լուվէն քաղաքի համալսարանին ուսուցիչ և հայագէտ՝ քննադատական մը հրատարակած է այս թարգմանութեան վրայ Ուղղութեան ուղիքի ամսաթերթին մէջ ի 1843:20. « Հատուածք յԱրշակունեաց պատմութենէ », տպագրեալ ի Փարիզ ի 1840. (Fragments d'une histoire des Arsacides). — Մասն Ա. Սկզբնաւորութիւն Արշակունեաց ի Պարսս և ի Հայաստան (Origines des Arsacides de Perse et d'Arménie): Մասն երկրորդ՝ « Պատմութիւն Արշակունեաց Պարսից » (Histoire des Arsacides de Perse): Ասոնք յառաջին հատորի. իսկ յերկրորդն կը գտնենք բազմաթիւ տեղեկագիրք, ճառեր, ժանոթութիւններ, և այլն: Վերը յիշեցինք Կոմագենաց վրայ գրածը, և վարդանայ առակաց ծաղկաքաղ մը հրատարակեալ ի 1825 աջակցութեամբ Զոհրապի, Ասիական ընկերութեան համար, և որոյ վրայ քննադատութիւն մը հրատարակեց Սիլվէսդր Տըսասի իմաստնոյ օրագրին մէջ ի 1826:

Ակադեմիոյ մէջ Սէն-Մարգէնի յաջորդեց անուանի սինէագէտն Ժիւլիէն Ստանիսլաս. և ժողովոյն գումարման մէջ ի 5 օգոստոսի 1836, պարոն Տըսասի իր գովեստն ըրաւ. « Բաւական գործեց, ըսաւ ճարտարախօսն, որպէս զի անունը պատուով անցնի յետագայից, և մեր յաջորդք մասնակից ըլլան այն ցաւոց զոր իր կորուստը կ'ազդէ մեզ այս օր »: Այս ճառէն ետքը Եւգինէոս Պիւռնուֆ՝ յանուն և ի դիմաց Ասիական ընկերութեան հետեւեալ խօսքերն արտասանեց. « Բազմազգի տեղեկութեանց՝ որոց զարմանալի յիշողութեամբն շտեմարտն մ'էր, կը միացընէր անկողմնասիրութիւն, բարեսրտութիւն մը ի յարգել գերկասիրութիւնս այլոց: Գիտնական մը եղած չէ որ իրեն հաւասար բարեացակամ սիրով ընդունէր այն երիտասարդներն որ իրեն սիրելի ուսմամբք կը փափաքէին պարապիլ. վասն զի ոչ ոք իրեն նման կատարելապէս կը մոռնար որ գիտութեանց շահը զայն կը պահանջէր »:



Այս տողերը գրելու ատեննիս ձեռունինս հասաւ ՍԷՆ-Մարդէնի դեռ եւս անտիպ գրուածը զոր կ'ուզէ առ անուանի աշխարհագիրն Հումպոլտ, և որոյ թարգմանութիւնն կուտայ Թիֆլիզի Աքադեմիայ օրագիրն 1893 թուականի 140 թերթին մէջ: Գաղղիացի հայագէտն իմացեր էր ի Հումպոլտէ թէ կայսրն Ռուսիոյ խորհուրդ և կամք ունենայ երկրագրական ուսումնասիրութիւն մը հրամայել իր նոր ձեռք ձգած հայկական գաւառաց մէջ. ՍԷՆ-Մարդէն իր ազգային տէրութեան մէջ պաշտօն և զբաղմունք մը ձեռք ձգելէ յուսահատ՝ ինքզինք կ'առաջարկէ կայսեր խորհուրդը յարգիւնս ածելու համար:

« Ես, կ'ըսէ, գոնէ իմ կարծիքով, միակ ու բաւական կերպով նախապատրաստուած անձնաւորութիւնն եմ, որ զբաղուել է Հայաստանով լայնածաւալ և յարատեւ կերպով. որովհետեւ այս երկրի վերաբերեալ ուսումնասիրութիւններն՝ առանձինն սիրոյ առարկայ մը եղած են ինձ:

« Արդէն տասնըչորս տարի է քանի որ ես հրատարակել եմ Հայաստանի Գերաբերեալ պատմական և աշխարհագրական յիշատակարանները: Այս առաջին և միակ աշխատասիրութիւնն է որ բովանդակում է հաւաստի, բազմաթիւ և ընդարձակ տեղեկութիւններ այդ երկրի մասին: Այս ժամանակամիջոցում ես չեմ դադարել նոյն առարկաներով զբաղուելուց: Իմ նոր աշխատութիւններին հասցնելու ելքն է, որոնց ես ընդունակ եմ համարում, նորանց նոյնպէս լրութիւն ու կատարելութիւն տալն է, որ ինձ զսպել են մինչեւ այսօր այդ աշխատութիւններն ի լոյս ընծայելու:

« Ես ժողովել, մանրակրկիտ կերպով քննել և դասաւորել եմ այն ամէնը, ինչ որ կարելի է ժողովել այս

տեղ այն ազգերի և տէրութեանց պատմութիւնից և աշխարհագրութիւնից, որոնք յաջորդաբար տիրել են Ասիային հեռաւոր ժամանակներից սկսած, ընդունելով Հայաստանը իբրեւ կեդրոն և հիմն իմ խուզարկութեանց:

« Այս իմ աշխատութեան գլխակարգութիւնն և ստորաբաժանումը կատարուած են, նիւթերը կազմ և պատրաստ, գլխաւոր յատկագիծը խմբագրուած է և ես կարող եմ տպագրութեան յանձնել: Սակայն հակառակ իմ ջանից, ես զգում եմ, որ դեռ եւս իմ աշխատութիւնն ընդհատ է, որովհետեւ Փարիզում գտնուած Հայ գրականութեան յիշատակները մեծ թիւ չեն կազմում: Այդ ամէնը լրացընելու համար անհրաժեշտ կը լինի մի գիտնական ճանապարհորդութեան ձեռնարկել Մեծ-Հայաստանում և Ռուսաստանի բազմաթիւ գաւառներում, ուր բնակում են Հայերը: Կան աւելի քան քսան պատմագրեր, որոնց հետ ծանօթ եմ միայն հատուկտոր քաղուածներով: Եւ այդ գրքերը Ռուսաստանում կը գտնեմ, ինչպէս և բազմաթիւ ուրիշ հետաքրքիր երկասիրութիւններ: Հայկական գրադարանի կազմակերպութիւնը, որը կամենում է կայսրը հիմնել, կարող է սոյնօրինակ ճանապարհորդութեան հետեւանք լինել:

« Այս ամէնը չէ. Հայերը ամենայն ժամանակ, քարերի վրայ արձանագրած ունին հասարակական գործերը և մեծ դիպուածների յիշատակները: Նորանց պատմութիւնը, այսպէս ասած, քարերի և իրենց երկրի ժայռերի վրայ գրուած արձանագրութիւն է: Թագաւորների հին պալատները, ամրոցները, կամուրջները, կրօնական և հասարակական շինութիւնների պատերը — ծածկուած են, — ես այդ գիտեմ, — արձանագրութիւններով, որոնց պատճէնները շատ մեծ նշանակութիւն կ'ունենան: Ես դորանցից մի քանի հատ ունիմ, նորանք ինձ հասել են Մեծ Հայաստանից, և բաւական են ինձ մի բարձր գաղափար տալու համար այն տեսակ ժողովածուի օգտակարութեան մասին: Գրականական յիշատա-

կարանները, որոնք գտնուում են Պետերբուրգում, Մոսկուայում և այլն, թէ՛ գրադարաններում, թէ՛ կառավարութեան դիւաններում և թէ՛ Հայերի մօտ խնամքով խուզարկուելուց յետոյ, կարեւոր կը լինէր սլանալ դէպ ի Կովկաս, շարունակելու նոյն խուզարկութիւնները Վրաստանում և Մեծ Հայաստանում: Պէտք կը լինէր նոյնպէս երկար ժամանակ այդ տեղերում կանգ առնել երկրի վերաբերութեամբ՝ մի կատարեալ աշխարհագրատական քննութիւն անելու և այցելու հնադարեան շինուածքների աւերակները, հին քաղաքները և իրենց բազմաթիւ վանքերը, շատ տեղերում խուզարկութիւններ անելով: Պէտք է կարծել որ այս պեղումները արդիւնաւէտ կը լինին, մանաւանդ Արտաշատում, Արմաւիրում ու Երասխի ափի ուղղութեամբ զետեղուած հին մայրաքաղաքներում, Էջմիածնի ու Արարատ լեռան շրջակայքներում:

« Այդ խուզարկութիւնները լրացընելու համար պէտք կը լինէր նոյնպէս մի քանի շրջագայութիւններ անել Տանկա—Հայաստանում՝ Վանում, Կարսում և Էրզրումում, մի քանի ամսով կանգ առնել Կոստանդնուպոլիս, մի մի այցելութիւն տալ Տրանսիլվանիայի, Հունգարիայի, Տրիէստի և Վենետիկի Հայերուն, և այդ ամէնը մի ճաշապարհորդութեամբ դէպ ի Հռովմ, ուր գտնուում են քահանայապետական դիւանները և մատենադարանները, որոնք պարունակում են Հայաստանի վերաբերեալ շատ արձանագրութիւններ:...

« Մի ձեռնարկութիւն, ինչպիսին սա է, որի նախագիծը հէնց նոր հապճեպ կերպով ուրուագրեցի, ահա տասնեւհինգ տարի է, որ իմ ցանկութեանց առարկան էր: Եւ մինչեւ այսօր դորան շատ մեծ կարեւորութիւն եմ տալիս, և առանց տատանելու ես կը նուիրուէի այդ գործին, եթէ վստահ լինէի, որ ձեռնհաս կը լինիմ կատարել այնպէս, ինչպէս ես ըմբռնում եմ, անշեղ կերպով, այնքան արդիւնաւոր որքան և փառաւոր այն կայ-



սեր համար որ կը պատուէր ինձ իւր ընտրութեամբ : Եւ եթէ համոզուած լինէի, որ ոչ մի խոչընդոտ և դրամական ծախսեր ինձ արգելք չեն լինիլ :

« Ես համոզուած եմ, որ ես եմ, ինչպէս ասացի, ամենալաւ պատրաստուած անձնաւորութիւնը, գուցէ միակը, սոյնգունակ ճանապարհորդութեան համար : Բայց ի հայերէն լեզուի և գրականութեան գիտութիւնից, դուք գիտէք որ ես պարապել եմ և Ասիայի ուրիշ լեզուների ուսումնասիրութեամբ, և որ անտեղեակ չեմ պատմութեան, աշխարհագրութեան և գրականութեան վերաբերեալ և ոչ մի հարցի, և այլն : ...

« Ես յուսով եմ որ կայսրը յօժարութեամբ կ'ընդունի և կը հաւանի այդ առաջարկութեանը, որի կարեւորութիւնը քաջ հասկանում է. որ դուք նորին ասէք այն, ինչ որ իմ մասին մտածում էք, և իմ ընդունակութեան մասին այդ գեղեցիկ ձեռնարկութեան կատարման համար : ...

« (Կայսրը) բարեհաճէր ապահովել իմ տարեկան ապրուստս, որպէս զի կարողանայի իմ կեանքիս մնացորդը ապահով կերպով պարապել կարգաւորելու և հրատարակելու Փարիզում, կամ այնպիսի մի տեղ որ ես կ'ընտրեմ, նորա հովանաւորութեան ներքոյ և նորա ծախսերով իմ Ճանապարհորդութեանց րեզիւտէիքը, և այն աշխատութիւնները, որոնք սորանց հետեւանքները կը լինին, ինչպէս օր. Հայաստանի և հարեան երկրների ընդհանուր պատմութիւնը, և մի շատ մանրամասն Նկարագիր տալիս և Ռեալիտե Հայաստանի, Կովաստե երկրների, ինչպէս և Պարսկաստանի, Ասորիտե և Փոքր Ասիոյ հայաբնակ գաւառներին » :

1831, դեկտ. 22 թուականն ունի Սէն-Մարգէնի այս առաջարկութեան գիրը. քիչ ետքը հանդիպեցաւ իր ցաւալի մահը : Բայց յառաջ իմացեր էր Նեսեյրոտ կոմսի, արտաքին գործոց նախարարի մէկ թղթովը՝ թէ կայսերական կառավարութիւնը չէր կարծեր որ ժամա-

նակն եկած ըլլայ այդ օգտակար գործոյն իրականութեան :

**Թէ Սէն-Մարգէն** այդպիսի մեծ գործի մը ուսումնական պաշարը արդէն պատրաստած էր, այդ ամենեւին տարակոյս չի վերցընել : Մահուընէն ետքը քովը գտնուած հաւաքմունք՝ անժխտելի ապացոյցք են : Բայց ի այն հայ պատմագրաց ամբողջ կամ մասնական թարգմանութիւններէն զորս յիշեց, Պրոսէ կը վկայէ ականատես՝ թէ ուրիշ զանազան հաւաքմունք ալ գտնուեցան, ընտիր դասաւորութեամբ կարգաւորուած :

## Փ. Մ. ՊՐՈՍԷ

**Յետ Սէն-Մարգէնի՝** հայկական լեզուի ուսմամբ պարապող և շարունակողն եղաւ Պրոսէ, որոյ գլխաւոր մէկ արդիւնքն ալ է Վրաց լեզուի ուսումը մտցընելն ու բարգաւաճեցընել յԵւրոպա : Իր կենսագրութիւնը գիտութեան յարատեւակ անձնանուիրութիւն մը կրնայ համարուիլ : — Ծնաւ Պրոսէ յամի 1802 ի Փարիզ ի 5 փետր. ուր հայրը վաճառականութեամբ կը զբաղէր : Ուսմանց նախնական ընթացքն կատարեց Օռլէանի փոքր կղերանոցին մէջ, իսկ ճարտասանականն ի Փարիզ : 1818ին մտաւ ի դպրոցն Յիսուսեանց ի Մոնրուժ մերձ ի Սոյ : Երկու տարիէն Փարիզ դառնալով. կ'ապրէր մասնաւոր տուններ դասախօսութիւն ընելով . 1821ին ստացաւ զնախաստիճան (bachelier) ուսուցչի : Արդէն այն ատենէն քաջ հմտացած էր յոյն լեզուի . սորվեր էր նաեւ զհնդրայականն, մասամբ նաեւ զարաբ, զսինէական, մանչու և թիպէդ լեզու : 1822ին Ասիական ընկերութեան հաստատութեամբ՝ հրաժարելով եկեղեցական վիճակի ուսմունքէ, տուաւ ինքզինքը բոլորովին սինէացի լեզուին : Բայց իրեք տարի վրան անցնելէն ետքը՝

անկէ ալ ետ կեցաւ, փափաքելով միայն հայ և վրացի լեզուաց ուսմամբ պարապիլ: Այս լեզուաց ախորժը ազգեր էր իրեն Սէն-Մարգէն, Եւզինէոս արքիմանտրիգին ռուս լեզուով շարադրած երկասիրութեամբ մը. «Նըկարագիր վրաստանի», Թարգմանեալ ի գերման ի Փրետ. Շմիթէ, տպ. ի Ռիկա 1814: 1826ին ամուսնացաւ, բայց պաշտօն կամ զբաղմունք մը չկարենալով հայթ-հայթել, քիչ ատենէն աղքատութեան մէջ ինկաւ: — 1830ին Քաղղիոյ Կարոլոս Ժ Թագաւորին Փէյրոնէ նախարարի յիշատակագիր մը ներկայացոյց ցուցնելով թէ քանի օգտակար կրնար ըլլալ ուսումնական քննադատական ուղեւորութիւն մը ի վրաստան, և քիչ մը ատեն կենալը նոյն վախճանաւ ի վանս Հայոց որ յէլմիածին: Յուլիսի յեղափոխութիւնը իր այս ամէն ակնկալութիւններն ի դերեւ հանեց. և վրաց լեզուի ուսուցչի պաշտօնն ալ՝ որուն հետամուտ էր, զլացուեցաւ իրեն: 1834ին նորէն դառնալով ի պաշտօնն, իր մտածութիւնն միւսանգամ ներկայացոյց Կիզոյի, Թէպէտ առաջնոյն հաւասար անյաջողութեամբ: Կինը մեռնելով կրկին ամուսնացաւ 1836ին, և այն աստիճանի յետին կարօտութեան մէջ ինկաւ, որ ինչուան ստիպուեցաւ Թագաւորական տպարանին մէջ զբաշարութիւն ընել: Սակայն իր անխոնջ աշխատանք և յարատեւ եռանդը՝ հրաւիրեր էին իր վրայ Պետրպուրկի Գիտութեանց ակադեմիային մտադրութիւնն, որ 1836ին զինքն անդամակից ընտրելով՝ հրաւիրեց որ այնուհետեւ բնակութիւնն հաստատէ Ռուսիոյ մայրաքաղաքին մէջ: Պրոսէ ընդունեցաւ այս հրաւերը, և յայնմհետէ իր գործունեայ կենաց արգասիք կը պատկանին այս նոր հայրենեաց: 1838ին ուղեւորութիւն մը ըրաւ ի Մոսկուա, ուր Լազարեանց ուսումնարանին այցելութիւն ընելով, հինգ տարիէն անոր կաճառակից եղաւ:



1845 հարաւային Եւրոպա ճամբորդութիւն մը ընելով, քանի մը օր կեցաւ Վենետիկոյ Միսիթարեանց վանքն ի Ս. Ղազար, ուր ծանօթացաւ Այվազովսքի և Ալիշան վարդապետաց հետ: Իսկ ի 1847-8 յաջողեցաւ վերջապէս գործադրել իր փափաքը՝ ճանապարհորդելու ի Վիրս և ի Հայաստան. ուստի դառնալով ի Պետրպուրկ, բոլորովին զբաղեցաւ իր սիրելի ուսմամբ: 1863ին դարձաւ ի Գաղղիա, և ի դարձին ի 1867 փափաքեցաւ կրկին յայց ելլել սրբոյն Ղազարու մենաստանին, բայց արգիլուեցաւ մաղձախտին պատճառաւ. 1869ին եկաւ ի Գաղղիա, ինչպէս նաեւ ի 1880, որ կենացը վերջին տարին եղաւ. վասն զի յ' 3 սեպտեմբերի կնքեց իր կեանքը Փուլսիէի մօտ ի Շաթըլոյ:

Լորան Պրոսէ՝ իր որդին, 1887ին կարգաւորեալ մատենագիտական ցուցակ մը հրատարակեց հօրը բազմաթիւ գրաւոր երկասիրութեանց, որոց թիւ գրեթէ երեքհարիւրը կ'անցնի, և ընդհանրապէս կը վերաբերին Վերաստանի և Հայաստանի: Ասոնց մէջ նախամեծար կըրնան սեպուիլ իր Հնախօսական ճանապարհորդութեան մը րեզիւթէիւ (Rapports sur un voyage archéologique) զոր Կովկասեան գաւառաց ետեղակալ կոմս Վորոնցովի հովանաւորութեամբ ըրած է յամս 1847-8, աշխարհացոյց տախտակաւ մը և քառասուն և հինգ պատկերներով. և հրատարակուած է ի Պետրպուրկ յամի 1851: Ասկէ դատ մեծապէս հետաքննական է իր Անիի Անի կոչուած գրուածը (Ruines d'Ani), որ ինչպէս յայտնի է Ժ. և ԺԱ. դարուց Բագրատունի թագաւորաց ժամանակ Հայոց թագաւորակաց քաղաքն էր: Այս երկասիրութիւնն ալ հրատարակուած է ի Պետրպուրկ յամս 1858-1861, աշխարհացոյց քարտիսիւ: Առաջին տետրին մէջ կայ նաեւ տեղեկագիր մը Էջմիածնի մատենադարանին ու հայկական հնութեանց վրայ (էջ 1-130):



Ինչպէս Տիւրքիէ և Լանկուա, Պրոսէ ալ ունեցաւ մտածութիւն Հաստիս մը հայկական պատմըչաց, որոյ առաջին հատորը հրատարակեց ի 1874, և կ'ամփոփէր զթարգմանութիւն Թովմայի արծրունւոյ (Ժ դար) Պատմութեան Արծրունի իշխանաց Վասպուրականի. — Առաքելի Դաւրիթեցւոյ (Ժէ դար) պատմական երկասիրութեան ի 1602—1664. — Յովհաննու Ծարեցւոյ Պատմութեան Աղուանից: Երկրորդ հատորն հրատարակուեցաւ ի 1876, յորում կան պատմական գրուածք Զաքարիայ Սարկաւազի (Ժէ դար), և կոնդակ Յովհաննավանաց. Դաւիթ Բէկի պատմութիւն (Ժէ դար), Արրահամու Կրետացւոյ (Ժէ դար) Պատմութիւն Նատիր Շահի. Սամուէլի Անեցւոյ (ԺԲ դար) Տախտակք ժամանակագրականք: Զաքարիայի, Առաքելի և մանաւանդ Արրահամու Կրետացւոյ թարգմանութիւնք դժուարին էին յոյժ ի պատճառս բազմաթիւ տաճիկ և արաբ խօսից զորոնոյն պատմագիրք կը գործածեն:

Բայց այս երկասիրութեան վրայ՝ քիչ ետքը աւելի մանրամասնաբար:

1870ին հրատարակեց Պրոսէ ուրիշ երկասիրութիւն մ'ալ հետեւեալ խորագրով. « Երկու հայ պատմըչաց՝ Կիրակոսի Գանձակեցւոյ (ԺԳ դար) Պատմութիւն սրբոյն Գրիգորի և յաջորդաց նորա, և Ուխտանեսի Եղեսացւոյ (Ժ դար) պատմութիւն եռամասնեայ » . 1864ին ալ ըզպատմութիւն Սիւնեաց Ստեփանոսի Ուռպելեան: Սէն-Մարգէնի ձեռքով սկսուած Լրպոյի արեւելեան կայսերաց պատմութեան նոր տպագրութեան շարունակութեանը մէջ զետեղեց (հատոր ԺԲ 449—481) քաղուած մը ի պատմութենէ արշաւանաց Մողղաց ի հիւսիսային Ասիա յ'ԺԳ դարու: Պետրպուրկի Գիտութեանց ակադեմիոյ յիշատակարանաց մէջ այլեւայլ հատուածք կան

իրեն գիտութեան, ուսմանց և գրչին արդիւնք, նկատմամբ մեր ազգային պատմութեան և մատենագրութեան, և զորս մէջ պիտի բերենք: Հետաքննական են իր հետազոտութիւնք Երկաթէ դիմակին վրայ, զոր ոմանք կարծեցին թէ ըլլայ Աւետիք պատրիարք Կոստանդնուպոլսի, որ ինչպէս յայտնի է ի պատմութեանց, թէ՛ նոյն քաղքին և թէ Երուսաղեմի պատրիարքական պաշտամանէն ինկաւ, ու մեռաւ ի Փաղղիա:

Հօրը՝ գրուածոց մատենագիտական ցուցակն յօրինող որդին՝ հետեւեալ խօսքերով կ'աւարտէ զայն, զոր և մեք աւելորդ չենք համարիր մէջ բերել. « Հարկ սեպուեցաւ յիշեցընել թէ Պրոսէ ոչ պատմիչ մ'էր և ոչ լեզուագէտ: Բոլորովին հեռի ի տկարութենէ՝ ընծայելոյ իրեն ինչ որ չունէր, Պրոսէ ոչ երբէք պահանջած է ըլլալ՝ ոչ մին և ոչ միւսը, բառին բուն նշանակութեամբ: Խրթին ու վերացեալ ուսմանց եռանդուն սիրող, անխոնջ ու համբերող հետամուտ, բաւական սեպեց նուիրել իր կեանքը պատմութեան նիւթեր հաւաքելու, ու այդ ուսմանց երկիրը մաքրել պատմական հետախուզութեամբ, անոնց օգտին ու պիտոյից ծառայեցընելով նաեւ զբանասիրութիւն: Եւրոպայի հայագէտք գիտեն թէ որչափ օգտակար եղած է իրենց ուսմանց իր ջանքովը պատրաստուած այսպիսի ճոխ ժառանգութիւն մը »:

\*\*\*

Պրոսէի մահուընէն ետքը՝ ինչպէս ըսինք, յորդոյն մասնաւոր խմբագրութեամբ հրատարակուած իր հօրը երկասիրութեանց մատենախօսական ցուցակէն, կը քաղենք ինչ որ ուղղակի մեր ազգային ու մատենագրական պատմութեան կը վերաբերի, երախտապարտ մեծարանօք իր բազմարդիւն և վաստակատէր յիշատակին:

1. « Տեղեկութիւն հայ գրչագրաց որ կը պատկանին Արտաքին Գործոց Պաշտօնարանին քով եղած Առիւտ

կահառի մատենադարանին (—Notice des manuscrits arméniens appartenants à la Bibliothèque de l'Institut Asiatique établie près le Ministère des Affaires Etrangères). Ընթերցեալ ի 29 սեպտ. 1840:

2. « Տեղեկութիւնք ի վերայ վանաց Էջմիածնի. (—Notice sur Edchmiadzin). Ընթերցեալ ի 14 փետր. 1846. Թարգմ. ի ռուս և տպագրեալ:

3. « Թուղթ Կորգանովի՝ գործակատարի Գրիգորեան Հայոց սիւնհոդոսին, առ կայսերական ակադէմիայն Գիտութեանց. յ'7 մարտի 1842 ամին, ծանօթութեամբք Պրոսէի. (—Lettre de M. Korganoff, procureur de Synode arménien grégorien, à l'Académie Impériale des Sciences, du 7 mars 1842; annotée par M. Brosset). Ընթերցեալ ի 16 սեպտեմբերի 1842:

4. « Ի վերայ հայկական մատենագրութեան, ի ռուս լեզու. (—Sur la littérature arménienne, en russe).

5. « Տեղեկութիւն հայ գրչագրի մը վրայ, Թղթոց սրբոյն Պաւղոսի. (—Notice sur un manuscrit arménien des Epîtres de St. Paul). Ընթերցեալ յ'3 յունիսի 1859:

6. « Գրականական գործունէութիւն Հայոց և Վրաց ի Ռուսաստան, յայնկոյս Կովկասու և ի Ղրիմ. Մասն Ա. Ընթերցեալ ի 5 սեպտեմբերի 1862: — Մասն Բ. ի 6 նոյեմբերի, 1863: — Մասն Գ. յ'8 յունիսի 1865: — Մասն Դ. ի 28 յունիսի 1866.

7. « Ի վերայ կրկին հայկական խմբագրութեանց, յոտանաւոր և յարձակ, վարուց սրբոցն Բարաղամու և Յովսափատայ ». (—Sur deux rédactions arméniennes, en vers et en prose, de la légende des saints Baralam = Varlaan et Iosaph = Josaphat). Ընթերցեալ ի 21 փետր. 1878:

8. « Կայսերական հասարակաց մատենադարանին համար նոր ստացուած հայ գրչագրի մը վրայ, յորում կան աստեղագիտական և աստեղաբաշխական գրութիւնք ». (—Notice sur un manuscrit arménien, nouvellement

acquis pour la Bibliothèque Impériale publique, de contenu astrologique et astronomique). **Ընթերցեալ ի 28 նոյեմբ. 1878:**

9. « **Տեղեկագիր 1847 և 1848 թուականներուն Պրոսէի ըրած հնագիտական ուղեւորութեան մը վրայ ի Հայս, աշխարհացոյց քարտիսով մը ու 45 վիճագրեալ պատկերներով.** — (Rapport sur un voyage archéologique dans la Géorgie et dans l'Arménie, exécuté en 1847–1848 par M. Brosset. Avec un atlas de 45 pl. lithographiés. S. Pb. 1851).

10. « **Ուսումնասիրութիւն Էջմիածնի մատենադարանին և ուրիշ Հայկական հնութեանց վրայ: Ուղեւորութիւն Խանիքոֆի յԱնի.** » — (Études sur la Bibliothèque d'Echmiadzin et sur les antiquités arméniennes. — Excursion à Ani, en 1848, par M. N. Khanykof).

11. « **Տեղեկագիր Զալալեան Սարգիս վարդապետի ի Մեծն Հայաստան ըրած ուղեւորութեան գրոց երկրորդ մասին վրայ.** » — (Rapport sur la 2<sup>me</sup> partie du voyage du P. Sargis Dchalatians dans la Grande Arménie).

12. « **Ծանօթութիւն Ակորի հայ գիւղին ու Սրբոյն Յակովբայ վանից վրայ.** » — (Note sur le village arménien d'Akorhi et sur le couvent de S.<sup>t</sup> Jacques).

13. « **Պատմական ծանօթութիւն Հաղբատայ ու Սանահնի հայ վանորէից վրայ.** » — (Notice historique sur les couvents arméniens de Haghbat et de Sanahin).

14. « **Տեղեկութիւն Աբիխի գաւերակաց Անույ գրած թղթոյն վերայ.** » — (Rapport sur la lettre de M. Abich sur les ruines d'Ani). **Ընթերցեալ ի 28 մարտի 1843 տարւոյն:**

15. « **Ծանօթութիւն Կեչառուաց հայ վանքին վրայ ի Դարաչիչակ.** » — (Notice sur le couvent arménien de Ketcharhous à Daratchitchag). **Ընթերցեալ ի 22 նոյեմբ. 1852:**

16. « **Աւերակ Անույ, որ ժ և ժԱ դարուց մէջ թա-**



գաւորական ոռտանն էր Բագրատունեաց. Պատմութիւն և նկարագիր: — Մասն Ա. Նկարագրութիւն՝ աշխարհացոյց քարտիսիւ և քսանեւչորս պատկերօք. — Մասն Բ. Պատմութիւն աշխարհացոյց քարտիսիւ՝ և վիմագիր նկարներով » . — (Les Ruines d'Ani, capitale de l'Arménie, sous les rois Bagratides, aux X et XI s. Histoire et descriptions, par M. Brosset. I partie; Description, avec un atlas de 24 pl. lith. S. Pb . 1860, 4. V + 1 — 92 pages. — II p. Histoire, avec un atlas de 21 pl. lith. S. Pb . 1861. 4 XVI + 93 — 176 p).

« Ծանօթութիւն զոր կը հաղորդէ Պ. Գիւնիք՝ Հանելով յիշվով տպագրուած գրքէ մը Wiadomosc o Ormianach w Pòlszeze, հեղինակութեամբ Զտքարիէվիչի » : (Note communiquée par M. Kunik, et tirée de l'ouvrage Wiadomosc o Ormianach w Pòlszeze. Lwow, 1842, par Zachariasiewicz).

« Յաւելուած Ա. Տեղեկութիւնք հաղորդեալք ի Հ. Բառնաբայ Եսայեան » . — (Communications du P. Barnabé d'Isaja, pages 144—148):

« Բ. Արձանագիր Մարմաշինոյ » . — (Inscription de Marmachen; — p. 143—151):

« Գ. Նկարագիր Այրի վանաց, և տեղեկութիւն ի վերայ Մխիթարայ Այրիվանեցոյ, հայ մատենագրի յերեքասաներորդ դարու » . — (Description du couvent d'Aïrivank et notice sur Mekhitar Aïrivantsi, auteur arménien de XIII s. p. 152—174):

« Ընդհանուր ցուցակ պատկերաց, հանդերձ տեղեկութեամբ ի վերայ երկգլխեան արծուոյն փորագրելոյ ի ստորոտ խաչի միոյ, յԱնի գտնուած յիշատակարանի կամ շէնքի մը վրայ » . — (Index général des planches avec une notice sur l'aigle à deux têtes tracé au bas d'une croix, sur un des monuments de la ville d'Ani. p. 175—176):

17. « Քննադատութիւն քանի մի տեղեաց՝ Ալիշան Հ. Ղ. երկասիրած Հայոց մեծաց Տեղագրին՝ նկատմամբ Անույ » . — (Examen critique de quelque passages de la Description de la grande Arménie, du P. L. Alichan, relatif à la topographie d'Ani.) Ընթերցեալ ի 14 յունիսի 1861 :

18. « Հաղբատ ու Սանահին հայ վանորէից վերայ » , (որիչ ի նախընթացէն զոր յիշեցինք) . — (Sur les couvents arméniens de Haghpat et de Sanahin). Ընթերցեալ ի 25 ապրիլի 1862 :

19. « Յովհաննու վարդապետի Ղրիմեցւոյ՝ Ստորագրութիւն հայ վանորէիցն Հաղբատայ և Սանահնի, ծանօթութեամբք և յաւելուածովք ի Պրոսէէ » . — (Description des monastères arméniens d'Haghpat et de Sanahin, par l'archimandrite Jean de Crimée, avec notes et appendice par M. Brosset. — S. Pb . 1863 p. 94) :

20. « Բացատրութիւն այլեւայլ վրացի, հայ և յունական արձանագրութեանց, մետասան վիմագրեալ տախտակօք » . — (Explication de diverses inscriptions géorgiennes et arméniennes et grecques; avec 11 pl. lithograph). Ընթերցեալ ի 11 օգոստ. 1867 :

21. « Տեղեկութիւնք Սարգիսեան Հ. Ներսիսի ձեռքով հաւաքուած վրացի արձանագրութեանց վրայ . (Notices concernant les inscriptions géorgiennes, recueillies par le P. Nerses Sargissian). Ընթերցեալ ի 25 սեպտ. 1863 :

22. « Ծանօթութիւնք հայ արձանագրութեանց ի Պուլկարի, վիմագիր տախտակաւ մը » . — (Notes sur les inscriptions arméniennes de Bolghari, avec 1 pl. lith). Ընթերցեալ յ'13 հոկտ. 1867 :

23. « Տեղեկութիւնք մեզի ծանօթ ամենահին արձանագրին վրայ ի Ս. Յովհաննէս որ առ Մուրատ—չայի » . — (Notice sur la plus ancienne inscription arménienne

connue, à Sourb Ohannès, sur le Murad-thaï). *Ընթերցեալ ի 1 օգոստ. 1856:*

24. « Ժամանակագրական տեաւկիտով նշանաւոր քանի մի Հայկական արձանագրութեանց վրայ » . — (De quelques inscriptions arméniennes, remarquables au point de vue chronologique). *Ընթերցեալ յ'2 դեկտ. 1859:*

25. « Հայաստանի հին պատմութիւն ըստ սրբագիր և բեւեռաքանդակ տառից » . — (Sur l'histoire ancienne de l'Arménie, d'après les textes hieroglyphiques et cunéiformes). *Ընթերցեալ յ' 13 ապրիլ 1871:*

26. « Երկու բեւեռաձեւ արձանագրութեանց վրայ՝ զոր Ռուս-Հայաստանի մէջ գտաւ Փասթնէր: Տեղեկագիր Պրոսէ և Գիւնիք պարոնայց, հանդերձ Լէրչի մէջ յիշատակագրովը » . — (Notice sur deux inscriptions cunéiformes, découvertes par M. Kästner dans l'Arménie russe. Rapport de MM. Brosset et Kunik; suivie d'un mémoire de M. Lerche). *Ընթերցեալ յ'8 օգոստոսի 1862:*

27. « Տեղեկագիր զանազան այբուբենական և բեւեռատառ արձանագրաց հաւաքելոց ի Ժիւլ Փասթնէր և յԱտոլֆ Պէրկէր պարոնայց, տախտակաւ մը » . — (Rapport sur diverses inscriptions (alphabétiques et cunéiformes) recueillies par MM. Jules Kästner et Berger, avec un pl.) *Ընթերցեալ ի 29 յունուար 1864:*

28. « Ծանօթութիւն ասիական մուսէոնին մէջ գտնուած քանի մի վրական դրամոց վրայ, և թիպեղեան արձանագրութեան մը որ յ'Էջմիածին » . — (Note sur quelques monnaies géorgiennes, du Musée Asiatique, et sur une inscription thibétaine d'Edchmiadzin). *Ընթերցեալ ի 25 օգոստոսի, 1807:*

29. « Մենագրութիւն մը Հայկական դրամոց վրայ, երկու տախտակով » . (Monographie des monnaies arméniennes; avec 2 pl.) *Ընթերցեալ ի 20 հոկտ. 1837:*

30. « Արեւելեան գրամական հաւաքմանն վրայ որ ի

Կայսերական մենարանին» . — (Collection numismatique orientale de l'Ermitage Impérial; 1852—1879). Ընթերցեալ ի 24 ապրիլի, 1879:

31. « Ուղեգրութիւն մեծարգոյ եղբոր Աւգոստինոսի Բաճենցի, հայ եպիսկոպոսին Նախիջեւանու ի կարգէ Քարոզողաց ընդ Եւրոպա » . — (Itinéraire du très révérend frère Augustin Bajetsi, évêque arménien de Nakhidchévan, de l'ordre des frères Prêcheurs, à travers l'Europe... Traduit... par M. Brosset jeune). (Journal Asiatique, 3<sup>me</sup> Ser. Tome III, 1837. p. 209—245, et 401—421):

32. « Վրաց պատմութեան սկզբնագիր աղբրաց վրայ: Հատուած Ա: Ժամանակագրութիւն վախթանկայ: — Հին հայկական համառօտեալ թարգմանութիւն: — Հատուած Բ. Համառօտ պատմութիւն վախուշայ, մինչեւ ի հինգերորդ դար Քրիստոսի » . — (Des sources originales de l'histoire de Géorgie. 1<sup>er</sup>. article. Chronique de Wakhtang. Ancienne traduction abrégée, en arménien. — 2<sup>e</sup>. article. Abrégé historique de Wakhoucht, jusqu'au V. s. de notre ère). (Journal de S. Pétersbourg, 1841). Առանձին տպագրութիւն, յ' 39 էջ:

33. « Տեղեկութիւն հայ գրչագրի մը վրայ, զոր աւագդիմիոյ ընծայեց պարօն Տըհահն, ծերակուտի անդամ » . — (Notice d'un manuscrit arménien offert à l'Académie par S. E. M. le Baron de Hahn, sénateur). Ընթերցեալ յ' 7 դեկ. 1838:

34. « Առաջարկութիւն կամ մտածութիւն՝ դեռ եւս չհրատարակուած հայ պատմչաց հաւաքման մը համար » : Երկու հատուածք: (Projet d'une collection d'historiens arméniens inédits. Premier article. Ընթերցեալ յ' 30 հոկտ. 1840. — Second article). Ընթերցեալ ի 29 հոկտ. 1841:

35. « Քննադատական վերլուծութիւն վարդան վար-

դապետի Ընդհանուր պատմութեան: Առաջին տպագրութիւն հայ բնագրին թարգմանութեամբ ի ռուս, ի ձեռն Մ. Էմին» . — (Analyse critique de l'Histoire universelle de Vardan. Édition princeps du texte arménien, et traduction russe par M. N. Emin). Ընթերցեալ յ'7 մարտ 1862:

36. « Ծանօթութիւն տասներորդ դարու մատենագիր՝ Թովմայի Արծրունւոյ վրայ » . (— Notice sur l'historien arménien Thoma Ardzrouni, X. s.) Ընթերցեալ յ'12 դեկտ. 1862:

37. « Ծանօթութիւն Մխիթարայ Այրիվանեցւոյ հայ պատմիչին վրայ » . (— Notice sur l'historien arménien Mkhithar d'Aïrivank). Ընթերցեալ ի 23 յունուարի 1863:

38. « Սիւնեաց պատմութիւն Ստեփանոսի Ուսպելեան, թարգմանեալ ի հայ բնագրէն ի ձեռն Պրոսէի: — Առաջին հատ. Պատմութեան Սիւնեաց գաղղիական թարգմանութիւն, ծանօթութեամբ: — Երկրորդ հատ. Ներածութիւն: — Բովանդակութիւն. 1. Պատմութիւն Սիւնեաց: Յօդուած Ա. Յառաջաբան տեղեկութիւնք: — Բ. Նկարագրութիւն (համառօտեալ թարգմանութիւն Ներածութեան Ինճիճեան Հօր ի վերայ աշխարհին Սիւնեաց, ի գիրսն Ստորագրութիւն հին Հայաստանի): — Գ. Տոհմագրական ցուցակ իշխանացն Սիւնեաց, առաջին ժամանակ: — Դ. Սիւնեաց և Սիսական իշխանք, ազգականք կրկին ցեղից, անծանօթ մնացած ասորիճաններով: — Ե. Ազգագրական տախտակ Սիւնեաց իշխանաց և թագաւորաց. երկրորդ ժամանակ: — Զ. Նախընթաց ցուցակաց մէջ յիշուած իշխանաց, և անոնցմէ դուրս ուրիշ այլոց իշխանաց վրայ տեղեկութիւնք, ըստ պատմելաց Հայոց: — Է. Կրօնական պատմութիւնն, ըստ Ինճիճեան Հօր: — Ը. Կարգ մետրապոլտացն Սիւնեաց (ըստ Ինճիճեան Հօր, Ստեփանոսի Ուսպելեան և Հասանջալալ Սարգիս վարդապետի ի գիրսն Ճանապարհ

հորդութեանն ի մեծ Հայս)։ — Թ. Տեղագիր Սիւնեաց աշխարհին (քաղեալ ի յառաջաբանութենէն զոր ի գլուխ Պատմութեան գրոց նորա գրաւ Շահնազար Կարապետ վարդապետ ի տպագրին Փարիզու)։ Թարգմանութիւն աշխարհագրական տեղեկութեանց Ալիշան Հ. Ղեւոնդ Վ. յիւրում Տեղագրին Հայոց մեծաց (տպ. ի Վենեւ տիկ. 1855), և ըստ կրկին երկասիրութեանց Ինճիճեան վարդապետի։ — Ժ. Ղարապաղ կամ Շուշի, ի Հ. Ղեւոնդեայ Ալիշան։ — ԺԱ. Վանորայք Հայոց. Վայոց ձոր (հետեւողութեամբ Զալալեան Սարգիս վարդապետի յ'Բ հատորի ճանապարհորդութեանն ի մեծ Հայս)։ — ԺԲ. Վանորայք Գեղարքունեաց գաւառի. (ըստ Շահխաթունեանի ի գիրսն Ստորագրութեան սրբոյ Էջմիածնի)։ ԺԳ. Վանորայք Սոթք գաւառի. (ըստ Շահխաթունեանի)։ — ԺԴ. Վանորայք Արցախ գաւառի, Խաչենից և Աղուանից։ — ԺԵ. Համառօտ տեղեկութիւն Ուսպելեան Ստեփանոսի վրայ։ — ԺԶ. Ազգագրական ցուցակ այն գլխաւոր տոհմից՝ որոց յիշատակութիւնն կ'ըլլայ նախեղեալ արձանագրութեանց մէջ։

« Ման Բ. Պատմութիւն Սիւնեաց. Շարակարգութիւն անցից և դիպուածոց տանն Սիսական, (Թարգմանութիւն Պրոսէի) » . (Ուղղութիւնք և Յաւելուածք)։ Histoire de la Siounie par Stéphannos Orbélian, traduite de l'arménien par M. Brosset. Première livraison. Histoire de la Siounie (traduction et annotations). — Seconde livraison. Introduction par M. Brosset \*.

39. « Ուսումնասիրութիւնք ի վերայ Մխիթարայ Այրիվանեցոյ, հայ պատմչի, յերեքտասաներորդ դարու։

\* **ՏԵԼՈՐԻԷ.** Ce que constitue le principal mérite de l'œuvre du savant prélat arménien, c'est qu'il a pris les éléments dans les archives officielles de la principauté, dans les traditions locales, dans les monuments du pays, encore debout à l'époque où il vivait, enfin dans des sources d'informations que personne ne pouvait connaître mieux que lui.

**Մասն Ա և Բ.** Յարաբշուքենէ աշխարհի մինչ ի սկզբնաւորութիւն քրիստոսական թուականութեան : — **Մասն Գ.** մինչ ի 1289 թուական Քրիստոսի » . — (Études sur l'historien arménien Mkhithar d'Aïrivank; XIII s; I et II parties, de la création du monde au commencement de l'ère chrétienne; III partie; jusqu' en 1289). **Ընթերցեալ ի 22 դեկտ. 1864, և յ'13 ապրիլ 1865:**

40. « Քննութիւն Ուխտանէս Հայ պատմըչին Հատուածի մը՝ նկատմամբ ենթադրեալ տիրապետութեան աշխարհին վրայ ի Նաբուգոդոնոսորայ » . — (Examen d'un passage de l'historien arménien Oukhtanès, relatif à la prétendue conquête de l'Ibérie, par Nabouchodonosor). **Ընթերցեալ ի 4 յունիսի, 1868:**

41. « **Ուսումնասիրութիւն ի վերայ Ուխտանէս Հայ պատմըչի տասներորդ դարու** » . — (Étude sur l'historien arménien Oukhtanès, X s.) **Ընթերցեալ ի 5 նոյեմբ. 1868:**

42. « **Մխիթարայ Այրիվանեցոյ՝ ժամանակագրական պատմութիւն. գար ԺԳ. Թարգմանութիւն ի Հայէ ի վերայ զբնագրի ասիական մուղէտնին, ի ձեռն Պրոսէի** . — (Histoire chronologique par Mkhithar d'Aïrivank, XIII s. traduite de l'arménien, sur le manuscrit de Musée asiatique, par M. Brosset.) **Ընթերցեալ ի 22 դեկտ. 1864:**

43. **Ի վերայ պատմութեան Թովմայի Արծրունոյ՝ մատենագրի ի տասներորդ դարու, Թարգմանեալ ի լեզու գաղղիական ի Պրոսէէ** » . — (Sur l'histoire composée en armenien, par Thoma Ardzrouni, X s. traduite en français par M. Brosset). **Ընթերցեալ ի 28 հոկտ. 1869:**

44. « **Երկու Հայ պատմիչք. Կիրակոսի Գանձակեցոյ յ' ԺԳ դարու, պատմութիւն Հայոց, և Ուխտանեսի Եդեսացոյ ի տասն դարու, պատմութիւն եռամասնեայ,**

*Թարգմանեալի Պրոսէէ*» . (—Deux historiens arméniens: Kiracos de Gantzac, XIII s. Histoire d'Arménie; Oukthanès d'Ourha. X. s. Histoire en trois parties, traduites par M. Brosset). Առաջին մասն տպագրեալ ի 1870, իսկ երկրորդն ի 1871 :

45. « Սամուէլ Անեցի և իր ժամանակագրական երկասիրութեան վրայ ընդհանուր տեսութիւն » . (—Samuel d'Ani; revue général de sa Chronologie). Ընթերցեալ յ'12 հոկտ. 1871 :

46. « Զհայ պատմըաց ժէ և ժԸ դարուց . Առաքելի Դաւրիժեցոյ ժամանակագրական գրութիւնք, Թարգմանութեամբ և ծանօթութեամբք Պրոսէի : — Տեղեկութիւնք զԶաքարիայ սարկաւազէ Կապոնց, որ հեղինակ է Սոփի իշխանաց վրայ պատմական յիշատակարանի մը » . (—Des historiens arméniens de XVII et XVIII siècles. — Arakel de Tauriz; Régistre chronologique, annoté par M. Brosset). Ընթերցեալ յ'31 հոկտ. 1872 : — (— Traduction et annotations. — Notice sur le diacre arménien Zakaria Gabontz, auteur des Mémoires historiques sur les Sofis, XV—XVII siècles). Ընթերցեալ յ'12 նոյեմբ. 1873 :

47. Ա. « Հաւաքումն պատմագրաց Հայոց Հատոր Ա. Թովմա Արծրունի (Ժ դար). Պատմութիւն Արծրունեաց : — Առաքել Դաւրիժեցի (Ժէ դար). Գիրք պատմութեանց : — Յովհաննէս Ծարեցի (ԺԶ դար). Պատմութիւն Ազուանից . Թարգմանութիւնք Պրոսէի . Պետրպուրկ, 1874, ութածալ . ԼԲ + 618 երեսք :

Բովանդակութիւն . — « Ներածութիւն : — Թովմայի Արծրունւոյ պատմագրի վրայ տեղեկութիւնք . (էջ Ա-ԺԺ) : — Առաքել Դաւրիժեցոյ վրայ . (Ի-Լ Գ) : — Պատմութիւն տանն Արծրունեաց, Թովմա վարդապետի Արծրունւոյ . (Թարգմանութիւն և ծանօթութիւնք . էջ 1—266) : — Գիրք պատմութեանց յօրինեալ յԱռաքել վարդապետէ Դաւրիժեցոյ . (Թարգմանութիւն և ծանօթութիւն



Թիւնք . 267-608) : Յիսներորդ չորրորդ գլուխը կը բովանդակէ զպատմութիւն աշխարհին Աղուանից (553-562 էջ), որոյ հեղինակ է Յովհաննէս վարդապետ Ծարեցի : — Յաւելուած Ա . Ծանարաց վրայ (609-613) . — Բ . Տարօնոյ և Տարօնացւոց վրայ տեղեկութիւնք » (613-618) :

(Collection d'historiens arméniens. Tome I. Th. Ardzrouni X. s. Histoire des Ardzrouni. — Arakel de Tauriz XVII s. Livre d'histoires. — Johannès de Dzar XVII s. Histoire de l'Aghovanie; traduites par M. Brosset). St . Pb . 1874 .

Բ . « Հաւաքումն պատմագրաց Հայոց . Թարգմանութիւնք Պրոսէի . Հատոր Բ . Պետրպուրկ , 1876 , ութածալ . Դ + 966 :

Բաշմադարձիւն . « Նախընթաց ծանօթութիւն և ցուցակ նիւթոց . (Ժ-Դ . էջ) : — Պատմական յիշատակարանք Սոֆեաց վրայ , ի գրոց Զաքարիայ սարկաւազի , Ժէ դար . (1-154) : — Կոնդակ Յովհաննավանաց , ի գրոց Զաքարիայ սարկաւազին (153-190) : — Եսայի կաթողիկոսի Հասանջալախանց պատմութիւն Աղուանից . Ժէ դար . (191-220) : — Պատմութիւն Դաւիթ Բէկի , և պատերազմացն զոր ետուն Հայք Կապանայ ընդդէմ Թուրքաց , Քրիստոսի 1722 թուականին և Հայոց ՌՃՀԱ . (221-256) : — Աբրահամ կաթողիկոսի Կրետացւոյ պատմութիւն իւրոյ ժամանակին և Նատրշահի . ԺԸ դար . (257-336) : — Սամուէլի Անեցւոյ տախտակք ժամանակակցականք . (339-484) : Զախակողմեան էջ կ'ամփոփեն զծանօթութիւնս և զմեկնութիւնս Պրոսէի , զբուած ի հանդիպոյ բնագրին որ յաշակողմն իջին : — Զինուորական սպայի մը յիշատակագիրք որ 1835-38 տարիներուն ծառայած է ի Կովկաս պաշտամամբ . (ուսերէն զբուածի մը Թարգմանութիւն . էջ 485-696) :

Collection d'historiens arméniens. Traduites par M. Brosset. Tome II. St . Pétersbourg 1876 , IV +

696: — Mémoires historiques sur les Sofis, par le diacre Zakaria, XVII s. — Cartulaire de l'Asile de Ioannou-vank, par le diacre Zakaria. — Histoire de Aghouanie, par le catholicos Esaï Hasau-Dchalliantz, XVIII s. — Histoire choisie de Davith-Beg. — Mon histoire et celle de Nadir chah de Perse, par Abraham de Crète, catholicos, XVIII s. — Samuel d'Ani, tables chronologiques. — Souvenir d'un officier, ayant servi dans le Caucase, années 1835-1838.

Այս մեծ երկասիրութեան գաղափարն ունեցեր էր, ինչպէս քիչ յառաջ յիշեցինք, Եդ. Տիւլթրիէ. և երկու հատոր հրատարակած: Վ. Լանկլուա և Պրոսէ ուզեցին իրեն անկատար թողածը ի գլուխ հանելով՝ կարեւոր ժառայութիւն մը մատուցանել պատմական գիտութեանց: Առանց կարող ըլլալու՝ իրենց վերահաս մահուամբը, ամբողջովին ածել յարդիւնս, երախտապարտ է իրաւամբ ուսումնական աշխարհ իրենց յարատեւ ջանիցը, որով յաջողեցան այնչափ ազգային, և եւրոպական ազգաց համար գրեթէ բոլորովին անծանօթ պատմագրաց թարգմանութիւնն ընծայել:

Պրոսէի յառաջաբանէն կը քաղենք հետեւեալ տեղեկութիւններն որ մեծապէս հետաքննականք են՝ այդ երկու գիտնոց այդ մեծ ձեռնարկին նկատմամբ, մանաւանդ քանի մը էջ վերջը Լանկլուայի աշխատասիրութեան խօսքն ալ պիտի ընենք:

★ ★

« Բիւզանդարան պատմչաց հրատարակութեան նման՝ Հայոց պատմչաց ալ երկասիրութիւնքը ի մի հաւաքելով տպագրելու խորհուրդը՝ շատ անգամ եւրոպացի հայերենագիտաց փափաքն ու մտածութիւնն եղած է:

« Առանց ուզելու ժամանակաւ աւելի հնագոյնները մէջ բերել, որոց մտքին մէջ յղացած է այս խորհուրդն, հա-

ւանականաբար Սէն-Մարգէն ալ ունեցած պիտի ըլլայ  
ասոր նման մտածութիւն մը. վասն զի մահուընէն ետքը  
ժառանգաց քով գտնուած բանասիրական և մատենա-  
գրական երկոց մէջ՝ 1832ին, բազմութիւ հատուածներ  
գտայ թարգմանութեանց, որոց թէպէտ ծագումը՝ սա-  
րակուսական, իրեանն էին արգեօք, թէ այլոց՝ և իր  
քովը մնացած, և յորոց մին եւեթ մահուընէն ետքը  
տպագրութեամբ հրատարակեցաւ, իր մէջ ազգականին՝  
Լաժարդ (Lajard) Զանքով, որ գծադրաբար անծանօթ  
էր հայկական լեզուի, և ոչ ալ այնչափ հմտացեալ՝ թէ՛  
բուն պատմական կոչուած ուսմանց և թէ՛ արեւելեան  
հնագիտութեան: Եթէ ինք Սէն-Մարգէն այս մտածու-  
թիւնն ունեցած ալ չըլլայ, կը թուի թէ ունեցեր է ու-  
րիշ մը՝ աւելի հնագոյն ժամանակաւ \*:

« Ես ալ, երեսուն և աւելի տարիներէ յառաջ, բարե-  
բասարիկ գտնուեցայ նմանօրինակ առաջարկութեան մը  
համար (Պետրպուրկի) ակադիմիային հանութիւնը ըն-  
դունելու. բայց իմ այն ժամանակի խորհուրդս էր՝ լոկ  
բնագրաց հրատարակութիւնը, և աղէկ մը ըմբռնած չէի  
այդպիսի ձեռնարկի մը գծուարութիւններն, որովք և ոչ  
իսկ ունեցաւ գործադրութեան սկզբնաւորութիւնն: Եր-  
կու տասնեակ մը հայ պատմագրաց ձեռքէ անցընելէն  
և ուսումնասիրելէն ետքը, յորոց բազումք դեռ եւս ան-  
տիպ էին ի ժամանակին, և որ կարեւոր թուեցան ինձ  
ի լուսաբանել վրաց պատմութիւնը, տուի ինք զինքս  
մեծաջան աշխատութեան յընթեռնուլ և ի հրատարա-  
կել զբազումս ի պատմագրաց Հայոց: Ծանօթ է թէ ինչ-  
պէս քսան տարուընէ ի վեր՝ հայկական տպարանք կոս-  
տանդնուպոլսի, Փարիզու և Էջմիածնի ճոխացուցին  
զթիւ՝ իրենցմէ տրուած հայ պատմագրաց նախկին տպա-  
գրութեամբք:

« 1856 թուականին Տիւրքիէ Հայկական Մատենադա-

\* Տես յ'էջ 139 այս մեր գրութիւնն:

րանի մը հրատակութեան յայտարարութիւնը կ'ընէր, որուն ձեռք զարկած էր Այվազովսքի Հ. Փարբիէլ վարդապետին ու Վիկտոր Լանկլուա գաղղիացւոյն գործակցութեամբ. և ակագիւմիոյ միջնորդութեամբ յաջողեցաւ ընդունել զչնորհն՝ դնելոյ դայն ընդ հովանաւորութեամբ վեհապառ կայսեր Ռուսիոյ։ Նոյն կայսերական պաշտպանութեամբ յաջողեցաւ ալ 1858ին տպագրել առ Ֆիւրմէն Տիտոյի զԹարգմանութիւն Մատթէի Ուռհայեցւոյ, որ խաչակրաց ժամանակին համար մեծապէս հետաքրքնական մատենագիր մ'է, բազմաթիւ տեղեկութիւնք ամփոփելով Չմէկիկ (Յովհաննու) Թագաւորութեան, Սելնուքեանց վրայ, և այն յաճախակի յարաբերութեանց զոր Հայաստան ունեցած է թուրք մեծամեծ իշխանութեանց հետ, որ նոյն միջոցին սկսեր էին ձեւանալ յարեւմտեանն Ասիա։ Միայն Ուռհայեցւոյն գրոց տպագրութեան մէջ սահմանուեցաւ գիտուն գաղղիացւոյն ձեռնարկը։

« Անկէ ետքը, կ'երեւնայ թէ մէկդի դնելով ամբողջ հաւաքում մը հրատարակելու խորհուրդն, շատ տարիներ ետեւէ եղաւ ի տպագրութիւն և ի Թարգմանութիւն հատուածոց պատմչաց Հայոց՝ որ խաչակրութեանց յարաբերութիւն ունին։ Մեծ և գեղեցիկ միածալ հատոր մը, հրատարակեալ ի Փարիզ ի 1869 և առաջին հատորոյ նշանակութիւնը կրելով, կ'ամփոփէ զարգացիս այս ընդարձակ աշխատութեան, ու անկէ տասը տարի յառաջ իրմէ ի լոյս տրուած Հեփաղոփոմեանց առաջին հատորը՝ ի վերայ արուեստական և պատմական ժամանակագրութեան Հայաստանի (Փարիզ, 1859), իրաւամբ նշանաւոր տեղ մը գրաւել կուտան հեղինակին ի շարս հայագիտաց։



« Սակայն իր եռանդուն գործակիցը, Լանկլուա, օգտուելով քանի մը բարեբաստիկ պարագաներէ, կը յաջողէր ձեռք ձգել ի Նուպար փաշայէ, Եգիպտոսի փոխարքային ծառայութեան մէջ գտնուող հարուստ ու մեծ ազդեցութիւն ունեցող հայազգիէ մը, հարկաւոր նիւթական ու դրամական ձեռնտուութիւնը ի հրատարակութիւն պատմագրաց Հայոց, գաղղիական թարգմանութեամբ և հարկաւոր ծանօթութիւններով: Վստահ ի գործակցութիւն այլեւայլ հայազգեաց, որ բաւականապէս հմուտք էին գաղղիականին, ի թարգմանութիւնս, զորս ինք աչքէ պիտի անցընէր, և ի ձեռնտուութիւն Ֆիրմէն Տիտոյի, ինքն Լանկլուա՝ աշխատութեան ծանրագոյն մասը ստանձնած էր, ինչպէս մատենագրական տեղեկութիւնք, ծանօթութիւնք, ամենազգի հետազօտութիւնք, և թարգմանութեանց ալ մէկ մասը:

« Իր նախագիծ յայտարարութեանն համեմատ, գրեթէ երեսունէն աւելի հայ պատմագրաց հաւաքումը պիտի ամփոփուէր ի հինգ սեղմ հատորս, որ տարուէ տարի տպագրութեամբ պիտի հրատարակուէին, և յորս մատենագիրք՝ ժամանակագրական կարգով պիտի դասաւորուէին: Ամէն մէկ հեղինակի գրուածոցը ի գլուխ գրուած տեղեկութիւն մը, պիտի տայր հարկաւոր տեղեկութիւնք կենսագրականք, իւրաքանչիւր աղբրաց կարեւորութեան և յարգին, և ի ստորեւս իջիցն ծանօթութիւնք՝ ամենանհրաժեշտք ի լուսաբանութիւն հայկական պատմագրութեան մատակարարած նիւթոց:

« Երկար տարիներէ ի վեր պատրաստուած էր Լանկլուա այս մեծ աշխատանքին: Նախկին աշակերտ Յիշատակարանաց և Դիւանագիտութեան վարժարանին (École des Chartes), կենաց պայմանի հանգստութեան և դիւրութեան մէջ, իբրու եռանդուն սիրող մը՝ հետա-

մուտ եղած էր արեւելեան ուսմանց, և կենացը շատ տա-  
րիները անցուցեր էր ի հաւաքումն յիշատակագրոց (do-  
cuments) պատշաճելոց առ Հայս, ի դիւանս Իտալիոյ  
և Քաղղիոյ՝ 1852-53 թուականին ալ ուղեւորութիւն  
մը ըրեր էր ի Կիլիկիա, ուր Հայք մերժեալք յԱնույ ի  
Սելճուզեանց՝ ի մետասաներորդ դարու, թագաւորու-  
թիւն մը հաստատեցին՝ որ գրեթէ երեք հարիւր տարի  
տեւեց, և ուր ունեցան հայրապետական աթոռ մը, եպիս-  
կոպոսական աթոռներ, և դեռ եւս ի լերինս Տաւ-  
րոսի կը կազմեն պատերազմասէր ժողովրդեան կոյտ մը:

« Լանկլուայի գիտական արշաւանաց արդիւնքն եղաւ  
գեղեցիկ հատոր մը, յորում ամփոփուած են իր ճանա-  
պարհորդութեան պատմական մասը և հնաթօսական նիւ-  
թեր, և որոց մասնաւորաբար հայկական մասը հաղոր-  
դեցին գիտնոց՝ թերթք Աւիւան օրագրի, և Հնաթօսական  
հանդիսի (Revue archéologique).

« Սիրող, հետամուտ և ծանօթ դրամագիտականին,  
յայսմ մասին ուսման օժանդակեց ի նորոգ տպագրու-  
թիւն թղթոց Մարշանի. իր կողմանէ ալ հրատարակեց  
դրամագիտական երկասիրութիւններ հնոյն Եգիպտոսի,  
Արաբաց՝ յառաջ քան գերեւել իսլամութեան, հնոյն  
Հայաստանի, կիւլիկեան թագաւորութեանն Հայոց, և  
ասպետաց կարգի սրբոյն Յովհաննու Երուսաղեմի և  
Մալթայի, որոնք յաճախ վերաբերութիւն ունեցան Կի-  
լիկիոյ Հայաստանի հետ:

Քրիստոնեայ Ասիոյ միջնադարեան հմտութեանց մե-  
ծապէս տեղեակ, դիւանաց մէջ ըրած հետազօտութիւն-  
ներէն ընտիր և օգտակար երկասիրութիւն մը ի լոյս  
ընծայուեցաւ, Հաւատումն հրովարտելոց և յիշարարութեաց  
Ռուբինեան թագաւորաց մակագրով. և որոյ նախըն-  
թաց եղեր էր Յիշարարելի մը դադարական Վեմիէ Հայոց ի  
Ժամանակ իաշարաց: Այս համառօտութիւնը՝ որ նախ հրա-  
տարակուեր էր Պետրպուրկի կայսերական ակադեմիային  
հաւաքածոյից մէջ, յետոյ նորոգ երկասիրութեամբ և ի

գլուխ գրոցն վերը դրուած անունը կրելով, նորագոյն հետազօտութեանց ճամբայ բացաւ...

«Այս ամէն երկասիրութիւնքը ի գլուխ հանելէն ետքը՝ 1867ին հրատարակեց Հայ պատմագրաց առաջին հատորը. որ կը բովանդակէ բաց ի ներածութենէ մը, ի յոյն և յատորական աղբերաց հանուած այլեւայլ հատուածներ՝ նկատմամբ հնոյն Հայաստանի. ինչպէս ի Մարիբասայ, ի Բարդաժանայ և ի Համանուն տնվաւեր հեղինակէ. և յետոյ զԹարգմանութիւն գրոցն Ագաթանգեղոսի, Փաւստոսի բիւզանդացւոյ՝ Թարգմանելոց ի յունէ ի հայ: Թէպէտ մեծ աշխատանք ունեցած պիտի ըլլայ հրատարակիչն ի գիւտ և ի տպագրութիւն այս վերը յիշեալ հատուածոց, հարկ է և զայն ըսել որ կրկին կիրառութեամբ գործածուած են. վասն զի Մարիբաս և Բարդաժան նորէն պիտի հրատարակուէին յետոյ ի Թարգմանութեան պատմութեան Խորենացւոյ՝ յորմէ հանուած են. բայց յոյն սկզբնագրոց հրատարակութիւնը՝ հայ օրինակաց հետ, աղէկ մտածութիւն մ'էր:

Ագաթանգեղայ գրոց գաղղիական Թարգմանութիւնն ընծայած տտեն, Լանկլուա պատշաճ սեպեր է գեղջել Տրդատայ քարտուղարին երկասիրութեան այն ամէն մասը որ պատմութեան չիվերաբերիր: Քննադատից կ'իշխայ որոշել թէ այս կերպով վարուելուն գովութեան թէ ոչ՝ գործ մը ըրած ըլլալը:

«Հասարակաբար այն սեպուած է ընդունելի կարծիք կամ դրութիւն որ բնագիրք զեղչ չիկրեն. բայց ի գործադրութեան՝ երբ բանասէրն մասնաւոր նպատակ մը ունի, օրինակ իմն՝ ժողովրդական ընել պատմական նիւթերը, պարտաւորած չէ աստուածաբանական ճոխաբանութիւններն ալ Թարգմանելով՝ ծանրացընել իր աշխատանքը: Նայման որ փոխադրեց յանգղիական լեզու, և արեւելեան ժողովոյն ծախքովը տպագրեց ի Լոնտոն, Եղիշէի Վարդանանց պատմութիւնը. — Եւարիստ Բերլտով՝ Թարգմանիչ Արիստակեայ Լաստիվերտացւոյ, ի-

րենց եւրոպացի ընթերցողաց համար՝ բոլորովին անշահ համարուած կտորները չիքաշուեցան իրենց թարգմանութենէն դուրս ձգել։ Բարեպաշտ խորհրդածութիւններ, աղօթք՝ որովք չի է Ագաթանգեղայ ոչ այնչափ ճշմարտացոյց (légendaire) պատմութիւն, և ողբական եղերերգութիւնք առ Լաստիվերտացւոյն, կատարելապէս անհանգուրժելիք պիտի ըլլային ի գաղղիականն։ Եղեսիոյ առման ողբը, Յիսուսի վիպապանականն Ներսիսի Շնորհալոյ, կրնան հասնել ըլլալ բարեպաշտօն ընթերցողին, հայու մը, ի շնորհս լեզուին և հայրենասիրական նիւթոյն, բայց ոչ նոյնպէս կամ հաւասար չափով եւրոպացւոյն, որ ի վեր քան զամենայն օգտակարը կը փնտռէ։ Ուստի անոնք որ արեւելեան քանի մը գրուածներ կարդացած են՝ մէկ ծայրէն միւսը ճամարտակ հռետորութեամբ յօրինուած, փոխաբերութեամբք և այլաբանութեամբք ժանրաբեռնեալք, լաւ գիտեն թէ ինչպէս կարելի է անոնց երկու երեք էջերը քանի մը բառով ամփոփել։ Ինչ կ'երեւնայ թէ մեզադրութեան արժանի չիկրնար սեպուիլ Լանկուա այս նիւթին մէջ իր նախորդաց օրինակին հետեւելուն համար, և յորմէս ալ պիտի չխորշիմ ի լինել պատեհին։

« Նոյն առաջին հատորոյն մէջ կը գտնենք Փաւստոսի Բիւզանդայ պատմագրութեան մինչեւ առ մեզ հասած չորս դպրութիւնք կամ գիրք, առաջին անգամ թարգմանուած ի լեզու գաղղիացի՝ տմենըդունակ հայու և քաջահմուտ հայագիտի մը ձեռքով, Մկրտչի Էմին, որ Մոսկուայի հինգերորդ վարժանոցին (gymnase) ուղղիչն է։

« Յետոյ Ղերուբնայի պատմութիւնն, նկատմամբ յարաբերութեանց Արգարու թագաւորին Եղեսիոյ ընդ Յիսուսի Քրիստոսի, հանեալ յանտիպ ձեռագրէ մը որ ի մեծի մատենադարանին Փարիզու։

« Անկէ վերջը եղած նոր հրատարակութիւն մը այս հետաքննական գրութեան, ի ձեռն իմաստուն Հ. Ղեւոն-



գեայ Ալիշան, և ըստ ասորի ազդեցեաց հրատարակելոյ ի Գիւրբդոնէ, այլեւայլ կերպարանափոխութիւններ բերաւ նկատմամբ հայ թարգմանութեանն...

« Զենոր Գլակ, ասորի մատենագիր, որոյ գրուածքին միայն հայերէնը հասած է առ մեզ, Յովհաննու Մամիկոնեանի երկասիրութիւնն ալ անոր հետ միացուցած, որովհետեւ շարայարութիւն մը կրնայ սեպուիլ առաջնոյն, հասցընելով մինչեւ ի կէս եօթներորդ դարուն: Յետոյ քանի մը հատուածք, որ չունին մեծ նշանակութիւն, կը լրացընեն այս առաջին հատորը, որ նուիրուած է, ինչպէս կը տեսնուի, հին թարգմանչաց որ ապրեցան յառաջ քան զՄովսէս Խորենացի:

\*  
\* \*

« 1869ին հրատարակուեցաւ երկրորդ հատորը, որ բովանդակէ զՊատմութիւն վարուց սրբոյն Մեսրոպայ, երկասիրութիւն Կորեան. — զմեծին Ներսիսի հայրապետի՝ չորրորդ դարու, անանուն մէկու մը ձեռքով շարագրուած. — զպատմական երկասիրութիւնս Մովսիս Խորենացւոյ, Եղիշէի և Ղազարայ Փարպեցւոյ. հանդերձ ժամանակակցական ցուցակօք, թէպէտ առանց նորագոյն քննադատութեանց, թագաւորաց՝ իշխանաց և կաթողիկոսաց: Ապա համառօտ քաղուածք ի միին գրոց Եղնրկայ Կողբացւոյ, ի վերայ Մազեղանց կամ կրօնին Պարսից, որ իր գրոցը միակ մասն է որ ուղղակի կը վերաբերի Հայաստան աշխարհի և պատմութեան: Առնք ամէնքը չորրորդ և հինգերորդ դարուց պատմագիրք են, և որոց վրայ կենսագրական և մատենագրական գտնուած տեղեկութիւններն հաւաքեր է հրատարակողն:

« Այս երկրորդ հատորոյ տպագրութեան ատեն, անխոնջն Լանկլուա ի լոյս կ'ընծայէր նաեւ զթարգմանութիւն իւր՝ ճոխացուցեալ բազմաթիւ և բազմաշահ ծանօթութեամբք, Միխայելի ասորւոց հայրապետի ընդհա-

նուր պատմութեան, և որոյ միայն հայ թարգմանութիւնն կը գտնուի: Պոհ եմ որ կերպով մը օժանդակեցի այս գործոյն, չառնելով յանձն կտրատել այնպիսի շահագրգիռ երկասիրութիւն մը, և միայն այն հատուածները ու թարգմանել — թէպէտ և բազմաթիւք, — որ խաչակրաց ժամանակին կը վերաբերէին: Ասով պատճառ եղայ ի թարգմանութիւն և ի հրատարակութիւն ամբողջ գրուածին:

« Բաւական է Միխայելի գրոց քանի մը էջը կարդալ, որոյ բնագիր դեռ անտիպ է\*, գաղափար մը առնելոյ համար թէ որչափ և որպիսի աշխատանք կը պահանջէ թարգմանութիւնն: Բաց ի ընթացիկ ոճով գրուած պատմութենէն, լի է յատուկ անուամբք անձանց և աշխարհաց, որ ասորականէ ի հայ փոխադրութեանց պատճառաւ՝ նշանաւոր այլակերպութիւններ կրած են: Թուականաց նկատմամբ ալ՝ ասորի և յունական այլեւայլ թուականաց հետ բազդատելով՝ վերածելու է ի հայկականն և ի քրիստոսական: Այս աշխատութիւնը յաջողակ կերպով ի գլուխ տարած է Լանկլուա, թէպէտ և առանց մտնելու ի քննադատական վէճս, և շատանալով նշանակել զտարբերութիւն ամացն որ տեսնուին ի հայ թուաբերութեան: Բայց կարծես թէ աշխատանաց ծանրութեան չկրցաւ դիմանալ: Մենեալ ի 20 մայիսի ի 1829, մեռաւ ի չորեքտասան մայիսի 1869 երբ արդէն լմնցած էր իր հաւաքման երկրորդ հատորը, Միխայելի թարգմանութեան տպագրութիւնն լրացած ի Վենետիկ, թէպէտ առանց կարենալու տեսնալ անոր ամբողջին հրատարակութիւնը: Սաստիկ դժուարաշնչութիւն մը, հետեւանք բազմաշխատ ուղեւորութեանն ի Նիլիկիա, և անխոնջ աշխատասիրութիւն, հազիւ քառասուն տարուան հասակին՝ վախճան տուին անոր կարճատեւ բայց այնչափ օգտակար կերպով գործածուած կեանքին:

\* Հիմայ հրատարակուած յԵրուսաղէմ. յամի 1871:

«Նիւթական պարագայք խափան եղեն ինձ ի 1869, գիտնալու թէ Բնչ և որպիսի՝ սրատմական երկք պատրաստուած կամ ի պատրաստութեան ին, ո՞յք իրեն գործակիցք՝ որոց վրայ վստահացած էր ի շարունակութիւն իւր մեծ ձեռնարկութեան։ Սակայն և այնպէս, հազիւ թէ աջը գոցած էր, գրեցի առ Տիտոյ տպագրապետ, չթողուլ զայն։ Ինչուան համարձակեցայ իր մտադրութիւնն հրաւիրել անձի մը վրայ զոր ամենայարմար կը դատէի ի շարունակել զգործ Լանկլուայի։ Այս անձն էր Եւարիստ Բրիւտոմ, արդէն պատուով ծանօթացած Զենոբայ Պլակ և Արիստակէայ պատմութեանց Թարգմանութեամբք, և ի ռուս լեզուէ ի գաղղիականն դարձուցած և Ափօկան օրագրին մէջ հրատարակուած Քերովբէի Պատկանեանի օգտակար աշխատասիրութեան որ էր համառօտութիւն դասակարգութեան Սասանեան Թագաւորաց։ Գործունենայ, աշխատասէր և խղճամիտ անձ մը, ամենայարմար՝ լուրջ վաստակօք ծանօթացընելու հայ պատմագիրքը. և թէպէտ իր պարապմունք թոյլ չըտային բոլորովին ի մշակութիւն գիտութեանց անձնատուր ըլլալու, Բրիւտոմ յօժարամիտ կը ստանձնէր զայն ձեռնարկ. և իմացայ ալ թէ Բնչպէս Նուպար փաշայի ալ ընդունելի եղան թէ՛ անձը և թէ առաջարկած պայմանները; որովհետեւ դրամական նկատմամբ Լանկլուայի դիւրութիւնը չունէր։ Գործը յերկարելով, 1870 թուականին՝ որ այնչափ աղիտաբեր եղաւ Փաղղիոյ, մեռաւ Բրիւտոմ։

★ ★

« Ո՞ւր կարելի էր գտնել անձ մը՝ բաւական ի բառնալ զայս ծանրութիւն։ Եւրոպացի հայագէտք՝ սակաւաթիւք են. և դարը յորում կ'ապրիմք՝ մատենագրական այսպիսի ձեռնարկութեանց օժանդակելէն հեռի է, մանաւանդ այնպիսեաց որ նշանաւոր դրամագլխոյ մը կը կարօտանան։

« Գործերը երբ այս յուսաբեկ և վհատեցուցիչ հանգամանաց մէջ էին, միտքս դրի կենացս վերջի օրերը նուրբել ի շարունակութիւն Լանկլուայի գեղեցիկ մտածութեանը: Արդէն 1868ին ակադէմիոյ հաւանութիւնն առած էի՝ հայ պատմագրաց Մատենադարանին մէջ կրկին տպագրել զթարգմանեայս յինէն զպատմութիւնս Ստեփանոսի Սիւնեաց և Մաղաքիայի, այս վերջինս կրկին աչքէ անցընելով և ուղղելով ըստ հրատարակութեանց Պատկանեանի, յետոյ հրատարակեալ էի նաեւ զթարգմանութիւն Կիրակոս և Ուխտանէս պատմչաց, և որ կրնային տեղաւորիլ նոյն հաւաքման մէջ:

« Զեմ քաջուիր խոստովանելէն՝ թէ ինչպէս մասնաւոր սէր ունիմ հայ վարդապետաց պատմական երկասիրութեանց. իրենց իրական արժէքը, ըստ մեծի մասին ականատես վկայք, ազգերնուն ընդարձակ վերաբերութիւնք Ասիոյ իշխողաց հետ, Սասանեանց, Սելճուգեանց և անոնցմէ ետքը եկողներուն՝ Մողոլաց, Խաչակրաց, Բիւզանդիոնի կայսերաց, և նորագոյն ժամանակաց մէջ՝ Թուրքաց և Պարսից, ժամանակագրական ճշդութիւնք՝ իրաց առեալ անհրաժեշտ և անխուսափելի վրիպակք գրչաց և ընդօրինակողաց, այս ամէնը՝ արժանաւոր ըրած են զիրենք գիտնոց մտադրութեանը:

« Այսպիսի գիտաւորութեամբ, թերեւս առանց յոյժ մտադիր ըլլալու պարագայից և հանգամանաց, և առանց մեծ կարեւորութիւն տալու ժամանակագրական դասաւորութեան, պատրաստեցի զթարգմանութիւնս Թովմայի Արժրունոյ, Ժամանակակցական կանոնաց կամ տախտակաց Սամուելի Անեցւոյ, զորս արդէն գլխաւորած և ակադեմիոյ ներկայացուցած էի յամի 1871. — Առաքել պատմըի, Յովհաննու Ծարեցւոյ, Զաքարիայ Սարկաւազի պատմական յիշատակարանաց և Կոնդակաց Յովհաննականից յուլեւտասներորդ դարու, զորս թարգմանելով՝ ներկայացուցի ի 1872 թուականի. — Եսայեայ Հասանձալլեանց, Դաւթի և Աբրահամու Կրետաց-

ի Զուգինովէ . Թարգմանեալ ի Պրոսէէ , ժանօթութեամբ  
և յաւելուածովք : — Պետրպուրկ , 1856 , էջ 660 : —  
Հատուածք ի պատմութենէ Առաքելի Գաւրիժեցոյ , վե-  
րաբերեալք Թագաւորութեան Սուլտանի Ա և Գորգիի Ժ .  
(421-445) :

(—II. Partie. Histoire de la Géorgie moderne; depuis  
1469, jusqu'en 1800 de J. Oh. publiée en géorgien  
par M. Tchoubinoff; traduite du géorgien par M.  
Brosset. Traduction, annotations et additions). S.  
Pb . 1856 .

53. « Հայոց Հասարակաց իրաւագիտութեան վրայ  
մանրամասնութիւնք , քաղեալք ի վրական օրինագրոց  
Վախթանգայ Թագաւորի . Թարգմանեալք ի բնագրէն ի  
ձեռն Պրոսէի : ( ի Նոր Աւիւն օրագրի , 1832 ) :

(— Détails sur le droit public arménien, extraits du  
Code géorgien du roi Wakhtang, et traduits du  
géorgien par M. Brosset.

54. « Տեղեկութիւնք Հայ գրչագրի մը վրայ՝ Մխի-  
թարայ Գոշի , Յաղագս իրաւանց դատաստանաց . ըն-  
թերցեալ յ'17 օգոստ . 1849 :

(— Rapport sur un manuscrit arménien. Mkhitar  
Goch, Livre de décisions judiciaires).

55. « Ժամանակագրական ցուցակ իշխանաց և մետ-  
րապոլտացն Սիւնեաց , մինչ ի վերջ երեքտասաներորդ  
դարու : 1861 օգոստոսի 23ին նիստին ներկայացուած  
յիշատակագրէ մը քաղեալ . ընթերցեալ ի 22 նոյեմբ .  
1861 :

(—Liste chronologique des princes et métropolités  
de Siounie, jusqu' à la fin du XIII s. Extrait d'un  
mémoire présenté à la seance du 23 août 1861).

56. « Հայաստանի Հին պատմութեան վրայ , ըստ սրբա-  
գիր և բեւեռատիպ արձանագրութեանց » . ընթերցեալ  
ի 13 ապրիլի 1871 :

(—(Sur l'histoire ancienne de l'Arménie, d'après les  
textes hieroglyphiques et cunéiformes).

57. « Կոստանդնուպոլսոյ Աւետիք պատրիարքին Հայոց քաղաքագիտական պատմութիւնը. ընթերցեալ յ'13 աւարելի 1858 :

«. Ենթադրեալ Հայ Երկաթի դիմակը, կամ ինքնագիր կենսագրութիւն Աւետիք պատրիարքին Կոստանդնուպոլսոյ, վաւերակաւ պաշտօնական դրութեամբք : Առաջին յօդուած. ներածութիւն մը ընդհանուր տեսութեամբ Երկաթի դիմակին խնդրոյն վրայ. ընթերցեալ ի 21 օգոստ. 1873 :

բ. Ենթադրեալ Հայ Երկաթի դիմակը, կամ ինքնագրութիւն Աւետիք փարզապետի Թոխաթեցոյ, ընկեցեալ ի պատրիարքական աթոռոյ Կոստանդնուպոլսի, և Երուսաղեմի առաջնորդ դրուած. Թարգմանեալ ի Հայէ ի Պրոսէէ :— Երկրորդ յօդուած. Թարգմանութիւն Աւետիք պատրիարքի յիշատակագրին յօրինելոյ ի նմանէ ի 1710. Հանդերձ վաւերականօք. ընթերցեալ ի 21 օգոստ. 1873 :

— (Histoire diplomatique du patriarche arménien de Constantinople Avedik.

58. « Ժամանակագրութիւն Տրապիզոնի, շարագրեալ ի յոյն լեզու ի Միքայելէ Պանարետ, և առաջին անգամ հրատարակուած Վենետկոյ ձեռագրի մը վրայէն, ի Տաֆելէ, իբրու շարայարութիւն մանր գրուածոց Եւստատիոսի, ի 1829. և Թարգմանեալ ի կրսերոյն Պրոսէէ ի գաղղիականն : (Լըպոյ, Պատմութիւն արեւելեան կայսերութեան, ի հատ. XX 482-509) :

— (Chronique de Trébisonde, composée en grec par Michel Panarète, publiée pour la première fois d'après un manuscrit de Venise, par M. Tafel, à la suite des opuscules d'Eustathe, en 1829, et traduit en français par M. Brosset, jeune.

59. « Հատուածք յարեւելեան մատենագրաց՝ նկատմամբ առմանն Կոստանդնուպոլսոյ : Եղբրերգական քերթուած յառումնն Պոլսոյ յԱբրահամէ, որ ի ԺԵ դրու. ի հայկականէն Թարգմանեալ ի ձեռն Պրոսէի :

— (Fragments d'auteurs orientaux relatifs à la prise de Constantinople. Mélodie élégiaque sur la prise de Stamboul, par Abraham, XV s. traduite de l'arménien par M. Brosset.

60. « Յուցակ մաստենագարանին Էլմիածնի, զոր յերկրեց Կորգանով, և թարգմանեց Պրոսէ, արտաքոյ կարգի անդամ՝ ակագիմիոյ: Պետրպուրկ, 1840, էջ 121. Բնագիրն ուսւ և ի հանդիպոյ դաղղիարէն թարգմանու թիւնն:

— (Catalogue de la Bibliothèque d'Edchmiadzin, composé par M. Korganof, et publié par M. Brosset, académicien extraordinaire. S. P<sup>b</sup>. 1840. Texte russe, et français en regard.

61. Լըպոյ, Պատմութիւն արեւելեան կայսերութեան, նոր տպագրութիւն, ամբողջապէս կրկին աչքէ անցած, ուղղութեամբք և յաւելուածովք ըստ արեւելեան պատմըչաց ի Սէն-Մարգէնէ, Արձանագրութեանց և Գեղեցիկ դպրութեանց ակագիմիոյ անդամ:

Հատորքն Ա-ԺԳ. 1824-1832 հրատարակեալ են ի Սէն-Մարգէնէ. և ԺԳ-ԻԱ շարայարեալք ի Պրոսէ կրտսերոյ \*:

\* Տիւրքիէ յերում Տեղեկագրի. En parcourant la très longue liste des productions que M. Brosset a signées de son nom, il est impossible de ne pas éprouver un sentiment d'étonnement et presque d'admiration pour une aussi féconde activité, et en même temps de regrets pour les défauts qui sont la contre-partie de cette éminente qualité, c'est-à-dire l'absence du sens critique, et de cette perfection relative qui n'est obtenue que par une élaboration patiente et réfléchie. Այսպէս կը գրէր ի 1867, և իր անվիճելի հմտութեամբ հայագիտական ուսմանց մէջ, չէր կրնար հանդուրժել ուրիշ երրոպացւոց ոմանց դիւրութիւնը և արագութիւնը ի գիր և ի վճիռ՝ առանց նախընթաց լուրջ ուսումնասիրութեան:

## Վ. ԼԱՆԿԼՈՒԱ

Լանկլուա Վիկտոր ծնաւ ի Տիէփ Գաղզիոյ ի 20 մայիսի յամի 1829: Հին Հրովարտական (Chartes) դպրոցին և արեւելեան կենդանի լեզուաց ուսումնարանաց մէջ սորվելով, 1852-3ին Նափոլէոն Գ կայսեր յանձնարարութեամբ ուսումնական-հետազոտական ուղեւորութիւն մը ըրաւ ի Կիլիկիա և ի Փոքրն Հայաստան: Հետը բերաւ հաւաքումն մը թրծած աղիւսէ շինուած արձաններու՝ զոր Տարսոնի նախնի մեռելաստանի մէջ գրտեր էր, ինչպէս նաեւ հարիւրի չափ արձանագրութիւնք Կիլիկիոյ՝ յոյն, հռովմայեցի, բիւզանդական և հայ լեզուներով, զորս ապա հրատարակեց ի Փարիզ (Inscriptions grecques, romaines, byzantines et arméniennes de la Cilicie; Paris, 1854): Տեղեկագիր մը այս ճանապարհորդութեան տպագրեցաւ ի 1854, բայց ամբողջութիւնը ի 1861 այս խորագրով. « Ուղեւորութիւն ի Կիլիկիա և ի լեռինս Տաւրոսի » (Voyage dans la Cilicie et dans les montagnes de Taurus), քառանկուր պատկերներով և մէկ աշխարհագրական քարտիւ:

Յունական և հռովմէական հնութեանց գիւտերն Լանկլուայի ջանքով, քննադատուեցան Արձանագրութեանց և Գեղեցիկ դպրութեանց ակադեմիոյ մէջ՝ ձեռնհաս հնախուզի մը, Ռասուլ Ռաշէդի խօսքերով, ու խիտ դատաստան մը տրուեցաւ երիտասարդ ճանապարհորդին հետազոտութեանց այս մասին վրայ: Իսկ իր այցելած տեղերուն ստորագրութեանց և կարգացած արձանագրաց նկատմամբ հարկ էր աւելի ներողամիտ աչքով նայիլ: Հայ արձանագրութիւններն կարգալու և լուսաբանելու համար, որք յաճախ իրարու հետ խառնուած տառերով ձեւացած են, մեծ վարժութիւն, և լեզուին՝ որով գրուած



են, ամենամեծ հմտութիւն պէտք է ունենալ: Հարկ է ըսել թէ կը պակասէր այս ի հեղինակն ուղեւոր:

Մասնագիտական եռանդով և քաւական յաջողութեամբ զբաղեցաւ Լանկլուա նաեւ դրամագիտութեամբ, ժամանակագրութեամբ և հրովարտական գիտութեամբ:

Ուստի երբ Տիւրքիէ՝ հայ պատմչաց հաւաքմանն, ու անոնց գաղղիական թարգմանութեան հրատարակութեանն մտածութիւնն ունեցաւ, ուզեց օգտուիլ Լանկլուայի մասնագիտութեամբն և հմտութեամբ, իրեն յանձնելով հայկական դրամագիտութեան պատկանող մասը, որ մինչեւ այն ատեն գիտնաբար ուսումնասիրուած չէր ի Քաղղիա: Լանկլուա մտադիւր յանձն առաւ այն ձեռնարկը, խոստանալով կարգի դնել և խօսիլ առանձին գրուածով Ռուբինեան հարստութենէ մինչեւ առ մեզ հասած դրամոց վրայ. և նախկին փորձն ըրաւ թուղթի ձեւով գրուածք մը ուղղելով առ Այվազովսքի վարդապետ, որուն խորհրդովը կ'ուղէր առաջնորդուիլ իր այս ուսումնասիրական հետազօտութեանց մէջ (*Revue archéologique*, էջ 467, Փարիզ, 1853: Քանի մը տարի վրան անցնելէն ետքը, Լանկլուա մասնաւոր գրութիւն մը հրատարակեց, հետազօտելով այս նկատմամբ իր ըրած կամ իրեն հաղորդուած գիւտերը. բայց որովհետեւ ուրբինեան իշխանաց շատերը համանունանք են, և իրենց անուամբը գտնուած դրամոց վրայ թուականք կը պակսին, ըրած գասակարգութիւնք հետեւաբար աւելի մերձաւորականք (*approximatifs*) կրնան համարուիլ, մերթ եւս ենթադրականք:

Այս առաջին ջանքերը ըստ մասին ուղղուած են՝ վիէննայի Մխիթարեան ուխտէն Սիպիլեան Հ. Կղեմէս վարդապետին համառօտ՝ գերման լեզուով շարագրեալ տետրակի մէջ, որ շատ տարիներ խորունկ ուսմամբ զբաղեր էր Ռուբինեան դրամոց վրայ (*Beschreibung noch unedirten Münzen der Armenisch-rubenischen Dynastie in Kilikien*): Այս գիտնականն ուրիշ մեծակշիռ

աշխատութիւն մը մի և նոյն նիւթին վրայ՝ արդէն աւարտած և հրատարակելու վրայ էր, երբ զայն աւելի եւս կատարելագործելու փափաքն յորդորամիտ ըրաւ զհեղինակն ճանապարհորդութիւն մը ընելու յարեւելս, ուր և հանդիպեցաւ իր վաղահաս վախճանը. և մահուընէն ետքը միաբանակցացը ջանքով և յաւելուածներով հրատարակուեցաւ ի 1892, ի Վիէննա, ի Միխիթարեան տպարանի:



Լանկլուայի գրամագիտական երկասիրութիւնը հետեւեալքն են. « Դրամագիտութիւն Վրաստանի ի միջին դարու » (Numismatique de la Géorgie au moyen âge; Paris, 1852): — « Դրամագիտութիւն եգիպտական անուանց առ հռովմէական վարչութեամբ » (Numismatique des noms d'Egypte sous l'administration romaine; 1852): — « Դրամագիտութիւն Հայաստանի միջին դարուց » (Numismatique de l'Arménie au moyen âge; 1855): — « Ընդհանուր դրամագիտութիւն Հայաստանի » (Numismatique générale de l'Arménie, 1858): — « Հնոյն Հայաստանի դրամագիտութիւնը, Տիւրքիէի հրատարակելիք պատմական մատենադարանին համար շարագրուած » (Numismatique de l'Arménie dans l'antiquité, pour la Bibliothèque historique arménienne de Dulaurier, 1858): — « Կիլիկեան չհրատարակուած կամ քիչ ծանօթ դրամոց վրայ, արտատպեալ ի Դրամագիտական հանդիս » (Monnaies inédites, ou peu connu, de la Cilicie, extrait de la *Revue numismatique*, 1854): — « Ժաշակ մը կամ փորձ դասակարգութեան Վրաստանի դրամական շարի, ի հին ժամանակաց մինչ առ մեզ » (Essai de classification des suites monétaires de la Géorgie, depuis l'antiquité jusqu' à nos jours; 1860):



Պետական մասնաւոր յանձնարարութեամբ 1861ին յիտալիա զրկուեցաւ Լանկլուա, նոյն երկրին մատենադարանաց և դիւանաց մէջ ամփոփուած գրուածներու քննութեամբ ուսումնասիրելու խաչակրութեանց ժամանակ Քաղղիոյ և Հայոց արքունեաց մէջ վերաբերութիւններն: Քննեց Գենուայի, Թուրինի և Վենետիոյ դիւաններն. և այն առթով հրատարակեց Տեղեկփէր մը այս վերջին քաղաքին մէջ գտնուած հայկական սրբոյն Ղազարու կղզւոյն ու մենաստանին վրայ, հանդերձ համառօտ տեսութեամբ հայ ազգին պատմութեան և մատենագրութեան, որ և հրատարակուեցաւ նոյն կղզւոյն տպարանէն՝ այլեւայլ անգամ, և ունեցաւ նաեւ անգղիական, գերման, լեհ և հունգար թարգմանութիւններն ու տպագրութիւններն: Բնագրին առաջին տպագրութիւնն եղաւ ի 1863, ու հետեւեալ տարին հրատարակուեցաւ նաեւ յԱթին օրագրին այս խորագրով. « Յիշատակագիր ի վերայ սկզբնաւորելոյ մատենագրութեան և դպրութեանց ի Հայաստան » (Mémoire sur les origines de la culture des lettres en Arménie, p. 200-223). ու « Մեքիթարեան Միաբանութիւն և մենաստան Հայոց ի Ս. Ղազար » (La Congrégation des Mékhitaristes et le couvent arménien de St. Lazare, p. 383-397): Նոյն տարին հրատարակեց ի Հանդէս Արեւելից « Չժամանակագրութիւն Հեթմոյ տեառն Կոռիկոսի, գրուած ի Հեթում կրօնաւորէ, հեղինակէ պատմութեան Թաթարաց » (Chronologie de Héthoum, seigneur de Gôrigos, ouvrage inédit du moine Aïthon, auteur de l'histoire des Tartares). Նոր շար, հատոր ԺԵ. էջ 103-114: ի սուրբ Ղազար Վենետիոյ ալ հրատարակեց « զՔանձարան հայկական հրովարտական » (Le Trésor des Chartes d'Arménie, ou Cartulaire de la Chancellerie

royale des Roupéniens, comprenant tous les documents relatifs aux établissements fondés en Cilicie par les ordres de chevalerie institués pendant les Croisades et par les Républiques de l'Italie, pp. 242)\*



Լանկլուայի գլխավորագոյն արդիւնք մ'ալ է որ ձեռք զարկաւ Հայոց հին և նոր պատմչաց հրատարակութեան ընդ Հովանաւոր պաշտպանութեամբ Նուպար փաշայի, և սրբոյն Ղազարու միաբանից, և ուրիշ թէ՛ օտար և թէ՛ ազգային հայագիտաց անկեցութեամբ: Միայն երկու հատորք տպագրուեցան այս կարեւոր և մեծապէս հետաքննական հրատարակութեան: Պրոսէի տուած տեղեկութիւններն այս մեծ ձեռնարկին վրայ՝ որ Լանկլուայի մահուամբ անկատար մնաց, նախընթաց էջերու մէջ հրատարակեցինք: Առաջին հատորն ի 1867, կ'ամբողջէ գոյն և զատորի պատմիչս որ ի հին ժամանակաց Թարգմանուեցան ի հայ, և են. Մար Իբաս Կատինա, Բարդաժան, Ագաթանգեղոս, Փաւստոս Բիւզանդ, Ղերուբնա Եղեասացի, Զենոր Գլահ, Յովհաննէս Մամիկոնեան, Սուտ

\* Տիւրքիէ որ նախանձորէ մ'էր Լանկլուայի՝ հետեւեալ քննադատութիւնն կ'ընէ այս երկասիրութեան վրայ: Յիշելով թէ ի տպարանի Մխիթարեանց և իրենց ծախիւք եղած է հրատարակութիւնն, կը յաւելու: Cette circonstance de lieu est à noter; car elle explique la parfaite correction des textes arméniens que ce livre contient, et sont les Mékhitaristes eux mêmes surveillé l'impression. Mais il serait impossible d'accorder le même éloge à la reproduction des pièces françaises ou latines, dont se compose la presque totalité de ce recueil; car les omissions et les mauvaises leçons abondent à chaque page: il est nécessaire d'ajouter que les notes, dans cette compilation, trahissent de continuelles inexactitudes ou des emprunts maladroitement déguisés. Մենք ըսինք արդէն այսպիսի խառիւ քննադատելուն պատճառը:

Կալլիսթենէս, Գրիգոր Մագիստրոս՝ որոյ վրայ Լանկլուա յօդուած մ'ալ հրատարակեց յԱփափան օրագրի ի 1869, Ս. Եպիփան, և այլն: Երկրորդ հատորն, հրատարակեալ ի 1869, հինգերորդ դարու պատմչաց այլ եւ այլ երկասիրութիւններն կը բովանդակէ, եւ են. Կորիւն, Մովսէս Խորենացի, Եղիշէ, Ղազար Փարպեցի, քանի մի հատուածովք ի գրոց Եզնըկայ, և ժամանակակցական տախտակներով: Առաջար փաշա, այս մեծ ձեռնարկին պաշտպանն, ծնած է ի Զմիւռնիա, դաստիարակուած ի Զուիցերի և ի Թուրուզ Գաղղիոյ: Եգիպտոսի մէջ արտաքին գործոց նախարարութեան քարտուղարի պաշտօնը վարելէն ետքը, ղրկուեցաւ ի Լոնտոն յամի 1850, և Իսմայիլ փաշայի կառավարութեան ատեն անոր պաշտօնեայ նախարարն եղաւ արտաքին գործոց ի 1866. և Թէպէտ տիրովը հետ քաշուեցաւ պաշտամանէն յամի 1879, բայց յետոյ կոչուեցաւ ի նոյն պաշտօն, զոր ցարդ կը վարէ փառք: Իր պաշտպանութեամբ հրատարակուելիք հայ պատմագրաց հաւաքումն հինգ հատոր պիտի ձեւացընէր. բայց Լանկլուայի մահուամբ (14 մայիս 1869) խափանուեցաւ. և Եւարիստ Բրիւտոմ՝ որուն յանձնուեցաւ գործոյն շարունակութիւնը, վախճանեցաւ հետեւեալ տարւոյն մէջ: Այն միջոցին և առթով էր որ Պրոսէի՝ մեր արդէն յիշած հաւաքումն սկսաւ տպագրուիլ, Լանկլուայի ձեռնարկին համար սահմանուած հատորներն:

Յիշեցի՞նք որ Տիւրիէ այս հաւաքման վրայ քննադատութիւն մը հրատարակեց: Տարակոյս չունի՞նք որ իրեն յատուկ բազմակողմանի հմտութեամբն ու լրջաբար ուսումնասիրելով՝ աւելի պատուական ու հետաքննելի պիտի ընծայէր զայն բանասիրութեան, ու պատմական ուսմանց յառաջադիմութեան փափաքողաց: Բայց լաւագոյնը՝ լաւին թշնամի է, կ'ըսէ առածը. և մեծապէս անիրաւել կը համարինք Լանկլուայի յիշատակին, եթէ միայն այդ պատճառաւ՝ ուզենայ մէկը իրեն արդիւնքը փոքրը-

կացընել ստուգապէս այդ մեծ և օգտակար ձեռնարկութեանը մէջ: Տեսանք արդէն թէ ի՞նչպէս Պրոսէ անհախանձաբար հռչակեց զայն, որ անձին փորձովը հասկըցեր էր թէ որչափ դժուարին և աշխատալի էր գործը:

Լանկլուա ամենամեծ դիւրութիւն և արագութիւն ունէր ի գրել և ի հաւաքել, ինչպէս կը վկայեն զինք ճանչցողք. և թէպէտ մեծ ձիւրք մ'է այդ և յատկութիւն, զոր անկարելի է ժխտել, բայց միանգամայն արգեթք երկար և խորունկ հետազօտութեանց և քննութեանց. և երկուքը մէկտեղ՝ քիչ անձանց և գրուածոց վրայ զուգուած կը հանդիպին ու կը տեսնուին: Լանկլուայի հաւաքման մէջ նկատուած քանի մը թերութիւնք՝ ասոր հետեւանք են:

Բայց նա գիտցաւ այնպիսի հմուտ անձինք իրեն ընկերակից և օժանդակ առնուլ ի մերազգեաց և ի գաղղիացւոց՝ որոց հայագիտութիւն և հմտութիւն հայրենակաւնաց ամենեւին տարակուսի տակ չէր կրնար ձգուիլ. և որոց աշխատանքով Չենոր Քլակ, Բիւզանդ, Եզնիկ, Փարպեցի, Մեսրոպ երէց և այլ պատմիչք՝ այդչափ հաւատարիմ ճշդութեամբ և վայելուչ կարգաբանութեամբ փոխադրուեցան ի ֆրանսերէն: Նշանակութեան արժանաւորք են նաեւ ընդհանուր ներածութիւնքն՝ որ դրուած են ի գլուխ կրկին հատորոցն, հայ մատենագրութեան սկզբնաւորելուն և դարէ դար յառաջատութեան կամ անկման վրայ, ինչպէս և այլեւայլ խնդրական նիւթոց, և իւրաքանչիւր հեղինակի ի գլուխ երկասիրութեանն, իւր կենսագրութիւն և գրական գործունէութիւն:

Չենք կրնար ըսել, որպէս և ոչ իրմէ յառաջ կամ յետոյ երեւցող և այսպիսի նիւթոց վրայ գրողներու համար, թէ վերջին խօսքն ըսած կամ որոշիչ վճիռը տուած ըլլայ. բայց իր և նմանեացն արդիւնքն է՝ եթէ այսօր հայկական մատենագրական պատմութիւն՝ նոր երեւոյթի մէջ մտած է, և այդ տեսակիտով եղած քննադատական տեսութիւնք և տրուած կարծիք, թէպէտ և հեռի

համարուն յամենայնի իրաւացի հանչցուելէն, բայց ապագային համար արտադրած արդիւնքն անտարակուսելի է, յորում մեծագոյն հմտութիւն և աւելի խոհական ծանրութիւն կը յուսացուի:



Բայ ի արդէն յիշատակուած հրատարակութիւններէն, Լանկլուա Հանդէս հետեւեալ կոչուած ամսագրին մէջ հրատարակեց հետեւեալ գրուածը. « Վաւերականք պատկանաւորք պատմութեան Լուսինեանց Փոքուն Հայոց ի 1342 ամէ ց' 1394 » (Documents pour servir à l'histoire des Lusignans de la Petite Arménie de 1342 à 1394). — « Յիշատակարան ի վերայ քաղաքական և վաճառականական յարաբերութեանց հասարակապետութեանն Գենուայ ընդ թագաւորութեան Փոքուն Հայոց յ' ԺԳ և ի ԺԴ դարս » զոր տպագրեց ի 1856 յօրագրի Հանդէս երեւելի. (Mémoire sur les relations politiques et commerciales de la république de Gênes avec le royaume de la Petite Arménie pendant les XIII et XIV siècles): Նոյն հանդիսին մէջ. « Թէ ո՞րն է Հայաստանի տեղը աշխարհի պատմութեան մէջ » (Place de l'Arménie dans l'histoire du monde), Հատ. ԺԲ 235-249: — « Խորհրդածութիւնք ի վերայ յարաբերութեանց Հայաստանի ընդ Քաղղիոյ ի միջին դարս » (Considérations sur les rapports de l'Arménie avec la France au moyen âge) էջ 256-276: — « Օրագիրք առ Հայս » (Les Journaux chez les Arméniens) ի Հանդէս երկուց աշխարհաց (Revue de deux mondes): ի 1863, « Հայք Տաճկաստանի և կոտորածք Տաւրոսի (Les Arméniens de la Turquie et les massacres de Taurus): — Պետրպուրկի սկադիմիոյ Ասիական մասին յիշատակագրոց ալ մասնակից եղաւ Լանկլուա հետեւեալ գրուածներովը զորս հրատարակեց. « Ճաշակ

պատմական և քննադատական քաղաքական և ընկերական կազմաւորութեան Հայաստանի՝ առ հարստութեամբ թագաւորացն Ռուբինեանց՝ ըստ վաւերականաց որ պահին ի դիւանս Եւրոպիոյ » . (Շար եօթներորդ, հատոր Գ. 1860, էջ 1-85); (Essai historique et critique sur la constitution sociale et politique de l'Arménie sous les rois de la dynastie roupénienne, d'après les documents conservés dans les archives de l'Europe:)- « Ուսումնասիրութիւն ի վերայ աղբերաց պատմութեան Հայոց ի Մովսիսէ Խորենացւոյ » (Հատ. Գ. 1861, էջ 293-368). (Étude sur les sources de l'histoire de l'Arménie de Moïse de Khorène:)- « Թուղթ առ Պրոսէ ի վերայ յաջորդութեան թագաւորաց Հայոց Ռուբինեան հարստութեան, և Լուսինեան տոհմին, ըստ արեւելեան և արեւմտեան աղբերաց » . (Անդ. 413-428). Lettre à M. Brosset sur la succession des rois d'Arménie. — « Տեղեկութիւն ի վերայ ոսկեգիր հրովարտակին՝ զոր պարգեւեաց Սիկիլիացւոց Լեւոն Ե թագաւոր Հայաստանի յամի 1331 » . (Notice sur le Chrysobulle octroyé par Léon V, roi d'Arménie, aux Siciliens, en 1331). Ի Յիշատակագիրս Պետրպուրկի ակադիմիոյ, հատոր Ե. 375-389: — « Քաղուած ժամանակագրութեան Սմբատայ տեառն Պապառօնի, Հայոց մարաջախտի, հանդերձ շարաքարութեամբ յօրինելոյ յայլմէ, և պատմութիւն Ռուբինեանց ի հաստատութենէ նոցա ի Կիլիկիա մինչեւ ի բարձումն հարստութեանն, ըստ տպագրաց բնագրին որ ի Մոսկուա և ի Փարիզ. » (Extrait de la Chronique de Sempad, seigneur de Babaron, connétable d'Arménie, suivi de celle de son continuateur, comprenant l'histoire des temps écoulés depuis l'établissement des Roupéniens en Cilicie jusqu'à l'extinction de cette dynastie, traduite sur les éditions de Moscou et de Paris). Թարգմանութեանս քննադատութիւնն ըրաւ Տիւրորիէ Աւի-Էլի (l'Orient) հանդիսին



մէջ (1867, Décembre 25) *հետեւեալ խորագրով*. *Գեոգրաֆիկն է Վերայ Սիւսայ Գոանդոսայի ժամանակագրութեան լաբգմանութեան հը* — (Observations sur une traduction d'un extrait de la chronique du connétable Sempad).

*Առիւն օրագրին մէջ ալ (Հինգերորդ շար, Հատոր Գ 257-308) հետեւեալ խորագրով հատուած մը հրատարակեց. « Ուղեւորութիւն ի Սիս, մայրաքաղաք Հայոց ի միջին դարու »*. (Voyage à Sis, capitale de l'Arménie au moyen-âge): *ի 290-297 յէջն ցուցակ մը կը գնէ հարիւր քառասուն և հինգ զրչագրաց մենաստանին Սսոյ, զորս յաջողեցաւ տեսնել, և 145 թիւ զրչագիրը ստանալ, որ երեքտասներորդ դարուն ապրող Սարգիս վարդապետի մը մեկնարանական գրուածոյ հատուած մ'է, և կը պահուի այժմ յազգային Մատենադարանին որ ի Փարիզ:*

*Մահուընէն երկու տարի յառաջ ուրիշ ընտիր գրուած մ'ալ հրատարակեց Լանկլուա, և էր. « Աշխարհագրութիւն Պտղմեայ, լուսանկարատիպ նմանահանութիւն յոյն զրչագրին որ ի վանս Վատոպետի յԱթոս լերին »*. (Géographie de Ptolémée, reproduction photolithographique du manuscrit grec du monastère de Vatopédi, au mont Athos), *տպագրեալ ի Փարիզ ի 1867: Ներածութիւնն՝ որ « Աթոս լեան և որ ի նմա վանորայք » կը կոչուի, արդէն տարի մը յառաջագոյն առանձինն հրատարակուած էր:*

*1868ին տպագրեց ի Ս. Ղազար Մխիթարեանց զգաղղիական Թարգմանութիւն ժամանակագրութեան Միխայելի Ասորույ (Chronique de Michel le Grand, auteur de XII siècle, patriarche des Syriens Jacobites, traduite pour la première fois de version arménienne du prêtre Ischok).*

## Ե. ՊՈՐԷ

Եւգինէոս Պորէ ծնաւ յԱնժէր Գաղղիոյ ի 1809 (5 օգոստ.) : Հայրը՝ Նախկին գլուխ ջոկատի գօրաց՝ վախճաներ էր ի 1812 : Պորէ՝ հայրենի քաղաքին մէջ իր ուսմանց առաջին ընթացքը կատարելէն ետքը՝ 1826ին մտաւ ի վարժարանն Սթանիսլաւ ի Փարիզ, ուր հետեւեալ տարւոյն մէջ՝ ի մրցանա իմաստասիրականին՝ պատուոյ առաջին յաղթանակը տարաւ : 1828ին կորսընցուց նաեւ մայրը, որոյ տուած բարեպաշտ դաստիարակութիւնը յորդորամիտ ըրաւ զպատանին ի փնտռել զբարեկամութիւն Լամընէի, և յորմէ խրախուսեցաւ ձեռք զարկած ուսումնական ընթացից մէջ եւս քան զեւս յառաջադիմելու : 1834ին երբ Լըվայեան տը Յլորիվալ իտալիա ճանապարհորդութիւն մը ըրաւ, Գաղղիոյ հասարակաց կրթութեան նախարարն Կիզոյ, անուանեց զՊորէ առժամանակեայ ուսուցիչ հայ լեզուի՝ Փարիզու աբեւելեան կենդանի լեզուաց մասնաւոր դպրոցին մէջ : Այս առթով Լամընէ կը գրէր առ Պորէ. « Ուրախակից եմ թէ՛ աշակերտացդ թուոյն համար որ կը յաճախեն ի լուր դասախօսութեանցդ, և թէ հայկական մատենագրութեան նկատմամբ ըրած նոր գիտերուդ » : Նոյն միջոցին Ասիական ընկերութեան ամենէն աւելի գործունեայ անդամակիցներէն մէկն էր Պորէ : Հայ լեզուի ուսուցչութեան ընթացքը շարունակեց մինչեւ ի 1835, և ի վերջ նոյն տարւոյ գնաց ի վանս Մխիթարեանց որ ի Ս. Ղազար Վենետիկոյ, ուսումնական մասնաւոր պաշտամամբ մը : Հոն յօրինեց ու տպագրել տուաւ նոյն միաբանութեան վրայ տեղեկութեան գրուածք մը, ու վանաց Հայկական կաճառին անդամ անուանեցաւ : Զոր Լամընէ լսելով՝ հետեւեալ տողերն կը գրէր առ

Պորէ. « Քեզեցիկ հրաշալիք տեսար, և ուժովցար այն աշխարհին լեզուին մէջ, ուր կ'ըսեն թէ Նոյայ տապանը կանկ առաւ. և ակադիմական ալ եղար... Հաճութեամբ պիտի կարդամ այն տեղեկութեան գիրքը, որոյ լուրը տաս ինձ: Սրբոյն Ղազարու միանձունք արդէն նման գրուածք մը հրատարակած են, յորում իրենց հիմնադրին վարքը կայ, և այն անհաւատալի դժուարութիւններն որոց բռնադատուեցաւ յաղթել, որպէս զի կարող ըլլայ հաստատուիլ հոն՝ ուր յետոյ այնչափ յառաջագիմեցին »:

Տարի մը ետքը Պորէ տեսնելով զԼամբնէ որ կը հակառակի եկեղեցական իշխանութեան, զատուեցաւ իրմէ. ու 1836ին Ուղլափոս Գիւնթըր կոչուած լրագրին խմբագրաց մէկն եղաւ: Արդէն 1833ին իբր երախայրիք իր հայկական ուսմանց՝ Ափփաճ օրագրին մէջ (271-298) հրատարակեր էր Աբրահամու Ողբ Ի Վերայ առանձն կոչուած քերթուածոյն թարգմանութիւնը, հանդիպելով անոր մէկ գրչագրին յԱզգային մատենադարանին (թիւ 80), ու 1835ին ալ (293-7) հատուած մը յողբերգութենէ Շնորհալոյն որ յառումն Եդեսիոյ: Երկասիրութիւն մ'ալ յօրիներ էր ընդհանրապէս ի վերայ Հայաստանի, Պոփերազորդ Գիւնթըր (Univers pittoresque) կոչուած աշխարհապատում խմբագրութեան համար, որ հրատարակեցաւ ի 1838 բազմաթիւ պատկերներով և 144 երկսիւն սեղմ էջերու մէջ բովանդակուած: Երկրորդ տարին ալ Ափփաճ օրագրին մէջ հատուած մը « Ուղղակի և զօրաւոր ազդեցութիւն քրիստոնէութեան ի վերայ հայ ընկերութեան » (De l'action directe et puissante du Christianisme sur la société arménienne, par E. Boré. (- Journal Asiatique, Tome I. 1836, էջ 214):



Հասարակաց կրթութեան նախարարն և Արձանագրութեանց ու Գեղարուեստից ձեմարանին գլխաւորն յանձնեցին իրեն ուսումնական ճանապարհորդութիւն մը ընել յԱրեւելս: 1837 տարւոյն սկիզբներն այս պատուաւոր յանձնարարութիւնն կատարելու ձեռք զարկաւ. « Կ'երթամ, կ'ըսէր, յայց երկրին՝ որ քրիստոնէութեան որրանն եղաւ, հոն խօսուող լեզուներն ուսումնասիրելու, և յիշատակարանները քննելու »: Քիչ ատեն յամելով ի Վիէննա, Թրիեստ, Սիրա, հասաւ ի Կոստանդնուպոլիս, և հայ ընտանեաց մը քով հաստատեց բնակութիւնն: Բաց ի հայ լեզուէ, տեղեակ էր նաեւ պարսիկ, արաբ, տաճիկ, հերարայեցի և փիւնիկեցի լեզուաց: Ի Պոլսոյ գնաց ի Կարին, անտի ի Դաւրէժ, (15 նոյեմբ. 1838) ուր դպրոց մը հաստատելով, տարի մը կառավարեց զայն: Յետոյ բնակութիւնն հաստատելով ի Զուղա (29 ապրիլ 1840), մերձ ի Սպահան, բազմաթիւ պարսիկ երիտասարդք՝ հարուստ ընտանեաց զաւակք, աշակերտեցան իրեն, և զանազան ուսումնական տեղեկութիւններ հաղորդեց անտի ի Փարիզ: Երկու տարիէն դարձաւ ի Գաղղիա, 1842ին, ուր իր հետաքննական երկասիրութիւնն որ կը կոչուի « Թղթակցութիւնք և յիշատակարանք ուղեւորի միոյ յարեւելս » (Correspondances et mémoires d'un voyageur en Orient) արդէն 1840ին հրատարակուած էր ի Փարիզ: 1843ին ճանապարհորդութիւն մը ընելով ի Հռովմ, սրբազան քահանայապետին ներկայացաւ, ու երկրորդ անգամ դարձաւ ի Պոլիս:

1846ին հրատարակեց Ուղղութեան Գլխաւորն (Univers catholique) քսաներորդ երկրորդ հատորին մէջ, Մովսիսի Կաղանկատուացոյ Աղուանից պատմութեան թարգմանութիւն մը, որ երկու տարիէն ետքը կրկին տպաւորուեց:

գրուեցաւ, Ճանապարհորդութեանց Տարեգրութեանց (Annales des Voyages) մէջ՝ Վիվիէն տը Սէն-Մարգէն բազմա-  
հմուտ աշխարհագրին ծանօթութեամբք: 1847ին ուղեւո-  
րութիւն մը ըրաւ յԱրշակեղապոս. ու հետեւեալ տա-  
րին՝ Փաղղիոյ կառավարութեան յանձնարարութեամբ  
Երուսաղէմ գնաց՝ ուսումնասիրելու Սրբազան տեղեաց  
խնդիրը: Այն առթով հրատարակեց 75 էջերէ ձեւացած  
տետրակ մը Խնդիր առբ Գեղեաց մակագրով, և որով  
տարիներ անցնելէն ետքը զբաղեցաւ նաեւ Վիկտոր  
Լանկլուա:

Փափաքելով ինքզինք՝ եկեղեցական վիճակի տալ, Պո-  
րէ 1850ին հերակտրութիւնն ընդունելով՝ դարձաւ ի  
Փարիզ. բայց հետեւեալ տարին բռնադատուելով վերա-  
դառնալ ի Կոստանդնուպոլիս՝ Վոսփորի Պէպէք կոչուած  
գիւղին մէջ հաստատուած դպրոցին վերատեսչութիւնը  
իրեն յանձնուեցաւ: Իբրեւ այցելու, ամէն տարի կ'եր-  
թար ի Զմիւռնիա, Սանդորին, Նաքսոս, Սէլանիկ, Մա-  
նասթիր: Խրիմու պատերազմին ժամանակ կարգի դրաւ  
զինուորական շարժական հիւանդանոցներն, և մաղձախ-  
տէ բռնուածներուն ծառայեց ամենայն անձնանուիրու-  
թեամբ ի վառնա: 1866ին ընդհանուր քարտուղար ե-  
ղաւ Առաքելավանից ուխտին՝ որոց կը վերաբերէր, և  
ապա ընդհանուր առաջնորդ ի 1874: Նոյն պաշտաման  
մէջ մեռաւ ի Փարիզ յ'3 մայիսի 1878:

## Ե . Բ Ր Ի Ի Տ Ո Մ

Այս հայագէտ գաղղիացւոյն աշխատասիրութիւններն  
ցրուած ըլլալով յայլեւայլ ուսումնական հանդէսս, բա-  
նասիրաց հաճոյական կը կարծենք զանոնք ամէնքն առ-  
տէն միացընելը: Իր առաջին հատուածն հրատարակուե-  
ցաւ յամի 1861 ի Հանդէս Արեւելից (Revue de l'O-

rient, նոր շար, Հատ. ԺԳ.) և խորագիրն է « Ազգային Սահմանադրութիւն Հայոց » (Constitution nationale des Arméniens), Թարգմանեալ ի հայէ. (էջ 1-18): 1863-4ին նոյն հանդիսին ԺԵ, ԺԶ, ԺԷ հատորներուն մէջ հրատարակեց զԹարգմանութիւն պատմական երկասիրութեան Արիստակիսի Լաստիվերտացւոյ, սրբոյն Ղազարու տպագրին վրայ, ծանօթութեամբք: Մետասաներորդ դարու մէջ, ինչպէս յայտնի է մեր բանասիրաց, ապրեցաւ Լաստիվերտցի, և զրեց զպատմութիւն կործանմանն Անւոյ ի Յունաց, և զսկզբնաւորել արշաւանացն Սելճուգեանց (1000-1071): Թարգմանիչը զեղշած է զբազմութիւ վկայութիւնս ի սուրբ Գրոց, զոր հեղինակը մէջ կը բերէ. « Ուռուցիկ և ողբերգական ոճ մը, կ'ըսէ Մոհլ, կը տիրէ այս հեղինակութեան մէջ, և դժուարին կ'ընէ ընթերցումը. բայց չի ծածկեր Հայոց թերութիւններն ու մատնութիւնները. և կը ցուցնէ զպատճառս և զմիջոցս այն երկարատեւ և աղիտալի ողբերգութեան, որով ամբողջ պատմութեան ընթացքը արեան և աւերածոյ հետքը կը կրէ »:



Աւելի ուշ օրագրին մէջ ի 1863 (Զդ շար, էջ 400-475) Բրիւտոմ հրատարակեց Զենորայ Գլակայ ասորի եպիսկոպոսի Տարօնոյ պատմութիւնը, կամ զգրուագ դարձի Հայոց ի քրիստոնէութիւն. և որոյ բնագիրն հրատարակեալ է ի Պոլիս 1708, և ի վենետիկ 1832: Վերոյիշեալ Ժիւլ Մոհլ՝ այս գրքին վրայ տուած տեղեկութեան մէջ կ'ըսէ. « Տարօնոյ գաւառին պատմութիւնն է, ի սահմանագլուխս Սիւրիոյ, ուր երրորդ դարուն մէջ՝ Տրդատայ քրիստոնէական հաւատքն ընդունելէն ետքը, ուժով դիմակալութիւն ըրին՝ հոն հաստատուած հնդիկ քրմաց գաղթականութիւն մը. բայց հեթանոսք յաղթուեցան. կործանեցան անոնց մեհեանք, և սուրբն Գրի-

գոր պատուիրեց Զենոբայ՝ որ ականատես վկայ էր՝ ասորի եկեղեցեաց գիտութեանն համար՝ եղած դիպուածոց պատմութիւնը շարագրել իրենց լեզուով » : — Աւիւիւն ընկերութեան 1864 փետրուարի 12ին նիստին՝ Բրիւտոմ քանի մը մասնաւոր տեղեկութիւններ տուաւ Ողոմպիանու ընծայուած յոյն և լատինական առական վրայ, որոց բնագիրը կ'օրսուած ու միայն հայ թարգմանութիւնն հասած է առ մեզ և հրատարակեալ է Ս. Ղազար Վենետկոյ՝ Մխիթարայ Գաշի առական հետ ի 1842 և ի 1854 : — Աւիւիւն լռօքն վեցերորդ շարին եօթներորդ հատորոյն մէջ՝ (101-238) ի ռուս լեզուէ ի գաղղիականն թարգմանեց և ի լոյս ընծայեց՝ Պատկանեան Քերովսէի, Պետրպուրկի հոչականուն հայազգի ուսուցչին, ամենէն աւելի գեղեցիկ երկասիրութեանց մէկը . « Ճաշակ պատմութեան Սասանեան հարստութեան՝ ըստ հայ պատմըչաց » (Essai d'une histoire de la dynastie des Sassanides d'après les historiens arméniens) :

Զենոբայ ժամանակ՝ մեծն Հայաստան դեռ կը կառավարուէր Արշակունեաց՝ իր նախկին տերանց ձեռքով . բայց ի վեցերորդ դարու այս հարստութիւն մարեցաւ, և իր սահմաններն բաժնուեցան Սասանեան թագաւորաց մէջ՝ որ տիրեցին արեւելեան գաւառաց, մինչ Յոյնք դեռ եւս կը շարունակէին պահել իրենց իշխանութիւնն արեւմտեան մասին վրայ :

Հայք հպատակելով այս զօրաւոր թագաւորաց, և անոնց հետ շարունակեալ յարաբերութեան մէջ, անոնց բանակին հետ խառնուած, ու անոնցմէ քաղաքական և զինուորական պաշտամամբք պատուեալ, կտեսիփոնի արքունեաց մէջ ընդունելութիւն գտած, լաւ դիրք մը գրաւած էին՝ Պարսկաստանի ներքին անցից և կառավարութեան խելամուտ ըլլալու : Իրանի պատմութեան այս միջոցին նկատմամբ՝ հայ պատմագիրք այնպիսի մանրամասնութիւններ կ'աւանդեն՝ զորս անկարելի է գտնել ժամանակակից բիւզանդեան մատենագրաց մէջ, իսկ արեւ-

ւելեան գրիչք՝ դիպուածոց հանդիպելէն շատ ետք երեւ-  
նալով՝ տկար և յանախ անհաւատարիմ արձագանգ եւեթ  
կրնան սեպուիլ անոնց։ Պատկանեան գեղեցիկ մտածու-  
թիւն մը ունեցաւ Սասանեանց վրայ հայ պատմագրաց  
վկայութիւններն ի մի հաւաքել, զոր Բրիւտոմ Թարգ-  
մանեց ի ռուսաց լեզուէ, որով հեղինակն գրած էր, ի  
գաղղիական։



Նոյն Աւետիքն լրագրին իններորդ հատորին մէջ (147-  
204) « Քաղուած յՈսկեփորիկ կոչեցեալ գրոց, լուծմունք  
ընթերցուածոց ինչ գրոց սրբոց ի խնդրոյ Հեթմոյ ա-  
ռաջնոյ, Թագաւորի Հայոց, ի Վարդան վարդապետէ,  
Թարգմանեալ յաշխարհիկ լեզուէ բնագրին ի գաղղիա-  
կանն՝ յԵւարիստէ Բրիւտոմ » (Extrait du livre inti-  
tulé Osképhorik, solutions des passages de l'Écriture  
sainte, écrites à la demande de Héthoum Ier. roi  
d'Arménie, par le vardapet Vardan, traduites de l'ar-  
ménien vulgaire sur le texte original, par Evariste  
Prud'homme: — Դարձեալ Աւետիքն լրագրին մէջ, (վեցերորդ  
շար, հատոր ԺԶ 1-293) ի ռուս լեզուէ Թարգմանեց  
և ընծայեց բանասիրութեան Պատկանեանի կարեւորա-  
գոյն երկերէն մէկն ալ, « Հետազոտութիւնք ի վերայ  
կազմութեան հայ լեզուի, ծանօթութեամբք և յաւելուա-  
ծովք յԵդուարդայ Տիւլորիէ » (Recherches sur la for-  
mation de la langue arménienne, avec notes et ad-  
ditions par E. Dulaurier):

Ասոր վրայ տուած տեղեկագրին մէջ (29 յունիս 1871)  
այսպէս կ'ըսէր Է. Ռընան. « Այս աշխատասիրութիւնը  
Պոբի դպրոցին ընտիր սկզբամբքը մտածուած և յօրի-  
նուած կ'երեւնայ։ Շատ լաւ կերպով ցոյց կուտայ թէ  
ինչ տեղ կը գրաւէ հայ բարբառ՝ իրանական գերդաս-  
տանի լեզուաց մէջ. ինչպէս նաեւ առանձինն խնամու-



Թիւնը կամ նմանութիւնը զենտի հետ, ու անկման կամ խոր ծերութեան վիճակը՝ որուն հասած է քերականական փոփոխամբք և զարտուղութեամբք. զառամութիւն մը՝ որոյ ուրիշ օրինակ չկայ՝ բայց եթէ պարսիկ արդի լեզուին մէջ » : Ինքն հեղինակն ալ կ'ականարկէ տեղ մը իր գրուածոյն մէջ թէ « Հայք իրենց լեզուին և սերընդեան նմանութեամբ՝ իրանեան մեծ գերդաստանին կը վերաբերին » . բայց այս ենթադրութիւնը ապացուցուած չեն, մանաւանդ թէ արդեամբք կը թուին ստիլ : — Արեւելից հանդիսին մէջ (չար չորրորդ, Հատ. Ա) Բրիւտոմ ուսերէնէ թարգմանեց ի գաղղիական՝ Մկրտչի Էմին մէկ երկասիրութիւնը « Հայկական ալփաբետաց » վրայ, (De l'alphabet arménien, 439-467) : Նոյն հանդիսին մէջ, որոյ հրատարակութիւնը դադրեցաւ ի 1865, կը թարգմանէր Մկր. Էմինի « Հայկական հեթանոսութեան » (Du paganisme arménien) գրուածը : — Հոն կը գրուենք նաեւ թարգմանութիւն մը Փալֆայեան Խորէն վարդապետի Աքշ-ի Բ ողբերգութեան :

Վերջացընենք Ռշնանի խօսքերով. « Խիստ կանխահաս եղաւ Եւարիստ Բրուտոմի մահը. քառասունութեք տարուան էր երբ մեռաւ այս հանճարեղ ու գիտնական անձը : Իր ամենէն աւելի սիրելի խորհուրդն էր հետազօտական ուղեւորութիւն մը ի մատենադարանս Հայաստան աշխարհի : Հայկական լեզուի ունեցած հմտութեամբ նշանաւոր՝ ցաւալի է որ ժամանակը պակսեցաւ իրեն, որով չկրցաւ աւելի օգտակարագոյն ինչ ընծայել ուսումնական աշխարհի » :

## Յ. Ա. ԳԱՏՏԵՐԻԱՍ

Յովսէփ Անդրէաս Գատտէրիաս ծնաւ ի 1855 և մեռաւ ի 28 մայիս 1883: Տիւլորէի և Ժիւլիէն Վինսոնի աշակերտ, ուսուցիչ հինտուսթանի և Թամուլ լեզուաց՝ արեւելեան լեզուաց դպրոցին մէջ, առաջին եղաւ որ հայկական լեզուին մէջ ցուցած յառաջադիմութեան համար նոյն դպրոցէն վկայագիր (diplôme) ընդունեցաւ: 1870ին ընտիր Թարգմանութիւն մը ընծայեց սրտաշարժ գրուածի մը՝ Հայաստանի աղիտից ու սրբոյն վահանայ Գողթնացւոյ մարտիրոսութեան վրայ\* (Ափիւն օրափէր եօթնեւորդ շար, հատոր ԺԶ 177-214): Երբ հրատարակեցաւ այս գրուածք, Ռընան հետեւեալ գեղեցիկ անդրադարձութիւնն կ'ընէր. « Հայաստան՝ քրիստոնեայ արեւելից միակ ազգն է որ կը զգայ իր ընկճումը և հարստահարութիւնը: Իսկ առ այլս, ոչ մի բողոք, ոչ մի ձայն. գէթ գրաւոր յիշատակարանաց մէջ որ հասեր են մինչեւ առ մեզ: Ո՛ր են գանգատք Եգիպտոսի. ո՛ր Ասորեստանեայց: Այսպիսի լուռ համակամութիւն անշուշտ անկէ յառաջ կու գայ՝ որ հպատակի վիճակը շատ աւելի տանելի էր այդ առաջին դարերուն մէջ նկատմամբ ազգաց որ միայն կրօնական պէտք ունէին: Հայաստան որ այդ տիրապետութեան ժամանակ աւելի լուրջ քաղաքական կեանք մը ունէր, ունեցաւ խօսքեր՝ զրուցելու համար թէ իր մահը մերձաւոր կը զգար »: — 1882 Գատտէրիաս փոքրիկ՝ բայց մեծապէս հետաքննական հատոր մը հրատարակեց « Հայաստան և Հայ » խորագրով (l'Arménie et les Arméniens): Հայ ազգին քաղաքական պատմութեան համառոտութիւն մ'էր այդ երկասիրութիւն: Յետոյ տուաւ

\* Տես Սփիւր հայկական, հատոր ԺԳ:

ինք զինքը յուսումն վրաց լեզուին, զոր անհրաժեշտ կը համարէր հայերէնի բանասիրական ուսմանն համար. և այս վախճանաւ գրուածք մ'ալ հրատարակեց Հանդէս Լեզուագիտական և համեմատական Բանասիրութեան (Revue de linguistique et de philologie comparée) ուսումնաթերթի ԺԴ հատորին մէջ (1881, յ'էջ 275-311)։

### Պ . Փ . Մ Ա Ր Դ Ի Ն

Պաղղիոյ վերջին պատերազմ, ընդ Բրուսիոյ և ձախող ելք և հետեւանք, մեծ ազդեցութիւն ունեցան՝ խաչակրաց ատենէն մինչ այն ժամանակ իր կառավարութեան բռնած ուղղութեան վրայ յարեւելս։ Պործելու այդ մեծ ասպարէզն՝ ուրիշներու թողած ատենին, կարծես կերպով մը մոռնալ ուզեց այդ հեռաւոր երկիրն, որուն դարաւոր պաշտպանն էր, և սուրբ կրօնիցն նեցուկ և ամբողջութիւն. մոռցաւ նաեւ նոյն նպատակաւ ծախուած դանձը՝ և զանհամեմատ պատուականագոյնն՝ իր որդւոցը հոն թափուած արիւնը. և այն երկրին հետ, որ իր պատմութեան գեղեցկագոյն էջերը կը կազմէին, հոն խօսուած և իրմէ մեծարուած լեզուներու փոյթն և սէր։ Ասոնց մէջ դժբաղդաբար՝ ամենէն յառաջ մեր լեզուն պիտի ըլլար։ Արդէն Տիւլորիէի ատենէն սկսած էր նուազիլ թիւ յաճախողացն ի լուր դասախօսութեանց նորա ի դպրոցի արեւելեան կենդանի լեզուաց, անանկ որ մահուընէն ետքը մտածուեցաւ բոլորովին վերցընել այդ ուսումը։

Հարկ է անկեղծաբար խոստովանիլ թէ այդ անտարբերութեան կար մեծագոյն պատճառ մ'ալ. և էր դպրոցին մէկ կանոնադրութիւնը՝ որ ուսուցչաց ընտրութեան մէջ նախամեծարութիւնը իրենց ազգային ֆրանսիացւոց կուտար, որ կրնային՝ ինչպէս ունեցան ալ բազումք մեծ հմտութիւն, խորունկ տեսութիւն և գիտնական անդրա-

դարձութիւններ, ու լեզուաց համեմատական ուսմանց դիւրութիւն, բայց դժուարին էր իրենց՝ բուն ազգայնոյ մը հնչում, արտասանութիւն և վարժութիւն ի բան և ի գիր, որոնք ուսուցչի մը վրայ մեծ ու փնտռուած կա-  
րեւոր յատկութիւններ են, և կ'ազդեն եռանդն և սէր՝ ուսումնասէր հետամտից և աշակերտելոց վրայ: Հանդի-  
պած է ազգայնոցս, հետերնին խօսելու առիթ ունեցած ատեննիս, նաեւ հմտագունից հետ, որ երբ ուզեր են հայե-  
րէն լեզուով միտք մը բացատրել, աղաչելու բռնադա-  
տուեր ենք որ գաղղիարէնով հասկընալի ընեն մեզ խօ-  
սածնին:

Ասոր բնական հետեւանքը կ'ըլլար ուսումը դժուա-  
րացընել, ու եռանդն ու փոյթ մարել հետամտից սրտէն:

Միւս պատճառ մ'ալ, այն եռանդը վառ պահելու հա-  
մար ուսումնասիրելեաց նիւթական պակասութիւնն էր:

Բացատրենք խօսքերնիս: Մեր այս գրուածքին առա-  
ջին էջերէն ալ ըսինք, թէ եւրոպացի հայագէտք, մա-  
նաւանդ ֆրանսիացիք, հայ գրականութեան աւելի պատ-  
մագրական մասամբը ուզեր էին զբաղիլ, զի ուրիշ մա-  
սերէն աւելի այն էր իրենց համար հետաքննական: Տե-  
սանք թէ մեր հին ժամանակի պատմագրաց գրեթէ  
ամէն գրուածք ծանօթացան իրենց, մանաւանդ գաղ-  
ղիարէն լեզուով. ուստի և կարծեցին թէ այդ նկատ-  
մամբ ալ զիրենք հետաքրքրող ճարակ չիմնաց:

Գտնուեցան անձինք որ այդ անտարբերութեան հե-  
տեւանքներն զգալով, կը ջանային սթափեցընել զիրենք  
այդ թմրութենէն, ցուցընելով թէ ո՛րչափ վնասակար էր  
այն նաեւ քաղաքական տեսակիտով:

Այս եռանդուն և աշխոյժ լեզուն գործածողաց մէջ էր  
նաեւ հմուտ արեւելագէտն՝ Փոլէն Մարդէն քահանայ, որ  
ի մայրաքաղաքին Գաղղիոյ հաստատուած աստուածաբա-  
նական կաճառին (faculté catholique) եկեղեցական պատ-  
մութեան և հայրագիտութեան ուսուցիչն էր: Ինք լաւ  
ըմբռներ էր թէ հայկական մատենագրութեան մէջ ու-

սուսնասիրելի նիւթ, լոկ պատմականը չէր. այլ մթերուած կային ի նմա՝ ընտիր և դասական հին լեզուով, բազմաթիւ թարգմանութիւնք ի յունէ և յասորւոյն, և մանաւանդ աստուածաշունչ գրոց անհամեմատ թարգմանութիւն մը, որով որչափ աւելի պարապէր՝ այնչափ հիանալի կը գտնէր զայն:

Փիղրա ծիրանաւորն հաւաքում մը կը հրատարակէր, ի վատիկանեան մատենադարանի՝ որոյ գրապետն էր, գտնուած այլեւայլ երկասիրութեանց եկեղեցւոյ հարց, որք դեռ եւս տպագրութեան լոյս տեսած չէին, կամ որոց հրատարակութիւն՝ արդէն եղածներուն վերայ կըրնար նոր լոյս մը ծագել՝ ընթերցուածոց կամ թարգմանութեանց տարբերութեամբ, և այսպէս կը շարունակէր իր նախորդին՝ ծիրանաւոր Մայի մեծ և բազմահմուտ ձեռնարկը: Նոյնպիսի աշխատութիւն յանձնեց Մարդէն քահանայի՝ փարիզեան ազգային մատենադարանի արեւելեան գրչագրաց մասին համար, որոց լեզուին հմուտ էր նա և տեղեակ:

Մարդէն 1882ին հրատարակեց մեծ հատոր մը, նախանիկէական հարց գրուածոց, յորում բաց ի յոյն, յասորի և յայլոց արեւելեան լեզուաց, կ'ամփոփուին ի փարիզեան ազգային մատենադարանի պահուած՝ յոյն եկեղեցւոյ հայրապետաց գրուածոց հին թարգմանութիւնք ի հայ, իրենց սկզբնագրաւն, հայ թարգմանութեամբ և բազմահմուտ ծանօթութեամբք: — Այս եղաւ, ինչպէս կը կարծենք, իւր առաջին հրատարակութիւն իւրրու հայերէնագէտ:

Գրուածքիս խորագիրն էր. *Analecta Sacra, Patrum antenicænorum, ex codicibus orientalis collegit I. P. Paulinus Martinus, Scripturæ sacra lector in superiori Schola Theologica Instituti catholici Parisiensis.*



Բայց ասկէ յառաջ՝ ազգային մատենադարանն Փարիզո՛ւ՝ այլ կարեւոր աշխատասիրութիւն մ'ալ յանձներ էր Մարդէնի :

Վիլֆռուայի յօրինած հայկական գրչագրաց ցուցակը յիշատակեցինք . անոր վրայ գրեթէ երկու դար անցեր էր . և այդ միջոցին բազմաթիւ և ընտիր յաւելուածք եղեր էին հայ գրչագրաց : Հարկ էր նոր ցուցակ մը յօրինել . մանաւանդ զի գրատան վարչութիւնն գովելի փութով ձեռնամուխ եղած էր ի տպագրութիւն ուրիշ արեւելեան ազգաց գրչագրաց ցանկերուն , և կարգը հայկականաց կու գար . և թէպէտ ուրիշ ձեռնհաս և հմուտ անձի մը ձեռքով արդէն ցուցակագրուած էին անոնք , բայց դժբաղդաբար հրդեհի (1870) ճարակ ըլլալով , առաջարկուած համառօտութիւնն ալ՝ ոչ թուեցաւ ըստ սահմանեալ ծրագրի մատենադարանին , և ուրիշ արեւելեան ազգաց ձեռագրաց արդէն իսկ հրատարակուած ցուցակաց . ուստի հարկ էր նորէն խմբագրել զայն , և այս գործ Մարդէնի յանձնուեցաւ . որ թէպէտ գլխաւորեց զայն և յանձնեց մատենադարանի տեսչութեան , բայց դեռ տպագրութեամբ հրատարակուած չէ :



Յուզղափառ կաճառի Փարիզո՛ւ՝ սուրբ Գրոց քննադատական ուսմանց դասախօսութեամբն զբաղելով , իրեն մասնաւոր ուսումնասիրութեան առարկայ և նիւթ ուզեց ընել զհայ թարգմանութիւն աստուածաշունչ գրոց . և նախ նոր կտակարանաց գրքովը պարապեցաւ :

Յայտնի է բնասիրաց որ մեր նոր կտակարանի թարգմանութեան մէջ ալ մուտ գտած են այլեւայլ կէտք՝ որ ուրիշ հին թարգմանութեանց և գրչագրաց մէջ այ-

լապէս աւանդուած ըլլալով, խնդրականաց կերպարանք կ'առնուն, ուստի և լուսաբանութեան կամ մեկնութեան կարօտք: Ասանկ' օրինակ իմն, մարկոսեան աւետարանի վեշտասաներորդ գլխոյն վերջին 9-20 տունք. Ղուկասու աւետարանին մէջ պատմուած Քրիստոսի տեառն աւհաքրտնիւն ի Գողգոթա. Յովհաննու հինգերորդ գլխոյն չորրորդ տունը, և ութերորդին սկիզբէն մինչեւ մետասաներորդ տունը. Յովհաննու առաջին կաթուղիկէ թղթոյն հինգերորդ գլխոյն եօթներորդ տունները, և ասոնց նման ուրիշ նուազ կարեւորութիւն ունեցող մասունք: Ասոնցմով մասնաւոր ուշադրութիւն դարձնելով հայկական թարգմանութեան վրայ՝ զբաղեցաւ Մարգէն, և հետզհետէ վիճաբիր հրատարակութեամբ ի լոյս կ'ընծայէր իր բազմահմուտ դասախօսութիւններն, հինգ վեց հատոր, որ զբարդաբար վաղահաս մահուամբը թերի մնացին: Գրուածքիս խորագիրն է Introduction à la critique textuelle du Nouveau Testament.

Ասոնցմէ զատ հրատարակած է ուրիշ գրուածներ ալ, զորս յիշատակելը մեր նպատակէն դուրս է, չունենալով այնչափ վերաբերութիւն մեր ազգին պատմութեան և մատենագրութեան նկատմամբ: Յիշեմք միայն մեզի համար աւելի հետաքննականն, « Սկզբնաւորութիւնք եղեսնան եկեղեցւոյ » (Les origines de l'église d'Édesse) կոչուածը, որ պատասխան մ'է մի և նոյն խորագիրը կրող բանամբցական (thèse) երկասիրութեան Դիքսէրան քահանայի՝ իր նախկին աշակերտին, որ Եդեսիոյ եկեղեցւոյն սկզբնաւորութեան ժամանակը՝ մինչեւ երկրորդ դար, և աւելի անդին ալ կ'ուզէ իջեցընել, ու հերքմնական պատասխանն այս գրուածով կ'ընդունի ի Մարգենէ:

Իրեն աշակերտելով՝ բաւական յառաջադիմութիւն ցուցին հայերէն լեզուի ուսման մէջ՝ Լըրըպուր և Պարթիֆոլ գաղղիացի քահանայք, յորոց վերջինն այլեւայլ մանր երկասիրութիւնք ալ հրատարակած է, վատիկանեան մա-

տենադարանի արեւելեան գրչագիրներէն ուսումնասիրուած :

Մարդէնի մահը հանդիպեցաւ ի 1892 :

## ՔԱՆԻ ՄԸ ՏԵՂԵԿՈՒԹԻՒՆՔ

Գաղղիացի հայագիտաց և իրենց գրուածոց վրայ մեր համառօտ տեսութիւններն գրեթէ լմնալու վրայ են : Կրնայինք ասոնց թուոյն մէջ յիշատակել ուրիշ քանի մը նշանաւոր անձինք ալ՝ որ հայկական մատենագրութեան Եւրոպիոյ ընծայած կարեւոր երկասիրութեանց լուրջ քննադատութեամբք զբաղեցան . օրինակ իմն, իմաստուն հնախօսն Տէգիրէ Ռաուլ Ռոշէդ (1789–1854), բազմահռչակ արեւելագէտն Սիլվէսդը Տըսսսի (1758–1838), Յովսէփ Թուէն Ռէինոյ (1795–1867) ուսուցիչ արաբականին ի Դպրոցն Գաղղիոյ, որոյ ջանից և խրախուսանաց կը պարտինք Ղեւոնդեայ երիցու պատմութեան թարգմանութիւնն ի գաղղիական՝ ձեռամբ Շահնազարեան Կարապետ վարդապետի . եգիպտագէտն է . Մարք Գաթրըմէր (1782–1857), որոյ հայկական մէկ բառգիրք կը պահուի յազգային մատենադարանին Փարիզու . Ժ . Պարթէլլմի Սէնդ–իլէր :

Դժբաղդաբար այս իմաստուն հայագիտաց շատերուն գրուածք ցրուած են զանազան ուսումնական թերթից, ու երբեմն նաեւ օրագրաց մէջ, ինչպէս նաեւ այլեւայլ ակադիմիաներու Յիշատակագրոց (Mémoires), ու մերթ եւս այնպիսի հրատարակութեանց՝ յորս մէկու մը մտքէն չիկրնար անցնիլ անոնց ի խնդիր ելլել . կամ այնպիսի մակագրով մը՝ որ հայագիտին հետաքննութիւնը չիկրնար շարժել : Այսպէս հանդիպեցաւ մեզ Փոլ Նիքարի հետաքննական այլեւայլ յօդուածներ գտնել Տէփէնու և Սիլվէսի նշանաւոր (Dipœnus et Scyllis, sculp-



teurs crétois) խորագրով, հրատարակուած ի Յիշատակագիրս Փաղղիոյ ազգային հնագիտաց ընկերութեան (Շար չորրորդ, հատոր Ը. Փարիզ 1877, յէջս 131—275,) որք իմաստուն հետազոտութիւնք են Խորենացւոյ Պատմութեան երկրորդ գրքին երկոտասաներորդ գլխոյն, յորում կը պատմուի թէ Արտաշէս փոխադրել հրամայած ըլլայ ի Հայս զոսկեզօծ պղնձի արձանս Անահտայ, Հերակլեսի և Ապոլոնի, ու ազգային աստուածոց նուիրուած կռատան մը մէջ դնել տուած: Զիմոնանք յիշել առ տեղեալս թէ Զրպետեանն արդէն նոյն ընկերութեան Յիշատակագրաց մէջ (Հատ. Բ. 262) յօդուած մը հրատարակած էր հնոյն Հայաստանի կառավարութեան կերպին ու կրօնից վրայ: Է. Շասթէլի « Պատմութիւն բնաջինջ բարձման հեթանոսութեան ի կայսերութեան արեւելից » գրքին մէջ ալ զանազան հետաքննելի տեղեկութիւնք կրնան գտնուիլ: Այսպէս շատ յօդուածք ի Մատենադարանի Հրովարտակաց Դպրոցին (École des Chartes), զորս մէջ բերելը՝ չափէն աւելի պիտի ընդարձակէր մեր այս գրուածքը: Առանձին յօդուածով միտք ունինք խօսիլ գաղղիացի ուղեւորաց և ճանապարհորդաց վրայ որ ի Հայաստան. հիմկուհիմայ յիշեմք Է. Ռեզլիւի « Ընդհանուր Աշխարհագրութիւնն » և Վիվիէն Տը Սէն Մարդէնի « Աշխարհագրական նոր բառգիրքը », ուր ի յօդուածն « Հայաստան » (Arménie) ուսումնասէրք յիշատակուած պիտի գտնեն այս ուղեւորաց շատերուն անուանքն և իրենց երկասիրութիւններն նկատմամբ հայ հայրենեաց:

Բայց մեր մէջ բերած անուանքն ալ բաւական են անշուշտ որ Հայք երախտագիտութեան յիշատակ մը պահեն առ Փաղղիա. որոյ գիտնական հայագէտք՝ բաւական չի սեպեցին ուսումնասիրել միայն հայկական լեզուին մեքենական կազմութիւնն, այլ մանաւանդ ետեւէ եղան ծանուցանել և հռչակել Հայոց աշխարհի ու ազգի հնութիւնքը, պատմութիւնն, կրօնն ու մատենագրութիւնը:

Զբաղելով հայ լեզուով որ անհրաժեշտ պայման մ'էր իրենց հետազօտութեանցը, չի մոռցան զայն խօսող ժողովուրդը, և փափաքեցան մինչեւ ի խորս իսկ ազգային ոգւոյն մուտ գործել: Ուստի և կը համարձակինք ըսել, թէ այսպիսի ջանքով և եռանդեամբ զոր ցուցին՝ արժանաւորք երեւցան Հայ ազգին երախտագիտութեան:

\*\*\*

Քաղղիացի հայագիտաց վրայ խօսելնէս ետքը՝ պատշաճ է երկու տող ալ նուիրել այն մէկ քանի հայ ազգայնոց որ իրենց բնակութիւնն հաստատելով ի Քաղղիա՝ այլեւայլ կերպով և իրենց բաւականութեան չափով կրցան սատար ըլլալ նոյն ուսումնասիրութեան յառաջադիմութեանը, ծաւալելով զսէր և զախորժակ առ իւրեանց ազգային մատենագրութիւն: Արդէն յիշեցինք զԶոհրապեան, աշխատակից Սէն-Մարգէնի: Ուրիշ անձ մ'ալ, նոյն ազգէն, գաղղիական հիւրամեծարութիւնը վայելող, Քապարաճեան Կարապետ, բաւական վարժութիւն ստացած ըլլալով գաղղիարէնի, հինգերորդ դարու պատմագիրն, զԵղիշէ՝ վերածեց ի նոյն լեզու. յորում՝ ինչպէս ծանօթ է, հեղինակն ընտիր և վարժ գրչով և լեզուաւ կու տայ զնկարագիր մեծոգի՝ բայց անհաւասար պատերազմին, յորում Վարդան սպարապետ իր ընկերներով ինկան ի դաշտի մարտին, մարտիրոսք սրբագոյն և ազնուագոյն դատի մը, ազատութեան խղճի և անկախութեան հայրենեաց, ընդդէմ Յազկերտի Բ Պարսից արքայի: Այդ սիրելի գրքին մէջ բովանդակուած տեղեկութիւնք Սասանեանց սովորութեանց, կրօնից և կառավարական դրութեան, այնչափ աւելի հետաքննականք են, որչափ ականատես անձէ մը գրուած, որ ինքն ալ մասն ունեցած է այն նշանաւոր դիպուածոց մէջ\*:

\* Soulèvement national de l'Arménie chrétienne au V<sup>e</sup>

Թարգմանութեանս մէջ Եղիշէի պատմութիւնն ամբողջացած է ի Գապարաճեանէ, ուրիշ ժամանակակից պատմըչի մը՝ Ղազարայ Փարպեցւոյ քանի մը էջերով \*, որ նոյն պատերազմին շարայարութեան պատմութիւնն ըրաւ մինչեւ ցամն 485, յորում Վահան՝ եղբօրորդին և յաջորդ Վարդանայ, երկար և յարատեւ ջանիւ և բանակցութեամբք յաջողեցաւ վերջապէս իր հայրենեաց խաղաղութիւնն ձեռք բերել պատուաւոր դաշնագրութեամբ մը ընդ Վաղարշակ կամ Վոլոգէս Թագաւորի, որդւոյ Յազկերտի Բ : Այս Թարգմանական աշխատասիրութեան, և մանաւանդ ի վերջ գրոցն դրուած ծանօթութեանց մէջ, այլեւայլ ուսումնական տեսութիւնք կրնան անշուշտ տեսնուիլ, որ թէպէտ արեւմտեան գիտնոյ մը ոչ այնպէս արժանահաւատք և յայտնիք, բայց միանգամայն արգեք մը չեն օգտուելու անոնց մէջ ամփոփուած տեղեկութիւններէն :

\*  
\* \*

Սակայն շատ աւելի օգտակար եղաւ հայագիտական ուսմանց բարգաւաճմանն ի Գաղղիա, Էջմիածնի միաբան Կարապետ վարդապետի Շահնազարեան բնակութիւնը ի Փարիզ, ուր յարեւելից փոխադրուած էր արեւմտեան գիտութեանց փափաքով : Կրթութեան այս ծարաւ աւելի կերպով յայտնուեցաւ իր յարատեւ ջանիւքն յուսումն գաղղիարենի՝ որպէս զի կարող ըլլայ այն

siècle, contre la loi de Zoroastre, sous le commandement du prince Vartan le Mamigonien.

\* Abrégé de la vie politique et guerrière du prince Vahan le Mamigonien, héros de l'Arménie au V<sup>e</sup> siècle, écrit par Lazare Pharbe, son secrétaire, pour compléter l'histoire d'Élisée.

լեզուով գրուած գրքերու ընթերցմամբ զբաղիլ և հմտանալ : Այդ ուսմանց առաջին հաշակն տուաւ՝ ութերորդ դարու հայ պատմագրի մը, Ղեւոնդեայ երիցու գրոց գաղղիական թարգմանութիւնն հրատարակելով, որ իսլամութեան առաջին դարուն Արաբաց ձեռքով ի Հայաստան տրուած պատերազմաց պատմութիւնն է : Շահնազարեան աւելի լուրջ կ'երեւնայ յայտնած կարծեացը մէջ՝ և անհամեմատ վեր քան զիւր նախորդ, թէպէտեւ ունենալով և պահելով միշտ միամտութիւն մը, որով ընդհանրապէս տողորուած է արեւելեայց գիտնականութիւն, կ'ըսէ Տիւրքիէ :

Էջմիածնէն հեռացած ատեն՝ Շահնազարեան հետը բերեր՝ էր հաւաքում մը դեռ եւս անտիպ հայ պատմագրաց գործերուն, և որք հազիւ ծանօթ էին ուսումնական արեւմտեայց՝ Չամչեանի պատմութեան մէջ բերուած հատուածներով, և Սամալեանի Պարսկէ հոյ գրականութեան գրքին համառօտ տեղեկութիւններէն . և սակայն մեծ էր ամենուն հետաքննութիւնը, առանց ստոյգ տեղեկութիւն մը ունենալու թէ երբ պիտի յաջողի իրենց ձեռաց մէջ ունենալ այն թաքուն գանձերը : Հայրենակցաց ընկերագրութեամբ քաջալերուած սկաւաւ ընել անոնց հրատարակութիւնն թանգարան հոյ պարսկաց կոչելով զայն, ու եօթն հատոր տպագրելէն ետքը՝ հմուտ ու ընդարձակ յառաջաբաններով և ծանօթութեամբք, թողուց զՔաղղիա, և անցնելով ի Մանչէսթր Անգղիոյ, և ապա ի Գահիրէ Եգիպտոսի, հոն վախճանեցաւ : Տարակոյս չիկայ որ նորագիր և միակ օրինակի վերայ եղած բնագրոց տպագրութիւնք՝ չեն կրնար անթերի համարուիլ . ծանօթութիւնքն ալ երկրորդ կամ երրորդ կարգի հմուտութեամբք են . բայց անով հանդերձ անտարակուսելի է գիտութեանց մատուցած մեծ ծառայութիւնը՝ մաքուր տպագրութեամբ և զիւրագին մատչելի ընելով ամենուն՝ այդ անգիւտ երկասիրութիւններ :

Աւելորդ կը սեպենք յիշել Մխիթարեան հարբը և

իրենց օժանդակութիւնը Տիւրքիէի, Բրիտանի, Լանկուայի և այլոց ձեռնարկներուն. զոր իրենք ալ երախտագիտութեամբ հռչակած են արդէն:

## Փ . Ն Ե Ի

Անցնինք հիմայ ի Բելգիա, ուր հայկական ուսմանց միակ ներկայացուցիչն է Փ . Նեւ:

Փելքս Յովհաննէս Մկրտիչ Յովսէփ Նեւ, ծնած է ի Հաթ բերդաքաղաքի, մերձ ի Հէնոյ Բելգիոյ յերեքտասան յունիսի 1816 տարւոյն: Իբ ուսմանց ընթացքն կատարելով ի Լուվէն, ի Պոն՝ և ի Միւնխէն Պաւարիոյ, գընաց ի Փարիզ՝ աշակերտիլ Գաթրլմէրի, Ռէինոյի և Եւգ. Պիւռնիւֆի: 1838ին փիլիսոփայութեան վարդապետի տիտղոսը ընդունեցաւ. և 1841ին արդէն ուսուցիչ էր յուղղափառ համալսարանին Լուվէնի, և վրան քիչ տարի անցնելէն ետքը նաեւ անուանական ուսուցիչ հին մատենագրութեան և արեւելեան լեզուաց: Ի 1844 իր ի Լուվէն հրատարակած մէկ գրուածովը « Ներածութիւն ընդհանուր պատմութեան արեւելեան մատենագրութեանց » (Introduction à l'histoire générale des littératures orientales), ցըցուց յայտնապէս թէ անուանի արեւելագէտ մը ըլլալու սահմանուած էր: Մասնաւոր կերպով հետամուտ եղաւ սանսքրիտ և հայ լեզուաց, ի նմին ժամանակի չղադրելով ուսումնական հետազօտութիւններ ընել Լուվէնի համալսարանին, ու նոյն քաղաքին « Երից լեզուաց » դպրոցին պատմութեամբ, ու երիտասարդ արեւելագիտի մը՝ Եւգ. Ժաքիէի կենսագրութեամբ: Մեր նպատակէն դուրս է մեծանուն ուսուցչիս՝ Հնդկաց մատենագրութեան վրայ գրուած իմաստուն երկասիրութեամբքն զբաղիլն. իսկ հայկականին նկատմամբ՝ իր առաջին գրութիւնն է 1841ին Տիւրքի

(Univers) օրագրին յուլիս 4 թուոյն մէջ հրատարակած՝  
 ի պատիւ Առաքելոց երգուած ի մեր եկեղեցւոյ շարա-  
 կանին գաղղիարէն թարգմանութիւնը (Les Hymnes du  
 Charagnots aux saints Apôtres): Ընդհանուր արեւել-  
 լեան մատենագրութեանց պատմութեան ներածութեան  
 մէջ (յ'էջ 51) « Քանի մը դրուագք ի պատմութենէ հալա-  
 ծանաց քրիստոնէական կրօնից ի Ե դարու » (Quelques  
 épisodes de la persécution du christianisme en Armé-  
 nie au V<sup>e</sup> siècle; traduits pour la première fois de  
 l'arménien en français, Louvain): — Ի 1862 « Յաղագս  
 կոչման Հոգւոյն սրբոյ ի հայկական պատարագամատուցի »  
 (De l'invocation du Saint-Esprit dans la liturgie armé-  
 nienne; Louvain): — Ի 1863 « Փրեդերիկ Վինտիշման  
 և բարձրագոյն բանասիրութիւնն ի Գերմանիա » (Fré-  
 déric Windischmann et la Haute Philologie en Al-  
 lemagne; Paris): Այս գրուածն մասնաւորաբար նուի-  
 րուած է ի քննադատութիւն գերմանացի գիտնականին  
 հետեւեալ խորագրով մէկ երկասիրութեանը. Die Grund-  
 lage des Armenischen in Arischen Sprachstamme,  
 (Mémoires de l'Académie de Munich, classe philos; —  
 philol; Հատոր Դ. մասն Բ.) և խնդրուի թէ արիական  
 լեզուաց ճիշդին մէջ ո՞ր տեղ կը պատկանի հայկակա-  
 նին: — 1866 յունիս ամսոյն մէջ ի Հանդիսարան ուղ-  
 ղութեամբ հրատարակեց Նեւ (Հատ. ԻԳ յ'էջ 332-344)  
 սրբոյ Լուսաւորչին ընծայուած Յոգեհայտագրոց ճա-  
 ուր որ յաղագս զանազանութեան անձանց ի սուրբ Եր-  
 րորդութեան (De la distinction des personnes dans  
 la Sainte Trinité): — Տես G. M. Schmid, Reden und  
 Lehren des heiligen Gregorius des Erleuchters, aus  
 dem Armenischen übersetzt; Regensburg, 1872, էջ  
 268:



Վերջապէս ի 1886 ընտիր երկ մը, կամ մանաւանդ երկասիրութեանց հաւաքմունք մը ընծայեց Նեւ տպագրութեամբ « Քրիստոնեայ Հայաստան և իր մատենագրութիւնն » խորագրով (*L'Arménie Chrétienne et sa littérature*), հրատարակեալ ի Լուվէն, (էջ 400), ութածալ հատոր մը, յորում հեղինակը իւր ամէն նախընթաց երկասիրութիւններն ի մի հաւաքելով, նոր ծանօթութիւններ ալ անոնց վրան կ'աւելցնէ:



Դնենք այս հետաքննական երկասիրութեան ամբողջ բովանդակութեան ցուցակը.

Նխերգիլ հայ հոգեւորական. (— *Tableau de la littérature arménienne*):

- I. « Լեզու և Ալբուբենք ». (— *Langue et Alphabet*).
- II. « Երեք ժամանակք բարգաւաճանաց Հայ մատենագրութեան ». (— *Trois périodes dans la culture littéraire de l'arménien*).
- III. « Առաջին ազգային մատենագիրք և հին թարգմանիք ». (— *Les premiers écrivains nationaux et les anciens traducteurs*).
- IV. « Գրական վերածնութիւն առ խաչակրօք ». (— *Renaissance littéraire au temps des Croisades*).
- V. « Նոր կեդրոնք Հայկական ուսմանց ի նոր ժամանակա ». (— *Nouveaux centres d'études arméniennes dans les siècles modernes*).
- VI. « Հայագէտ Եւրոպացիք ». (— *Les Arménistes Européens*).

Հայկական երգ-բանութիւն. Շարական. (*— Hymnologie arménienne; (Le Charaghan).*)

I. « Պայծառակերպութիւն Տեառն մերոյ Յիսուսի Քրիստոսի ի հայկական ժամկարգութեան » .

(— La Transfiguration de notre Seigneur J. Ch. dans l'Office des Arméniens).

II. « Տօն պայծառակերպութեան » . (— La fête de Transfiguration).

III. « Կանոն առաջնոյ աւուր պայծառակերպութեան » . (— Canon de la première journée de la Transfiguration).

IV. « Կանոն երկրորդ աւուր » . (— Du deuxième jour).

V. « Կանոն երրորդ աւուր » . (— Du troisième jour).

Յաղագս կոչման Հոգւոյն սրբոյ . (— L'invocation du Saint-Esprit).

Երբ ընթանելուք և յիշատակելուք որ ծառայեն պարսա-  
նիւն լարդադերականաց յարեւելս . (— *Himnes traduites et commentées pour servir à l'histoire du dogme en Orient.*)

I. « Դաւանականք յերգս Պենտակոստէին » . (— De la doctrine professée dans les hymnes de la Pentecôte).

II. « Յաղագս յօրինուածութեան երգոց շարականաց, զոճոյ նոցա և զաղբերաց » . (— De la composition des hymnes, de leur style et de leur sources).

III. « Թէ ոչք են հեղինակք շարականաց Պենտակոստէին » . (— Des auteurs des hymnes de la Pentecôte).

IV. « Շարական առաջնոյ աւուր Հոգեգալստեան » . (— Hymne du premier jour de la descente du Saint-Esprit).

V. « Շարականք չորից աւուրց որ զկնի կիւրակէի



**Պենտակոստէին, շարագրեալք ի Ներսիսէ հայրապետէ »** . (— Hymnes des quatre jours qui suivent le dimanche de Pentecôte, composées par le patriarche Nerses).

- VI. « **Շարականք վեցերորդ և եօթներորդ աւուրց, շարագրեալք ի Ներսիսէ Լամբրունեցոյ »** . (— Hymnes de sixième et septième jours, composées par Nerses de Lambron).

« **Կանոն տօնից սրբոյն Յովհաննու Մկաշի »** . (— Canon des fêtes de Saint Jean-Baptiste).

- I. « **Կանոն ծննդեան Ս . Յովհաննու Մկրտչի . — Ա . Շարական որ պարունակէ զգովութիւն և զվարս սրբոյն Յովհաննու Մկրտչի »** . (— Canon de la nativité de S. Jean-Baptiste. Cantique contenant l'éloge et la vie de Saint Jean-Baptiste).

- II. « **Աղօթանման երգ ուղղեալ առ Աստուած »** . (— Cantique adressé à Dieu en forme de prière).

- III. « **Երգ գովաբանական »** . (— Cantique de louange).

- IV. « **Երգ հայցելով զողորմութիւն աստուածային »** . (— Cantique pour implorer la miséricorde de Dieu).

- V. « **Երգ ի պատիւ եռանձնեայ աստուածութեան »** . (— Cantique où l'on glorifie chaque personne de la Trinité).

- VI. « **Երգ պաղատանաց »** . (— Cantique de l'invocation).

- VII. « **Երգ ի պատիւ եկեղեցոյ »** . (— Cantique en l'honneur de l'Église).

« **Երկրորդ կանոն սրբոյն Յովհաննու Մկրտչի »** . (— Second canon de St . J. Baptiste).

**Կանոն սրբոց աստեղաց Պետրոսի և Պօղոսի . — (Canon des saintes Apôtres Pierre et Paul).**

Կոստանդինոս և Թեոդոս յարեւելեան եկեղեցւոյ. *Constantin et Theodose devant les églises orientales*. « Ուսումնասիրութիւն քաղեալ ի յոյն և ի հայկական աղբերաց » . (— Étude livrée des sources grecques et arméniennes).

I. « Յիշատակ մեծին Կոստանդինոսի յեկեղեցիս Յունաց եւ Հայոց » . (— Mémoire de Constantin le Grand dans l'Église grecque et arménienne).

II. « Յիշատակ Թէոդոսի մեծի ի հայ եկեղեցւոյ » . (— Mémoire de Theodose le Grand dans l'Église Arménienne).

Ջրոյց սբոհոյն Հռիփսիմայ և ընկերոյն վայոհոյն. — *La Légende de Sainte Rhipsima et de ses compagnes martyrs*.

« Շարական սրբոց Հռիփսիմեանց » . (— Hymne à Ste. Rhipsima et à ses compagnes).

« Շարական ի պատիւ Վարդանանց մարտիրոսաց » . (— Cantique en l'honneur de Vartan et de ses compagnons, guerriers arméniens, martyrs de la foi).

« Առաջին և երկրորդ շարական սրբոց Վարդանանց » . (— Ier et II<sup>me</sup> Charaghan aux saints Vartaniens).

Հանգստեան շարականք. Աղօթք յեկեղեցական պաշտամունս Հայոց վասն ննջեցելոց. (— *Les Hymnes funèbres; Prières liturgiques de l'Église arménienne pour les morts*).

I. « Հանգստեան երգք շարականաց, անոնց ժամանակն, հեղինակը. Թարգմանութիւն երգոցն » . (— Chants funèbres du Charagan: de leur âge et de leur auteur; traduction).

II. « Երգ Ս. Ներսիսի Շնորհալոյ վասն ննջեցելոց, և լրացուցիչ երգք շարականաց » . (— Hymne de St. Nerses le Gracieux pour les morts, et cantique complémentaire du Charagan).

III. « Կարեւորութիւն Հանգստեան շարականաց յեկեղեցական պաշտամունս Հայոց » . (— Importance des chants funèbres dans le culte et la liturgie des Arméniens).

IV. « Աղօթք վասն Հանգուցելոց և անոնց հետեւանք ի դաւանութեան Հայ եկեղեցւոյ » . (— La prière pour les morts, et ses conséquences dans la confession de l'Eglise arménienne).

Հայր-Թոստ-Բիւն . — *Patrologie*.

I. « Ս . Գրիգոր Լուսաւորիչ, հիմնադիր Հայաստան եկեղեցւոյ, և մի յառաջին մատենագրաց » . (— St . Grégoire l'Illuminateur, fondateur de l'Eglise d'Arménie, et un de ses plus anciens écrivains).

II. « Ս . Գրիգոր Նարեկացի : Մատենագրական և կենսագրական տեղեկութիւնք » . (— St . Grégoire de Naregh. Notice littéraire et biographique).

III. « Ներսէս Գ կաթողիկոս Շնորհալի՝ նկատեալ որպէս մատենագիր » . (— Le Patriarche Nerses IV, dit Schnorhali ou le Gracieux, envisagé comme écrivain).

Պատմութիւն . — *Histoire*.

« Գլխաւոր յիշատակարանք պատմական մատենագրութեան Հայաստանի » . (— Des principaux monuments de la littérature historique de l'Arménie).

I. « Եղիշէ, պատմագիր Ե դարու » . (— Élisée, historien du V<sup>me</sup>. siècle).

Ա. « Կենսագրութիւն Եղիշէի » . (— Biographie d'Élisée).

Բ. « Պատմութիւն պատերազմի Հայոց ընդդէմ Պարսից » . (— Histoire de la guerre des Arméniens contre les Perses, sous Vartan).

Գ. « Տեսութիւնք Եղիշէի. ընտրութիւն ոճոյ » .  
(— Vues d'Élisée; mérite de son style).

Դ. « Կարեւորութիւն պատմութեան Եղիշէի » .  
(— L'intérêt des faits dans l'histoire d'Élisée).

II. Յովհաննէս Զ Կաթողիկոս, և իր Հայոց պատմութիւն » . (— Jean VI Catholikos, et son histoire d'Arménie).

Ա. « Ժամանակ Յովհաննու Զ. ոճ գրութեան » .  
(— Époque de Jean VI; style de son ouvrage).

Բ. « Աղբերք Յովհաննու Զ ի վերայ հին պատմութեան Հայաստանի: Մանրամասն պատմութիւն ամբարձման Բագրատունեաց, և իրեն ժամանակակից իշխանաց » . (— Sources de Jean VI sur l'histoire ancienne de l'Arménie. Histoire détaillée de l'élévation des Pagratides et du règne des princes dont il fut contemporain).

Գ. « Յովհաննէս Զ. պատմիչ քրիստոնէութեան Հայաստանի » . (— Jean VI, historien du Christianisme en Arménie).

« Պատմութիւն Մատթէոսի ՈւռՀայեցոյ. Բելգիացի առաջնորդ յառաջին խաչակրութեան » .  
(— Chronique de Mathieu d'Édesse. Les Chefs Belges de la première Croisade).

I. « Մատթէոս ՈւռՀայեցի, և պատմութիւն առաջին խաչակրութեան շարագրեալ ի նմանէ » . —  
(Mathieu d'Édesse, et sa relation de la première Croisade).

II. « Գործք և արութիւնք Կոփրետոսի Պոլյոն և այլոց բելգիացի իշխանաց » . (— Faits et gestes de Godefroi de Bouillon et d'autres princes Belges).

III. « Պտուէն Ա. և յաջորդք նորա ի վերայ աթուռոյն Երուսաղեմի » . (— Bauduin Ier et ses successeurs sur le trône de Jerusalem).

IV. « **Դատաստանք Մատթէի Ուռհայեցւոյ ի վերայ Փրանկաց** » . (— Des jugements de Mathieu d'Édesse sur les Francs).

V. « **Աղբերք հայկականք վասն պատմութեան Մոնղոլաց յԱսիա, մինչեւ ի ժամանակագրութիւն Թովմայի Մեծոփեցւոյ** » . (— Les sources arméniennes pour l'histoire des Mongols en Asie, jusqu'à la Chronique de Thomas de Medzoph; XIII—XV siècles).

**Յաւելոս . — Պատմագրութիւն առ Ասորիս և Հայս : Ասորական մեծ ժամանակագրութիւն Գրիգորի Բարեբրէոս .** (— La composition historique chez les Syriens et chez les Arméniens. La Grand Chronique Syriaque de Grégoire Bar Hebreus).

**Պարթէլըմի տը Սէնդ-իւէր՝ Իսահանոյ օրոգրին մէջ** (1886 . յ'էջ 730), կ'ըսէ . « ..... Եւրոպա մեծ համակրութիւն պարտըկան է այս փոքրիկ քրիստոնեայ ժողովրդեան, որ գրեթէ մոլորած՝ Ասիոյ քիչ ծանօթ մասի մը մէջ, գիտցեր է հնգետասան դարերէ ի վեր պահել իր հաւաստքը, ի մէջ այնչափ վտանգաց և այնպիսի հարստահարութեանց... : Իրենց կրած այսչափ աղիտից և ցուցած հաստատամտութեան համար՝ արժանաւորք են ամենայն մտադրութեան : Ուրիշ պատճառաւ մ'ալ՝ մեր մտադրութեանն կ'արժանանան : Երօնական ու պատմական տեսակետով մեծ արժէք ունեցող մատենագրութիւն մը ունին, որով կարող են մեզ ուսուցանել շատ բան այն յեղափոխութեանց վրայ որոց ականատես եղաւ Ասիոյ այս մասն և չղկայ դաւառք . չենք ուզեր խօսիլ հայկական պատարագամատուցին վրայ՝ որ քիչ հետաքննական չէ » : Ասոնց վրայ աւելցընենք Նեւի հետեւեալ համակրութեամբ լի խօսքերն՝ իր այս գրուածին յառաջարան ծանօթութեանց մէջ . « Պատմութեանց մէջ դժուարագիւտ կրկնակի երեւութիւ, հայկական ժո-

ղովուրդը, զօրաւոր՝ զարմանալի հաւատարմութեամբն թէ՛ իր բարուցը և թէ՛ հաւատոց, յերկարակեաց եղաւ քան զպատերազմունս և զյեղափոխութիւնս՝ որ կերպով մը զինք տասանորդեցին. և մատենագրական ու եկեղեցական լեզուին մէջ ունի նշանակ մը իր կենդանութեան և առհաւատչեայ մը մշտնջենաւորութեան: Կարծես թէ սահմանուած է մասնակից ըլլալ օր մը Ասիոյ վերածնութեան »:



Հայկական ուսմանց նկատմամբ իր այլ և այլ յօդուածներն հրատարակուեցան Մոսկու ուսումնաթերթին մէջ, որ համազգային հանդէս մ'է, և գիտութեանց ու դպրութեանց հետամուտ ընկերութենէ մը 1882էն ի վեր կը հրատարակուի ի Լուվէն: Գլխաւոր աշխատակիցներէն մէկն էր Պ. Նեւ, ուր թէ՛ իրեն և թէ՛ այլոց հետեւեալ յօդուածոց կը հանդիպինք. « Քանի մը տեղեկութիւնք վանայ և ուրիշ արձանագրութեանց վրայ ի Ա. Հ. Սէյսէ և ի Քերովրէէ Պատկանեան » . (Quelques notices sur les inscriptions vanniques et autres, par M. A. H. Sayce et feu M. Kéropé Patkanian de St . Pétersbourg). — « Ծանօթութիւն յեմիլէ տը Տիյոն՝ Հայաստանի մատենագրական—պատմական մատենախօսութեան վրայ ի Քերովրէէ Պատկանեան » . (Comptes rendu par M. Emile de Dillon de l'esquisse bibliographique de la littérature historique de l'Arménie, par M. K. Patkanian; St . Pétersb. 1880) յառաջին հատոր Մոսկուինի 144—145: — « Ռէսթէյնկ (Ռէստէն Պատկանեան) Քննադատութիւն Աշխարհագրութեան Մովսիսի Խորենացւոյ հրատարակելոյ ի Հ. Արսենէ Սուքրի, ի Վենետիկ 1881 » . (Critique par M. de Restaing de la Géographie de Moïse de Khorène, éditée par le R. P. Arsène Soukry; Venise 1881): —

Երրորդ հատորին մէջ (1886) Կ. ար Հարէս կը քննադատէ Տիցոնի ուսումնական լեզուով հրատարակուած հայկական ուսումնասիրութիւնքը (Études), ցուցնելով հայերէնին յարաբերութիւնքը երանեան լեզուաց հետ. (Rapports de l'Arménien avec les langues eraniennes; Karkoff, 1884). — Փ. Նեւ ալ նոյն հատորին մէջ կը հրատարակէ « Տեսութիւն » մը Տիւրքիէի ձեռքով գաղղիաբէնի թարգմանուած Ասողկայ պատմութեան վրայ, որոյ առաջին մասը տպագրեր էր Քարրիէր. (Compte-rendu de l'histoire d'Açoghig, traduite par Dulaurier et publiée par M. Carrière). — 1887 տարւոյն մէջ գեղեցիկ քննադատութեան մը կը հանդիպինք. Պատկանեանի հրատարակած Թովմայի Արծրունւոյ պատմութեան. (Critique de l'édition de Patkanian de l'Histoire de la maison des Ardzrounis, par le Vartabed Thomas Ardzrouni. St. Pétersbourg, 1887): — Ի հատորն եօթներորդ (յ'էջ 358-364) Նեւի մէկ հատուածը՝ հայերէն լեզուով եղած քանի մը նորագոյն հրատարակութեանց վրայ. (Quelques récentes publications de littérature arménienne): Իսկ ի 1889 տեղեկութիւն մը՝ Վիէննայի Մխիթարեանց Հանդէս տարեայ ուսումնասիրութիւն վրայ. (Notice sur la Revue mensuelle=Hantess Amsoria=des Mékitaristes de Vienne). Այն առթով կը ծանուցանէր Նեւ թէ 1888 հոկտեմբեր ամսէն ի վեր Նեւ անունով շաբաթական հայ օրագիր մը կը հրատարակուէր յԱղեքսանդրիա Եգիպտոսի՝ Ռըշտունի Անտոնի խմբագրութեամբ: Բայց այս օրագրին հրատարակութիւնն քիչ ատենէ խափանուեցաւ, որովհետեւ տպարանին հայ տառից տէր քահանայն բռնադատուեցաւ երթալ ի Կալաց՝ հոն նոր թերթ մը հաստատելու դիտաւորութեամբ:



Յուզարկաւորութեան օրը՝ վերջին ողջոյն հրաժեշտի տուաւ բազմավաստակ գիտնականիս Կ. Լումաս (Ch. Loomas) Բելգիոյ ակադիմիոյ գրականական բաժնին տեսչի փոխանորդը՝ հետեւեալ խօսքերով. « Փելլքս Նեւ՝ արդէն ծանօթ էր իր մեծակշիռ երկասիրութեամբք ի վերայ սանսքրիտ մատենագրութեան. և որոց մէջ ժամանակաւ երիցագոյն է Ուսումնասիրութեան ի մերայ Ռէվլէրայէ որ 1842է ի վեր հրատարակուած էր: Իր գիտնական հրատարակութեամբք՝ դեռ յերիտասարդութեան, մասնաւոր տեղի մը գրաւած էր հնդկասիրաց մէջ, որով ակադիմիոյ գրականական բաժնին մտադրութիւնը իւր վրայ դարձուց, ընտրելով զնա նախ ի 1860 իւր թղթակից և ապա ուրիշ տարիէն անդամ:

« Ատենը չէ գնահատելու իւր գրեթէ կէս դարու բազմաթիւ երկերը՝ որ յաջորդաբար հրատարակուեցան ակադիմիոյ գործոցը մէջ և այլուր: Այս դաճաղին առջեւ՝ ցաւագին համակրութեան զգացմունք մը կը յիշեցընէ ձեզ հանգուցելոյն անձը մասնաւոր՝ քան իր գրուածներն: Կարելի՞ է ինձ չմասնակցիլ այս զգացման, որ իրեն աշակերտակիցն եմ ի համալսարանի, ընկեր ակադիմիոյ և բարեկամը:

« 1837ի թուականն էր: Քսանամեայ էինք այն տոնն: Մի և նոյն գրասեղանին դիմաց նստած, մի և նոյն եռանդեամբ, թէպէտեւ ոչ հաւասար յաջողութեամբ, կը հետեւէինք արեւելեան մատենագրութեանց ներածութեան դասընթացին: Ուսումն մ'էր այն որ նոր հորիզոններ բացաւ Փելլքս Նեւի, և անոր գիտնական կոչումը յայտնեց: Այնպիսի հասակի մը մէջ՝ յորում շատք դեռ եւս իրենց հետեւելու ճանապարհը կը փնտռեն, գիացաւ ընտրել զիւրն, և այն տոնէն տուաւ ինքզինք արեւելեան ուսումնասիրութեանց, որ իր հաստատուն պարապմունքն եղան և կենացը պատիւը:...



« Ձեմ կրնար չյիշել թէ որպիսի մասն ունեցաւ արեւելեան բանասիրութեան դպրոցի մը հիմնարկութեան, որ իր գիտնական հետազօտութեանց երկերով այնպիսի պայծառ լոյս մը ձգեց Լուվէնի համալսարանի և Բելգիոյ վրայ։

« Լոկ իմաստուն արեւելագէտ մը չէր Նեւ։ Ընդարձակ ու խորին հմտութեան մը հետ միացուց զպաշտօն բարւոյն և գեղեցկի։ Երկու զգացմունք կը խրախուսեն զինք իր կենաց երկար ընթացքին մէջ, և կը փայլին իր բազմաթիւ գրուածոց մէջ. հայրենեաց սէրը և իր հաւատոց ջերմ եռանդը։

« Որպիսի բարեպաշտիկ փութով կը ջանար վրէժխնդիր ըլլալ անիրաւ մոռացութեան յիշատակի իր հայրենակցացը, որ նախընթաց էին նոյն ասպարիզին մէջ և նշանաւորք իրենց գրաւորական վաստակօք դասական և արեւելեան մատենագրութեան։ Ի նշանակ մեծարանացն առ նախնիս, Երից լեզուաց դպրոցին Յեշուսիֆիլը, պսակեալ յակադիմիոյ, իրմէ գրուած բազմաթիւ ծանօթութիւնք որ Ալֆայի կենսագրական (Biographie nationale) մէջ երեւցան, և իր զեռ նոր հրատարակած գիրք ի Ֆրայ Վերանդան-Լեան դպրոց-Լեանց, և Լեռնի հին հմտութեան ի Բելգիա։

« Հաւատոց եռանդեամբը գրած է իր հմուտ հետազօտութիւններն ի Ֆրայ նորանոր աղբերոց կտրեւորաց յաստիւսիւ զհնո-լեան քրիստոնէութեան յարեւելս, — Հանգըսիան շարականաց հայկական եկեղեցոյ, — Կոչման Հոգեւոր սրբոյ ի հոյ պարարտագոհարոցի, — ի Ֆրայ արեւելեան եկեղեցոյ և պարոն-լեան նորա ըստ ասորական աղբերոց։

« Այսպիսի մեծ գործոյ մը եռանդեան աշխատակից էին համալսարանական երիտասարդութեան ընտրեւագոյն մասը՝ որոց հետ համաձայն էր Նեւ։ Իրականցընել, որչափ մարթ է, զմիաբանութիւն գիտութեան ընդ հաւատոց, ազատութեան ընդ իշխանութեան, աւանդական հոգւոյ ընդ հոգւոյ յառաջագիմութեան. ասոնք էին լու-

սամիտ երիտասարդութեան փափաքներն և իր սիրոյն առ զաղափարականն » :

Վերածննդիւն նախնի մարտնչութեան (Renaissance des lettres anciennes) երբ հրատարակուեցաւ տպագրութեամբ, եօթանասունըհինգ տարուան էր ՆԵԼ: Արդէն կ'իմանար թէ ծերութեան հասակն սկսած էր ծանրանալ վրան և ոյժը օրէ օր կը պակսէր: Քիչ ատենէն աչքիցաւ և տկարութիւն մը՝ բռնադատ անգործութեան դատապարտեց անխոնջ աշխատաւորը, և դեղեւեալ քայքայոյց վերահաս վախճան մը կը գուժէին: Այս զգացումը զինք չահաբեկեց: Քրիստոնէի հաւատքով, ինչպէս խելքով, չէր նկատեր նա զմահ՝ ոչնչութիւն մը, որ կը խառնէ զմարդ ընդ անասուն անբանին, ի մի հող և ի փոշի. այլ բաժանում մը անմահ հոգւոյն ի կորստական պատենէն: Երբէք համամիտ եղած չէր այն յուսահատական վարդապետութեան, որ գերեզմանէն անդին կեանք չընդունիր. այլ կը հաւատար հանդերձեալ կենաց՝ ուր մարդ կ'ընդունի՝ յաճախ այս երկրիս վրայ ժխտուած վարձքը:

Թողատապ մը՝ որ ի սկզբան թեթեւ կ'երեւնար, մայիսի մէջ (1893) վրան հասաւ, ու քանի մի օրուան մէջ ծանրանալով, մահուան մօտեցուց: Երբ վտանգն իմացուցին, մեծ բարեպաշտութեամբ ընդունեցաւ ամէն հոգեւոր օժանդակութիւնք՝ զոր այն գերագոյն վայրկենին եկեղեցի կ'ընծայէ հաւատացելոց ի սփոփանս և ի քաջալեր, և հանգեաւ ի քաղցր խաղաղութեան որ իրեն կենաց որոշիչ յատկանիշն էր:

★  
\* \*

Մեր ինչուան հոս ըսածներէն ալ յայտնի կ'ըլլայ թէ Բեղլիոյ ալ՝ ուր այսչափ յառաջադէմ եղան հայկական ուսմունք, մասնաւոր երախտագիտութեան պարտք մը ունին Հայք: Փափաքելի է որ աւելի բազմանան Փեղիքս

Նեւի հետոց ետեւէն գնացող բանասէրք և գիտունք, չմոռնալով երբէք այն գեղեցիկ խօսքերն զոր համակրելի հայագէտն 1845էն ի վեր կը գրէր յՈւղղութեան համար՝ « Համաստան, կ'ըսէր, մէկ ծայրէն կը մօտենայ յունական հնութեան, յորմէ իր մօտենադրութիւն բազմութիւն փոխառութիւնք ըրաւ թարգմանութեամբք. և միւս ծայրովն ալ՝ արեւելեան իսկափայ կենաց: Եթէ դարուց ընթացքին մէջ իր քաղաքական կեանք և վիճակ շատ տարբեր եղաւ, բայց կրօնական պատմութիւնը՝ քրիստոնեայ ազգի մը պատմութիւն է. և այս տեսակետով ոչ ոք կրնայ անտարբեր մնալ այնպիսի ժամանակի մը մէջ, որպիսի է մերս, որ ժողովրդոց տարեւորութեանց մէջ իրենց ընկերական դադափարաց ոյժն ու յաջողութիւնը կը փնտռէ. հոս ալ բունդատուած է ճանչնալ և ընդունիլ քրիստոնէական սկզբանց պահպանողական ոյժը »:



Կը մնայ մեզ խօսիլ գերման՝ ինչպէս նաեւ զուիցերացի, աւստրիացի հայագիտաց և իրենց երկասիրութեանց վրայ՝ նկատմամբ հայ լեզուին ուսման և մատենագրութեան. ուրիշ առթի թողլով ճանապարհորդներն և հետախոյզ քննիչքն՝ որոց գրուածք աշխարհագրական նկարագրէն կամ տեսութիւններէն անդին չեն անցնիր: — Այս նկատմամբ պէտք եղած տեղեկութիւններն լիուրի կրնան ընծայել Կարլ Ռիտտէրի հսկայ աշխատասիրութիւնն, — Erdkunde կոչուած, — ինչպէս պարբերական հետեւեալ ուսումնական և աշխարհագրական թերթերն. Globus, Ausland, Determann's Mittheilungen, Zeitschrift der Geographie, und Erdkunde, և այլն: Ասիկայ մասնաւոր ուսումնասիրութիւն մ'է, որ թէպէտ հետաքննական, բայց մեր գծած սահմանին մէջ չի մտնիր: Բո՛ւն հայկական ուսմունք ի Գերմանիա՝ ինն-

եւտասներորդ դարու սկզբնաւորութեան կը պատկանին Կ. Փ. Նայմանի պատմական ու մատենագրական երկասիրութեամբք. յետոյ երեւցաւ Յ. Հ. Պետրովանի Հայ լեզուի քերականութիւնն՝ լատին լեզուով բացատրուած, և որ պատահաւ եղաւ բանասիրական փորձերու Լ. Տիէֆէնպախի (Diefenbach), Փ. Վինտիշմանի (F. Windischmann), Ռ. Կօշէի (R. Gosche) և Պ. Տըլակարտի (Paul de Lagarde): Հռչականուն բանասէրքն Պոփ, Շլէյխէր (Shleicher), Պոտտ (Pott), Սպիեկէլ (Spiegel), Լասսէն (Lassen) անգէտք Հայ լեզուի, չկրցան որոշ կարծիք մը յայտնել, մինչ Տըլակարտ և Փր. Միւլլէր երանեան լեզուաց դասակարգին մէջ կը դնեն զայն: Եւ թէպէտ հիմկուհիմայ Հայ գրականութեան ուսումը այնչափ յառաջագէմ չէ առ նոսա, բայց բանասիրական մասին մէջ մեծ յառաջագիմութիւն կայ. և օրինակ, Պուկկէի (Bugge) մէկ գիրքը, որոյ վերայ յետոյ պիտի խօսինք: Այս յառաջագիմութեան շնորհիւն է որ սկսան առողջ և լուրջ քննադատութեան կանոններով բնագրաց վրայ ուսումնասիրութիւննին ընել: Առաջինն եղաւ Ալփրետ Ֆոն Գուտշմիդ՝ Խորենացւոյ ու Ագաթանգեղոսի գրոցվրայ ըրած քննադատութեամբք. իրմէ ետքը Ատոլփ Բամկարթնէր Մովսիսի Խորենացւոյ Պէոյնց գրքին վրայ երկասիրութեամբ: Հարկ չէ ըսել և պնդել թէ որ և իցէ մատենագրութիւն շահաւէտ կերպով ուսումնասիրելու համար՝ ի վեր քան զամենայն խնդրելի են վաւերական բնագիրք, որ կարելի եղածին չափ գերծ և անարատ ըլլան օրինակողաց վրէպակներէ: Եթէ այս մեր խօսքերը կը պատշաճի գրար կամ հին լեզուին, չիմոռնանք յաւելուլ թէ հիմայ նոր լեզուով ալ կը սկսի պաղլիլ գերման բանասիրութիւն: Լայպցիկի տպագրապետ մը, Ս. Ֆրիտրիխ, Արգար Յովհաննիսեանի վերատեսչութեամբ՝ տասնի չափ հատորք հրատարակեց Հայկական Մատենադարան խորագրով (ի գերման լեզու), և Արթիւր Լէյսթ (Leist) մերթ ընդ

մերթ օրագրաց մէջ կը հրատարակէ նորագոյն հայ քերթողաց երկեր թարգմանուած ի գերման: Այս ամենայն՝ գեղեցիկ ապագայ մը գուշակել կուտան մշակութեան հայերէն լեզուի յեւրոպա. և եթէ ստոյգ է որ իննեւ տասներորդ դարը միայն պատրաստութիւն մ'է առ այդ, քսաներորդին պիտի պատշաճի անշուշտ հայկական մատենագրութեան քաղաքակիրթ աշխարհի մէջ վայելուչ դիրքը տալու փառքն: Բայց լմըննալու վրայ եղող դարուս մէջ սպրողներն ալ դեռ իրենց կատարելիք գործն ունին\*: Մեր յաջորդք՝ Հայոց մատենագրութեան ու պատմութեան աւելի հմուտ և քաջածանօթ ըլլալու համար, պէտք է բուն իրենց երկրին մէջ հետազօտեն զայն և ուսումնասիրեն: Վասն զի պատմչին, հնախօսին, երկրագիտին, աշխարհագրին համար ինչ աւելի միջոց կայ անցելոյն վերածնութեան աշխատանքին մէջ: Ի՞նչ աւելի ուրիշ կերպով կրնայ յաջողիլ բանասէրն յուսումնասիրել զգաւառաբարբառս ժողովրդեան, որ այնչափ անհրաժեշտ է իրեն:

## Փ Ր • Ն Ա Յ Մ Ա Ն

Գաղղիացի հայագէտք եղան որ յառաջ քան զամենեսին մեր դարուն գերմանացի գիտնոց մտագրութիւնը հրաւիրեցին ի վերայ հայկական մատենագրութեան: Ասոնց մէջ առաջինն՝ ժամանակի կարգաւ, եղաւ Կարլ-Փրեդերիկ Նայման. ծնեալ ի 1790 ի Հոալքմանստորֆ,

\* Երկու տարի յառաջ (1890) կը գրէր այս տողերն գաղղացի հայագէտ Գ. Ա. Շրումպֆ, եռանդեամբ և ջանիւ աշխատելով մեր էին և նոր լեզուն ընտանեցնելու և աւելի կերպով ծանօթացնելու եւրոպական բանասիրութեան: 1892 տարւոյն դեկտեմբերի 16ին իր անակնկալ մահը, իրաւամբ ցաւալի կորուստ մ'էր ուսումնական աշխարհի և միւր մատենագրութեան:

մօտ ի Պամպէրկ, ուր հայրն հրէայ աղքատ վաճառական մ'էր: Երիտասարդութիւնն անցուց պարապելով ի վաճառականութիւն, ու 1817ին գնաց ի Հայտէլպէրկ՝ ուսման ընթացք կատարելու դիտմամբ: Հոն աշակերտելով Հէկէլի՝ բողոքականութիւնն ընդունեցաւ, և յետոյ Միւնիխի բանասիրական հոգեւոր դպրոց մը մըտաւ: 1819ին ուսուցչութեան յարմարութեան վկայականը ձեռք ձգելով, գնաց գլխաւորել իր ուսումը ի Կէթթինկէն: 1821էն մինչեւ ի 1825 Վիւրցպուրկի և Սփիրայի վարժարանաց մէջ ուսուցչութեան պաշտօն վարեց. բայց բանաւորականաց վարդապետութեանց հետեւող երեւնալով, պաշտօնէն զրկուեցաւ: Այն ատեն մատենագրական ուսումը քաղելով, արեւելեան լեզուներու ետեւէ ինկաւ: Բաւական ժամանակ կեցաւ ի Վենետիկ, յաճախելով ի սուրբն Ղազար յուսումն հայերէն լեզուի, ուստի ուղեւորեցաւ յաշխարհն Ճենաց՝ առնոց գրոց հաւաքմունք մը ընելու նպատակաւ: Ի դարձին՝ հաւաքած գրքերէն երկու հազարը Պերլինի մատենադարանին յանձնեց, ու մնացած տասն հազարն պարգեւեց պաւարական կառավարութեան. և ի փոխարէն՝ Միւնխէն համալսարանին մէջ հայերէն ու սինէացի լեզուաց և ազգագրութեան ուսուցիչ անուանեցաւ (1833): 1852ին պատմական ուսմանց դասախօսութեանցը մէջ յայտնած ազատական գաղափարաց համար պաշտօնէն զրկուեցաւ. մնաց ի Միւնխէն մինչեւ ի 1863, յետոյ անցաւ ի Պերլին՝ ուր իր բնակութիւնն հաստատելով մեռաւ ի 1870 մարտ 17:

Այլ և այլ գրուածներ հրատարակած է Նայման սինէական, ազգագրական, և պատմական ուսմանց և հետազօտութեանց վրայ. բայց մեր նպատակն է միայն հայկականաց վրայ խօսիլ: 1829ին Աւիւան Դոր օրագրին մէջ հրատարակեց (Հատ. Գ. 46-86, 97-153) Դաւթի Անյաղթ փիլիսոփայի գրուածոց վերայ երկասիրութիւն մը, և ի մասնաւորի անոր Արիստոտելի քանի մի գրուա-

ծոց Թարգմանութեանց վրայ. (Mémoire sur la vie et les ouvrages de David; philosophe arménien de V siècle de notre ère, et principalement sur ses traductions de quelques écrits d'Aristôte): — 1830ին յանգլիական լեզու ի լոյս ընծայեց Եղիշէի Վարդանանց պատմութիւնը. (The history of Vartan, of the battle of the Armenians; containing the Persians and Armenians, by Elisæus bishop of the Amadunians, translated from the Armenian by C. F. Neumann; London, Oriental Translation fund; 1830): Տարի մը ետքը հրատարակեց նաեւ զհամառօտ պատմական գրուած Վահրամ ըրարունայ, ի նոյն անգլիական լեզու. (Vahram's Cronicle of the Armenian kingdom of Cilicia during the time of the Crusades, translated from the original armenian, with notes and illustrations by C. F. Neumann, London 1831): Գաղղիական Թարգմանութիւն մը այս գրուածին հրատարակեցաւ ի Հանգէս ալեքսանդր Թարգմանութեամբ Ս. Պետրոսեան. (Chronique du royaume arménien de la Cilicie à l'époque des Croisades; traduite par Sahag Bedrosian (de Constantinople). Paris, Benjamin Duprat, 1864. յ'էջս 245-254, 315-325): Եղիշէի Թարգմանութեան վրայ հետեւեալ քննադատութիւնն կ'ընէ Նեւ. « Միւնիխի իմաստուն ակադեմականին Թարգմանութիւնը, կ'ըսէ, ազատ Թարգմանութիւն մ'է, որ կարծես թէ ոչ այնչափ բանասիրական տեսակետով՝ որչափ պատմականին համար եղած կ'երեւնայ. ուստի և ի բնագրէն այլ և այլ կտորներ մէկգի ձգեր է, երկրորդումն կամ յերկարաբանութիւն համարելով, մանաւանդ որոնք իրեն համար ճառաբանականք կամ ճամբարականք կարծուեր են: Անճշդութիւններն որոց մէջ ինկած է, կրնան իրենց մեկնութիւնն գտնել յասնմ գրութեան՝ զոր կարծեր է գործածել, և նաեւ ի դժուարութեան ճշդելու միշտ գիմաստս բնագրին, որ ոչ միշտ դիւրիմաց է, և ուրիշ հայ

մատենագրաց նման՝ ունի իր յատուկ քերականական դարձուածներն » :

★  
★ ★

Գերմանական ուսումնական հանդիսից մէջ ամենէն յառաջ աշխատակից եղաւ Նայման՝ Լայպցիկ հրատարակուած Հերմէս կամ Քննադատական-Մտնադրական Գործեր, (Hermes, oder Kritisches Jahrbuch der Literatur) Թերթին մէջ. և ի հատորն ԼՊ (էջ 177-204) հատուած մը հրատարակեց. « Հայկական լեզու և նորա մատենագրութեանն առաջին ժամանակ » խորագրով (La langue arménienne et sa littérature, 1<sup>re</sup> époque): Մեծապէս հետաքննական պատմական տեսութիւն մ'է հայկական ուսմանց ի Գերմանիա: Բաց ի Աւգերեան - Պրանտ հայ-անգղ և անգղ - հայ բառգրոց, կը խօսի հեղինակն ի Մխիթարեանց Վենետկոյ հրատարակուած Մովսիսի Խորենացոյ (1827) և Եղնըկայ գրոց վրայ (1826). յորմէ կը Թարգմանէ Որմզդէի և Արհմենի ծննդեան նշանաւոր հասուածը: 1833ին Վիէնայի Մտնադրական Գործերէր հանդիսին ԿԲ հատորին մէջ (58-69) յօդուած մը հրատարակեց նոյնպէս ի Ս. Ղազար տպագրուած Փաւստոսի Բիւզանդայ պատմական գրոց վրայ (1832): Հայ լեզուին համար կ'ենթադրէ թէ մերձաւոր ազգակից ըլլայ պահլաւին, և ի հաստատութիւն իր դրութեան Գուլիէլմ Հումպոլտ (Abh. der histor. philol. Klasse der Kön. Ak. der Wiss. zu Berlin), 1829 տարւոյն և ի 1832 հրատարակուած մէկ յօդուածը մէջ կը բերէ, յորում կը պնդէ թէ հայկականն՝ հնդկագերման ճիւղին ամենէն աւելի հարուստ լեզուաց մէկն է, և թէ բանասիրական ու պատմական տեսակէտով՝ այս լեզուին ուսումն ուրիշ ո՛ր և իցէ լեզուաբանական ասպարիզին մէջ ամենէն աւելի կարեւորներէն և հետաքննելին է: Այս յօդուածէն վերջը կը խօսի Նայման Մխիթարայ



Հերացոյ Զերմանց գրքին վրայ, որ ի 1832 տպագրուած թեամբ հրատարակուած էր ի Ս. Ղազար: D. F. Illgen's Zeitschrift fur die historische Theologia Լայպցիկի ուսումնաթերթին չորրորդ հատորին մէջ (1834, Մասն Ա. 71-78), Նայման թարգմանութեամբ հրատարակեց Եզնըկայ Ընդդէմ աղանդոց գրոց չորրորդ մանը, « Ընդդէմ Մարկիոնի » (Marcions Glaubenssystem) տեղեկութեամբ մը այն յարաբերութեանց որ ի վարդապետութեան Մարկիոնի և փարսիականին: Նոյն հատորին մէջ (Մասն Բ. 126-198) տպագրեց զԹարգմանութիւն հռչակաւոր Ատենաբանութեան Սրբոյն Ներսիսի Լամբրոնացոյ արքեպիսկոպոսին Տարսոնի որ ի Կիլիկիա յ'ԺԲ դարու, ներածութեամբ և ծանօթութեամբ. որ արդէն Աւգերեան Հ. Յարութեան իտալական թարգմանութեամբ և տպագրութեամբ (1812) ծանօթ էր արեւմտեայ բանասիրաց: Նոյն 1834 թուականին հրատարակեց Նայման գերման թարգմանութեամբ Սէրկէյ Կլինքա ուսւ բանասիրին մէկ գրուածքը, « Պատմութիւն գաղթականութեան ի Ռուսաստան քառասուն հազար հայազգեաց Ատրպատական գաւառի ի 1828 » . (Geschichte des Uebersiedlung von 40,000 Armenien, welche im Jahre 1828, aus des Persischen Provinz Aderbaidshan nach Russland auswanderten, Leipzig, 1834): Վերջապէս ի 1836 հրատարակեց անուանի արեւելագէտն իր ամենէն աւելի հետաքննական երկասիրութիւնն. « Ճաշակ գրականական պատմութեան Հայաստանի, ազատ խմբագրութեամբ, հետեւողութեամբ գրուածոց Մխիթարեանց » . (Essai d'une histoire de la littérature arménienne, rédigée librement d'après les ouvrages des Mékhitaristes—Versuch zu einer Geschichte den armenischen Literature nach den Werken der Mechitaristen frei bearbiet etc): Տասնըութ գլուխներու բաժնուած և ըստ դարուց դասակարուած է այս գիրքը. որոյ վրայ 1849ին յաւելուած մ'ալ

ըրած է հեղինակն, յորում ընդ խորագրովս *Beyträge zur armenischen Literatur*; Munchen, 1849, կը խօսի Մովսիսի Կաղանկատուացւոյ ու Արիստակիսի Լաստիվերտացւոյ գրուածոց վրայ: Չենք կարծեր թէ մեր այս յիշատակածներէն զատ ուրիշ գրուածք մը հրատարակած ըլլայ Նայման՝ նկատմամբ հայ լեզուի, մատենագրութեան և ուսմանց:

## Ի. ԱՐՈՎԵԱՆ

Պետերմանի վրայ չխօսած, կարեւոր կը համարինք համառօտ յիշատակութիւն մը ընել իր յարաբերութեանց ընդ բազմաթիւ գիտնականաց արեւմտից և ընդ հեղինակի վէր: Հայաստանի կոչուած գրքին: Մանօթ է բանասիրաց հմտից որ Խաչատուր Աբովեան ծնած է ի 1806 Երեւանի մերձակայ Քանաքեռ գիւղը: Տասը տարուան հասակին հօրը առաջնորդութեամբ տարուեցաւ ի վանս Էջմիածնի ի դաստիարակութիւն, եկեղեցական վիճակի զինք ընծայելու դիտմամբ: Անկէ անցաւ ի դպրոցն Ներսիսեան որ ի Տփլիս, ուր և մնաց ցամն 1828: Սարկաւագութեան աստիճանն ընդունած էր արդէն՝ երբ Տորբատի բնաբանական ուսմանց հռչակաւոր ուսուցիչն Փրեդերիկ Պարրոդ (1791–1841) բազմաթիւ աշակերտներով եկաւ Եջմիածին, Արարատ լեռը ելլելու մտքով (*Reise zum Ararat*, Berlin, 1834): Երիտասարդն Աբովեան փափաք և յօժարութիւն ցըցուց անոնց թարգմանն ըլլալ. և այդ պաշտօնը այնպիսի յաջողութեամբ ի գլուխ տարաւ որ զարմացուց զհռչականուն ուղեւորն. և սիրով յանձնառու եղաւ իր աղաչանաց Եւրոպայի մէջ օրինաւոր ուսում մը ընելու միջոցներն դիւրացընելու: Ընտանիքն հակառակեցան իր այս մտածութեանն ու փափաքին. բայց Եփրեմ կաթողիկոս՝ որ

ինքն ալ երկար ուղեւորութիւններ ըրած էր, չկրցաւ դէմ կենալ պատանուոյն թախանձագին աղերասնաց, և սրտաշարժ խօսքերով օրհնեց զինքն յաջողութիւն մատ-  
թելով նմա: Պարբոյ դառնալով ի Տօբատ յայտնեց իր կարծիքը, թէ Էջմիածնի մատենադարանին գրչա-  
գրաց մէջ պէտք է որ գտնուին հայկական թարգմանու-  
թիւնք յոյն դասական մատենագրութեան և հին հեղի-  
նակաց, որոց երկասիրութեանց սկզբնագիրք հիմա կոր-  
սուած են: Մէկէն Ֆէոտոր Կլոսիոս՝ վարդապետ և ու-  
սուցիչ իրաւագիտականին, 1833 փետրուարի 4ին գրեց  
առ կաթողիկոսն՝ փափաքելով գիտնալ այս ենթագրու-  
թեան ստուգութիւնը: Եփրեմի յաջորդն Յովհաննէս Ը  
պատասխանեց թէ չկան ի գրատանն այդպիսիք. որով-  
հետեւ երկիրը տակնուվրայ ընող պատերազմաց պատ-  
ճառաւ բոլոր գրքերն ցիրուցան եղած էին: Ծանոյց ի  
նմին ժամանակի, թէ ի Հայաստան հարիւրի չափ կան-  
գուն մնացող վանքերէն՝ տասն եւեթ իրենց միաբանքն  
ունին, բայց անոնք ալ գրատուն չունին: Այն ատեն-  
ներն էր որ Պրոսէ իր յաշխարհին Վրաց և ի Հայաս-  
տան ըրած հնախօսական ուղեւորութեան երրորդ Տե-  
ղեկագրով ստորագրեց և զվանս Էջմիածնի և անոր մա-  
տենադարանը, և թէ ինչպէս 1828էն ի վեր ձեռք զար-  
նուած էր հոն եղող գրչագրաց ցուցակի մը խմբագրու-  
թեան: Կաթողիկոսին պատասխանը՝ Արքեպիսկոպոս Թարգ-  
մանեց ի գերման լեզու, որ և հրատարակեցաւ ի Dor-  
pater Jahrbücher für Literatur, Statistik, und Kunst,  
besonders Russlands, ի Ռիկա և ի Տօբատ, Հատ. Ա.  
1833, յ'էջս 90-92: Այս առթով յիշեցնել կարեւոր կը  
համարինք որ նոյն չորրորդ հատորին մէջ ամփոփուած  
է (385-420 և 502-520) Ինճիճեան վարդապետի եր-  
կասիրութիւն մը Ռուսաց իշխանութեան տակ գտնուող  
Հայաստանի մասին վրայ, զոր Ե. Ա. Հերմանն թարգ-  
մաներ էր ի ռուս բարբառ:



Արովեան դառնալով ի Տորբատ, Տփլիսի դպրոցին ուսուցչի պաշտամամբ կը պարապէր, երբ տեղւոյն այցելութիւն մը ընելով, ազգիս արդէն ծանօթ իր ուղեւորութեան գրուածքովն՝ Մորից Վափնէր անուանի ճանապարհորդն պաւարացի (1813-1887), գարմացաւ ընդ յառաջագիտութիւն աշակերտելոցն ի վարժս գերմաներէն լեզուի, և այն սիրոյն և համակրութեան վրայ զոր իրենց փութալուն և եռանդուն ուսուցչին կը ցուցնէին։ Կովկասի քաղաքապետ Նէլզհարդ զօրավարին խնդրանքը՝ ընկերեց նմա Արովեան, երբ 1843ին երկրին հիւսիսային կողմերը քննեց, և հետեւեալ տարւոյն զհաւաւակողմ Արարատայ (Reise nach dem Ararat und dem Hochlande Armeniens, Ի Reisen und Länderbeschreibungen der älteren und neuen Zeit, herausgegeben von Dr. Hermann Hauff, 35 livr. 1848, p. X. 332)։ Արովեան ծանօթ էր նաեւ Հերման Աբիխի, որ 1845 տարւոյն յուլիսի 29ին Արարատայ վերեւն ըրաւ։ Նշանակեմք առ տեղեւուս որ երկրագիտին օգնեցին Նայման և Գաբրիէլ Խատիսեան, որ նոյն միջոցին ի Տորբատ կը գտնուէր, ի պատմական մասին իր ուսումնասիրութեանց ի վերայ երկրաչարժից ի Հայաստան։ (Geologische Forschungen, 3ter Teil, Wien, 1887, յ'էջ 433-447)։ Նոյն ատեններն Փրեդերիկ Մարտին Բողէնսդէտ քերթող, մատենագիր և ուղեւոր, ճանապարհորդութիւն մը ըրաւ ի Հայաստան, Ռոզէն Գէորգ անուանի արեւելագիտին հետ։ Ծանօթացաւ ընդ Արովեանի. և որոյ խօսքը կ'ընէ յաճախ « Հազար և մի աւուրք յարեւելս » կոչուած բանաստեղծական երկասիրութեան մէջ։ (Tausend und ein Tag im Orient, հրատարակեալ ի Պերլին ի 1850)։ Բողէնսդէտ՝ ի Տփլիս մանկավարժական հաստատութեան մը ուղղիչ եղաւ քա-

նի մի ժամանակ, այցելութիւն մ'ալ ընելով յԷջմիածին՝ (1844 ի մարտի) սիրալիր ընդունելութիւն գտաւ Ներսէս կաթողիկոսէն որ զինքը ճանչցած էր ի Մոսկուա: Արուիւեան ձեռագիր տետրակ մը նուիրեց հայկական ազգային երգերու յաշխարհիկ բարբառ, անոնց թարգմանութեամբն ի գերմանական լեզու. և խոստացաւ երկրորդ տետրակ մ'ալ նման երգոց շրկել քիչ ատենէն: Պետերմանն կարդաց ու մեկնեց այս բանաստեղծութիւններն. և յորոց քանի մը ընտրեալագոյնքը գերմանական ոտանաւորի վրայ առնելով հրատարակեց *Բողէնսդէտ*, ինչպէս գերեզմանական երգ մը, և « *Հռոսխան և Հռիփսիմէ* » կոչուած ազգային երգը:

★ ★

Բարեկամացաւ Արուիւեան նաեւ Հակոթաւէն մարգիզին հետ (1792–1867), որ Transkaukasia խորագրով ի Լայպցիկ հրատարակուած (1856) գրքին հեղինակն է. և որոյ առաջին մասը նուիրուած է մասնաւոր կերպով մը Հայոց ընկերական կեանքին: Հեղինակն հայերէն լեզուի տեղեկութիւն չունէր. բայց Արուիւեան իր քովն եղած բոլոր ձեռագիր տեղեկութիւններն հաղորդեց, և զորս հաւաքեր էր իր հայրենակցացը սովորութեանց վրայ գրուածք մը հրատարակելու դիտաւորութեամբ: Հակոթաւէնի երկասիրութիւնն մեծապէս հետաքննական է անով մանաւանդ՝ որ մէջ կը բերէ այն մանրամասնութիւններն զորս հաղորդեր էր իրեն կաթողիկոսն Ներսէս, Տփլիսի համանուն դպրոցին հիմնադիրն, և ուր ուսուցիչ կարգեր էր Փարիզէն կոչելով՝ զհայազգին Զրպետեան: Կ'աւանդէ թէ Ներսէս՝ հայ գրաւոր և խօսուած լեզուներն կը համեմատէր ռուման և լատին լեզուաց հետ, աւելցընելով թէ աշխարհիկ լեզուի վերլուծական կազմութիւնը կը յառաջագայէր թաթար լեզուին ազդեցութենէն: Իսկ Արուիւեան՝ որ վեց լեզու գի-

տէր, կը պնդէր թէ գրաբար լեզուն այնչափ դժուարին է՝ որ կարող չէր գիւրութեամբ խօսել զայն, թէպէտ և սորված էր գլխաւորականութիւն, ու քանի մը մատենագրաց ամբողջ գրքերն ի բերան սերտած: Հակաթաւսէն չմոռցաւ նաեւ զհայկական folk-lore, ի վերջ առաջնոյ հատորոյն դնելով (318-335) այլ և այլ ժողովրդական զրոյցներ (légendes) Արովեանի թարգմանութեամբ: Ծանօթ է արդէն թէ ինչպէս այս համակրելի անձն անհետացաւ ի 1848, և ոչ ոք կրցաւ իմանալ թէ ինչ եղաւ իրեն. սակայն իր յիշատակը միշտ սիրելի եղած է և պիտի ըլլայ թէ՛ ազգայնոց և թէ՛ եւրոպացի հայագիտաց, և որոյ համար այս տարի (1893) Ռուսահայք կ'աշխատին յիշատակարան մի կանգնել:

Այս ճանապարհորդաց, մեզի տուած և գրով աւանդած տեղեկութիւնք պէտք է ուսումնասիրուին անոնցմէ՝ որ կը փափաքին տեղեկութիւն ունենալ Հայոց քաղաքական վիճակին վրայ, և որոյ ծանօթութիւնն անհրաժեշտ հարկաւոր է յուսումն ազգային պատմութեան և մատենագրութեան: Անոնցմով լիուրի կ'արդարանայ իրաւացի զարմանքն այն ժողովրդեան վրայ, որ « յանյիշատակ ժամանակաց բնակութիւն հաստատեր է ի մերձակայս նուիրական լեռինն Նոյի, և քրիստոսական կրօնից յայտնուելէն ետքը՝ օտար և թշնամի ժողովրդոց մէջ հաստատուն մնացեր է Արարատայ չորս կողմը, իբրեւ ի վերայ անտեղիտալի վիմի հաւատոց Քրիստոսի, յորմէ օտարացած չէ » (Պարրոզ, Ա. 102)։

## Հ Ա Յ Մ Ա Տ Ե Ն Ա Դ Ա Ր Ա Ն

Մեր գրուածքին ամբողջութեանն համար՝ կարեւոր կը համարինք տեղեկութիւն մը ընծայել ընթերցողաց Հայ հարեւորագրանին (Armenische Bibliothek), զոր Յովհաննիսեան Արքարու տեսչութեամբ՝ Սաքսոնիոյ արքունեաց տպագրատպետն, Վիլհէլմ Ֆրիտրիխ, կը հրատարակէ ի Լայպցիկ: Մատենադարանա ձեւացած է հայ աշխարհիկ լեզուով գրուած և շատ յաջողակ կերպով ի գերման թարգմանեալ այլ և այլ երկասիրութիւններէ: Ինչուան հիմայ լոյս տեսած են հետեւեալ հատորները. Ա. Երեք վէպք Ռափայելի Պատկանեան, թարգմանուած յԱրթուրայ Լայսթ. Դրոյշ. — Քանդած ժառ. — Նշանաշատ: — Բ. Մարեմարտիան Նախագիծ (esquisses) Ա. Լայսթի: — Գ. Պարսկաստանի և թէրտհայերի կեանքի տեսարաններ. երկասիրութիւն Բաֆֆիի, և թարգմանութիւն Լեւոնի Ռուբէնի (կեղծանուն Արքար Յովհաննիսեանի՝ իր երկու որդւոց անուամբ): — Դ. Վէպ և Զրոյց, երեսունեւեօթն էջ նախադրութեամբ, ի Գրիգորէ Խալաթեանց ուսուցչէ Լազարեան ուսումնարանի, հանգերձ յաւելուածով ժողովրդական առածից Հայոց յԱրքարէ Յովհաննիսեան: Այս հատորին քննադատութիւնն ըրաւ Հ. Կախող ի Մելանին օրագրի: — Ե. և Զ. Պերճ Պռօշեանցի Սոսոյ վիպասանութիւնն. թարգմանութեամբ Յովհաննու Լալայեան: — Է. Քանդած ժառ, Գարրիէլի Սունդուկեանց, կատակերգութիւն յերիս արարուածս, թարգմանութիւն Լեւոնի Ռուբէնի: — Ը. և Թ. Երէնայ պանդխտանին ի Հապէշտան ի Տիմոթեայ վարդապետէ, պատգամաւորէ պատրիարքին Երուսաղեմի առ թէողորոս թագաւոր Հապէշից: — Վախճանեալ Քերովէ Պատկանեան խոստացեր էր օժանդակել հրատա-

րակութեանս՝ հատոր մը գրելով Հայաստանի պատմական մատենադրութեան վրայ: Արդէն հրատարակուած հատորոց վրայ քիչ տեսնէն պիտի աւելնայ ծաղկաքաղ մը, Քաղաքապետական շինարարական նկարագրաւորութիւնն է հայաստան, և Շէնհեյն (Մերենց) վիպասանականքն:

Մասնաւոր մտադրութեան արժանաւոր կրնանք համարել այս Մատենադարանին երկրորդ հատորը, Ա. Լայսթի երկասիրած Մատենադարանի նախնիները զոր յիշեցինք: Տասն յօդուած ունի, և են խորագիրքն, 1. Ժողովրդական քերթող մը՝ Սայաթնովայ, կամ Ոստայնագործ բանաստեղծն Տփլիսի, մեռեալ է 1795, որոյ քերթուածք հրատարակուեցան Հախվերդեանի ձեռքով է 1852: Հաւաքում մը՝ որոյ ուսումնասիրութեամբ, ինչպէս քիչ ետքը պիտի տեսնենք, յօրինեց Պետերմանն իր գրուածքը Տփլիսի գաւառաբարբառին վրայ: — 2. Ուսուցիչ Պատկանեան, և իր այլ և այլ քերթուածոց է գերման լեզու չափական թարգմանութիւնը. ինչպէս՝ Հալալի Գեյլ, Սէրէլէ՝ Գեյլի նախնի հետ, Մայր Աւետի որդաւոր, Հայ աղջիկ: — 3. Հ. Ալիշան, և թարգմանութիւն Պաշտօն Աւետարանի կոչուած իր մէկ քերթուածոյն: — 4. Մկրտիչ Պէշկեթեան, Միւսէ Հայկական գրականութեան, հանդերձ քանի մի նմոյշներով իր քերթուածոց: — 5. Արուստ, որոյ վրայ խօսեցանք նախընթաց հատուածին մէջ: — 6. Ուսուցիչ Միւսթարեանց սրբոյն Ղազարու: — 7. Գարրիէլ արքեպիսկոպոս Այվազովսկի, եղբայր հռչակաւոր նկարչին Թէոդոսիոյ Ղրիմու, որոյ հրաշակերտ նկարք քիչ յառաջ է տես գրուեցան է Լոնտրա: — 8. Գարրիէլ Սունդուկեանց՝ հեղինակ ճարտարահիւս և երգիծախօս կատակերգութեանց: — 9. Հայկական լրագրական մամուլը: — 10. Գեր. Խրիմեան Հայրիկ: Ի Magasin für die Litteratur des Ind-und Auslands լրագրի, է 22 մարտ 1890 (Տրեզտ, Թիւ 12 յէջ 183-86) Լայսթ յօդուած մը հրատարակեց Հայ քնարերգակ քերթութեան վրայ, չափական թարգմանութեամբ



ի լեզու գերմանական ազգային այլ և այլ քերթուածներու. ինչպէս Միթառնեալ, Կոռնի, Հասալ է Վերայ, Գեբելմանի հոբերին՝ վաղամեռիկ Պետրոսի Դուրեան:

★  
★ ★

Լայսթ՝ որ այսօր համակրութեամբ և յաջողութեամբ կը պարապի Հայ հեղինակաց գրաւորական արտադրութեանց ուսումնասիրութեամբ, ծնած է ի Պրէսլաւ ի 1852: Ուսմանց ընթացքն աւարտելէն ետքը՝ երկար տե՛ն կեցաւ ի Լեհաստան իբրու ուսուցիչ դաստիարակ. նախ սլաւ մատենագրութեամբք զբաղելով, յետոյ տասուերկու տարի իր պարապոյ ժամերը նուիրեց յուսումն Հայ և վրացի լեզուաց: Անդրկովկաս ուղեւորութիւն մը ըրաւ ի 1884, ուր հետեւեալ տարին վերադարձաւ և մնաց մինչեւ ի 1889: Միտք ունէր երրորդ ճանապարհորդութիւն մ'ալ ընել այն կողմերը: Բաց ի յօդուածոց և ի վիպասանականաց զոր հրատարակեց Լայսթ արեւելեան կենաց վրայ, հեղինակած է գիրք մը Վրաստանի և Վրաց վրայ, և որոյ խորագիրն է Georgien, Natur, Sitten, und Bewohner. Գրուածքիս մէջ յերկար կը խօսի հեղինակն Հայկական մատենագրութեան վրայ: Վրաց *Կերմիշ* (Georgische Dichter) խորագիրն ունեցող գլխոյն տակ հաւաքած է զանազան վրական քերթուածներ՝ գերման չափաւ թարգմանութեամբ: Հրատարակեց ապա թարգմանութիւն ի նոյն գերմանական լեզու՝ երեքտասաներորդ դարու վրացի վիպասանականի մը, որ ցարդ անծանօթ էր եւրոպական բանասիրութեան, և կը կոչուի Վադրի հոբի կարդ հարդ (Der Mann in Tigerfelle), և հեղինակն է Շուէսթա Ռուսթափէլի (1890, ի Տրեզտ): Քիչ ատենէն պիտի հրատարակէ Լայսթ հաւաքում մը Հայկական արդի մատենագրութեան քերթուածոց՝ թարգմանեալք գերմանական չափաւ, զոր պիտի կոչէ Armenische Dichterstimmen. Միտք ունի

դարձեալ իր բոլոր երկասիրութիւնքը ի մի ժողովելով,  
 Vom Lebensborn des Morgenlandes խորագրով հրա-  
 տարակել յերիս հատորս: Այս գրուածքին նպատակն  
 պիտի ըլլայ հաւատարմութեամբ ստորագրել զոգի, ըզ-  
 բարս, զմատենագրութիւն և զարուեստս նախնական Ա-  
 սիոյ ժողովրդոց: Առաջին հատորը, որ տարւոյս ընթաց-  
 քին մէջ կը հրատարակուի, պիտի ամփոփէ՝ բաց յայ-  
 լոց՝ նաեւ հետեւեալ գլուխները. Բար+ և ընկերակն կեան+  
 Հայոց. — Հայ Բանաստեղծութիւն. — Հայ Կանայ. — Թար-  
 ր. — Հայ: Պէտք չունինք աւելցնել թէ այս ամենայն  
 հետաքննական տեղեկութիւններն նոյն իսկ իրմէ ընդու-  
 նած ենք, և հրապարակաւ կը յայտնենք մեր երախ-  
 տագիտութիւնն:



Հիմայ առաջ տանինք զչարայարութիւն մեր բուն Ու-  
 սումասիրութեանց, զոր ի կախ ձգեցինք Նայմանի վրայ  
 տուած մեր տեղեկութիւններէն ետքը: Այս յօդուածին  
 վրայ պէտք է յաւելունք՝ ի Մանչեսթրէ Պարոնեան  
 Սուքիաս վարդապետին մեզի հաղորդած տեղեկութեանց  
 համեմատ, որ Նայման բաց ի արդէն ի մէջ յիշատա-  
 կուած երկոց՝ գրած է տեսութիւն մ'ալ սրբոյն Ներ-  
 սիսի Շնորհալոյ ամենայն մատենագրութեանց, որոց  
 լատինական թարգմանութիւնն ըրած է Քարբէլէդդի  
 Յովսէփ քահանայն և հրատարակած ի Ս. Ղազար Վե-  
 նետկոյ ի 1833. ինչպէս դարձեալ նոյն Շնորհալոյ Ընդ-  
 հանրականին հայ բնագրին և քերթուածոց վրայ՝ հրա-  
 տարակելոց ի 1830 ի Ս. Ղազար: Այս տեսութիւն  
 հրատարակեցաւ նախ ի Մարենպրայն Կարեֆէր (Jahr-  
 bücher der Literatur) ամսաթերթին Վիէննայ, ի հա-  
 տորն Կէ. 1834: Նոյն հատորին մէջ (յ'էջ 32-36) կը  
 գտնենք Նայմանի ձեռքով գերմանական թարգմանու-  
 թիւն մը Շնորհալոյ առ Աբելորդիս կամ Պաւլիկեանս

Սամոսատայ գրած թղթոյն յ'ԺԲ դարու, ըստ լատինական թարգմանութեան Գաբրէլէդդեայ (յ'էջ 269) առաջնոյ հատորի վէնետկոյ տպագրին: Նոյն Պարոնեան վարդապետ կը ծանուցանէ մեզ թէ Ինճիճեան Հ. Ղուկայ Հնախաճիւն Հայաստանէոյ գրքին՝ տպագրելոյ ի վենետիկ յերիս հատորս ի 1832, որոյ իտալական թարգմանութիւնն ըրաւ Գաբրէլէդդի և տպագրեց ի Թուրին ի 1841, քննադատական տեսութիւն մը հրատարակած է Նայման ի Zeitschrift für die Kunde des Morgenlandes ուսումնաթերթի կէթթինկի, ի 1837 (յ'էջս 240-254 և 378-397): 1837ին յ'Օքսֆորտ հրատարակուած Արիստոտելի գործոց տասներորդ հատորին մէջ (յ'էջս 232-241) Նայման տպագրելով Հասարակապետութեան գրքին մնացորդը՝ նոյն առթիւ կը խօսի նաեւ հայ թարգմանչաց վրայ: Կը նշանակէ դարձեալ Պարոնեան՝ Նայմանի մէկ յօդուածը ի Gelehrte Anzeigen Միւնիխի (1844, հատ. ԺԺ, թիւ 250-252) 1842ին ի Ս. Ղազար տպագրուած, և Ստոյն-Կալիսթենեայ ընծայուած Պատմութեանն Աղեքսանդրի վրայ տեսութիւն մը: Քիչ ետքը պիտի յիշենք նոյն նիւթին վրայ աւելի նորագոյն ուսումնասիրութիւն մը ի Կիւտէմայսթերէ, ի քառասներորդ հատոր Zeitschrift der Deutschen Morgenländischen Gesellschaft, յ'էջս 88-92, յամի 1886, այս խորագրով. « Սուտ-Կալիսթենէս առ Մովսիս Խորենացոյ » (Pseudo Kallisthenes bei Moses von Khoren). Շնորհակալութիւննիս կը յայտնենք այս տեղեկութիւններն մեզի հաղորդող վարդապետին, ինչպէս նաեւ սիրալիր և համակրական նամակին՝ զոր մեր այս երկասիրութեան առթիւ կը գրէ:

Յ. Հ. ՊԵՏԵՐՄԱՆ

Յուլիոս Հենրիկ Պետերման ծնած է ի Կլախաւ յաւմի 1801 յ'12 օգոստոսի: Նախ սեմական լեզուաց ուսմամբ պարապեցաւ, և 1829էն ի վեր հրատարակած էր գրուածք մը քաղդէական Հնգամատենին կրկին թարգմանութեանց վրայ: 1832ին Բրուսիոյ կառավարութիւնը ղրկեց զինքն ի Ս. Ղազար՝ թուրք և հայ լեզուները սորվելու. և դաս կ'առնուր ի Հ. Եդուարդ վարդապետէ Հիւրմիւզ, զոր կը կոչէ *mein innigst verehrter Lehrer*, և իրմէ յօրինւած *Գործնական համար քերականութեան վրայ կը խօսի յուսումնաթերթին Jahrbücher für Wissenschaftliche Kritik* 1836 տարւոյն ('ի հատորն Ա. Թիւ 13, յ'էջս 97-111): 1837ին Պերլինի համալսարանին ուսուցիչ անուանեցաւ, և ի նմին ամի հրատարակեց իր « Հայերէն լեզուի քերականութիւնն » լատինական բացատրութեամբ (*Grammatica linguæ Armeniacæ*, (Պերլին, էջք ԺԲ. 264): Գրուածքը երկու մասանց բաժնուած է. որոց առաջնոյն մէջ կը խօսի այբուբենի, (արեւմտեան) հնչման և տառից փոփոխութեանց վրայ: Ընթերցման դաս մեր առջեւը կը դնէ հեղինակն քաղուած մը ի գրոց Եզնըկայ՝ Որմզգի և Արհմենի ծննդեան, ի հանդիպոյ հայ բնագրին կարգելով նաեւ զլատին թարգմանութիւն: Երկրորդ մասն է՝ բառագիտական, ըստ սովորական ոճոյ և գրութեան: Նախագիտելաց հատորն՝ զոր ի յառաջաքանի կը ծանուցանէր, երբէք լոյս չտեսաւ: — 1840ին Պետերման տպագրեց պատմական տեսութիւն մը արաբացի ոստիկանաց յաշխարհին Հայոց, այսպիսի վերնագրով. *De Ostikanis, arabicis gubernatoribus, commentatio* (ի Պերլին): Հետեւաւ տարին ընծայեց համառօտութիւն

մը իւր քերականութեան *Brevis linguæ Armenicæ grammatica, litteratura, chrestomathia, cum glossario*. Այս քերականութիւն՝ վեցերորդ հատոր է շարք մը երկասիրութեանց որ « Դուռն արեւելեան լեզուաց » (*Porta linguarum orientalium*) կը կոչուէին, և որոց հրատարակողն էր Պետերման: 1872ին երկրորդ տպագրութիւն մ'ալ ըրաւ այս գրքին, աւելցընելով նաեւ արեւելեան հնչումը: Բուն քերականութեան ետեւը դրուած է մատենագիտական տեսութիւն կամ ցուցակ մը օգտակարագոյն և աւելի դիւրաւ ստանալի գրոց, ծաղկաքաղ ու բառարան մը. տէրունական աղօթքն ալ՝ իբրու ընթերցման դաս, լատին տառիւք ընդօրինակութեամբ և վերլուծմամբ: Ընտիր հատուածքն առնուած են ի Մենդոց գրոց, ի Խորենացոյն, ի Չամչեանէ, յԵզնըկայ, յԵղիշէ, ի Փաւստոսէ Բիւզանդ, ի Յովհաննու Մանդակունւոյ և ի Նարեկացոյն: Պետերմանի շարագրած քերականութիւններն արհամարհելը՝ նորելով սովորութիւն մ'է. բայց եթէ ուզենանք արդարախոհ ըլլալ ի դատելն, պէտք է խոստովանիլ թէ կարեւոր ծառայութիւնք մատուցած են հայկական ուսմանց՝ այնպիսի ժամանակաց մէջ յորում Շրօտէրի Գանձարանը հազիւ կարելի էր գտնել նաեւ ամենէն աւելի գլխաւոր մատենադարանաց մէջ: Տարակոյս չկայ որ Պետերման լեզուագէտ (*linguiste*) չէր, և յաճախ յարահետ ուղւոյ կը խոտորէր երբ կը ջանար բառերը յստակել կամ մանր քննել. բայց 1872ին հրատարակութիւնը մեծապէս օգտակար է նոր սկսանողաց համար. լողալ սորվելու համար՝ պէտք է նախ մտնել ի ջուր: Աւելցընենք թէ Պետերմանի այս քերականութիւնք՝ իրենց նպատակ ունին միայն գրաբար լեզուի ուսումը. կենդանի կամ խօսուած լեզուն՝ կարօտ պիտի ըլլար նոր գիտութեանց ընծայած միջոցներուն:

1844ին Պետերման ձեռնառու եղաւ ի հրատարակութիւն երկասիրութեան մը որոյ նպատակն էր ցուցընել

թէ որպիսի բարեկարգութիւնք մուտ գտան օսմանեան պետութեան գաւառաց մէջ 1839ին դրուած Կիւլհանէի սահմանադրութեամբ. (Beitrage zu einer Geschichte der neuesten Reformen des osmanischen Reiches in Verbindung mit Ramis Effendi, Berlin).

\*\*\*

1849ին հրատարակեց զհայկական հին թարգմանութիւն Ս. Աստուածազգեցին ընծայուած թղթոց, լատինական թարգմանութեամբ ի հանդիպոյ, բաղդատութեամբ ընդ յունին, ասորականին և լատին փոխադրութեամբ և հմուտ ծանօթութեամբ: (S. Ignatii Patris Apostolici quæ feruntur epistolæ una cum ejusdem martyrio, collatis editionibus græcis, versionibusque syriaca, armeniaca, latinis, denuo recensuit notasque criticas adjecit Jul. Henr. Petermann, Lipsiæ 1849. էջք ԻԶ. 565): Յետագայ տարւոյն՝ Պերլինի Գիտութեանց ակադեմիայի անդամակից եղաւ, և այն առթով սկսաւ բաղմաթիւ հատուածներ հրատարակել նոյն ձեմարանին ամսօրեայ տետրակաց (bulletin) մէջ, (ի Monatsberichte), ինչպէս նաեւ ի Յիշատակագիրս (Abhandlungen): Այսպէս 1852 փետրուար 2ին հրատարակուած թերթին մէջ (յ'էջս 87-104) հատուած մը կայ Մովսիսի Խորենացոյ գրաւոր աղբերաց վրայ, յորում Չամչեանի հետեւողութեամբ կ'ականարկէ, որ եթէ Մովսէս ծնած ըլլար ի Խորնի, պէտք էր որ Խորնեցի կոչուէր և ոչ Խորենացի, որ Խորեն (Խորեան) անունէն կը յառաջագայի: Բառում կարգէր այս խնդրոյն վրայ երկար խօսեցաւ յուսումնաթերթին Zetschrift der Deutschen Morgenländischen Gesellschaft, հատոր Խ. յ'էջ 457: 1860ին Յիշատակարանաց (Mémoires) մէջ կը գտնենք Պետերմանի միւս այլ ընտիր երկասիրութիւն մը Խաչակրաց պատմութեան վրայ ըստ հայկական աղբերաց: — 1865ին օգոստոս 17

Թերթին մէջ (457-462) յօդուած մը գրաւ Եւսեբեայ ժամանակագրութեան հայ թարգմանութեան հիմա գըտնուած բնագրաց և նորագոյն թարգմանութեանց վրայ, և որոյ շարունակութիւնն և ամբողջութիւնն երեւցաւ 'ի Թերթն 26 ապրիլ 1866 տարւոյն (311-317): Յիշենք այս առթով որ 1819ին Հռովմ ղրկեւր էր Նիէպուհր բանասէրն, իրմէ յօրինուած քննադատական մը Միլանու թարգմանութեան, այսպիսի վերնագրով: Ueber den historischen Gewinn aus der armenischen Uebersetzung der Chronik des Eusebius — « Թէ ինչ օգուտ կրնանք քաղել պատմութեան համար Եւսեբեայ ժամանակագրութեան հայկական թարգմանութենէն » : — Այս հատուածս հրատարակեցաւ ի 1822: — 1866 տարւոյն նոյեմբերի 26 Թուոյն մէջ (707-741) ուսումնասիրութիւն մը հրատարակեց Պետերման Ագուլիսի գաւառաբարբառին վրայ՝ ի Պատկանեան Քերովբէէ մատակարարուած տեղեկութեանց համեմատ: — Ագուլիս, ինչպէս յայտնի է, հին Վասպուրական գաւառին Գողթնեաց բաժնին մէջ կ'իյնայ, և բնակութիւն է Եկեղացիք կամ Զոկ կոչուած վաճառականաց, որոնց գաւառաբարբառը անիմանալի է նոյն իսկ իրենց ամենէն աւելի մերձաւոր աղգակցաց: Պետերման նմոյշ մը կ'ընծայէ այս բարբառոյն՝ ժողովրդական վէպի մը ձեւով՝ Մարդ և Գայլ կոչուած. 1866ին Յիշատակարանաց մէջ հրատարակեց ուրիշ ուսումնասիրութիւն մը հայ գաւառաբարբառաց վրայ, և այս անգամ Թիֆլիզի աղգայնոց, հիմն դնելով ինչպէս յառաջ ըսինք, Սայաթ — Նովայի քերթուածոց վրայ: 1867ին քննադատական տեսութիւն մը ընծայեց Այտընեան Հ. Արսէն վարդապետի (այժմ արքեպիսկոպոս արքահայր) արդի հայ լեզուի քերականութեան վրայ:



Գերման արեւելեան ընկերութեան օրագրին (Zeitschrift der Deutschen Morgenländischen Gesellschaft) մէջ ալ յօդուածներ ունի Պետերման. ինչպէս հինգերորդ հատորին մէջ (1856 յէջ 365-372) տեղեկութիւն մը հայ երաժշտութեան վրայ՝ վեց վիմագրեալ պատկերներով. հնգետասաներորդ հատորին մէջ ալ (յէջ 397) տեսութիւն մը հայկական լեզուով եղած քանի մը հրատարակութեանց: Չեռնտու եղաւ նաեւ արքունի Հոգեւոր գիտելի բառարանին (Real-Encyclopädie für protestantische Theologie und Kirche, երկրորդ տպագրութիւն 1877-1888, յութեւտասն հատորս). յորում նշանաւորք են Պետերմանի հատուածքն՝ Հայաստանի վրայ ընդհանրապէս. Միլլար և Միլլարեան, Մովսէս Խորենացի, Ներսէս, Նեպոքրատեան, Սահակ, Դուին: Յիշեցինք յառաջագոյն Եւսեբեայ ժամանակագրականին գրչագրաց հաւաքումը, զոր և Թարգմանեց ի լատին՝ Շէօնէի (Shœne) տպագրին համար, և յերկու հատորս հրատարակեցաւ ի Պերլին ի 1875-6: Թարգմանեց նաեւ ի լատին՝ այլ և այլ հատուածք Կիրակոսի Փանծակեցւոյ պատմագրութեանէն, « Երկու հայ պատմչաց » Պրոսէի Թարգմանութեան վրայ:



Ինչպէս հայ՝ ասանկ ալ սեմական լեզուաց մեծ հըմտութիւն ունէր Պետերման. բայց մեր նպատակէն դուրս ըլլալով, աւելորդ կը սեպենք յերկարել խօսքերնիս՝ յիշելով միայն Մանդէացւոց Ադամայ գրքին տպագրութիւնն, սամարացի Հեփոմոսեանն, սեմական լեզուաց քերականութիւններն, և այլն: Խօսինք միայն իր Ուղեւորութեան յարեւել (Reisen im Orient) գրքին վրայ,



որոյ առաջին տպագրութիւնն լոյս տեսաւ ի Լայպցիկ ի 1860, և երկրորդն ի 1865: Իր ուղեւորութիւնքն տեւեցին 1852էն մինչեւ ի 1855. գնաց ի Դամասկոս, յ'Երուսաղէմ, ի Կիլիկիա, ի Մուսուլ և ի Պաղտատ: Երկրորդ հատորին մէջ (221-235) շատ տեղեկութիւններ կու տայ Զուղայի Հայոց վրայ, ուր երկար ատեն կեցաւ: Մէջ կը բերէ նաեւ հետաքննական պատմութիւնն Լէնկթիմուրի գրատան՝ զոր ի Սմրդանդ բերդի մը մէջ փակել ու պահել տուաւ. զոր կը յիշէ Փապարաճեան Գրիգոր վարդապետ՝ ի ծանօթութիւնս գաղղիական թարգմանութեան պատմութեան գրոցն Նշիշէի, և իրմէ առնելով՝ նաեւ Նեւ ի հատորն քսաներորդ « Ուղղափառ համալսարանի » (Université catholique) յ'էջ 491: 1865ին վամպէրի, հոչականուն աշխարհաշրջիկն, այցելեց ի Սմրդանդ, բայց այդպիսի գրատան մը չհանդիպեցաւ: Լանստէլ անգղիացի (Henri Lansdell) յիւր գիրսն Ռուսական Կենտրոնական Ասիա (Russian Central Asia) տպագրեալ ի Լոնտրա ի 1885, ի հատորն առաջին՝ յ'էջ 583 կ'ըսէ; Nothing that I saw and heard led me to think that anything of this kind existed. Իր մէկ քանի ուղեւորութեանց ատեն՝ Պետերմանի կ'ընկերանային Վէթցսէին՝ Դամասկոսի Բրուսաց հիւպատը, և Պրուհլ՝ երէց ի Պաղտատ. միշտ իր ծառայութեան՝ Հայերը կը գործածէր, որպէս զի լաւագոյն վարժիմ, կ'ըսէ, անոնց լեզուին և խօսակցութեան:

1867-8ին այցելութիւն ըրաւ Պետերման իբրու հիւպատոս հիւսիսային Գերմանիոյ՝ ի Պաղեստին, յԱսորիս և յ'Երուսաղէմ. մեռաւ 1876ին ի ՊատՆաուհայմ: Մահունէն ետքը Փերդինանդ Իուսթի տպագրեց ի Zeitschrift der Deutschen Morgenländischen Gesellschaft (1881 յ'էջ 327-414) Պետերմանի մէկ ընտիր ուսումնասիրութիւնը Պարսից Եզիտի գաւառաբարբառին վերայ:

Որովհետեւ յաճախ առիթ ունեցանք յիշատակել Պերլինի ակադէմիոյ ամսօրեայ տեղեկագիրքը (Monatsbe-

richte), յաւելունք թէ 1869 մարտ 11 ամսաթերթին մէջ (յ'էջս 216-248) անուանի աշխարհագիրն Հ. Քիրքերդ յօդուած մը հրատարակեց խորագրովս. « Նախնական պատմութիւն Հայաստանի և Հայոց » (Ueber älteste Landes- und Volksgeschichte des Armenien,) հանդերձ քարտիսիւ :

## Գ Ե Ր Մ Ա Ն Հ Ա Յ Ա Գ Ի Տ Ք

Պետերմանի ընդարձակ Քերականութիւնը քննադատեց անուանի բանասէրն և ազգագրախօսն Լորէնց Տիֆէնպախ (1806-1883) յամսաթերթին Պերլինի Jahrbücher wissenschaftliche Kritik, ի թիւն սեպտ. 1843 տարւոյն (Հատ. Բ. 441-455): Բազմաթիւ էին այն ատեն հայերէն լեզուի ուսման պարապող գերմանացի գիտունք, որոց մէջ յիշատակութեան արժանաւորք են Տիէդրիխ Քրիսթոֆ Վոն Ռիմմել (1781-1859), ուսուցիչ պատմութեան ի Մարպուրկ, որ ի Համայնագիտակ բառարանին էրչի և Կրուպէրի, Հայաստան յօդուածին տակ 1820ին հրատարակեց յօդուած մը Հայաստանի վրայ ընդհանրապէս: Նոյն երկասիրութեան մէջ իրենց այբուբենական շարակարգին տակ կը գտնենք զանազան յօդուածներ այլ և այլ հայ մատենագրաց վրայ: — 1841ին Բենեդիկտ Ուէլդէ առաջին Թարգմանութիւնն ըրաւ Կորեան սրբոյն Մեսրոպայ վարուց՝ համեմատ բնագրին ընծայելոյ ի լոյս ի Ս. Ղազար յամի 1833, խորագրովս. Goriun's Lebensbeschreibung des heiligen Mesrop. տպագրեալ ի Թուպինկէն, ի 52 էջս, և հրատարակեալ ի քսաներորդ հինգերորդ տարեդարձի ամբառնալոյ ի դահ Վիւրթէմպերկի Գուլիէլմոս Ա. Թագաւորի: — Եկեղեցական Բառարանին (Kirchenlexicon) Վէցէրի և Ուէլդէի, հրատարակելոյ ի Ֆրիպուրկ, որ և գաղղիական

Թարգմանութիւն մ'ալ ունի և կրկին տպագրութիւնք (Dictionnaire encyclopédique de théologie catholique) ի 25 հատորս, 1858-1865, Ֆրիպուրկի արեւելեան բանասիրութեան իմաստուն ուսուցիչն այլ և այլ յօդուածներ զետեղեց հայ մատենագրաց վրայ, զոր օրինակ Եշնի, Ասորո-աշու-նչ Էրի (Թարգմանութիւն ի հայ), ընտիր յօդուած մը Հայաստան անուան տակ, Եղիշ և այլն: 1856ին օժանդակեց Ուէլդէ աստուածաբանական ուսումնաթերթի մը (Theologische Quartalshrift, հրատարակելոյ ի Թուրինկէն, 1, Լ տարի, յ'էջս 446-454) . քննադատութիւն մը Փ. Նեւի ուսումնասիրութեանն ի վերայ Թովմայի Մեծոփեցւոյ, ինչպէս նաեւ Հանգոթեան շարականաց հայ եկեղեցւոյ՝ զոր նոյն հայագէտն՝ գաղղիական Թարգմանութեամբ հրատարակեր էր:

1846 հրատարակեցաւ Ֆրիտրիխ Վինտիշմանի մէկ երկասիրութիւն՝ այս խորագրով. Die Grundlage des Armenischen im arischen Sprachstamme « Տեղի հայկականին ի դասակարգի արիական լեզուաց » : Այս գրութիւն նախ քան զառանձին հրատարակութիւն, տպագրեցաւ յուսումնաթերթին Abhandlungen der ersten Classe der bayerischen Akademie der Wissenschaften, ի հատորն Դ, ի թիւն 2 . բայց հեղինակը կը յայտարարէր թէ յօրինած է զայն ի 1836 ամի, այսինքն յառաջ քան զտպագրութիւն քերականութեան Պետերմանի: Կը յիշուի դարձեալ Վինտիշմանի Թարգմանութեան մասն մը յԵզնըկայ գրոց, որ ի 1834 հրատարակուած է ի Պաւերման Կոթեթիւ (Bayerische Annalen) . և ինքն՝ որ քաջածանօթ է Վետայի և Զորոասգրի վրայ գրական երկօքը, չէր կրնար անշուշտ չհետաքրքրուիլ այն բազմապատիկ մերձաւորութեամբք որ կան ի մէջ հայ, հնդկային և երանական լեզուաց:



Հետեւեալ 1847 տարւոյն Հերմանն Ռիխարտ Ատուլֆ Կոշ (ծն. 4 յուլիս 1824 ի Նէունդորֆ, վախճանեալ ի 29 հոկտ. 1889 ի Հալլ), ուր 1863 տարիէն ի վեր ուսուցչապետ էր արեւելեան գրականութեան պատմութեան և բանասիրութեան, լատին լեզուաւ գրուածք մը հրատարակեց, համանման Վինտիշմանի գրութեան, հետեւեալ խորագրովս. « Նախաբան տեղեկութիւնք գաղիական լեզուէ և զբարուց հայկականին » (*Ariana lingua gentisque Armeniace indole prologomena, scripsit Richardus Goche Ph. D. Dissertatio inauguralis*), ի Պերլին, ամփոփեալ յ' 77 էջս: Վարդապետական աստիճանն ընդունելու համար այս բանամրցութեան (*thèse*) պաշտպանողաց թուոյն մէջ կը գտնենք Պէօդդիքէրի անունը, և կամ որ նոյն է ըսել՝ զՊաւլ Ա. Տըլակարտ, իբրու թեկնածու (*candidat*) աստուածաբանութեան. և որոյ վրայ քիչ ետքը պիտի խօսիմք: Գրուածքիս 58-76 էջերը միայն աչքէ անցընելլ բաւական է հասկըցնելու համար թէ որչափ անհամաձայն էին կարծիք հայկական ուսմանց նկատմամբ: Կոշ՝ որ ծանօթագոյն է ուսումնական աշխարհի արաբ հրատարակութեամբքը, Հերցոկի Համայնագիտակին մասնակցեցաւ Եզնրկայ վըրայ գրած հատուածով մը, և իբրու քարտուղար գերման-արեւելեան ընկերութեան՝ իր տարեւոր համարատուութեանց մէջ շատ անգամ խօսած է նաեւ հայկական ուսմանց յառաջագիւմութեան վրայ:

Ինչուան այս ատեն՝ անուանի բանասէրքն գերմանացիք Պորթ, Շլէյխէր, Բոտտ, Լասսէն և այլք՝ հայկականին ուսումնասիրութեամբ պարապած չէին. Շլէյխէր աւանեւին չուսաւ զայն, գոհ ըլլալով ուրիշի բերնով խօսիլ. Պորթ՝ իր Համբարական Ինքնաշնորհեան երկրորդ տպագրին ի գլուխ դրուած յառաջաբանին մէջ կ'ըսէ.

« Այն լեզուաց՝ որոց վրայ խօսուեցաւ առաջին տպագրութեան մէջ (1833), կու գայ միանալ նաեւ հայկականն » : Խնդիրը եզակի բացառականին համար էր, զոր առաջին տպագրին մէջ զենտի մերձաւոր կը գտնէր, և որ յորդորամիտ ըրաւ զինքն խորամուխ ըլլալ ի քննութիւն բովանդակ կազմութեան լեզուին, և յայտնել այն վերաբերութիւններն՝ որ դեռ թաքուն՝ և երբեմն ալ բռնորովին անծանօթ են, և կը միացընեն զայն սանաքրիտ, զենտ և Եւրոպայի ուրիշ համացեղ լեզուաց հետ : Եւ որովհետեւ, — կը յաւելու նա, — հայկականն մասն է մեր լեզուաց իրանեան ճիւղին, ինծի համար կարեւոր դիտողութիւն մը եղաւ ապացուցանելը, որ ինչպէս ոստետն՝ ասանկ ալ հայկականն ձայնական կամ քերականական մասնաւորութեամբ՝ աքեմենեան ու զենտէն աւելի հին լեզուի մը վիճակին կը պատկանի :

\*  
\* \*

Մենք այս հատուածին մէջ՝ հայ լեզուի գիտական կամ պատմական ուսումնասիրութիւնն պիտի ընենք, որոյ ներկայացուցիչը կը սեպուին Պաւլ Տըլակարտ, Ֆրիտրիխ Միւլլէր և Հիւպլման : Դժբաղդաբար այս հետազօտութիւնք՝ դեռ եւս գրեթէ անյաղթելի դժուարութիւններէ չըջապատած են : Հայ լեզուն՝ առջի նայուածքով ոչ միայն ըստ ամենայնի կատարելագործուած լեզու մը կը ներկայանայ մեզ, այլ նաեւ մեծ արդիւնք ունեցող մատենագրաց ձեռքով մշակուած . վասն զի ձեռուրնիս եւ զած ամենահին յիշատակարաններն՝ դասական օրինակք են ոճոյ, և գէթ մինչեւ յերեքտասներորդ դար՝ լանք կ'ըլլուի նմանիլ անոնց ի մատենագրութեան : Չորրորդ դարու մէջ կը տեսնենք քահանայից խմբակ մը որ կը գումարուին սրբոյն Մեսրոպայ քով, նպատակ ունենալով օժտել իրենց հայրենակիցքը՝ ազգային գրականական լեզուով մը : Ինչուան նոյն ատեն բաւական հա-

մարած էին յոյն, պարսիկ ու ասորի լեզուով գրելը. բայց հասարակաց լեզուի մը պէտքը՝ օր ըստ օրէ աւելի զգալի կ'ըլլար, քանի որ ստորին դասակարգին մէջ ալ կը ծաւալէր կրթութիւնն և ուսում: Եւ բաց աստի, Մեսրոպ և իր ընկերքը վառուած էին՝ քրիստոնեայ կըրօնքը Հայաստանի մէջ աւելի հաստատուն հիման վրայ դնելու փափաքանօք, հեթանոսական դպրոցաց մէջ սովորական լեզուին տեղ նոր լեզու մը հնարելու, որ թէպէտ գրականական՝ սակայն ամենուն հասկանալի էր: Աւելի դիւրըմբռնելի կ'ըլլայ այս մեզ՝ եթէ համեմատենք հանգամանքը՝ որովք տեղի ունեցաւ նաեւ ուրիշ աշխարհաց մէջ: Այսպէս մտադրութեան արժանաւոր հատուածի մը մէջ՝ զոր Կաթոն Պուասիէ հրատարակեց ի Կադուպ հոնդիէ (28 փետր. 1891), որոյ խորագիրն է՝ Քրիստոնէութիւն և հոռիօթիւն դաստիարակութիւն ի չորրորդ դարու, հետեւեալ խօսքերը կը կարդանք. « Կարելի՞ էր, կ'ըսէ, բարեպաշտ քրիստոնէի մը հաշտ աջքով նայիլ այն դաստիարակութեան վրայ, որ հռոմէական դպրոցաց մէջ կը տրուէր կայսերութեան ժամանակ, ուր բոլորովին հեթանոսական էին վարժարանքն... Քրիստոնէի տղան ստիպուած էր ծանօթանալ Ոլիմպոսի աստուածոց հետ, ու ընտանեացը մէջ ընդունուածներուն բոլորովին հակառակ տպաւորութիւններ ընդունիլ:... Քրիստոնէութիւնն երբ մուտ գտաւ դիւրակեցիկ դասուն մէջ, դիմացն ունէր դաստիարակութեան այնպիսի դրութիւն մը՝ որ հաճելի էր ընդհանրութեան... հարկ էր քրիստոնէական դաստիարակութիւն մը »: Եւ այն որ քրիստոնեայ եկեղեցին շատ դարերէ ետքը յաջողեցաւ ձեռք բերել յարեմուտս, չորրորդ և հինգերորդ դարուց մէջ՝ հնարաւոր եղաւ Հայաստանի համար աւելի կատարեալ և տեւական կերպով մը. և որ միւս այլ ապացոյց մ'է նոյն ժողովրդեան բնաւորութեան զարմանալի հաստատամտութեան:



Բայց այս արագութեամբ ձեւացած հայ գրաւորական լեզուին ծագումը կամ յառաջագայութիւնը ուստի՞ է, և ո՞ր հիման վրայ: — Անտարակոյս ժողովրդական գաւառաբարբառներէ, և մանաւանդ՝ ինչպէս ուրիշ շատ լեզուաց ալ հանդիպած է, կեդրոնական գաւառաբարբառէ մը, որ իւր աշխարհագրական դիրքովն ուրիշ մերձաւոր բարբառներէն այնչափ չէր զանազանուեր: Քրեթէ նոյնը հանդիպած է, օրինակ իմն, ռոման աշխարհաց մէջ: Քրիստոնէական հաւատքը ժողովրդոց մէջ ծաւալելու պարտքը՝ բռնադատած է զհնգեւորականութիւնն՝ ընտանենալ ժողովրդեան լեզուին, և անով քարոզել հաւատքը: Այս կերպով լատին ժողովրդական գաւառաբարբառք կրցեր են գրաւորական լեզուաց կարգն անցնիլ. միայն այս զանազանութեամբ՝ որ իրենց մէջ հռոմէական արշաւանքէ առաջ եղող լեզուք՝ ալ չեն մնար, ի բաց առեալ պրետոն և պաք լեզուները, զորս լատինականն կը փոխանակէ: Նոյնն արդեօք պատահած է ի Հայս: Քիտենք թէ իրանեան արշաւանք տեղի ունեցած են հոն. կան նաեւ հետք նախնական լեզուաց, օրինակ իմն՝ յարձանագրութիւնս Վանայ: Արդեօք այս արձանագրութիւնք՝ ժողովրդեան լեզուն կը ներկայացընեն մեզ, թէ օտար արձանագրութիւնք են: Եթէ ժողովրդական լեզուին կը պատկանին, ի՞նչ եղած է հիմայ այդ լեզուն. միթէ կելտականին վիճամկն ունեցած է՝ նկատմամբ լատին լեզուի, և այս դէպքին մէջ՝ արդեօք երանական գաւառաբարբառ մը փոխանակած է զնա: Ահաւասիկ իրենց լուծմանն սպասող զանազան առաջարկութիւնք: Մինչեւ հիմայ հայկականն ենթադրուած է նոյն աշխարհին նախնական լեզուն. բայց ամենեւին հաւանական չերեւնար այդ լեզուին ամենահին գոյութիւնը, ինչպէս մեծապէս տարակուսական է՝ որ հեթանոսութիւնն միաձեւ կրօնք մը եղած ըլլայ հոն:

Խնդրական է դարձեալ հայ այբուբենին սկզբնաւորութիւնը: Մետրովպայ ընծայուած գիւտէն յառաջ գրաւոր էր արդեօք հայկական լեզուն: Եթէ ընդունելի սեպուի այդ կարծիք՝ անշուշտ այդ գաւառաց մէջ միայն հնարաւոր պիտի ըլլար, որ սահմանակից էին պարսից և ասորւոց, զի յունական ազդեցութեան տակ գտնուած ներուն մէջ՝ անշուշտ շատ աւելի զօրաւոր էր հելլենականն: Անոր հետեւանք պիտի ըլլայ ձայնաւոր նշանաց կամ տառից բացակայութիւնը, որոց կիրառութիւնը չի տեսնուիր արեւելեան շատ լեզուաց մէջ. և այս պարագայով կը մեկնուի աւանդութիւնն սրբոյն Մետրովպայ հնարած յաւելուածական (additionnelle) տառից նկատմամբ:

Մենք կ'ուզենք միայն նշանակել քանի մը դժուարութիւնք, որ հայ լեզուի պատմական ուսումնասիրութեան դէմ կ'ելլեն: Անոնց լուծումը արժան է փնտռել բնագրաց քննադատութեան և գաւառաբարբառներու ուսման մէջ: Արդեօք գրչագիրք և տպեալ բնագիրք ճշգրիտ ներկայացուցի՞ք են մետրովպեան լեզուի: Նորայր հաւառակը կ'ապացուցանէ. բայց իր բացատրութեամբը՝ յանապատի կը քարոզէ. որով փորձ կը փորձուի շէնք մը կառուցանել, առանց աշխատ լինելոյ ձգել նախ ըզկարեւոր հիմունսն: Իսկ գաւառական բարբառոց ուսումնասիրութիւն՝ դժբաղդաբար դեռ փափաքելի յառաջադիմութիւնն չունի: Սակայն պէտք է երախտագէտ ըլլանք այն իմաստոց, որք գրեթէ անյաղթելի դիմակալութիւններէ չվախնալով, հայկական բանասիրութեան մեծապէս օգտակար եղան: Յօդուածիս սկիզբը անոնց գլխաւորներուն անուանքը յիշատակեցինք. խօսինք հիմայ գրուածոց վրայ, իրենց գիւտից ժամանակագրական կարգը պահելով:



## Պ. Տ Ը Լ Ա Կ Ա Ր Տ

Պօղ Տըլակարտ, իմաստասիրութեան և աստուածաբանութեան վարդապետ և պետական առանձին խորհրդական, ծնած է ի Պերլին (2 նոյեմբ. 1827), ու 1869 էն մինչեւ մահը՝ որ անցեալ տարի հանդիպեցաւ, Կէթթինկի համալսարանին մէջ ուսուցիչ էր արեւելեան լեզուաց՝ յաջորդելով Էվալտի։ Իմաստուն բանասիրիս բովանդակ կեանքը նշանաւոր է այնու՝ որ երբէք ուսումնասիրութեան մը ձեռք չէր զարներ՝ առանց նախապէս նոյն նիւթին խորունկ կերպով հմտանալու։ Միշտ անպարապ յուսուցանելոյ, ու Եւրոպիոյ գլխաւոր մատենադարանները հետազօտելէ, բաղդատելով և տպագրութեամբ հրատարակելով յոյն, հերրայական, ասորի, ղրպտի, արաբ, քաղդէացի հին բնագիրներ, հայկական և երանեան լեզուաց բառերու ստուգաբանութիւններ, դեռ ժամանակը չէր պակսեր իրեն մշակել զբանաստեղծութիւն և հետեւիլ քաղաքագիտութեան։ Անգղիացի հմուտ բառագրող մը մօտերս կ'ըսէր ինձ՝ թէ զարմանալի է արդարեւ որ Տըլակարտ այնչափ բազմապատիկ նիւթոց հետամուտ եղած է. բայց աւելի հիանալին՝ անոնց ամենուն մէջ ունեցած կատարեալ հմտութիւնն է։ Աս դիտողութիւնս՝ իրաւամբ կը պատշաճի հայ լեզուի մէջ ունեցած գիտութեանն։ 1844ին ձեռք զարկաւ անոր ուսմանը՝ իբրեւ (նորադանդ) աստուածաբան քան լեզուագէտ մը, բայց միշտ հաւատարիմ իր սկզբանը՝ գոհ չըլլալով երբէք վեր ի վերոյ տեղեկութեամբք, յաջողեցաւ այնպիսի արդիւնք ձեռք բերել՝ որ դարագլուխ մը կրնան կազմել լեզուաբանական գիտութեան մէջ, և որոց համար ամէն անկեղծ բանասէր՝ պէտք է իրեն երախտապարտ ըլլայ։ Գլխաւորն իր գիւտից մէջ այն է՝ որ կրցաւ հաս-

տատունն ապացուցիւք որոշել հայկական լեզուին տեղ մը՝ արիական գերդաստանին (հնդեւրոպական) համազգի լեզուաց մէջ, աւելի մօտեցնելով զայն երանեան ճիւղին։ Գիտական ընդարձակ հմտութեամբ օժանդակուած, կրցաւ ապուցուցանել ինչ որ այլք իրմէ առաջ ընդ աղօտ յաջողեր էին նշմարել։ Զուր տեղ պարսաւադէտք կ'ուզեն վերցընել իրմէ նախնականութեան պատիւը. իր գրուածոց պատմական շարքը, զոր պիտի դնենք ընթերցողին առջեւ, ամէն տարակոյս և վէճ կը վերցընէ, յայտնի ընելով՝ թէ Տըլակարտի կը պատկանի հայ լեզուի ուսման հաստատուն և գիտնական խարխիւ մը ընծայելու առաջին պատիւը։

1850էն ի վեր հմուտ հայագէտս այս հրատարակեց (ի Zeitschrift der deutschen morgenländischen Gesellschaft, հատոր Դ, 347-369), յիշատակագիր մը բաղդատութեանց հայ և սանաքրիտ բաղաձայնից։ Նոյն աւտեն դեռ իրեն անծանօթ էր Վինտիշմանի գրուածն, որոյ վրայ խօսեցանք մեր այս յօդուածին մէջ, բայց ուզեր էր ցուցընել թէ հայկականն աղէկ հասկընալու համար, լաւագոյն միջոց էր համեմատել զայն հնդկային համազգի լեզուաց հետ։ 1851ին հրատարակեց բանամրցութիւնն (thèse) համալսարանական ուսուցչութեանն, զոր նոյն տարւոյն մայիսի 20ին ըրեր էր ի Հալ քաղաքի։ Գրուածքիս նպատակն էր միացընել զենտ, աւղան, պարսիկ, հայ, ոսսետ, փոիւզեան, լիւդեան, թրակեան և սկիւթ լեզուաց բառեր, և անով խումբ մը կազմել՝ հնդիկ-կելտական բարբառոց. և այս վախճանաւ՝ չորս հարիւր յիսունէն աւելի հայ բառեր մէջ կը բերէ և կը խօսի աւտնց վրայ։

1854ին անանուն գրուած մը հրատարակեց Zur Ur-geschichte der Armenier մակագրով, բանասիրական ճաշակ մը Հայոց նախնական պատմութեան վրայ. յորում հազարի չափ բառից քննութիւնն ընելով, կը հետեցընէ՝ որ հնդկագերմանական լեզուաց արմատական

բառից գէթ երրորդ մասը կը գտնուին հայուն մէջ. բայց կը համարի թէ լեզուին ձայնականն (phonétique) դեռ երկար ժամանակ անկարելի պիտի մնայ ստուգել, որովհետեւ հին ուղղագրութեան տեղեկութիւնն չունինք։ Սանսկրիտ հազագայինքն բհ, զհ, դհ՝ հայերենի մէջ եղեր են, ա, է, փ, և լեզուն՝ զասոնք որոշելու համար ա, է, փ դէն ունեցած տառերէն, սկսած է փոխել ի ք, +, լ, բայց դժբաղդարար՝ առանց հաստատուն սկզբան մը հետեւելու։ Այս արդիւնք ըստ մեծի մասին ամփոփուած են Gesammelte Abhandlungen կոչուած իր միւս երկասիրութեան մէջ, զոր հրատարակեց 1866ին, ուր հինգ հարիւր հայկական բառից քննութիւնն կ'ընէ. կը խօսի նաեւ Հայոց, Թրակեանց և Փոիւզաց ծագման վրայ, և շատ օրինակներով կը ցուցընէ՝ թէ ինչ կերպով հայ լեզուի տարերքը բաժնելու է իրարմէ։ Կը հաստատէ նաեւ այն դրութիւնն, թէ հայկեան՝ այսինքն հիմնական հայերէնն՝ անցման (transition) լեզու մ'է մէկ կողմանէ երանեան, յոյն և կիմրիք լեզուաց, և լիթուանականին և սլաւին ի միւսմէն։ Կը խօսի նաեւ քանի մի ասորի բառից վրայ, որ կը գտնուին ի հայ լեզուի։

1877ին Տըլակարտ հրատարակեց Հայկական. ուսումնական-սովորական (Armenische Studien) կոչուած ընդարձակ աշխատասիրութեան առաջին մասն. իսկ երկրորդը Կէթթինկի Պիտութեան արքունի ակադէմիային յիշատակագրութեանց հետ՝ նոյն տարւոյն մայիս և յուլիս ամսաթերթից մէջ. և որ յետոյ առանձինն ալ հրատարակուեցաւ։ Պրուածքիս մէջ հեղինակը 2413 հայ բառից ստուգաբանութիւնն ընելով, 1726ը նոյն լեզուին յատուկ կը համարի. կ'ամփոփէ իւր կարծիք և դրութիւն լեզուին տարերաց վրայ. հաւաքում մ'ալ կը դնէ հայկեան կամ իրեն համար սկզբնատիպ բառից. ինչպէս նաեւ արշակունեաց (պահլաւ) և սասանեանց։ Այլ և

այլ հատուածներ ալ հրատարակած ունի ի Mittheilungen ուսումնաթերթս 1884, 87 և 91 տարիներու :

(Աւելորդ է ըսել՝ թէ հայ բանասիրութիւնն յամենայնի համակարծիք և համամիտ չէ արեւմտեան հայագիտաց ամէն դրութեանց և կարծեաց) :

## Փ. ՄԻԻԼԼԵՐ

Փրեդերիկ Միւլլէր ծնած է յԵմիկ Պոհեմիոյ (5 մարտ 1834) : Ուսմանց սկզբնական ընթացքն ըրաւ նախ ի Զնայիմ Մորաւիոյ, ապա ի Վիէննա և ի Կէթթինկէն, ցամա 1857 : Հետեւեալ տարին Վիէննայի Համալսարանին մատենադարանին մէջ պաշտօն վարելով, ապա արքունեաց մատենադարանին վերատեսուչն անուանեցաւ . յետոյ վարդապետ և ուսուցիչ ի Համալսարանի : 1869ին իրեն յանձնուեցաւ համեմատական բանասիրութեան և սանսքրիտ լեզուի ուսուցչի աթոռը . ու կայսերական գիտութեանց ակադեմիայի անդամ եղաւ : 1884ին աչքի հիւանդութեան պատճառաւ հրաժարեցաւ մատենադարանապետի պաշտամանէն : Կենսագրական այս մանրամասնութիւնները քաղած ենք Պրոֆհաուսի և Մէյէրի բառարաններէն, ինչպէս ինք Միւլլէր մեզի յանձնեց :

Բոլորովին բանասիրական և ազգախօսական ուսմանց տուաւ ինքզինքը Միւլլէր . և իր գլխաւոր գրուածքն է Ահարի գիտութեան լեզուի (Grundriss des Sprachwissenschaft) խորագիրը կրող երկասիրութիւնն . հսկայ երկ մը, յորում հեղինակն կու տայ մեզ քերականական համառօտութիւն և ընթերցման հասուածներ, ամէն ծանօթ լեզուաց : Այս գրուածքը կ'ամբողջացընէ ուրիշ երկասիրութեամբ մը, զոր կը կոչէ Ընդհանուր ազգագրութիւն (Allgemeine Ethnographie), որոյ առաջին տպագրութիւնն եղած է ի 1873 և երկրորդն ի 1879 ի

Վիէննա, հանդերձ ազգախօսական ատլասով մը (Ethnologischer Atlas, Վիէննա 1884): Ինքը Միւլլէր յօրինեց աւստրիական Նաթուր կոչուած մարտանաւուն ճանապարհորդութեան առթիւ տրուած տեղեկութեանց լեզուագիտական և ազգագրական բաժինը (1867-8):

Մեր ինչուան հիմայ ըսածներէն քիչ շատ կրնայ հասկըցուիլ՝ որ մասնագէտ մը չէ Միւլլէր. սակայն առանձին պարապմունք ընտրած է՝ իրանեան լեզուաց ուսումնասիրութիւնն, որոյ թուոյն մէջ կը դասէ նաեւ ղհայերէնն, քան ուրիշ լեզուաց: Իր երկասիրութիւնք լեզուի նկատմամբ՝ հրատարակուած են առաւելապէս ի խմբագրութիւնս (bulletins) Վիէննայի Գիտութեանց կայսերական ակադեմիային՝ փիլիսոփայական-պատմական բաժնին մէջ, և որոց ժամանակագրական ցուցակը կը դնենք: Ի հատորն ԼԵ, 1860 յէջ 191-199, 1) — Բայական Գրադարան հոյ լեզու: — 2) Անուանք հոյ լեզու: Ի հատ. ԼԸ. 1861, 570-595 հատուած մը հայ լեզուի ձայնախօսութեան նկատմամբ, զոր քննադատեց Էվալտ (ի Gottingische Gelehrte Anzeigen, 1862 յէջ 961), և որոյ շարայարութիւնն երեւցաւ ի հատորն ԽԱ, 1863 յէջ 3-14, և ի հատորն ԽԲ, 1863 յէջ 249-253: Արդէն յուլի Թերորդ հատորն նոյն խմբագրութեանց (283) Սիպիլեան վարդապետն հրատարակած էր տեղեկութիւններ Ռուսիոյ, Պարսկաստանի և Հնդկաստանի մէջ սովորական եղած հնչմանց վրայ: Ի հատորն ԽԳ (1863, յէջ 551-567) Տեղեկութիւն մը անուանց հոլովման վրայ ի հայ լեզուի. և յէջս 576-580 յօդուած մը դիմաւոր դերանունաց վրայ իրանեան ու նաեւ հայ լեզուի մէջ: Ի հատ. ԽԸ (1864 յէջս 227-242) Զաւ քիւրդ գաւառաբարբառին վրայ: Յէջ 424-430 Հայական կոչուած վերնագրին տակ հինգ հատուածք առ յետադաս վանկին վրայ և պարտադր, իւրեք, աւելի, յոսի բառերուն. Իսկ յէջն 431-438 հայկական գրութեան սկզբնաւորութեան վրայ, վիմագրեալ համեմատական ցուցակով մը հայ և վրացի այբուբենից:

ՄԻԼԼԵՐ կը կարծէ՝ թէ անոնց ծագումը փնտռելու է արամէականին քանի մի ձեւերու մէջ, յորոց յառաջ եկած է նաեւ պահլավիկը: Ի հատ. ԿԴ (1870, յէջս 47-56) հայ բայից անկատար դէմքին վրայ, ինչպէս նաեւ դիտողութիւնք քանի մը հայկական բառից, որպէս՝ աղուէ, որի, սիրտի, վարդապետ, և այլն, և իգական ունի վերջաւորութեան: Հատ. ԿԵ. (1870, յէջս 261-278) դիտողութիւնք երկու հայ սեպագիր արձանագրութեանց վրայ: Հատոր ԿԶ (1870, յէջ 261-278) հայ լեզուի բառից վերջաւորութեանց և շեշտի կանոնին վրայ, յանունս և ի դերանունս և ի բայս. և դարձեալ ստուգաբանութիւնք քանի մի հայ բառից. իսկ յէջս. 277-8 կը խօսի այն օտար (արամէական) բառից, որ փոխ առնուած են ի հայերէնէ և հայերէնով: Նոյնպիսի տեղեկութիւնք և տեսութիւնք մեր լեզուի նկատմամբ յաջորդ տարիներու թերթից մէջ ալ, զորս աւելորդ կը համարինք մի առ մի յիշատակել ընթերցողաց չժանրանալու համար: Քիչ ետքը պիտի դառնանք խօսիլ իր մէկ կարեւոր յօդուածին վրայ, թէ « ինչ տեղ կը գրաւէ հայ լեզուն հնդիկ-գերմանական լեզուաց շրջանակին մէջ », հանդերձ յաւելուածով մը:

★ ★

Աշխատակից եղաւ ՄԻԼԼԵՐ հայ լեզուին վրայ գրած յօդուածներով՝ Աբե-եթ և Աբե-մարտ կոչուած եռամսեայ հանդիսին, զոր Զանֆէյ կը հրատարակէր ի Կէթթինկ (1860-66), որոց մէջ նշանակութեան արժանաւոր է Եօլն իմաստով կոչուած վիպասանութեան հայ թարգմանութեան վրայ (Հատ. Բ. 369-374), և որոյ ուստի թարգմանութեան մը ակնարկութիւնն ըրած էր Լէրիս: Ուրիշ մանր մունր ստուգաբանական հատուածներու ալ հեղինակ է՝ գերմանական հանդիսից մէջ:

Գլխաւոր աշխատակից եղած է ՄԻԼԼԵՐ՝ Վիէնայի

Համալսարանին Արեւելեան կաճառին ձեռքով հաստատուած Wiener Zeitschrift für die Kunde des Morgenlandes կոչուած ուսումնաթերթին (1887), որոյ երկրորդ տարուան հատորին մէջ կը խօսի Ղեւոնդեայ Երիցու և Ասողկան պատմական երկասիրութեանց հրատարակութեանց վրայ, որոնք առատամիտ նպաստիւք ազգային Մեկենասի, Յովսեփայ Իզմիրեան Ղզլարեցւոյ, տպագրուած են ի Պետրպուրկ (1885 և 1887): Մանրամասն և շահագրգիռ եննոյն գրող վրայ տեղեկութիւնք, ինչպէս իր ամէն ուրիշ հատուածք նոյն հանդիսին մէջ: Յէջս 245/8 կը քննադատէ Ասողկան մէկ պարբերութիւնը Հայ այբուբենի գիւտին նկատմամբ. և իր կարծիքն է թէ Մեսրոպ պիտայն ձայնաւոր տառից գիւտն ըրած ըլլայ: Դիտել կու տայ մասնաւորապէս՝ թէ նախընթաց պակասութիւն ձայնաւորաց ի հայ լեզուի, պատճառ եղած ըլլայ նուազութեան կամ աղքատութեան նորա: — Նոյն հատորին մէջ (258-262) տեղեկութիւն մը կու տայ 1884ին Էջմիածին տպագրուած Աւաբել Դավրիժեցւոյ պատմագրութեան վրայ: Զորբորդ հատորին մէջ Եօնն Խաթունոյ վիպասանութեան վրայ տեղեկութիւն մը: Երեք անգամ տպագրութեամբ հրատարակուած է այս թարգմանութիւն ի 1696, 1720 և 1740. վերջին տպագրէս օրինակ մը ձեռք ձգելով, շնորհիւ Պասմաճեանի ի Սկիւտարէ Կոստանդնուպոլսի, անոր քննադատութիւնը կ'ընծայէ Միւլլէր: Յէջն 284-288 կը մեկնաբանէ Վարդանայ Բարձրբերդցւոյ մէկ հատուածը (տպ. ի Մոսկուա 1861 և յաջորդ տարին ի Վենետիկ), նկատմամբ հայ տառից, որ կ'ըսէ թէ Մեսրոպ ընդունած ըլլայ ի Դանիելէ ասորւոյ քսանուերկու տառք, և միւս տասնըչորսն աստուածային յայտնութեամբ, մինչ Խորենացի և Ասողիկ կ'աւանդեն՝ թէ նախամեսրոպեան այբուբենն ի քսան և ինն տառից կազմուած էին: Ի հինգերորդ հատորի (1891, 52-58) կը ստորագրէ և կը քննադատէ Մխիթարայ Գոշի իրաւանց գիրքը, զոր վախ

ճանեալ Բաստամեանց Վահան վարդապետ հրատարակած է յէջմիածին ի 1880, և է Դաստարաթիւր կոչուածն:

Կը թողուէր յիշել ուրիշ հատուածներն, յորս կը խօսի ոտքիւն բառին ստուգաբանութեան, Հայոց զօհածան՝ Արմազդայ Գօթի կոչելուն, և Լազարեան ճեմարանի տեսչին կողմանէ 500 ուրլիի մրցանակ մը սահմանելուն՝ ընտրելագոյն գրութեան մը Հայոց ընկերական և քաղաքական վիճակին վրայ՝ յիններորդ դարէ ցմետասաներորդն. որ կրնար գրուիլ ի հայ, ռուս և գաղղիարէն, և պիտի յանձնուէր յառաջ քան զսեպտեմբեր 1892 տարւոյն:



Հրատարակած է դարձեալ Միւլլէր ի Vienna—Oriental Journal զվերջին մասն հանգուցեալ Յոհան Հանուշի ընտիր երկասիրութեան՝ Լեհաստանի մէջ խօսուած հայ գաւառաբարբառին վրայ: Այս գիտնական երիտասարդ ուսուցիչ էր համեմատական բանասիրութեան և սանսքրիտի ի Համալսարանին Վիեննայ, և կանխահաս մահուամբ վախճանեցաւ ի Փարիզ, ուր ուսումնական ուղեւորութեան մը առթով կը գտնուէր, ի 1887:

« Յ. Հանուշ՝ Քրաքաւի համալսարանը լեզուագիտական ուսմունքն աւարտելէն ետքը՝ Գերմանիոյ լեզուագիտութեան անուանի ուսուցչաց քով կը դեգերի, ի մէջ այլոց՝ Լայպցիկ Պրուկման ուսուցչի դասախօսութեանց ներկայ կը գտնուի, նոյնպէս Պերլին և Գերմանիոյ անուանի ուսուցչաց հետ շարունակեալ թղթակցութեամբ իւր ուսումը կը կատարելագործէ: Քանի մը տարուան մէջ լեզուաց անգին գանձ մը կը մթերէ. տեղեակ սանսքրիտ և հին իրանեան լեզուաց, յունարէնի, լատեներէնի գոթացերէնի, անգլիարէնի, լիթուաներէնի և բոլոր սլաւեան լեզուաց, իտալերէնի, գաղղիարէնի և ալպաներէնի: Այս լեզուաց գանձուքն և անխոնջ աշխատութեամբ հա-



մեմատական լեզուագիտութեան մէջ ի սակաւ ժամանակի այնպիսի համբաւ կը ստանայ, մինչեւ երիտասարդ հասակին մէջ Վիէննական համալսարանին առանձնական ուսուցչաց կարգը կը դասուի. և իւր համեմատական լեզուագիտութեան և սանսքրիտ և լիթաւեան լեզուաց դասախօսութիւնները բազմաթիւ աշակերտներէ կ'այցելուին...

« Յերիտասարդութեան մեր լեհացի ազգայնոց հետ կենցաղավարելով՝ ասոնց բարբառոյն հնչիւնները միտքը կը տոգորուին. կարդալով նաեւ Փրեդ. Միւլլէրի, Հիւպլմանի, Լակարտի, Ք. Պատկանեանի և այլոց Հայկաշն (Armeniaca) գրուածները՝ հայերէնի փափաքն կը վառի սրտին մէջ. և նոյն տարուան հանգստեան ամիսներուն մէջ կ'երթայ Գուդի՝ Լեհաստանի հայ գաղթականութեան ամենաբազմաթիւ աւանն՝ ուր ամիս մը դադարելով՝ կը սորվի անոնց բարբառը, ժողովրդեան բերնէն և գրաւոր մատեաններէն ու արձանագրութիւններէն նոյն բարբառոյն գրեթէ բովանդակ բառից մթերքը կը ժողվէ, ասոնցմէ կը հանէ լեզուին բառակազմութիւնը, հոլովմանց ու խոնարհմանց պատկերը. ի մի բան ասել՝ բարբառոյն կերպագիտութիւնը հանդերձ տառագիտութեամբ, և յատուկ ասութիւնները գրաբարի և այլ գաւառալեզուաց հետ բաղդատելով: Այս բարբառոյն մթերքն է՝ ի վերոյ յիշատակուած (Հանուշի) գրքին բովանդակութիւնը:

« Կը սկսի՝ հայերէն լեզուն հնդեւրոպական նախալեզուի գլխաւոր բարբառներէն մին դնելով: Հնդեւրոպական նախալեզուն՝ ըստ այժմեան նոր զննութեանց, որոց գլխաւոր գտիչներն են Հիւպլման, Պրուկման և այլն՝ ուսուցիչները, կը բաժնեն ութ գլխաւոր բարբառոց՝ որոնցմէ յետոյ բազմաթիւ գաւառականներ յառաջ եկած են: Ասոնք են՝ 1) հնդիկ-իրանեան կամ արիական. 2) հայկական. 3) լիթաւեան-սլաւեան. 4) գերմանական. 5) կելտական. 6) իտալական-րոմանական. 7) յունական. 8) լիւրիկեան (ալպանական) լեզուք:

« Ասոնց վրայ ըստ կարծեաց նորագոյն լեզուաքննչաց խօսելէն ետեւ՝ յառաջ կը բերէ գերմանացի անուանի հեղինակներն՝ որոնք ուղղակի կամ անուղղակի՝ հայերէնի վրայ ըստ բաւականի հիմնաբար ճառած են. ուրոնցմէ երեւելիներն են Փեթրմանն, Վինտիշման, Փ. Պորբ, Փ. Միւլլէր, Հ. Հիւպման. Պ. Տըլակարտ, Քր. Բարթոլոմէ :

« Այնու հետեւ կը խօսի հայերէնի տառագիտութեան վրայ. սկսեալ ձայնաւոր տառերէ մինչեւ բաղաձայնները՝ կը բաղդատէ միւս հնդեւրոպական լեզուաց տառից փոփոխման կանոնաց հետ, և բաւական հիմնական կանոնաց կը վերածէ :

Արդ ընդհանուր՝ նա մանաւանդ դասական հին հայերէն լեզուի վրայ այս նախաշաւիղը գրելէն ետքը, կը մերձենայ իր գլխաւոր նիւթոյն՝ հայերէնի գաւառալեզուաց, որոնց մէջ իրեն առաջնորդ ունենալով Այուրնեան Հօր արդի Հայերէն լեզուի Քննական քերականութիւնն և Ք. Պատկանեանի գրուածներն, յառաջ կը բերէ արդի հայերէն լեզուաց գրաբարէ ծագումն : Հեղինակն արդի հայերէն գրական լեզուն կը բաժնէ երկու գլխաւոր մասի. արեւելեան՝ կամ Ռուսահայոց, և արեւմտեան՝ կամ Տաճկահայոց (Կ. Պոլսի), որոնց էական տարբերութիւնն կը դնէ ինչ ինչ տառից արտասանութեան զանազանութեան, ներգոյական հոլովոյ և բայից ներկային ու անկատարին, և այլն, այլակերպ կազմակերպութեան վրայ :

« Յետոյ ի մասնաւորի լեհահայոց գաւառալեզուին կ'իջնայ, և ասոնց գաղթականութեան վրայ համառօտիւ ակնարկ մը կ'ընէ Սադովկ Պարոնչ հայազգւոյն գրուածներէն հանելով. և տեղեկութիւն կուտայ այն գլխաւոր աղբերաց վրայ՝ յորոց՝ Լեհահայոց գաւառալեզուին գիտնական ծանօթութիւնները քաղած է : Քրաքաւի Եակելւոնեանց ակադեմային բանասիրական Յիշատակագրոց մետասաներորդ հատորին մէջ հրատարակուած է այս

ընտիր երկասիրութիւնն ի լեհ լեզու, բայց բառից նշանակութիւնն անելցընեցրով նաեւ ի գաղղիական, « Լեհացի Հայոց լեզուին վրայ » վերնագրով, որոյ առանձին հրատարակութիւն եղաւ ի Քրաքաւ ի 1886 (Ojezku Ormian polskich). Բառարան մ'է այս, երիտաւարդ լեզուագիտին ջանիւք հաւաքուած: Վիէննայի արեւելեան օրագրին մէջ Գուլթիի գաւառաբարբառին ձայնախօսութեան վրայ ուսումնասիրութիւն մը կը փափաքէր ընել՝ բառագրական նիւթերով. և կրցաւ բանասիրաց մեծապէս օգտակար ձաշակ մը ընծայել, և որոյ առանձին տպագրութենէն օրինակ մը ազնուաբար յղեց առ մեզ Միւլլէր, (Lautlehre der polnisch-armenischen Mundart von Kutty in Galizien): Արդէն նոյն օրագրին առաջին հատորոյն մէջ (791) հատուած մը ընծայեց էր հայ երկու օրագրաց՝ Վիէննայի Միսիթարեան Հարց Ամօթեայ հանդիսին, և ի Սամոշույվար (Հայաքաղաք) հունգար լեզուով Armenia լրագրին խմբագրութեամբ Գրիգորի Գովրիկ և Խաչատուրոյ (Քրիսթոֆ) Սոնկոտ: Յ'էջ 81, ի Քրաքաւ տպուած (1887) Յարթորիւքի իշխանին մատենադարանին ցուցակին վրայ կը խօսի, յորում յիշատակութիւն կ'ըլլայ նաեւ բազմաթիւ հայ գրչագրաց:

\* \*

Կը վերջացընենք մեր այս հատուածը այն տեղեկութեամբ, զոր կու տայ Լեհահայոց վրայ, որոյ բնագիրն ալ կը յաւելու Գուլթիի գաւառաբարբառով. « Լեհացիք ըստ մեծի մասին կը բնակին, կ'ըսէ, ի Կալիցիա, Պոլքովինա և Պեսարաբիա: Մետասաներորդ դարէ ի վեր եկած են այս կողմերը յաշխարհէն Հայոց, իրենց Անի մայրաքաղաքին կործանմամբ աւերելէն ետքը: Հարուստներն իրենց ստացուածքը երկիրներու վրայ դրած են մշտնջենաւորապէս. կը զբաղին ի մշակութիւն ցորենոյ, և ի խաշնադարմանութիւն. իսկ միջին դասակար-

գի մարդիկ՝ առեւտրոյ ետեւէ են: Հայ վաճառականաց գլխաւոր քաղաքն է Գուդի, որ Կերէմոս գետին ափանց վրայ շինուած է. և բնակիչք բաց ի Հայոց, են նաեւ Լեհք և Ռութենք, և արուեստներով և երկրի մշակութեամբ կը պարապին. իսկ Հրէայք խաշնադարմանութեամբ և ուրիշ մանր մունր գործերով: Ի Գուդի բնակող Հայոց թիւը 1400 հոգւոյ չափ է, որոնցմէ հինգ հարիւրը իրենց լեզուն կը խօսին. և զոր աւելի վաճառականութեան մէջ կը գործածեն, այնպիսի լեզուով մը խօսելով մէջերնին, որ այլոց անիմանալի է. իսկ ուրիշ առիթներու մէջ ընդհանրապէս լեհերէն և ռութեներէն կը խօսին: Հաւատքով ուղղափառք են, և եկեղեցական լեզունին հայերէն գրաբար, որ խօսուածէն շատ կը տարբերի, և մէջերնէն ոչ ոք կը հասկնայ: Յաճախ եկեղեցական հանդիսից մէջ հայերէն երգեր կ'եղանակեն, բայց քարոզը, խոստովանութիւնը լեհերէն կը կատարուին: Խօսուած լեզունին մէջ շատ խառնուրդ կայ լեհ և ռութեն բառերու, շատ անգամ ալ թուրք և ռումեն բացատրութիւնք: Արդի քերականութիւննին շատ կը տարբերի բուն հայկական լեզուի քերականութենէն. անանկ որ թուրքահայոց և պարսկահայոց լեզուն չեն հասկընար: Կը ճանապարհորդեն յաճախ ի Պեսարապիա և ի Ռումանիա, և կենդանի գնելով, կը գիրացընեն ու ի վիէննա և ի Բրուսիա կը տանին ի վաճառ. յորմէ բազումք կը շահին, և այլք ալ կը կորսնցընեն: Կանայք առտնին տնտեսութեամբ կը զբաղին. կը դաստիարակեն և կը հրահանգեն իրենց զաւկըները, խնամօք պահպանելով նաեւ իրենց հին սովորութիւնները. նոյն իսկ իրենց արտաքին կերպարանօքն ալ զանազանուելով ուրիշ ազգերէն՝ որոց հետ խառն կը բնակին. պատուաւոր անձիւք են, բարեպաշտօն, աշխատասէրք և արդարք իրենց վաճառականական գործոց մէջ »:

Արդէն Զրպետ իր Քերականութեան մէջ դիտողութիւն ըրած է (740) թէ հայ գաւառալեզուաց բառա-

րան մը մեծապէս օգտակար կրնայ ըլլալ բանասիրաց և բառագիտաց: Զի պիտի դադրինք այս գաւառալեզուաց ուսումնասիրութիւնը յանձնարարելէն, որ օր մը անտարակոյս պիտի յայտնեն մեզ զպատմութիւն լեզուին: Դիտմամբ մէջ բերինք Հանուշի հաւաքմունքը, որպէս զի ցուցընենք թէ բանասէրք արժան է՝ որ յարատեւութեամբ զբաղին այս ուսման, և եթէ ամենայն ժողովուրդ ունի այսօր իւր գաւառալեզուաց ընկերութիւնը, ինչո՞ւ Հայք ալ չկազմեն նոյնպիսի ընկերութիւն մը:



Մասնաւոր յօդուած մ'ալ գրեր է Միւլլէր, ի Պերլին հրատարակուած ուսումնաթերթի մը մէջ (Beiträge zur vergleichenden Sprachforschung auf dem Gebiete der arischen, celtischen und slavischen Sprachen). Հայ լեզուի առանձնայատկութեանց վրայ, Zur charakteristik des Armenischen. « Հայկականն, կ'ըսէ, ամէն բանէ յառաջ իրանեան լեզուաց մասն կը կազմէ անով՝ որ մասնակից է այն ձայնական փոփոխմանց, զոր կը նկատենք անոնց մէջ, մանաւանդ թէ անոնց մէջ ծանօթագոյն պարսկականին. օրինակ իմն, իր առանձին միտումը առ հազագայինն, յաճախ անցքը սանաքրիտ ու հնչմանէն ի ի. (հվ) և սկզբնական չ էն ի չ. (օր. իոյր = աւար իոյր = աւաքն): Բայց նոյն հատորին մէջ (Դ. 457-464) հմուտ իրանագէտն Փրեդր. Սպիեկէլ, կը քննադատէ իւր իմաստուն ուսումնակցին կարծիքը. և յ'էջն 461, կ'ըսէ թէ վանայ արձանագրութիւնք հաւանականաբար կը ներկայացընեն մեզ զհին հայկական լեզու. նոյն կարծիքն ունեցած է նաեւ Մորթմանն. բայց Սէյսի և Կուլյարի հետագայ ուսումնասիրութիւնք՝ հակառակը կ'ապացուցանեն:

Լեզուագիտական մանրամասնութիւնք ընդհանրապէս ցամաք են, և կարելի չէ ոգեւորուիլ ձայնից քննութեամբ

կամ անոնց յարատեւ փոփոխութեանց ուսմամբ. սակայն այնպիսի մանր քննութեանց վրայ հաստատուած են հիմունք գիտութեան: Զանոնք անտես ընելէն կը հետեւի պարզապէս երեւակայական ստուգաբանութեանց մէջ մոլորիլ, որոնցմով մեծ կերպարանափոխութիւն կը կրէ լեզուին պատմութիւնը, յաճախ նաեւ զայն խօսող ժողովրդեան... Տարակոյս չիկայ որ լեզուաքննական ուսումը, բոլորովին չիպիտի խեղդուի, — ասանկ ըսեմք, — ձայնախօսական մասովը. վասն զի ձայնէն զատ՝ կան նաեւ բան կամ իմաստք՝ որոց ներկայն և անցեալը արժան է ուսումնասիրել: Դժբաղդաբար՝ ձայնից ուսումը այնքան դժուարին գործ է լեզուաքննի համար, որ ժամանակը իրեն կը պակսի խորը թափանցելու ի պատմութիւն պաշտաման բառից և կազմութեան իմաստից. և հարկ է որ բարեբաստիկ սեպէ ինք զինքն՝ եթէ կտրող ըլլայ ժամանել յուսումն կազմութեան բառից և քեականական փոփոխութեանց: Պէտք է նկատել և զայն՝ որ արդի լեզուաքննութիւն, Պոբբի ընտիր երկասիրութեանց երեւնալէն ի վեր, կանկ չառնուր մասնաւոր լեզուի մը, եւս առաւել գաւառաբարբառի մը վրայ, ըլլայ գրական կամ ոչ. այլ հարկ է, որ իր քննութեանց հիմն դնէ լեզուի մը ամէն կենդանի կամ անհետացած գաւառաբարբառներու վրայ, և այս կերպով, ձեռք բերուած արդիւնքը բաղդատէ այն երեւոյթներով որ կըրնան նկատուիլ ուրիշ ամէն համազգի լեզուաց և գաւառաբարբառներու հետ: Ասով կը յայտնուի, որ լեզուաքննին հայագէտ մը ըլլալու համար այս օրուան օրս՝ բաւական չեն կրնան սեպուիլ միայն համեմատական բանասիրութեամբ ստացուած գիտնական տեղեկութիւնք և հմտութիւնք:

## Հ. Հ Ի Ի Պ Շ Մ Ա Ն

Լեզուաքննական ուսմանց համար անհրաժեշտ սեպուած էական հանգամանք՝ զարմանալի կերպով միացած կը տեսնուին իմաստուն հայագիտիս, Հենրիկ Հիւպընմանի վրայ, ի Համալսարանէն Սթրասպուրկի: Ծնեալ յԷրֆուրդ Տուրինկիոյ (Բրուսիա) ի 1 յուլիսի 1848, վարդապետի աստիճան ստացաւ ի Միւնխէն (1872), իր մէկ բանամրցութեամբն, որոյ խորագիրն էր Եւք Զոօստրի (Ein zoorastrisches Lied). ու երեք տարի յետոյ ուսուցչաց կարգն ընդունեցաւ ներկայացնելով Լայպցիկի Համալսարանին Յիշատակութիւն (Mémoire) մը Արաբացւոց ժամանակի Հայոց պատմութեան վրայ՝ Սերէոսի պատմական գրուածէն քաղելով (Zur Geschichte Armeniens und der ersten Kriege der Araber aus dem armenischen des Sebeos): Սերէոսի բնագրին տպագրութիւնն եղած էր նախ ի Կոստանդնուպոլիս (1851), և Պատկանեանի ձեռքով ալ ի Պետրպուրկ (1862): Եւ որովհետեւ Պատկանեանի ռուսական թարգմանութիւնն 1879ին հրատարակուած է, նախ քան զայն երեւցաւ Հիւպըմանի երկը, որ նոյն պատմական գործոյն վերջին մասին թարգմանութիւնն էր ծանօթութեամբ: 1873ին Միւնխէնի ակադեմիոյ յիշատակարանաց իմաստասիրական պատմական շարակարգին մէջ հրատարակեց Հիւպըման իր քանի մը ուսումնասիրութիւնքը Աւեստայի վրայ (Avestastudien), ու Գեթանգեթան ընկերութեան օրագրին քսանեւեկերորդ և քսանութերորդ հատորաց մէջ նոյն գրքին մեկնաբանութիւններ: 1872ին հրատարակեցաւ իր ընտիր երկասիրութիւնը Վարդապետութիւն հոլովանց (Zur Casus lehre, ի Միւնխէն). որոյ առաջին մասին մէջ հոլովմանց նկատմամբ վարդապետականին

պատմութիւնն կ'ընէ, և յերկրորդին՝ թէ որպիսի էր հոլովն հին պարսկերէնի և Աւեստայի լեզուին մէջ: Նախադրութեանց վրայ խօսելով (302-328), առաջ կը բերէ (332-338) հայկական հոլովմանց դրութիւնը, աւելի հետեւելով Լաւերի քերականութեան: Տիւրքիէ ալ այս դրութեամբ վարուեցաւ ի ծանօթութիւնսն Պատկանեանի, Հեթաղօթոթիւնի և Վերայ Կաթն-Սեւն հայերէն լեզուի, ուստի լեզուով գրութեան, Եւարիստ Բրիւտտի գաղղիական թարգմանութեան հրատարակելոյ յ' Ափ-Կան օրագրի (1868):



Հիւպլման 1875ին շարադրեց իր գրուածը թէ՛ « Ո՛ր տեղին կը գրաւէ հայկականն ի շրջանս հնդիկագերմանական լեզուաց » (Ueber die Stellung des Armenischen in Kreise den indogermanischen Sprachen), և որ հըրատարակուեցաւ յ' Ի. Գ. հատորի Kuhn's Zeitschrift für vergleichende Sprach forschung, 5-49: Այս գրուած դարագլուխ կը կազմէ ի պատմութեան հայ լեզուի ուսումնասիրութեան յԵւրոպայ, յորում հեղինակը կ'երեւնայ ստուգապէս գիտուն անձ մը, որ չի դեղեւիր իրաց վկայութիւնն ընդունել, թէպէտեւ բռնադատուի անոնցմով իր նախընթաց կարծիքն փոխել: Գիտութեանց մէջ նախընկալ կարծեաց վրայ հաստատուն մնալը յաճախ խոչընդոտն և արգելք եղած է անոնց յառաջադիմութեան և մարդկային մտաց զարգացման: Լեզուաքննութիւնը՝ հազիւ կէս դարու գոյութիւն ունեցող արդի գիտութիւն մ'է, զարմանք չէ որ օր ըստ օրէ նոր գիւտեր արտադրելով, կը բռնադատուինք տարբեր արդիւնք յառաջ ածել: Գիտութիւնը Հիւպլմանի երախտապարտ է, որովհետեւ այս ճշմարտութեանց անծանօթ անձ չէ, և ոչ իր կարծեաց հակառակորդները արհամարհող: Իր Հոլովմանց վարդապետականին մէջ Միւլլէրի համակար-



ծիք կը թուի՝ թէ հայկական լեզուն երանեան գերդաստանին կը վերաբերի, և կը հերքէ այն տարակոյսները որ կրնան յառաջագայիլ եզական երկրորդ դէմքին ու քանի մը բառից « վերջաւորութենէն: Եթէ այս « տառ, կ'ըսէ, կը համապատասխանէ նախնական ատամնային « գրոյն, այս պատճառին համար միայն, հարկ է զատել հայկականն յերանականէն, վասն զի վերջնոյս մէջ « կը փոխուի ի հ. օրինակ իմն ի բառն «իս—գննտ Բառնհա, եթէ համեմատենք այս բառ յունին կամ լատինին հետ, կը հասնինք անոր հառ (—) նախնական ձեւոյն, ուր « տառին պահպանութիւնն կը բացատրուի անով՝ որ կը հետեւի (անհետացած) ռնգային հնչման մը: Միւլլէր համանուն երկասիրութեան մը մէջ հակառակեցաւ Հիւպլմանի կարծեաց, յորում թէպէտ իրեն կը համաձայնի թէ հայերէնը երանեան լեզու մ'է, այլ կը ծագի գաւառաբարբառէ մը՝ որ բաժնուած է նախնական երանականէն, այնպէս՝ ինչպէս բեւեռաքանդակ արձանագրութեանց պարսկերէնը Աւեստայի լեզուէն. որով հայերէնը դուստր չէ ոչ պարսկականին և ոչ Աւեստային, այլ համաժամանակ քոյր մը երկու երանեան գաւառաբարբառներու:



Քուհնի հանդիսին քսաներորդ չորրորդ հատորին մէջ՝ աւելի ընդարձակ կերպով և ոճով ուսումնասիրեց Հիւպլման իրանական լեզուն այլեւայլ հետաքննական հաստատածներով, որոց խորագիրքը մեր ընթերցողաց համար աւելորդ կը սեպենք մէջ բերել. ու ձայնական տառից մէկ տախտակը ներկայացընելով, հետեւցուց թէ անով կարելի է որոշել Միւլլէրի՞ թէ իւրն է իրաւունք, նկատմամբ տեղւոյն զոր արժան է տալ հայ լեզուի: 1876ին Քերտան—բեւեռն ընկերութեան օրագրին մէջ (Հատ. Լ. 53-73) նշանակութեան արժանաւոր յօդուած մը հրա-

տարակեց Հիւպան հին հայերէն լեզուի արտաբերութեան և տառադարձութեան վրայ. յորում կը խօսի նախ արդի հայերէնի արտաբերութեան կամ հնչման վրայ, և Լեւսիոսի գործածած տառադարձութիւնն կը քննադատէ, զոր նոյն ուսումնականն գործածեր էր իւր Standard Alphabet գրոց երկրորդ տպագրութեան մէջ: Հիւպան կարեւոր տեղեկութիւններ կ'ընդունէր յեղուարդայ Սիւսերս, ի հռչականուն ձայնագիտէն (phonitist) Իենացւոյ, որ նոյն խնդրոց նկատմամբ խորհրդակցեր էր չորս հայազգի ուսանողաց հետ, որ ի ժամանակին՝ քաղաքին համալսարանին մէջ կը սորվէին, Սարգսի Սողկեան խարբերդցւոյ, Թիֆլիզեցի Աբուլեան Գէորգայ և Յովսեփայ Մատթեան, երեքն ալ այսօր ուղղիչ Սանասարեան դպրոցի ի Կարին, և Պօղոսի Դեւլեան վախճանելոյ: Յիշատակագրին երկրորդ մասին մէջ, հեղինակը կը ջանայ որոշել հին հայերէնին հնչումը ըստ տեղեկութեանց մատակարարելոց ի հայկական Թարգմանութեան քերականութեան Գիտնեսիոսի Թրակացւոյ, և նոյն իսկ այբուբենի հիմանց, և ըստ փոխադրութեան յատուկ անուանց և ուրիշ բառերու և յունէ ի պարսկականն: Եւ իբրու շարունակութիւն այս աշխատասիրութեան (74-80) ճարտար հնագիրն Վիկտոր Գարթհալզէն, որ մեծ արժանիք և յարգ ունեցող յունական հնագրականի մը հեղինակ է, կը հրատարակէ զհետեւանա իւր համեմատութեանց հայ այբուբենի ընդ տառից յունաց (Ueber den griechischen Ursprung des armenischen Schrift). Եւ կը հետեւցնէ թէ հայ տառից մեծագոյն մասը կը յառաջագային յունական շրջագրէ մը՝ որ Մեսրոպայ ժամանակ ի գործածութեան էր, և թէ Վրաց այբուբենն ալ ուղղակի յունականէն յառաջ եկած է: Հանդիսին նոյն հատորին մէջ քանի մի տեղեկութիւնք կուտայ երանեան-հայ անուանց վրայ, որ Կարթ, Կերթ և Գերթ վերջաւորութիւնն ունին. (օր. Տէրթանիւր, շինեալ է Տէրթանայ և ոչ Կարթ Տէրթանայ), և յէջս

774-779 քննադատութիւն մը կ'ընէ վիէննական Հ. Սե-  
րովրէ վարդապետ Տէվրիշեանի Ք տառի ուսումնասի-  
րութեան, և ցուցակի մը զենտ ստուգաբանութեանց  
(Վիէննա, 1877): Հեղինակին վրայ մեծ հանճար կը նը-  
կատէ, և կը համարի թէ արդի բանասիրութեան ոճոյն  
և ընթացքին հետեւողութեամբ կրնայ ընտիր բառարան  
մը յօրինել հայ լեզուի ստուգաբանութեանց: ԼԵ հա-  
տորին մէջ (1881) կը սկսի իր Հայկա՞ն կոչուած ու-  
սումնասիրութեանց առաջին մասը, յորում այլեւայլ հայ  
բառերու ստուգաբանութենէն ետքը, կը խօսի Պարսկե-  
րէն-Հայերէն բառարանին վրայ, յօրինելոյ ի Պէտրզայ  
դպրէ պալատեցւոյ և տպագրեալ համառօտ քերականու-  
թեան հետ ի Յակոբայ Տիւզեան (Պոլիս, 710 էջ), յո-  
րում կայ և ցուցակ մը 430 պարսիկ-հայ համանշանակ  
բառից: Հայկա՞ն երկրորդ մասին մէջ (654-664) կը  
խօսի զանազան սկզբնաղբում և օտար բառից վրայ: Եր-  
րորդ մասը հրատարակուեցաւ ի 1882 (հատոր ԼԶ, 115-  
134). որոյ հետաքննական յօդուածքն են՝ յորս կը խօսի  
թէ ինչպէս հնդկագերմանականն « նոյն է արեւելեան  
հայ գաւառաբարբառոց » և « մ վերջաւորութեանց հետ,  
որոնք արեւմտեանին մէջ յետադրութիւնք են: Հնգետա-  
սաներորդ հատուածին մէջ կ'ապացուցանէ՝ թէ քերա-  
կանական և ոճոյ խորհրդածութիւնք կը բռնադատեն  
զմեզ նկատել զհայ թարգմանութիւն Յայկա՞ն գրոց,  
ժամանակաւ կրտսեր քան զայլ գիրս նորոց կտակարա-  
նաց: Յաւելունք դարձեալ, յամբողջութիւն մեր խօսից,  
որ Լոնտրայի բանասիրական ընկերութեան 1877 մայիսի  
18 գումարման մէջ (Transaction of the Philological  
society for 1877, էջ 64-71) Հիւպշման ի ձեռն տա-  
րեւոր նախագահին, Հենրիկոսի Սուրիթ, ներկայացուց  
մեծապէս հետաքննական տեղեկութիւն մը ի վերայ յա-  
ռաջադիմութեան հայկական ուսմանց. « Հայ մատենա-  
գրութեան, կ'ըսէ, բազմաթիւ պատմական յիշատակա-  
բանք՝ ամէն լուրջ իմաստնոց պատուական կ'ընծայեն

զայն լեզու: Իր պատմիչք՝ Եկեղեցական պատմութեան նկատմամբ շատ տեղեկութիւն կուտան, և բազմապատիկ աստուածաբանական գրութիւնք՝ Եկեղեցւոյ պատմը չի ու աստուածաբանի մտադրութեան արժանաւորք են. բաց աստի, հայ մատենագրութիւնն կու տայ մեզ յոյն և ասորի գրուածոց թարգմանութիւնք. յորոց ոմանք կուրուսեալ բնագրաց պակասութիւնը կը լեցընեն, և ուրիշներ՝ որ կը ծառայեն անոնց նախկին բնագրին շատ տեղուանքը վերստուգելու »:

Հիւլզման 1877ին Սթրասպուրկի համալսարանին համեմատական բանասիրութեան ուսուցչապետ անուանեցաւ: Այն միջոցին կը դասախօսէր յոյն, լատին, գոթական և սանսքրիտ լեզուաց համեմատական քերականութեան վրայ, ու երբեմն ալ եկեղեցական սլաւ լեզուին. կը մեկնէր հնդիկ հեղինակքը, զԱւեստա, պարսիկ նոր լեզուի քերականութիւնը, զքերթողն Ֆիրդուսի, հայ քերականութիւնն ու հեղինակներն, ու լեզուի գիտական ուսման բարգաւաճանաց վրայ կը խօսէր. այս ճառուած նիւթոց համեմատ ունկնդրաց թիւը փոփոխութիւն կը կրէր:



Յուցընելով Հիւլզմանի տեսութեանց և գիտութեանց ընդարձակութիւնն ու խորութիւնը, որով մարթ է նմա յուսուցչական աթոռոյ վճիռ տալ հայ լեզուի յատկութեանց, ու մանաւանդ ուրիշ իրանեան լեզուաց հետ ունեցած յարաբերութեանց, խօսինք արդ իր մէկ ուրիշ գրուածին վերայ փոխագրութեան հայկականաց ընդ հըռուսական տառս, որուն մէջ կը ստուգաբանէ աւելի քան զերեք հարիւր արմատական բառս: Այս տեսակետով եղած հրատարակութեանց առաջինն է Յապ-Կո-Խաթր-Նեան Իրանեան լեզուաց և հայկականին, (Die Umschreibung der iranischen Sprachen und des arme-

nischen. Լադդի, 1882)։ Պօղ Տըլակարտ սաստկաբար հարուածեց այս գրուածքի Göttingische Gelehrte Anzeigen. 1883, յէջս 257-294, այս առթիւ յիշելով ի մաստնոյն Հիւմբոլդի մէկ խօսքը, որ եթէ աշխարհիս վրայ իրեք միայն գիտունք գտնուէին յունական լեզուով զբաղողք, անոնց երկուքը երրորդին համար պիտի հաստատէին թէ բանէ մը տեղեկութիւն չունի։ Արդեօք այս սուր դիտողութիւնը չի՞ կրնար պատշաճիլ հայկականին վրայ եղած ուսումնասիրութեանց ցաւալի վէճերուն։ Եւ միլ Տըտիյենն, որ նոյն ժամանակին ի Պետրպուրկ կը գտնուէր, այս առթիւ գրուած մը հրատարակեց (Die Umschreibung der eranischen Sprachen, Լայպցիկ 1883), որով կը գրուատէ Հիւպշմանի կարծեաց հակառակ Պիշէլի առաջարկած փոխագրութիւնը (Bezzenbergers Beiträge, 272..), մինչդեռ հմուտ իրանագէտն Բարթոլոմէի գոհ եղաւ ցուցնելով (ի Literarischen Centralblatt), որ փոխագրութեան գաղափարականն կը կայանայ առանց ամենեւին փոխագրելուն վրայ։ Նոյն է նաեւ մեր կարծիքն, կ'ըսէ Շրումպֆ. վասն զի գերագոյն միջոց մ'է խուսելու ամէն դժուարութիւններէ, թէպէտ և համոզուած ենք՝ թէ փոխագրութիւնն միշտ հարկաւոր պիտի ըլլայ ցորչափ տպագրողք իրենց գործածութեանն համար չունենան հայկական տառեր։ Բաց աստի, խիստ պահանջ մ'է փոխագրութիւնն համեմատական բանասիրութեան հաւասարութիւնն կամ աստիճանները ճշդելու և ստուգելու։ Փափաքելի է, որ նոյն իսկ հայ ազգայինք գոհ չըլլան միայն լեզուին ուսմամբ. այլ ջանան աւելի լաւ հասկըցընել օտարաց, և օգտակարագոյն կերպով մտցընել զայն յուսման գիտութեան լեզուաց։ Սակայն հայկական ուսմանց յառաջադիմութեան համար էականն է, որ փոխագրութեան հաստատուն կանոն մը ունենայ. հոգ չէ եթէ քիչ շատ անկատար եւս ըլլայ այն։ Հիւպշմանի գրութիւնը, հիմայ ամենէն աւելի ընդունելին է բազմաթիւ (եւրոպացի) բանասիրաց,

և փափաքելի է որ ընդհանրանայ. վասն զի անով միայն էարելի է վախճան տալ այն խառնաշփոթութեան որ տիրապետած է այս օրս: Յառաջ քան զամենայն՝ պէտք է այբուբեն մը, որ նշան առ նշան ներկայացընէ զհայկականն, և ոչ այնչափ կնճռեալ, այնպէս որ սովորական տպարանական տառք կարող ըլլան բացատրել: Իսկ հնչման խնդիրը այլ է. բաւական է այնպիսի նշանակներ սահմանել՝ որ ամենուն իմանալի ըլլան, և այս փոխադրութեանց համար գործածուին և հնչման համապատասխանող, թէպէտ և Թիֆլիզի կամ Պոլսոյ յատուկ ու սովորական ըլլան, կամ քիչ շատ կարգաւորուած հնչմունք մը, բայց ըստ մեծի մասին տեսական (theorique) հին հայերէնին կամ զրաբարին համար: Եթէ կարելի ըլլայ որ և իցէ գաւառաբարբառ ներկայացընէ մասնաւոր ձայներ կամ հնչում, բնականաբար հարկ է այն ատեն մասնաւոր ձայնական նշանակք գործածել: Հիւպչման՝ ըստ դասաւորութեան կամ կարգի մետրոպեան այբուբենի՝ հետեւեալ տառերը կ'առաջարկէ և կը գործածէ. ա. օ. ի. ր. է. շ. ը. լ. ժ. ի. չ. խ. ս. և այլն:

Բայց արժան է դիտել միշտ, որ ամէն տառ բացարձակապէս անփոփոխ համազօր արժէք ունենայ հայ այբուբենին մէջ: Հիւպչմանի առաջարկածին մէջ՝ թէպէտ յունական տառ մը և քանի մի շեշտաւորք գտնուին, պարզ տառերը ամփոփելու օգուտն ունի. ուստի և շատ բանասիրաց համար հաճոյանալով, գործածել սկսան. ինչպէս Պրուկմանն ի գիրսն Տաբերտ համեմատական լեզուագիտութեան հիմնարկ (Grundriss der vergleichenden Grammatik des indogermanischen Sprachen, Սթրասպուրկ, 1886): Համեմատական բանասիրութեան այս ընտիր, բայց դեռ եւս աւարտը չհասած գրուածին հեղինակ՝ առաջին հատորոյ յառաջաբանին մէջ կը յայտարարէ՝ թէ ինքն տակաւին ոչ այնչափ հմտացեալ իրանական և հայ լեզուաց ուսմանց մէջ, հետեւող եւեթ է Բարթոլոմէի և Հիւպչմանի կարծեաց: Իրեն արդիւնքն

է կարգաւորեալ դասաւորութիւնն նիւթոց, զոր այս երկու հմտից գրուածներէն կը հաւաքէ: Պրովմանի այս երկասիրութիւնն ուսումնասիրելով, հարկաւոր ծանօթութիւնն կ'ունենանք այն ջանից նկատմամբ, որ շահաւորք են հայ լեզուի բանասիրական ուսման լաւ գլխաւորութիւն մը տալու:

## Հ. Ա. Գ Ո Ւ Տ Շ Մ Ի Դ

Հերմանն Ալիրեդ մարգիդ (Freiherr) Գուտշմիդ, 1831ին ծնած է ի Լուքվից, Տրեստայի մօտ, ուր ըրած է իր նախնական ուսման ընթացքը: 1848ին Լայպցիկի համալսարանն մտաւ, և ապա ի Պոնն, ուր մասնաւոր ջանքով հետեւեցաւ պատմական և բանասիրական ուսմանց. 1854ին վարդապետական աստիճանն (doctorat) ընդունեցաւ բանամրցութեամբն՝ որոյ խորագիրն էր, Յոյ մարեմադիւններն՝ որ յառաջ Ժան Ալեքսանդր Եգիպտոսի վերայ իտալեան (De rerum Aegyptiacarum scriptoribus Graecis ante Alexandrum Magnum): Պասսախօսութեամբ պարապեցաւ ապա ի Տրեստա, և ի Լայպցիկ, ուր և մեծագոյն եռանդեամբ ուսումնասիրեց արեւելեան հին պատմութիւնը, և գրեց նոյն նիւթին վրայ հմտաբար Beiträge zur Geschichte des alten Orients. և Neu Beiträge (1876) Գերման-արեւելեան ընկերութեան ամսսթերթին մէջ հրատարակեց (հատոր ԺԵ) Նաբատեանց վրայ ուսումնասիրութիւն մը, (Die nabatäische Landwirtschaft und ihre Geschwister): 1861ին իբրեւ հմուտ արեւելագէտ մը անդամակից ընտրուեցաւ Սաքսոնիոյ Գիտութեանց ակադեմիոյ: 1863ին օգնական ուսուցիչ պատմութեան ի համալսարանին Կիէլի, և ապա երեք տարիէն բուն անուանակիր ուսուցիչ: Այն առթով յայտարար (programme) գրուած մը հրատարակեց, վառ ծա-

նօթ ժամանակաց՝ որով լայն Եսեբիոս ի ժամանակաց Կանոնս (De temporibus notis quibus Eusebius utitur in chronicis canonibus), հրատարակեալ ի Կիէլ: Կատարեալ գիտութեամբ նիւթոյն՝ կրցաւ քննադատել Շէոննի երկասիրութիւնքը Եւսեբեայ, և իր մատենին վրայ հետեւեալ գրքերը հրատարակելով. Ա. Հերոնիմոս, ընթացեալ լատին լուսաբանութեան Եսեբեայ տպագրեալ ի Պոնտական յամին 1604, և ի Սկալիսերէ ի 1606. որոյ վրայ քննադատական տեսութիւն մը ըրաւ Փուտշմիդ ի Literarisches Centralblatt ուսումնասիրութի, ի 1865 (530-533): Բ. Եսեբեայ ժամանակականաց գիրք երկուս, շրջ հրատարակեաց Ալէքսէր Շէոնն, հատոր Ա, Պերլին 1866, ի Տարեգիրք դասական բանասիրութեան (Jahrbücher für klassische philologie, 1867, էջ 677-688), ուր և կը խօսի Պետերմանի լատին թարգմանութեան վրայ: Գ. Եսեբեայ ժամանակականաց գիրք երկուս, հրատարակեալ յԱլէքսէր Շէոնն, հատոր Բ, Պերլին 1875, յամասիրութիւն Literarisches Centralblatt, 1876, էջ 885-8: Այս յօդուածներէն զատ 1886 թուին յօրինեց քննութիւն մը ի վերայ ասորիական համաժողովութեան Եսեբեան Կանոնաց (Untersuchungen über die syrische Epitome der Eusebischen Canones) տպագրեալ ի Շթուլգարդ, 1886: Այս ամէն երկասիրութիւնք Փուտշմիդի հրատարակեալ են նաեւ ի Kleine Schriften, որ Փրանց Ռուհլ բանասիրի ջանիւք կը տպագրուի, և չորս հատորի մէջ պիտի բովանդակուի: Առաջինն կը պարունակէ զպատմութիւն հնոյն Եգիպտոսի և զժամանակագրութիւն Յունաց, և հրատարակեցաւ ի Լայպցիկ (առ Տուպների) ի 1889: Երրորդին մէջ պիտի ամփոփուին Ասիոյ ոչ-սեմական ժողովրդոց պատմութեան վրայ գրութիւնք: Փուտշմիդ շատ աշխատած է արեւելեան հին ազգաց և Հայաստանի պատմութեամբ: Իրենն է և այն ընդարձակ յօդուած՝ յորում կը խօսի Իրանեան ազգաց վրայ, և Պարսկական անուան խորագրով տպագրեցաւ ի Բէրլինական Հա-



մայնգիտակն, ի հատորն ԺԸ յէջ 561-607, մինչեւ Սա-  
սանեանց ժամանակ : Անոր հետեւեալ յօդուածը, որ  
այս հարստութեան կամ իշխանութեան վրայ կը խօսի,  
շարագրուած է ի բանիբուն Թէոդորէ Նօլտէկէ, որ  
Պուտշմիդի երկասիրութեան մը գերման թարգմանու-  
թեան յառաջարանն ալ յօրինեց, որ այս խորագիրն ու-  
նէր, Geschichte Iraus und seiner Nachbarländer, von  
Alexander dem Grossen bis zum Untergang der Ar-  
sac den, հրատարակեալ ի Տիւպինկէն, 1888 : Պուտ-  
շմիդ Բրիտանական համայնագիտական մէջ հատուած մը  
դրաւ Մովսիսի Խորենացւոյ վրայ (հատ. ԺԶ), յորում  
այն հետեւութիւնը կը հանէ, թէ իր անուամբ մեր ձեռքն  
եղած Հայոց պատմութեան հեղինակն, հինգերորդ դա-  
րու նոյնանուն թարգմանիչն չէ, այլ ուրիշ հայ մը՝ որ  
նոյն անուան տակ գրեց ի մէջ 634 և 642 թուոց : Այս  
կարծիքն կ'ուզէ ապացուցանել ժամանակագրական անտե-  
ղութեամբք ու աշխարհագրական մանրամասնութեամբք,  
որոնք չեն կրնար համաձայնիլ հինգերորդ դարու : Պէ-  
տչէն գրոց, որ Մովսիսի կ'ընծայուի, ոճը շատ տարբեր  
կը գտնէ պատմութենէն, մինչ Բաւմգարդնէր՝ իր աշա-  
կերտը հակառակ կարծիք ունի. և որովհետեւ անհամե-  
մատ կերպով լաւ ուսումնասիրած է զհայ լեզու քան իւր  
ուսուցիչը, նախամեծար կը սեպուի յոմանց՝ իւր ենթա-  
դրութիւնը՝ որ Պուտշմիդի հակառակ է : Բայց առաջին  
անգամը չէ սորա Մովսիսի Խորենացւոյ գրքով զբաղե-  
լըն. 1876էն ի վեր նոյն նկատմամբ գրուած մը հրա-  
տարակեր էր այսպիսի խորագրով. Über die Glaub-  
würdigkeit der armenischen Geschichte des Moses  
von Khoren, որ առանձին ալ տպուած է (43 էջ) : Մով-  
սիսի ընծայուած Աշխարհաբարձեան գրոց համար ալ, ան-  
ցողաբար ըսենք՝ թէ այս նկատմամբ անուանի աշխար-  
հագէտն Կիպերտ յիշատակագիր մը տուած է Պերլինի  
Գիտութեանց Ակադիմիոյ. (տես ի Monatsberichte),  
1873, էջ 599 :

Պետերբուրգի կայսերական ակադեմիոյ յիշատակա-  
գրոց մէջ (Շար Է, հատ. ԼԵ, 1887), Գուտշմիդ հե-  
տաքննական երկասիրութիւն մի հրատարակած է Ուրոյե-  
նաց պատմութեան վրայ, և որ շատ օգտակար կրնայ  
ըլլալ Եդեսիոյ եկեղեցւոյն պատմութեամբ զբաղողի .  
(Untersuchungen über die Geschichte des Königreichs  
Osroëne, von Alexander dem Grossen).

Յիշատակենք ի վերջոյ Ագաթանգեղոսի վրայ գրուածը,  
հրատարակեալ գերմ-արեւելեան ընկերութեան օրագրին  
մէջ (Agathangelos) Հատ. ԼԱ. 1877, էջ 1-60: Տը-  
լակարտ սոյն յունական հեղինակին բնագիրն հրատարա-  
կեց ներածութեամբ և ծանօթութիւններով՝ ըստ օրինա-  
կին, որ կը պահուի ի Լաւրենտեան մատենադարանի Փլու-  
րենտիոյ (Է. 25). Abhandlungen der historisch-phi-  
lologischen Klasse der Kön. Gesellschaft der Wissen-  
schaften zu Göttingen, հատ. ԼԵ. 1888, էջ 1-88,  
121-149). Էջն 89-120 կ'ամփոփեն՝ զվարս Գրիգորի  
Հայաստանեայց Հայրապետի, ըստ երից յոյն գրչագրաց  
որ ի վատիկանեան մատենադարանի (794, 5, 6)\*:

★  
★

Գուտշմիդի կենսագրութիւնը գլխաւորելու համար, կը  
մնայ մեզ ըսել թէ 1873 ի Կիէլէ անցաւ ի Քէօնիկս-  
պէրկ, և անտի ի 1876 յիենա, ուր տարի մը մնաց ի-  
բրու ուսուցիչ դասական բանասիրութեան: Ուսումնա-

\* Ազգային եկեղեցւոյ պատմութեան մէջ նոր կերպարանափոխու-  
թիւն մուծանելու սանձանուած այս գրուածք, պիտի ունենար անշուշտ իր  
հետաքրքրողը, քննադատութիւն և ընդդիմախօսք: Գուտշմիդ ինչպէս խո-  
րենացւոյ, ասանկ ալ, Ագաթանգեղոսի անձին և գրուածոց վրայ յայտ-  
նած ենթադրութեանց և կարծեաց հակառակողն ունեցաւ: Յարգե-  
լով իր մեծ հմտութիւն իբրու գիտնական, չկրցան և չուզեցին ընդու-  
նելի համարել իր կարծիքն իրենց ամբողջութեամբ: Այս վախճանաւ  
հրատարակուեցան այլեւայլ հետաքննական երկասիրութիւնք:

կան տարւոյն նաւակատեաց օրը խօսած ճառը՝ հին պատմութեան աղբերաց վրայ, տպագրեցաւ ի *Kleine Schriften* (1-34), որ պատմական ուսմամբք պարապողաց մը տադրութեանն արժանաւոր բանախօսութիւն մ'է: Իենայէ կոչեցաւ ի Թիւպինկէն՝ իբրու ուսուցիչ պատմութեան. և հոն հանդիպեցաւ մահը, յ'2 մարտ 1887, ի հասակի 56 ամաց:

## ԱԴՈՒՅ ԲԱՒՄԿԱՐԴՆԷՐ

Ադուլֆ Բամկարդներ, ուսուցիչ հին պատմութեան ի համալսարանին Պալ քաղաքի, ծնած է 1855ին ի Լերրաբ, Պատենի մեծ դքսութեան քաղաքին մէջ, ալսացիացի ընտանեաց զաւակ: Ծննդավայրին դպրոցաց մէջ նախնական ուսմունքն ընելէն ետքը, ի համալսարանի քաղաքին պարապեցաւ պատմական և դասական բանասիրութեան ուսմամբք, զորս և շարունակեց ի Պոնն, Իենայ և Թիւպինկէն քաղաքաց համալսարանաց մէջ: Այս վերջին քաղաքին մէջ, յամի 1879, սկսաւ հետամուտ ըլլալ հայերէն լեզուի. առ որ յօժարամիտ ըրին զինք Լըպոյի Կայսերաց պատմութեան մէջ ի Սէն-Մարգէնէ դրուած ծանօթութիւնը, զորս արդէն յիշատակեցինք մեր այս գրուածին մէջ, և իր վարպետին՝ Գուտշմիդ ուսուցչապետի հրատարակած Մովսիսի Խորենացւոյ և Ագաթանգեղոսի գրուածոց քննադատութիւնը: Իր ուսմանց մէջ օգտուեցաւ երեք հայ ուսանող պատանիներէ, որոնց հետ գրեթէ տարի մը սեղանակից ալ էր, զորս վերագոյն յիշատակելու առիթ ունեցանք: Յետոյ ի Թիւպինկէն՝ հայերենի ուսուցիչ ունեցաւ զվախճանեալ Հիմպէլ, որ չունենալով Գուտշմիդի սուր և խորունկ քննադատական ոգին, հայկական ուսմանց բանասիրական մասամբ միայն կը զբաղէր, որուն ոչ երբէք հետա-

մուտ եղած է Գուտշմիդ: Այսպէս Բամկարդներ հայագէտ մը եղաւ, կամ ինչպէս ինքն կը գրուցէ, պատուաստ մը դասական բանասիրի մը վրայ, աշակերտ Ռահդի և Մորից Շմիդի, և պատմելի մը՝ աշակերտ Գուտշմիդի:

Իր ընտիր ուսումնասիրութիւնն Պեֆֆէյ գրքին վրայ (Ueber das Buch « die Chrie »), այսինքն Մովսիսի Խորենացւոյ ընծայուած ճարտասանութեան մը, որ լոյս տեսաւ ի քառասներորդ հատորի Գեբհե—Գեհեյեհե ընկեր—Նեան ուսումնաթերթին մէջ (էջ 475—515), ընդունած այս երբեակ դաստիարակութեան շէնքին հիման վրայ կառուցուած է: Իրեն բնագիր առած է Բամկարդներ 1796ին ի Ս. Ղազար Վենետիկոյ եղած հրատարակութիւնն, ծանօթութեամբ Հ. Յովհաննու Զօհրապ, հետեւեալ խորագրով. « Նախակրթութիւն հռետորական՝ ասացեալ Գիրք Պիտոյից սրբոյ հօրն մերոյ Մովսիսի քերթողահօր »: Այսպէս ամենէն վերջ գրուած է ի տպագրին՝ Մովսիսի անունը: Իսկ յունական երկ հայերէնի մէջ Պեֆ Թարգմանուած՝ և առաջին (երրորդ) գրքին առաջին բառը, ամբողջ գրուածին պատշաճեցուցուած է: Հեղինակն հետեւող է յոյն հռետորաց, և ի մասնաւորի Ափթոնիոսի անտիպագւոյ, որ Լիբանիոսի նախամեծար աշակերտն էր, և կամ Թէոֆիլի աղեքսանդրացւոյ իրեն նմանողի: Այսպէս կը սահմանէ զՊեֆ՝ գրեթէ բառ առ բառ նման Ափթոնիոսի. « Պէտք են բացայիշատակք համառօտ քաջադիպութեամբ ի դէմս ինչ վերաբերեալ... Եւ պիտոյիցս ոմանք են բանականք. և ոմանք գործականք, և ոմանք խառնք... Զառաքինութեանն զոստո՝ քրտամբք և աշխատութեամբ Պղատոն ասաց բուսանիլ. (պեֆ Բանալան): Պիւթագորաս, ռիչափ իցէ կենցաղոյս չափ՝ հարցեալ յովաննէ, սուղ ինչ երեւեալ ծածկեցաւ, (յոյն բնագիրն՝ պատմունճանաւն ծածկեալ, զփոքր ինչ մասն երեսացն ցուցանէր). — (պեֆ Գործնական). այսքան զոլ զժամանակն ընձեռեաց՝ որքան է տեսութեան չափ...

և Դիոգենէս համրակ տեսանելով ստահակեալ, զմանկածուն տանջեաց ասելով, ընդէ՞ր այսպէս դաստիարակես» - (պէր+ իառն)։ Բաւականութենէր կը դնէ ցուցակ բնաբաններու նիւթոց երկասիրութեանն, և անոնցմէ մէկուն ամբողջ թարգմանութիւնն ալ կ'ընծայէ իբրեւ նմոյշ կամ օրինակ մը գրուածոյն։ Եւ այս նկատմամբ դիտել կուտայ՝ որ սահմանքն և կանոնք գրուած են թարգմանչաց խառնակ լեզուովը, որոյ յայտնի օրինակ մ'է Դիոնեսիոսի Թրակացոյ թարգմանութիւնը, բայց պարզաբանութիւնք ընտիր և մաքուր լեզու ունին։

Սակայն մեծ խնդիրն, զոր լուծել հարկ է, սահմանելն է թէ արդեօք ճարտասանութեան հեղինակն է նոյն ինքն պատմիչն Մովսէս։ Ուստի Բաւականութենէր կը քննէ զպատմութիւնն Մովսիսի Խորենացոյ, որուն նպատակն՝ ըստ իւր կարծեաց, է ետ առնուլ կամ պահանջել Բագրատունի իշխանաց համար մասնաւոր դիրք մը ի մէջ նախարարութեան Հայոց։ Ամենակարեւոր մերձաւորութիւնք կամ նմանութիւնք կը գտնէ Պէրոյից գրոց և Պարմաթեան մէջ. օրինակ իմն, Հռետորականին հեղինակը փոխ կ'առնու ի Թէոֆիլայ՝ լակեդեմոնացոյն խօսքը, որուն երբ կը հարցուի թէ որո՞նք են Սպարտայի սահմաններն, իր նիզակը կը ցուցընէ (Թէոֆիլ. տպ. ի Սդուդկարդ, 1834. գլ. 6 էջ 25)։ Յայտնի է որ պատմիչն Խորենացի՝ նման խօսք մը կը դնէ Արշակայ բերանը, որ իւր եղբօր Վաղարշակայ յանձնելով Հայոց թագաւորութիւն, կ'ըսէ՝ որ այդ իրեն տրուած աշխարհաց սահմանքն այնչափ ընդարձակութիւն ունին, որչափ որ կըրնան մուտ գործել իր կամքն ու զէնքը. զի «սահման քաջաց զէնք իւրեանց»։ Ուստի կը հետեցընէ Բաւականութենէր՝ թէ այս նմանութիւնք Պէրոյից ու Պարմաթեան գրոց կը ցուցնեն՝ թէ մի և նոյն հեղինակի արտագրութիւնք են։ Երկու քննադատական երկար ծանօթաբանութիւնք ալ կը յաւելլու այս աշխատասիրութեան. մէկը Խորենացոյ հեթանոս ազգաբանութեանց ուղղագրու-

թեան վրայ, և միւսը՝ յունական լեզուի սեռական հոլովին վրայ, զոր հայ թարգմանիչք ուղղական համարած են, օրինակ Աղադնիս:

Բաւմկարդնէր շարունակեց իր հայկականին ուսումը ի Ս. Ղազար, ուր մասնաւոր մտադրութեամբ պարապեցաւ (1885ին յունուար ու փետրուար, ու յետագայ տարւոյն մարտ ամիսներուն), ի համեմատութիւն գրչագրաց Խորենացւոյ, տեսակէտ ունելով իր երկասիրութեանց նոր տպագրութիւն մը ընել ի լատին, մեկնողական ու պատմական ծանօթութեամբք: Նոյն դիտմամբ երկիցս գնաց ի Փարիզ (ի 1886 ի 1890), բայց դեռ սպասել պէտք է ինչուան որ այդ երկասիրութիւն հրատարակուի: Մերթ ընդ մերթ գիտնականաց ոմանց ի Հայոց այցելութիւնն ունեցաւ, ինչպէս Ն. Քարամեանց Շամախեցւոյ, որոյ հետ ծանօթացաւ ի Թիւպինկէն 1885ին աշնան, Գուտշմիդի և Ալբերտ Սոկինի ընկերակցութեամբ: Ծանօթ է որ Քարամեանց հեղինակ է ընտիր ցուցակի մը Պերլինի համալսարանին հայ գրչագրաց: Կրկին անգամ գնաց անոր տեսութեան Պալ (1887 մարտի 24) յառաջ քան զերթն ի Ս. Ղազար և անտի յիշմիածին: Տեսաւորեցաւ Բաւմկարդնէր ընդ Կանայեանցի Իգգիւրեցւոյ, որ Սթրասպուրկ ի համալսարանին ուսանող էր, և կ'ուզէր հմուտ հայագիտին կարծիքն առնուլ իրմէ շարագրուելիք ուսումնասիրութեան մը վերայ, որոյ նիւթն էր Ստոյն-Կալլիսթենեայ հայկական թարգմանութիւն:

## Ս Ո Փ Ո Ւ Ս Պ Ո Ւ Կ Կ Է

Արդէն յիշեցինք թէ երբ Պոբբ իր Համեմատական քերականութեան առաջին տպագրութիւնն ըրաւ (1833), հայկական լեզուի ուսմամբ դեռ եւս պարապած չըլլալով, չէր կարծեր թէ հնդկա-եւրոպական գերդաստանին պատկա-

նի: Իսկ երկրորդ տպագրին (1857) յառաջաբանն այս խօսքերով կը սկսէր. « Այն լեզուաց վրայ՝ որոց նկատմամբ խօսքն ըրի գրոյս առաջին տպագրութեան մէջ, աւելցաւ նաեւ հայերէնն. որոյ երբ բացառական հոլովման վրայ կ'ուսումնասիրէի... միտքս դրի թափանցել ի քննութիւն կազմութեան այս լեզուի »: Դժբաղդաբար ոչ Պորբ՝ և ոչ իր իմաստուն թարգմանիչը, Միքայէլ Պրէալ, հարկաւոր տեղեկութիւններն չունէին առ ի խոյս տալ այն բազմաթիւ վրէպերէն որոնց մէջ բանին յայտնեց Տէւրորիէ:

Բուն հայկական բանասիրութիւն, որոյ հիմունքը կամ սկզբնաւորութիւնն ըրին իրենց երկասիրութեամբք՝ Պետերմանն, Տիֆէնպախ, Վինտիչման և Կօչէ, Պօլ Լակարտի ուսումնասիրութեամբք կը սկսուի, բազմահիմուտ ուսուցչի Կէթինկի համալսարանին. և ապացոյց մեր խօսքին ստուգութեան բաց ի գերման-արեւելեան ընկերութեան օրագրին մէջ դրած մէկ հատուածէն (1850), ուր հայ բաղաձայնները սանսքրիտին հետ կը բաղդատէ, իւր Arica (Հալլէ 1851), և Zur Urgeschichte der Armenier, (Պերլին 1854), խորագիրը կրող գրուածները: 1860ին ատենները Փրեդրիկ Միլլէր, ի համալսարանին Վիէննայի, իւր մեծայարգ ձեռնտուութիւնը կ'ընծայէր հայագիտաց հետազօտութեանց: Այսպէս յաջողեցաւ Տըլակարտ իւր Հայկական ուսումնասիրութեան մէջ (1877) ինչուան 2413 բառից ստուգաբանութիւնը տալ: Թէպէտ գրեթէ 300 արմատական բառք կը հաշուին, սակայն խոստովանել արժան է թէ այս տեսակ հաշիւք յաճախ կանխահաք են:

Սթրասպուրկի համալսարանին ուսուցիչն Հիւպշմանն դէմ ելաւ այն ընդունուած կարծեաց թէ հայերէնն՝ գաւառաբարբառ մը եղած ըլլայ իրանեան լեզուաց. ու Քուհնի ուսումնաթերթին մէջ յօդուած մը հրատարակելէն ետքը (1875) թէ՛ որ տեղը կը պատկանի հայկականին հնդկա-եւրոպական լեզուաց գերդաստանին մէջ,

գերման—արեւելեան ընկերութեան օրագրին մէջ ցոյց տուաւ ի 1877 թէ ինչպէս արժան է հնչել հին լեզուն։ Այդ յօդուածին երեւնալէն ետքը գիտուն հնագիրն, Վ. Կարդհաւզէն ցըցուց մեսրոպեան տառից շատին յունական սկզբնաւորութիւնը։ Վերջապէս 1883ին Հիւպըման լատին տառիւք փոխադրութեան դրութիւն մի հնաբելով, իւր Հայեան ուսումնասիրութեանց առաջին մասը հրատարակեց, յորում 299 բառից ստուգաբանութիւնը կու տայ և համառօտութիւն մ'ալ ձայնագրականի։ Գուրսկը ձգէ իւր նախորդաց ենթադրեալ արգասիքէն շատ բառեր, որ իրանեան լեզուներէ փոխ առնուած են, հետեւաբար ոչ համապգի։ Այս կերպով այն հետեւանքը կը հանէ՝ թէ հայերէնն մասնաւոր ու զատ ճիւղ մ'է հընդիկ—եւրոպական գերդաստանին, և թէ պէտք է դնել զայն ի միջոցի՝ մէկ կողմանէ իրանեան սանաքրիտի, և ի միւս մէն՝ սլաւ—լիթուանեանի։

\*  
\* \*

1889ին Քրիստիանայի համալսարանին ուսուցիչը Եւսէոս Սոփուս Պուկկէ՝ արեւելագիտաց ժողովոյն գումարման առթիւ 114 յօդուածներէ բաղկացեալ ստուգաբանական իմաստուն աշխատութիւն մի ներկայացոյց իր քաղաքին Գիտութեանց ժողովոյն։ Բաց ի այս երկասիրութեանէն՝ շատ տարիներէ ի վեր ուրիշ աշխատութեամբ մ'ալ կը պարապի Պուկկէ, հին իտալական լեզուաց ուսումնասիրութեամբ, և առանձինն ու և Երբոսիւն բարբառոց։ Մասնակից ըլլալէն զատ Տիքի (Deek) Հեթադոսիւն և Երբոսիւն ուսումնասիրութեան կոչուած գրքին, 1886ին երկասիրութիւն մ'ալ հրատարակեց Թիւրքի Երբոսիւնի Բացայտեալ երկու արձանագրութեան Լեմնոսի (Origine des Etrusques, expliquée par deux inscriptions de Lemnos)։ Ինչուան հիմա, շնորհիւ գիտնական աշխատութեանց Գորսէնի, Քարլ Փօլի, Կարթհաւզենի, Տիքի



և այլոց կը համարուէր՝ եթէ ետրուսկեանց լեզուն մասն ըլլայ հին իտալիկ լեզուին։ Հռոբերտ Էլլիս, Քէյմպրիճի Ս. Յովհան դպրոցէն (1820—1885) աշխատեր էր փորձել ետրուսկ լեզուն հայերէնի մօտեցընելու և այս վախճանաւ այլ և այլ գրքեր և յօդուածներ շարադրած։ Ինչպէս Հայ լեզուի «Ինքնագիտութիւն» (The Armenian origin of the Etruscans) տպ. ի 1861 ի Լոնտոն, և թուոց անուանց վրայ մանր գրուածներ, և մահուընէն ետքը հրատարակուածը Ալբերտ Էրբոսկ և պատկերաց (Sources of the Etruscan and Basque Languages) ի 1886 տպ. Լոնտոն։ Բայց որովհետեւ լեզուական համեմատութեանց մէջ ինչուան Ափրիկէի ու Փերուի լեզուներէ վկայութիւններ կը բերէր, բնականաբար իւր ենթադրութիւնք և հանած հետեանք լուրջ չի սեպուեցան։ Պուկկէ հիմայ հետամուտ է նորէն ապացուցանելու ձեռք զարնել զազակցութիւն ետրուսկ լեզուի ընդ հայկականի, բայց ուսումնական այնպիսի պաշարաւ եւ պատրաստութեամբ, որով յիրաւի կը գրաւէ զընթերցողն՝ ոչ օտար ի ճշմարտանմանութենէ ենթադրութեանց։ Սակայն հեղինակն՝ այն համեմատութեամբ, որ ճշմարիտ գիտութեան յայտարար նշան է, առաջին փորձոյ մը յաջողութեան հետեւանքը կ'ընծայէ, սպասելով և յուսալով մերձաւոր ապագայի մէջ կատարելագործել։ Իր գրուածք՝ առաջին շարք մ'է (Erste Reihe) նախապատրաստական նիւթոց։ Կ'ընդունի հին նախնեաց աւանդութիւնը թէ ետրուսկեանք ի Լիւդիոյ եկած ըլլան, և իր կարծիքը կը հիմնէ այն աչքի զարնող լեզուական մերձաւորութեանց վրայ՝ զոր կը գտնէ ետրուսկերէնի և հայերէնի մէջ, ոչ այնչափ գրաբարի՝ որչափ աշխարհիկ գաւառաբարբառոց։ Այս վախճանաւ օգտուեր է ի հետազօտութեանց Պատկանեանի, Պետերմանի, Սարգսեանցի, Տոմսընի, Հանուշի։ որոց վրայ կրնար յաւելուլ նաեւ Զէյթունի գաւառաբարբառը՝ գրուած յԱլլահվերտեանէ։ Հետեւոք է Պուկկէ՝ փոխադրութեան Հիւպլմանի, ինչպէս նաեւ

Պրիւկման Համադրական Բանադիրութիւն կոչուած ընտիր գրքին մէջ:

Աւելի երկարել չենք ուզեր այս բազմահմուտ երկաւսիրութեան վրայ, ընթերցումը յանձնարարելով. Հատանանք միայն ըսելով՝ թէ Հեղինակը ոչ միայն անջատ բառերը կը բազդատէ, օրինակ իմն ետր. երես. հայ. արեւ, լոսնիկ—լոսնիկ, արեւ—արեւ, արեւ, արեւ, (ներկայացը—ներկա—), այլ նաեւ զքերականական վերջաւորութիւնս անուանց և բայից, զկազմաւորութիւն բառից, զյետադաս վանկս և զտառս, և այլն:

## ՅՈՎԱՍԷՓ ՍՏՐՋԻԳՈՎԱՍԳԻ

Գերման լեզուով գրող Հայագիտաց վրայ մեր ուսուսմասիրութիւն ամբողջացընելու համար կ'արժէ խօսիլ աշխատասիրութեան մը վրայ, որ մօտերս գերմաներէն լեզուով հրատարակուեցաւ ի Միխիթարեանց որ ի վիէննա\*: Այս գրուածք կը կոչուի Բիւզանդական պատկերաբանութեան պրոնոմ. — Ա. Աւետարան Էջմիշի, ի Յովսէփ Ստրճիգովսկի: (Byzantinische Denkmäler, I. Das Etschmiadzin — Evangeliart von Dr. Joseph Strzygowski Wien, 1891). (Ը. և 128 էջ ի 4, ութուտասն փորագրութեամբք և ութ լուսատպագրօք): Այս ընտիր ուսուսմասիրութեան Հեղինակը ծնած է 1862ին Կալիցիա (Աւստրիոյ). դաստիարակութիւնն ընդունեցաւ ի Գերմանիա, և 1882էն ց'85 ուսաւ ի Համալսարանս Վիէննայ, Պերլինի և Միւնխէնի: Իմաստասիրական և բանասիրական ուսմանց Հետ մասնաւոր կերպով Հետեւեցաւ նաեւ ա-

\* Գերմանականէն ետքը նոյն մեծարգոյ հարք հրատարակեցին նաեւ հայ թարգմանութիւնը, աշխատասիրութեամբ Պիլէզիկեան Հ. Բառնաբայ ի վիէննա, ի 1893:

րուեստից պատմութեան : 1883ին ճանապարհորդեց ի Լոնտրա և ի Սկովտիա, 1885ին ի Բելճիա, Հոլանդա և Փարիզ, ուստի անցնելով յիտալիա, անդամակցեցաւ Հռովմայ գերմանական հնախօսական կաճառին : Մինչեւ այն ատեն միջին դարուց արուեստի ուսմամբ զբաղեր էր, և նոյն նիւթին վրայ գրուած մը հրատարակած էր ի Միւնխէն 1885ին Պարիսէրաբլէան Վերաբլէան Քրիստոսի խորագրով (Iconographie du baptême du Christ) . Իսկ յիտալիա գտնուած ժամանակ իւր մտադրութիւնը դարձուց արուեստից այն երկրին մէջ բարգաւաճանաց դարուն : Ի Հռովմ և յԱսիզի իր ըրած քանի մը գիւտեր նոր դրութեան մը հիմունք ընծայեցին՝ իտալական արուեստից Նեստորին՝ Զիմապուէի ստեղծագործութեանց և անոնց յառաջադիմութեան վրայ, և այդ ազդեցութեամբ շարագրեց Զիմապուէ և Հոմմ (Cimabue und Rom) գրուածք, զոր 1888ին հրատարակեց ի Վիէննա : Երկու տարի (1888-90) երկար ճանապարհորդութիւններ ըրաւ . բիւզանդական արուեստի յիշատակարանները ուսումնասիրելով գնաց ի Թեսաղոնիկէ, յԱթոս լեռան, յԱթէնա և ի Յունաստան, ի Կոստանդնուպոլիս և ի չրլակայս, յարեմտակողմն Փոքուն Ասիոյ և ի մերձակայ կղզիս, ի Տրապիզոն և ի Կովկաս, ի Մոսկուա և ի Պետրպուրկ : Այս ուղեւորութեանց ատեն եօթն հարիւրէն աւելի լուսանկար հաւաքեց, և այլ և այլ հանդէսներու մէջ զանազան ուսումնասիրութիւնք հրատարակեց, գլխաւորապէս նպատակ ունենալով անոնցմով ընդհանուր պատմութիւն մը ընծայել բիւզանդեան արուեստի . 1892 տարւոյն ալ Վիէննայի համալսարանին մէջ դասախօսութիւն ըրաւ ութեւտասն և իննեւտասն դարուց արուեստից պատմութեան և Լէոնարդ Տաւինչիի, Աւստրիոյ ոստանին Թանգարանաց մէջ անձամբ առաջնորդեալ աշակերտաց հմտանալու գործնականին հրահանգութեան :

Հաւատարիմ մեր սկզբան՝ դատաստան չընելու գործոյն վրայ, առանց նախ ճանչնալու հեղինակն և այն մի-

Ջոցներն որոնց մէջ ըրած է իր ուսմունք, կը համարինք թէ ըստ բաւականի ցուցինք՝ թէ Ստրգիգովսկի արուեստի նկատմամբ լիուրի իրաւունք ունի հմտաբար խօսելու, և ամենայն վստահութեան արժանի են իր կարծիք։ 1889 օգոստոս ամսոյն վերջերը իր ուղեւորութիւնք առաջնորդեցին նմա յԵջմիածին։ Դժբաղդաբար սրբազան կաթողիկոսն բացակայ էր նոյն ատեն ի վանաց. և մատենադարանապետն Ներսէս եպիսկոպոս չէր ուզեր թոյլ տալ նմա՝ ականարկ մը ձգել մանրանկարութեան զարդարուած գրչագրաց վրայ։ Պրոսէէ տրուած տեղեկութեանց համեմատ՝ չէր կարծեր երկոտասաներորդ դարէ առաջ գրուած ձեռագրաց հանդիպիլ։ Քանի՜ մեծ եղաւ զարմանքն երբ անոնց մէջ գտաւ հոյակապ աւետարան մը 28 հարկւրամետր լայնութիւն ու 34 հմ. երկայնութիւն ունեցող մագաղաթի վրայ՝ միջին մետրոպեան տառերով, կազմուած հին քրիստոնէական փղոսկրեայ կազմով, և տասնուհինգ ի սկզբան և չորս ի վերջոյ մանրանկար պատկերներով, բաց ուրիշ խոշոր և անարուեստ մանրանկարուց ի լուսանցս։ Հետամտութեամբ պնդելով յաջողեցաւ Ստրգիգովսկի ձեռք ձգել զհրաման լուսագրելու այս մանրանկարքը, բայց բացարձակաբար թոյլ չէր տրուեր՝ որ նոյնը կարող ըլլայ ընել ձեռագրին վերջին երեսին համար։ Վրան ժամանակ անցնելէն ետքը՝ Կոստանդնուպոլսոյ դեսպանատան առաջին խորհրդականին Վոն-Սքիեսլի միջնորդութեամբ և աղերսանօք առ կաթողիկոսն՝ ղրկուեցաւ բնագրին այս մասին օրինակ մը, որ դրուած է յ'էջ 18 տպագրին, և որ ընդօրինակողին կողմանէ դրուած յիշատակարանն է՝ տեղեկութիւններով գրչագրին վրայ, և թուականի գրութեանն՝ զոր կրնանք համարիլ, թէպէտ մեծ զգուշութեամբ, Քրիստոսի 989 թուականին գրուած։ Ընդօրինակողն է՝ Յովհաննէս անունով ոմն, վասն Ստեփանոս քահանայի, որ եղբորորդի և աշակերտ է ուրիշ Ստեփանոս քահանայի մը՝ հիմնադրի Նորավանից, որոյ հիմնարկութիւնն՝ ըստ Ստեփա-

նոսի Սիւնեցւոյ (Պատմ. տանն Սիսական, տպ. Էմին, Մոսկուա 1861) Քրիստոսի 936 թուականին կ'իյնայ: Այս վանք շինուած է ի գաւառին Վայոց ձոր, և աւետարանը սահմանուած էր եկեղեցւոյն գործածութեան համար: Չի գիտցուիր թէ ինչպէս իջմիածին փոխադրուեր է՝ նզովիւքն թէ ով որ համարձակի սուրբ աւետարանն նոյն տեղէն վերցընել, սատանայի նման մերժուի ի փառաց որդւոյն Աստուծոյ, անիծեալ հոգւով և մարմնով և դատապարտեալ յՈրդւոյն Աստուծոյ ընդ սեղանազերծ աւորէնս: Այս ձեռագրին ծանօթ էր արդէն կոմսն Սերգէյ Ուվարով \*:

\* \* \*

Մեծ խնամքով կը ստորագրէ Ստրգիգովսքի Էջմիածնի աւետարանը (17-75), և կ'ապացուցանէ թէ փղոսկրեայ կազմն վեցերորդ դարուն առաջին կիսուն փորագրութիւնն է, և իտալիոյ Հռաւեննա քաղաքէն եկած, որ այս տեսակ գործուածոց մէջ հռչակաւոր էր ի ժամանակին, մինչդեռ ի սկիզբն գրոցն և ի վերջն դրուած մանրանկարք՝ ասորականք են, և փորագրութեանց հաւասար հնութիւն ունին:

Ստրգիգովսքիի երկասիրութեան առաջին էջը (1-17) Էջմիածնի վանքին և եկեղեցւոյն նուիրուած են, և կ'ամփոփեն զնմանահանութիւնս յատակագծից վանացն՝ զորս արդէն հրատարակած է Պրոսէ իր ի Հայաստան և ի Վիրս ըրած հնախօսական ճանապարհորդութեան տեղեկագրին մէջ ի 1847 և ի 1848. և որոնք դարձեալ մէջ բերուած են ի Դ. Ի. Գրիմէ յիւրում գրուածին Յեւ-

\* Տես ի Յիշատակագիրս Ե. Ժողովոյ Հնախօսից ի Թիֆլիզ, 1872, և Թարգմանութիւնն ի գաղղիական՝ ի Մուրիէր. Թիֆլիզ, 1883. նոյնպէս և զԹարգմանութիւն ի ռուս ի Ստասովէ, որ հայերէն հրատարակեցաւ յԱրշակունի օրագրի ի 1886 ի թիւս 26-29:

որակարժեքի մարդաբանական խնդիրներն էլ Հայաստան եւ Վեր (Ս. Պետրպուրկ, 1859), ինչպէս և յերկասիրութեան Ալիշան վարդապետի: Հեղինակն այնպէս կը կարծէ (յ'էջ 14) որ Հայք յառաջ քան գերիստոնէութիւնն իրենց յատուկ արուեստ ունեցած չեն, և թէ առաւել քան զսասանեան հռովմէական արուեստին ազդեցութիւնն ընդունած են: Քրիստոնէութիւնն ընդունելէն ետքը սկսաւ երեւիլ ի նոսա յատուկ ոճ կամ եղանակ մը՝ որոյ առաջին երեւումը կը գնէ Աքնաս (Պարսկերէն der bildenden Künste, Գ. յ'էջ 520) ի սկզնաւորութեան եօթներորդ դարու, բայց հարկ է թերեւս իջնել մինչեւ ի դարն իններորդ: Ստրգիգովսքի կը յանձնարարէ տակաւին հետաւումս ըլլալ ամենէն վաղեմի կարծուած եկեղեցեաց, և անգրադարձութիւնն ընել կու տայ Գէորգեան ճեմարանին գաւթին մէջ դրուած չորս բիւզանդեան սիւնագլխոց նկատմամբ, որոց խօսքը չընէր Ալիշան վարդապետ, և որոց վրայ կը տեսնուին մենագրութիւնք Ներսիսի Գ Շինող կաթողիկոսի (648-9669), և սահմանուած են եկեղեցւոյ մը գմբէթը վեր վերցընելու համար:

Իր երկասիրութեան 75-97 իջից մէջ՝ Ստրգիգովսքի կը խօսի հայկական դրուագագործութեան (plastique) և մանրանկարուց վրայ յառաջ և յետոյ քան զերեքտասան դար. ինչպէս նաեւ զարդագործութեան (ornementation). Իր քննութիւններէն կը հետեւի՝ որ հին ատեններ յԱսորւոց կ'ըլլային ներածութիւնք մանրանկարուց, բայց արդէն ի հինգերորդ դարու բիւզանդական ազդեցութիւն զգալի կ'ըլլար, և Ասորեստանի տիրապետութենէն ետքը, ամենակարող յեօթներորդ դարու: Սակայն կամաց կամաց բիւզանդեան ձեւք կը կարգաւորուին, և ի չորեքտասներորդ դարու հայկական մասնաւոր ոճը կը ձեւանայ, որ ցայսօր կը պահուի: Կոմսն Ուվարով Էջմիածնի աւետարանին ասորական մանրանկարներն՝ հայկական արուեստի արտադրութիւնք համարեր էր: Զկներու, թրուչնոց, կենդանեաց կերպարանքով ձեւացած այբուբենի

տառերուն նկատմամբ՝ Ստրզիգովսկի անդրադարձը ներկու տայ՝ թէ նոյնպիսի ճաշակ կ'երեւնայ նաեւ մերովինկեան արուեստին մէջ: Բաւական է աչքէ անցընել Պերլինի համալսարանի մատենադարանին հայ գրչագրաց ցուցակը, զոր յօրինեց Ն. Քարամեան (Die Handschriften-verzeichnisse der K. K. Bipliotek zu Berlin, 18ter Band: Verzeichniss der armenischen Handschriften, Berlin 1888), իմանալու համար թէ որպիսի արագութեամբ մանրանկարի արուեստ յառաջադիմեր է Հայոց մէջ, և որ արդիւնք է անշուշտ Կիլիկիոյ թագաւորութեան կենսական ուժոյն և Լեւոն Գ թագաւորին նախաձեռնութեան, մինչդեռ միւս կողմանէ ճարտարապետութիւն իրեն ամենաբարդաւաճ վիճակին հասած է Բագրատունեաց ժամանակ, ինչպէս քաջայայտ կը տեսնուի Պրոսէի և այլոց հրատարակած Անւոյ աւերակաց տեսարաններէն:



Բայց հարկ է նկատել տանք, որ եթէ կարծուիլ ուզուի որ Էլմիսաճնի աւետարան գրեալ յ'989՝ ազգային ստեղծականութիւն կամ նկարչութիւն կը ներկայացընէ, Ստրզիգովսկիի հետազօտութիւնք բոլորովին ժխտականն կ'ապացուցանեն: Քանդակքն, ինչպէս քիչ յառաջ ըսինք, յիտալիոյ եկած են և մանրանկարք յԱսորեստանէ, իսկ ընդօրինակողին կողմանէ աւելցուած քանի մը աննշան ճաշակք նկարուց՝ ուրիշ բան չեն բայց եթէ անվարժ և հետեւակ բաներ: Ազգային արուեստի տեսակիտով բոլորովին ժխտական այս արդիւնք՝ չեն դադրիր մեզ համար մեծ կարեւորութիւն մը ունենալէն, որովհետեւ անով կրնանք դատել բիւզանդական արուեստին ընդարձակութիւնն և ճշդել զթուականս բարդաւաճանաց ազգային արուեստի Հայոց մէջ: Սակայն յամենայն դէպս պէտք է ընդունիլ նոր արտադրիչ մը (facteur) ի պատ-

մութեան Հայոց՝ նկատմամբ իր արուեստական մշակութեան։ Արդէն Տիւպուա Մոնփէրոյի ու Շարլ Դէքսիէի նման ճանապարհորդք, ինչպէս նաեւ հնախօսք ալ ընտիր նիւթեր մատուցած են մեզ, որովք մարթ է մեզ այս նոր ուսման՝ շահեկանութեամբ մօտենալ։ Շատ անգամ յիշատակեցինք Պրոսէի գրուածներն, յիշե՞նք նաեւ Դաւթի Իւանովիչ Գրիմ, որ մանրամասն կ'ընծայէ մեզ ամէն հին եկեղեցեաց յատակագիծքն՝ որ ճարտարապետական մասամբ նշանաւորք են. ինչպէս Սանահին, Հաղբատ, Ուզունլար, Անւոյ մայր եկեղեցին, Սրբուհի Հռիփսիմէի վաղարշապաա և Էջմիածին. ուրիշ գրուածոց մէջ ալ, ինչպէս Փրանց Վոն Ռեբէրի Միլն Դաւիթ արուեստից պատմութեան մէջ զանց չըլլուիր նաեւ հայկական արուեստին վրայ տեղեկութիւն, ինչպէս Անւոյ մայր եկեղեցւոյն պատկերը մէջ բերելով դիտել կու տայ՝ թէ այդ շինութիւն ապացոյց մ'է հայ ժողովրդեան մեծ հանճարոյն առ ճարտարապետութիւն։ Յիշեցինք յառաջ Պօղ Նիկարդի մէկ յիշատակագիրը, յորում հեղինակը ետեւէ կ'ըլլայ յուզել փնտռել Հայաստանի արուեստական պայմանները շատ աւելի հին ժամանակաց մէջ։ Պր. Յ. Մորկան՝ իր հոյակապ տեղեկագրին մէջ առ Նախարարն Հասարակաց կրթութեան ի Փաղղիա՝ իր ուսումնական հետազօտութեանց ի կովկաս, (Les premiers âges des métaux dans l'Arménie russe, Paris, Leroux, ի հատորն առաջին), շատ աւելի հին ժամանակներն կ'ենլէ. « Աւելի նախնական ժամանակաց մէջ, կ'ըսէ Ճէյմս Տարմէստէտէր իր տեղեկագրին մէջ առ Ասիական ընկերութիւն (1890, յունիս 26), Հայաստան ասորական ազդեցութեան տակ էր։ Այս բան կը գիտցուէր արդէն Ասորի արձանագրութիւններէն և հին Հայոց գրերու ձեւէն. Տը-Մորկան՝ ուրիշ բոլորովին նոր ապացոյց մ'ալ կը գտնէ՝ ռուսական Հայաստանի մէջ գտնուած նախապատմական գերեզմանաց մէջ. վասն զի գտեր է հոն պղնձէ ապարանջաններ հաւասարաչափ ծանրութեամբ որ



ասորական արեւու կամ լուսնի շրջանին բազմապատկու-  
թիւնքը կը ցուցնեն. ուստի և կը հետեւցնէ՝ թէ անդր-  
կովկասեան բնակիչք յարատեւակ վերաբերութեան մէջ  
էին ընդ Ասորեստանեայս, և թէ լիւդական դրամոց ե-  
րեւմանէն շատ յառաջ վաճառականական գործադրութիւնք  
կամ իրաւախոհութիւնք կ'ըլլային՝ հապտատուն ու միա-  
կերպ ծանրութիւն ունեցող օղակներով, և ոչ թէ ոսկե-  
ւոյ կամ արծաթի ձուլիւք: Տը-Մորկանի այս հատուած՝  
դրուած է ի Հեթանոսական հանդիսի (Revue archéologique,  
շար Գ, հատոր ԺԴ 1889 յէջ. 177-188) և խորագիրն  
է ի վերայ Գործածութեան կշռական դրոշմեան ի Հայաստան Ռա-  
մոյ՝ Եթովպոսական Ժամանակաց Տեղ: Իր տուած տեղեկա-  
գիրը շատ ընդարձակ է, և մանր կը քննէ հայ ժողո-  
վրդեան ծագումը և հին պատմութիւնը. և արուեստէն  
սկսելով՝ Հայաստանի քաղաքականութեան ամէն դարու  
կամ պարագայի վրայ կը խօսի:



Նկատմամբ մանրանկարուց, որոց հետաքննական ուս-  
մամբ կարելի է մեզ դատաստան ընել երկրի մը՝ կաւէ  
և ուրիշ նիւթերէ շինուած դրուագագործական արուես-  
տին վրայ, հմուտ պաւիերացի մը՝ իր երկրին Գիտութեանց  
ճեմարանին յիշատակագիր մը ներկայացոյց՝ Միւնխենի  
արքունական մատենադարանին երեք հայերէն ձեռագրաց  
մէջ գտնուած քանի մը մանրանկարներու վրայ (Sitzungs-  
berichte der bayerischen Akademie der Wissen-  
schaften, Jahrgang 1866 II, յէջ 555-561): Այս յիշատա-  
կագրին հեղինակն էր Յովակիմ քահանայ Սիկարտ (1823-  
1867) Միւնխենի կանոնիկոսաց ժողովոյն անդամ, որ  
Պաւիերայի դրուագագործական պատմութիւնը գրած է  
հմուտ և ընտիր ոճով (2 հատոր, 1862): Երեք հայկա-  
կան ձեռագիրքը որոց վրայ կը խօսի, և որ մեծապէս  
հետաքննական մանրանկարք ունին, են. Ա. Ժամանակաց մը՝

Գաթրըմէրի մատենադարանէն ստացուած, Քրիստոսի 1222 թուականին գրչութիւն. մանրանկարուց մէջ կը տեսնուին երկու վարդապետաց դէմքեր, կրելով զանուանս Ներսիսի կաթողիկոսի և Գրիգորի Լուսաւորչի: Բ. Աւետարան, Հանդերձ աղօթից յաւելուածներով. գրչութեամբ Յովհաննու եպիսկոպոսի՝ եղբօր Կիլիկիոյ Լեւոն Գ թագաւորի ի 1278: Հարկ չէ ըսել թէ ճոխ է զարդերով, և աւետարանիչը ներկայացնող պատկերներն ամենէն աւելի ընտիրքն են: Գ. 1427 թուին գրուած ձեռագիր մը, յորում պատարագամատոյց, Հոովմայ Աւբերտ Վիգմէրստադի հռչակաւոր գրատունէն առնուած և Պաւլոսի թագաւորին ընծայուած. և մանրանկարքն են, Քրիստոսի վերջին ընթրիք և պատարագի գլխաւոր արարողութիւնք: Այս երեք ձեռագրաց զարդագրութեան ոճ՝ խառն է բիւզանդական ու արաբացի արուեստի տարերաց հետ. ուստի Սիկարտ այս հետեւութիւն կը հանէ՝ թէ Հայք նկարչութեան արուեստի մէջ գրեթէ յամենայի հետեւող եղած են արաբական արուեստի՝ յորմէ (իրենց երկրին բնական դիրքովը) շրջապատուած էին. բայց որովհետեւ մարդկային կերպարանք նկարելը արգիւրուած էր Արաբաց, ուստի ասոր մէջ նմանեցան իրենց դրացի բիւզանդեան արուեստին: Տեղ տեղ կ'երեւնան նաեւ արեւմտականք, որոնք անշուշտ խաչակրաց ազդեցութեան հետեւանք են: Հեղինակը կը համարի՝ թէ հայ արուեստի բարգաւաճանքը երեքտասան դարուն երկրորդ կիսուն մէջ եղած ըլլայ, և քաղաքական ազատութեան կորստեամբ ինկած, և որովհետեւ քաղաքական ազատութիւն երբէք յերկարատեւ չեղաւ, ուստի և արուեստն միշտ օտար ազդեցութեան տակ, չկրցաւ բաւական զօրաւոր ըլլալ, և անկէ ազատ մնալով բո՛ւն իսկատիպ յիշատակարաններ արտադրել:

Տարակոյս չիկայ՝ թէ Սիկարտէն ի վեր շատ յառաջադիմութիւն եղած է, բայց մենք լաւ սեպեցինք յիշակել իր գրուած որ քիչ ծանօթ է. Մ. Կ. Պայետ՝

ուսուցիչ ի Լիոն, իր Ձեռնարկ բիզանդեան արտեսարի (Manuel de l'art byzantin) Փարիզ, 1883, գրուածին մէջ, յէջն 284, հետեւեալ դիտողութիւնն կ'ընէ. « Հայկական եկեղեցեաց ձեւ բիւզանդական է, բայց զանոնք կառուցող ճարտարապետք, զատուած ի կայսերութենէ, հարկ չեն սեպած իրենց մէջ սովորական եղող ձեւերուն ճիշդ հետեւիլ: Այդ անկախութիւն կը տեսնուի մանաւանդ զարդագործութեան մէջ, և երկրաչափական եղանակք՝ զորո՞ւ յաճախ կը կրկնեն՝ աւելի պարսիկ և արաբական ոճերը կը յիշեցընեն »: Ռեպէր ալ (Kunstgeschichte des mittelalters, Լայպցիկ 1886) կ'ըսէ. « Բիւզանդեան արուեստ կը բաղկանայ յարեւմտից և յարեւելից եկած տարրերք, որք Վոսփորի ասիանց վրայ իրարու հետ խառնուած են, ուր իրենց գլխաւոր կնիք ընդունելով, նորէն կը սփռին յայլեւայլ կողմանա, և մինչեւ ի հռաւոր սահմանա կայսերութեան: Իսկ Հայաստան՝ կրօնական բաժանմամբ մը անկէ զատուելով՝ ասորական շատ տարերք կ'ընդունի, մինչ Վրաստան՝ հաւատարիմ մնալովն յունական եկեղեցւոյն, կը պահէ զո՞ճ բիւզանդական: Լսենք ի վերջոյ ինչ որ Ստրգիգովսքի կ'ըսէ իր Պատկերագրութեան Տրագոմետի Բիւզանդի մէջ (յէջ 9 և 15). « Հռովմայեցի ժողովրդեան վատթարանալովը հին արուեստն ալ կ'իյնայ, և անոր աւերակաց վրայ նոր ոճ մը կը բարձրանայ, քրիստոնեայ արուեստ, որոյ առաջին սկզբնաւորութիւն ի հալածանաց խեղդուեր, և արեւելեան ազդեցութեամբ տեղափոխուեր է ի Բիւզանդիոն. մինչ յարեւմուտս ատեն անցնելէն ետքը կը տիրապետէ գերմանական արուեստ, անանկ որ այս երկու արուեստք, գերմանականն և բիւզանդեան, իրենց մէջ կը բաժնեն հին հռովմէական կայսերութիւնը, Հռուսեննա քաղաք կ'ըլլայ այն ատեն գլխաւոր յառաջապահ բիւզանդեան արուեստի յարեւմուտս: Այս արուեստ իր կատարեալ և բնորոշ ձեւը կ'առնու Յուստինիանոսի թագաւորութեան ժամանակ՝ ոչ միայն այն ա-

տենուան արուեստական շարժման շնորհիւ, այլ նաեւ կայսեր անձնական գործունէութեամբ: Կոստանդնուպոլսոյ մէջ մեծամեծ եկեղեցեաց կառուցումն՝ կ'որոշէ ճարտարապետութեան կնիքն և շինուածոց զարդարանք կը ճոխանան մուսիոն նկարուք՝ որ կը փայլեցընեն արեւելեան նկարչութեան գեղն ու պայծառութիւն: Անտարակոյս այս յառաջդիմութիւն մեծապէս օգտակար կրնար ըլլալ և արդարեալ՝ եթէ այլ և այլ եկեղեցական և քաղաքային արդիւններով խափանուած չըլլար, զորս հոս մէջ բերելն աւելորդ է »:



Հայկական արուեստի նկատմամբ կը մնայ մեզ ուրիշ հարկաւոր կէտ մ'ալ նշանակել՝ թէ արդեօք բաւական ապացոյց, կամ մանաւանդ բաւական հաստատուն պատճառաւորութիւնք կա՞ն հիմակուընէ վրան դատաստան մը ընելու: Արդեօք լաւագոյն չէ՞ դեռ եւս սպասելը՝ մինչեւ որ ճոխագոյն նիւթեր հաւաքուին: Օրինակ իմն, դըժուարին է հաւատալ՝ թէ ճարտարապետութիւն կարող եղած ըլլայ բարգաւաճիլ առանց ուրիշ արուեստներու. բայց այս երկրորդական կամ յարակից արուեստից ո՞րչափ յիշատակարանք կորած են ի պատերազմաց և ի քաղաքական յուզմանց, և շատերն եւս անխորհուրդ անհոգութեան զոհ եղած: Ասանկ կը պատմուի՝ թէ մենաստանի մը մէջ գտնուող կրօնաւորք անհոգ ու անխնամ կերպով կը պահպանէին իրենց մատենադարանը, և երբ կաթողիկոսի այցելութեան լուրն առին, չփոթած փութացին բոլոր գրքերն ջուրը ձգել որպէս զի յանդիմանութեան արժանի չըլլան: Քանի՞ գանձք անհետացած են այն ողբալի սովորութեամբ՝ չհասկացած կամ անընթեռնի համարուած գրքերն հողի տակ թաղելու կամ հըռչակաւոր անձանց գերեզմանին մէջ զետեղելու: Թող որ շատ անգամ հետաքննիք չեն յաջողիր՝ որ եղածը ցոյց

տրուի իրենց, կամ ցուցուածէն օգուտ քաղելու հրամանը կը զլացուի: Այս ամէն ըսածներուս հետեւանքն այն կ'ըլլայ, որ արուեստականաց կամ բանասիրական նիւթոց մէջ շատ անգամ կը փութացուին վարդապետութիւնք կամ կարծիք ընդհանրացընել: Ստրգիգովաքիի երկասիրութիւն մինչեւ հոն կը հասնի, որ կարող ըլլայ առաջնորդուելու համար՝ ցոյց տալ լաւ ճանապարհը և մեզ կ'երեւնայ՝ թէ մեծապէս օգտակար է այս՝ քան թէ հըմուտ ուսուցչապետը ընծայէր մեզ ընդհանուր գրուածք մը՝ զոր բնականաբար շատ աւելի դիւրին էր կազմել, և որ ճարտարութեան գործ մը կրնար ըլլալ, բայց ոչ արդիւնք լուրջ ուսումնասիրութեան:

### Ֆ Ե Տ Տ Է Ր

Ժամանակակից հայագէտ մ'է Ֆետտէր, աշակերտ Թիւպինկէնի համալսարանի, ուսուցիչ Հիմպլի: Շատ տարիներ յառաջ իր հայկական ուսմանց երախայրիք մի ընծայեց նա՝ ուսումնական աշխարհի, Ներսիսի Լամբրոնացւոյ գրութեան մը թարգմանութեամբ, որուն հանդիպել է Միւնխէնի արքունի մատենադարանին երեսուն թիւ ունեցող ձեռագրոյն մէջ, որ խաչակրաց պատմութեան նկատմամբ հետաքրքրական էր, և 1881ին հրատարակեց զայն ի Պատմական Տարեգիր (Historisches Jahrbuch):

Ներշլի Հայրաբերութեան (Patrologia) մէջ ալ զետեղեց՝ Հայ եկեղեցւոյ հարց և անոնց գրուածոց վրայ հմուտ ծանօթութեամբ տեղեկութիւններ: Ասանկ սրբոյն Մեսրոպայ վրայ, զոր Հայոց առաքելու կոչէր (Der Heilige Mesrop, Apostel Armeniens, 215-227), քաղելով ինչպէս կ'ակնարկէ ի խորագրին, ի մատենից Կորեան, խորենացւոյ և Փարպեցւոյ: Իր արդէն ծանօթ վարքը պատ-

մեւէն ետքը, մէջ կը բերէ իրեն ընծայուած երկասիրութիւնքը, զթարգմանութիւն սուրբ Գրոց, զԵկեղեցական պատմութիւն Եւսերի կեսարացւոյ, զԺամանակագրութեան կամ զպատարագամատուցի (Die Ueberlieferung der Armenischen Kirche nennt ihn insbesondere als Verfasser de Busslieder für die heilige Fastenzeit): Մեսրոպայ կոտայ նաեւ զթարգմանութիւն ճառից սրբոյն Գրիգորի Լուսաւորչի, Յանապետոս անուամբ ծանօթ գրքին՝ զոր կը համարի ի յունէ փոխաբերեալ ի հայ. և Նայման գերման հայագիտին՝ Հայկական մատենագրութեան պատմութեան մէջ յիշատակած կեղակարծ և անստոյգ մէկ վկայութիւնը յառաջ կը բերէ, իբր թէ Յանապետոս գրոց յոյն գրով բնագիրը դեռ եւս կը պահուի ի Փարիզ Գաղղիոյ՝ ազգային մատենադարանին ձեռագրաց մէջ:

Կը խօսի ապա Ֆէտտէր սրբոյն Մեսրոպայ վարդապետականին վրայ, ըստ այլեւայլ մասանց հաւատոյ, առանձինն եօթն գլուխներով և ստորաբաժանումներով: Կը յիշատակէ զտպագրութիւնս Յանապետոս գրոց ի Կոստանդնուպոլիս ի 1737, և դար մը ետքը ի Վենետիկ, 1838: Թարգմանութիւնն ի գերման լեզու, հրատարակեալ ի Թէկէնսպուրկ ի 1872:

Կը խօսի Կորեան (228—31) վրայ, և իր գրոց տպագրութեանց ի Վենետիկ, ի շարս մատենագրութեանց նախնեաց ի 1833, և ապա ի 1854 ի կարգի Սոփերաց, աւելի համառօտ ոճով:

Կը յիշէ զեպիսկոպոսն բագրեւանդայ զԵզնիկ, քաղելով ի գրոց Կորեան և Խորենացւոյ՝ իր վարուց նկատմամբ եղած յիշատակութիւնքը: Նոյնպէս մէջ կը բերէ իր երկասիրութիւնքը, արդէն մեզի յայտնի աղբւրաց հետեւողութեամբ: Ասոնց մէջ նշանաւորք և հարազատք են՝ Եզնիկայ մասնակցութիւնը ի Թարգմանութեան սուրբ Գրոց, մեծ օժանդակ և ձեռնտու երեւնալով իր վարդապետաց, և ընդդէմ աղանդոց ընտիր գրուածքն,

լեզուով, ոճով և իմաստասիրութեամբ ամէն մեծարանաց արժանաւոր: Բնագրին տպագրութեանց հետ կը յիշէ նաեւ զամբողջ թարգմանութիւն Լըվայեռնի, և զմասնականն ի նոյն լեզու առ Լանկլուայի, Տիւլորէի, և այլն. նոյնպէս զմասնական թարգմանութիւնը ի գերման լեզու՝ Նայմանի և Վինտիշմանի երկասիրութեամբ: Նոյնպէս քննադատական հատուածներ Վիգերինի, Տիւլորէի, Եզեանցի, և այլն:

Կ'անցնի Խորենացոյ, զոր Geschichschreiber Armeniens կը կոչէ, համառօտելով կենսագրութիւնը: Կը խօսի գրուածոցը վրայ, իրեն տալով և զթարգմանութիւն Քրոնիկոնին Եւսեբեայ: Այս նիւթին վրայ աւելի ընդարձակ ուսումնասիրութիւն մը հրատարակեց ի 1892 Meses von Choren (Մովսէս Խորենացի) վերագրով:

Անկէ քիչ յառաջ տպագրեր էր ի պատիւ յոբելինի՝ Թիւպինկէնի սանսկրիտ լեզուի ուսուցիչ Ռութի Մ-ը Ի. Բ-ու Մշնացոյ գիրքը (Das Buch des Mar Aba von Nisibis) խորագիրը կրող ուսումնասիրութիւնը:

Մօտերս ալ ի լոյս ընծայեց հայկական հին գրականութեան նկատմամբ մեծապէս հետաքննական երկ մը Հիւ Հոյոյ աշոյին երգերը (Die Nationalen Gesänge der alten Armenier) կոչուած:

Մեր ուսումնական թերթք, և առանձինն Աւերեւ հանդէս, յաջորդաբար թարգմանութեամբ կը ծանօթացնէ գերմանական լեզուի անտեղեակ ազգայնոց, իր երկասիրութիւնները:

Մեր ժամանակաց հայագէտ մ'է նաեւ փրանկիսկոս (Կարոլոս Յովսէփ) Սասսէ, (Ծն. 1855) Հռենացի: Ծնընդեան քաղաքին դպրոցաց մէջ նախնական ուսումնական ընթացքն կատարելով, 1874ին Պաւարիոյ Միւնխէն քաղաքը՝ իմաստասիրական վարժից պարապեցաւ արքունի ակադիմիոյ մէջ. ուր երեք վեցամսեայ ժամանակ գովութեամբ յաճախելէն ետքը (1875-1876), Պոննի համալսարանին սեմական լեզուաց մասնագիտութեամբ զբա-

զելով, սորվեցաւ նաեւ զհայ լեզուն : Այդ դասընթացքին իրեն առաջնորդ և ուսուցիչ եղան՝ անուանի արեւելա-գէտքն Փրանկ . և Փրեդրիկ Տելիթիչ, Ֆլայշեր, Կիլտե-մաստէր, Քրեհէ, Լոթ, Փրիմ :

Հայկական լեզուի նկատմամբ՝ իր մէկ գրուածքը ձեռուընիս անցեր է, լատին լեզուով, Ափրաատայ պարսիկ իմաստնոյ, որ մեր մատենագրութեան մէջ Յակոբայ Զգօն հայրապետի կ'ընծայուի, ճառիցը վրայ ուսումնասիրութիւն մը, յորում յայտնի կ'երեւնայ իր հմտութիւն ոչ միայն հայ, այլ նաեւ ասորի լեզուաց, տպագրեալ ի 1878 :

Գրուածքին խորագիրն է . Prologomena in Aphraatis Sapientis Persæ Sermones homileticos. Dissertatio inauguralis quam ad summos in Philosophia honores ab amplissimo ordine Philosophorum Lipsiensi rite impetrandos scripsit C. J. Franciscus Sasse Rheineutis.

## Լ Ո Ր Տ Պ Ա Յ Ր Ն

Անգղիական ազգի և մատենագրութեան մէջ մեծա-համբաւ անձ և քերթող մը՝ անուանին Լորտ Պայրըն, առաջին կ'ըլլայ նոյն ազգին մէջ որ Վիսթոնեան եղբարցմէ ետքը կը պարապի հայկական լեզուի ուսումնասիրութեամբ :

1816ին ի վէնետիկ է նա : Զմայլելով անոր արուեստական հրաշալեացը վրայ ու սիրահար մեծ հասարակապետութեան անցելոյն պատմութեան, հոն կը շարադրէ իր Հոբելի գոթիկո-թիւններն, Եբել-Ֆոտալի երկասիրութիւնն և ուրիշ գրուածքներ : Այցելութիւն մը կ'ընէ նաեւ Ս . Ղազարու հայկական մենաստանին, ուր տեսնելով իրեն անծանօթ արեւելեան ազգի մը փոքրիկ գաղթա-



կանութիւն, կը մտերմանայ անոնց, կը սիրէ գործերնին և նպատակը. կը սիրէ միանգամայն հին լեզունին և մատենագրութիւն, և կը փափաքի անոնց ուսմամբ պարապիլ: Իրեն ուսուցիչ կ'ընտրէ զԱլգերեան Հ. Յարութիւն Վարդապետ:

Հետաքրքրական պիտի ըլլան հետեւեալ քաղուածները Թոմաս Մուրի հրատարակած Լոյս Պայրընի յեշտակութեան, որոց գաղղիարէն թարգմանութիւնքն ալ տպագրուած են ի Փարիզ ի 1831-2:

Վէնեթի, 4 դեկտ. 1816 (առ Մ. Մըրրէյ).

« Սկսայ և կը շարունակեմ զուսումն հայ լեզուի. զոր կրցածիս չափ կը սովորիմ հայ վանքի մը մէջ, ուր աւէն օր կ'երթամ մեծապէս գիտուն կրօնաւորէ մը դաս առնելու: Շատ հետաքննական տեղեկութեանց խելամուտ եղայ, և որք անօգուտ չեն այս արեւելեան ժողովրդեան մատենագրութեան և բարուց նկատմամբ: Շէնք մը կայ հոս, եկեղեցեալ ու մենաստանալ, ուր իննըսուն կրօնաւորք կը բնակին, և յորոց ոմանք գիտութեամբ ու տաղանդով լի անձինք են: Տպարան մ'ալ ունին, ու մեծ փոյթ ու ջանք ազգերնին լուսաւորելու: Ինձ անանկ կ'երեւայ թէ լեզունին՝ որ կրկին է, ճշմարէտ և աշխարհի, շատ դժուարութիւնք ունի, բայց անյաղթելիք չեն, գէթ այնպէս կը յուսամ, և պիտի շարունակեմ: Պէտք մը կը զգայի միտքս դժուարին ուսմամբ մը զբաղեցընելու, այս ինձ դժուարագոյնն երեւցաւ, զոր կրնայի գտնել, ու խարտոցի տեղ պիտի ծառայէ օձին կրծելուն »:

ՎԷՆԵՐԻՂ, 5 ԴԵԿՏ. 1816 (առ Մ. ՄԵՐՐԵՅ) .

« Զբօսանըլու համար՝ ամէն օր Հայոց մենաստանը կ'երթամ հայ լեզուն ուսանելու : Տեսայ որ միտքս սրուելու պէտք ունէր կարծր նիւթի մը վրայ, և ընտրեցի զայս՝ ամենէն աւելի դժուարինը զոր կարացի գտնել իբրեւ զուարթութիւն մը՝ չարչարանաց ենթարկելով մտադրութիւնս : Սակայն ճոխ լեզու մ'է, և առատապէս կը վարձատրէ ով որ զայն սորվելու աշխատանքէն չհրաժարի : Ես փորձ մը կ'ընեմ և պիտի շարունակեմ, բայց հիմկուհիմա բան մը չեմ կրնար զրուցել ոչ դիտաւորութեանս և ոչ մանաւանդ յաջողութեանս նկատմամբ : Շատ հետաքրքրական ձեռագիրք կան ի մենաստանիս, ինչպէս նաեւ գրքեր . նմանապէս կան յոյն, պարսիկ և ասորի հեղինակաց զրուածոց հին թարգմանութիւնք՝ որոց բնագիրք կորսուած են, առանց խօսքն ընելու միաբանից երկասիրութեանց : Զորս տարի յառաջ Գաղղիացիք հայերէն լեզուի աթոռ (chaire) մը հաստատեցին . երկուշաբթի առաւօտ քսան աշակերտք ներկայացան, լցուած երիտասարդական հասակի վստահութեամբ և աննկուն եռանդեամբ : Իրենց ազգին արժանաւոր հաստատամտութեամբ և ընդհանուր աշխարհակալութեան հոգով մինչեւ հինգշաբթի շարունակեցին, յորում այբուբենին քըսանըվեցերորդ տառովը՝ քսանէն հնգետասանը յաղթուեցան : Ստոյգ է որ ալփաբետաց Վաթէրլոյ մ'է . զայս ըսենք՝ զիրենք արդարացընելու համար : Բայց Գաղղիացւոց բնաւորութեանը յատուկ է շուտով ձանձրանալը, և յամենայնի անանկ վարուիլ ինչպէս կ'ընեն իրենց թագաւորին հետ » . . . :

Վենետիկ, 24 Դեկտ. 1816 (առ Մ. Մուր).

« Առաւօտուն կոնտողայովս ծովը կը կտրեմ, ու կ'երթամ հայերէն խօսելու սրբոյն Ղազարու մենաստանին կրօնաւորաց հետ, ու անոնցմէ միոյն օգնելու ի սրբագրել զանգղիարէն լեզու՝ անգղ-հայ քերականութեան մը զոր տպագրելու հետ են » :

Վենետիկ, 27 Դեկտ. 1816 (առ Մ. Մըրրէյ).

« Առտունները իմ հայկականի ուսումս կը շարունակեմ, ու կը հսկեմ գործակից ըլլալով ի շարագրութիւն անգղիական մասի՝ անգղ. հայ քերականութեան մը՝ որ այժմ կը տպագրուի ի սուրբ Ղազար : Մեծաւորը եպիսկոպոս մ'է ու ամենափառաւոր ծերունի մը.... հայրն Յարութիւն ալ գիտուն ու բարեպաշտ անձ մ'է : Երկու տարի կեցած է յԱնգղիա » :

Վենետիկ, 2 Եանուար 1871 (առ Մ. Մըրրէյ).

« Կը յղեմ առ քեզ, ուրիշ ծրարով մը, քանի մի թերթ անգղիարէն-հայերէն քերականութենէ ի պէտս Հայոց, զոր քաջալերեցի և տպագրել տուի. ինձ համար հազար ֆրանքէ աւելի չեղաւ ծախքս : Կը շարունակեմ ուսումս նոյն լեզուին, առանց արագ յառաջդիմութեան, բայց ամէն օր քիչ քիչ յառաջելով : Հայրն Յարութիւն իմ քիչ մը օգնելովս իր իտալական թարգմանութեանն

յանգղիական, ետեւէ է ձեռագրելու քերականութիւն մը առ ի դիւրել Անգղիացւոց զուսուսմն հայերենի. և երբ ձեռագիրն աւարտի՝ պիտի տպագրուի:

Կը փափաքէինք գիտնալ թէ արդեօք կը գտնուին յԱնգղիա, յՕքսֆորտ կամ ի Քէյմպրիճ և կամ ուրիշ տեղուանք տպագրական հայ նշանագիրք. կ'ենթադրեմ որ գիտես թէ շատ տարիներ յառաջ՝ երկու Վիստոն եղբարք հրատարակեցին յԱնգղիա Հայոց պատմութեան սկզբնագիր մը՝ լատին թարգմանութիւնն ալ իրենց կողմանէ աւելցընելով. միթէ կա՞ն դեռ եւս այդ տպագիր տառք և ո՞ր կը գտնուին: Կ'աղաչեմ տեղեկացիր այս նիւթոյն՝ քու իմաստուն ծանօթներէդ:

« Երբ այս քերականութիւնն (այսինքն հիմա տպագրուելու վրայ եղածը) հրատարակի, արդեօք յանձնառու կ'ըլլա՞ն քառասուն յիսուն օրինակ ստանալ, որ հընգետանի չափ ոսկւոյ կ'ըլլայ քեզի, որպէս զի վաճառքի հանելով՝ ուսումնականաց հետաքննութիւնը փորձես: Այո՛ կամ ոչ ըսէ ինձ, որպէս և հաճոյ երեւնայ քեզ: Կրնամ գրեզ վստահացընել որ այլ և այլ գրքեր կան հոս, և մանաւանդ ամենահետաքննական գրչագիրք և գլխաւորաբար հիմա կորսուած յոյն սկզբնագրոց հին թարգմանութիւնք. իմաստուն և արգոյ միաբանութիւն մ'է, և իրենց լեզուին ուսման մեծ եռանդեամբ ետեւէ եղած են՝ Պոնափարթի ժամանակէն քանի մի գաղղիացի գրագէտք »:

Հետեւեալ հատուածն գտնուած է Լորտ Պայրընի թղթոց մէջ, և կ'երեւնայ թէ մեր հիմայ յիշատակած հայ-անգղ. քերականութեան յառաջաբանի տեղ դրուելու համար գրուած է:

« Անգղիացի ընթերցողը անշուշտ պիտի զարմանայ՝ այսպիսի գրուածքի մը ի գլուխ տեսնելով զիս ընկերացած, և թերեւս ուզենայ զիս լեզուագէտ մը կարծել, մինչ այդպիսի համարման մը արժանանալէն շատ հեռու եմ: Եւ որովհետեւ չեմ ուզեր կամօքս զինքս սխալի մէջ

ձգել, համառօտիւ՝ որչափ կարելի է ցուցնեմ թէ ինչ կերպով մասնակից եղայ գրքիս շարագրութեան, և ինչ պատճառներով համոզուեցայ առ այն: Երբ 1816 ին հասայ ի Վենետիկ, տեսայ որ մտքիս վիճակը ուսման մը հետեւելու կարեւոր պէտք կը զգար, և այնպիսի ուսման մը որ երեւակայութեան քիչ տեղ ձգէ. ու դժուարութիւններ հանէ դիմացա: Նոյն միջոցին՝ տպաւորութիւն մը ըրաւ վրաս, ինչպէս անշուշտ ուրիշ ամէն ճանապարհորդաց, սրբոյն Ղազարու մենաստանին միաբանութիւնը, և ինծի երեւցաւ թէ միաբանական հիմնարկութեան մը ամէն օգտակարութիւններն ունենան, առանց թերութեանց հաղորդ ըլլալու: Կարգաւորութիւն, մաքրութիւն, քաղցրութիւն բարուց, ճշմարիտ ջերմութեան թիւն, հանճար և առաքինութիւն որ այս ուխտին միաբանելոց վրայ կը տեսնուին, շատ յարմարականք են աշխարհի մարդու մը սրտին մէջ տպաւորութիւն ընելու թէ ուրիշ և լաւագոյն աշխարհք մը կայ: Ազնիւ ու հարբտահարեալ ազգի մը քահանայք են, որ հաղորդ եղած է տարագրութեան և գերութեան Հրէից և Յունաց: Առանց միոյն պէս դաժան և միւսին նման գերի ըլլալու, այս ժողովուրդ դիզած է հարստութիւն առանց վաշխի, և ձեռք ձգեր այն ամէն պատիւ՝ որ գերութեան մը մէջ կրնան ստացուիլ, առանց խարդախութեան: Բայց ինչ ալ ըլլայ իրենց վիճակը ապագային մէջ, իրենց երկիրը միշտ պիտի մնայ տիեզերաց վրայի ամենէն աւելի հետաքննականներէն մէկը, և լեզունին աւելի հրապուրիչ լինելու համար՝ թերեւս ուրիշ պէտք չունի բայց եթէ աւելի ծանօթանալու: Եթէ սուրբ գրոց խօսքին տըրուած մեկնութիւնն ուղիղ է, Հայաստանի մէջ է դրախտը, որ այնչափ ծանրագին եղաւ Ադամայ սերնդեան երջանկութեան: Ի Հայաստան նախ ցածեան ջուրք ջրհեղեղի և աղանին վհատեցաւ: Բայց դրախտին անհետանալէն կրնանք թուել զսկսնաւորութիւն աղիտից աշխարհիս »:

ՎԷՆԵՐԻՒՆ, 3 Մարտ 1817 (առ Մ. ՄԱՐՏԻՆՅԱՆ) .

« Հայ քերականութիւնն հրատարակուեցաւ . բայց իմ հայկական ուսումնասիրութիւնք առ այժմ ի կախ մնացած են ինչուան գլխոյ ցաւերս քիչ մը մեղմանան » :

ՎԷՆԵՐԻՒՆ, 25 Մարտ, 1817 (առ Մ. ՄԱՐՏԻՆՅԱՆ) .

« Հայ քերականութիւնն հրատարակուեցաւ . այսինքն մին յերկուց, միւսն դեռ եւս ձեռագիր է : Հիւանդութիւնս ամիս մը ամբողջ տան մէջ արգիլեց զիս . ուստի և չկրցայ հայերենին ետեւէ ըլլալ » :

ՎԷՆԵՐԻՒՆ, 31 Մարտ 1817 (առ Մ. ՄԱՐՏԻՆՅԱՆ) .

« Ձեմ գիտեր գրեցի առ քեզ թէ երկու թուղթ թարգմանեցի, որոնք մասն են թղթակցութեան մը սրբոյն Պօղոսի ընդ Կորնթացիս, և մեր թարգմանութեան մէջ չըկան, այլ ի հայկականին միայն . և շատ ուղղափառականք կը թուին ինձ : Մաքուր և Աստուածաշնչի ոճով թարգմանեցի զանոնք յանգղիական » :

ՎԷՆԵՐԻՒՆ, 8 Յունիս 1817 (առ ՄԱՐՏԻՆՅԱՆ) .

« Թուղթս քեզ կը յանձնեն երկու հայ կրօնաւորք որ գնան յԱնգղիա, անտի ի Մադրաս նաւարկելու համար : Բերեն առ քեզ օրինակս ինչ ի Քերականութենէն զորս յանձն առիր ստանալ՝ եթէ յիշողութիւնս զիս չի խա-

բեր: Եթէ կրնաս իրենց օգտակար ըլլալ ծովային նաւարկութեանց կամ Հնդկային ընկերութեան մէջ ծանօթիցդ ձեռքով, կը յուսամ որ չես մերժեր աս նկատմամբ զիս պարտկան ընելու. որովհետեւ իրենք, ինչպէս նաեւ բոլոր միաբանութիւններն, մեծ մտադրութիւն և բարեհաճութիւն ցուցին առ իս Վենետիկ հասնելէս ի վեր: Մին կոչուի Հ. Սուքիաս Սոմալեան, և միւսն Հ. Սարգիս Թէոդորոսեան. կը խօսին իտալերէն, ու հաւանօրէն նաեւ գաղղիարէն և քիչ մը անգղիարէն: Զերմագին կը կրկնեմ յանձնարարութիւններս. թերեւս կարենաս գիւրել իրենց ճանապարհորդութիւնը, և տալ կամ ստանալ Հնդկաստանի համար յանձնարարական գրեր »:

Վենետիկ, 27 Յունուար 1818 (առ Մըրրէյ) .

« Հայրս — այս ինքն Հայ հայրս, — հայրն Յարութիւն՝ ի դիմաց մենաստանիս մեր ուրիշ հարց, կը շրկէ ծրարեալքս՝ հանդերձ բարեւներով: Եւսերեայ բնագրին ի վաղուց կորսուած և վերջի ատեններս յայտնուած հատուածոց թարգմանիչք, պատշաճ սեպելով յայտագիր մը հրատարակել, յորոց վեց օրինակ թղթիս հետ կ'ընդունիս, կը խնդրուի իրենց ընկերագիրք գտնել երկու համալսարաններէն, յիմաստնոց և ի տգիտաց որ տգիտութիւններն կ'ուզեն մէկգի նետել: Զայս կը խնդրէ վանքս, զոր կը խնդրեմ և ես, և զոր դու խնդրես ուրիշներէն »:

Իւր Հայ ու Անգղ. բառարանի յառաջաբանին մէջ հեղինակն Հ. Յարութիւն Ագերեան հետեւեալ խօսքերով կը բացատրէ իւր երախտագիտութիւնն առ Լորտ Պայրլըն՝ Միսիթարեանց վաստակոց ցուցած խնամոցն: Յետ յիշատակելոյ զբաշտելիչ օգնականութիւն զոր կ'ըն-

դունէր յայլեւայլ Անգղիացւոց, կը յաւելու. « ասոնց մէջ պարծանօք կը յիշենք զԼորտ Պայրըն, զհռչականուն ի քերթողս Անգղիոյ՝ իրենց քերթութեան ասենապայծառ դարուն: Հայերէն լեզուն մեր քով սորվելէն ետքը, ատիպեց զմեզ հրատարակել փոքր քերականութիւն մը անգղիարէն լեզուի ի հայ՝ Հայոցս համար, որ ձեռնտու եղաւ ի յօրինումն հայ քերականութեան անգղիական լեզուով իր ազգակցաց համար: Եդուարդ Լոմպ ասպետ, մեծ հանճարոյ տէր երիտասարդ մը՝ ատեն անցնելէն ետքը հրատարակել տուաւ զայն տպագրութեամբ: Վերջապէս ասպետն Յոհան Պրէնտ Վ. Ա. համալսարանին Քէյմպրիճի, տեսնելով որ այս երկու քերականութիւնք բաւական չեն ի ընդ զպէտս ուսումնասիրաց, և իմանալով որ մենք հետամուտ ենք ի յօրինումն բառգրոց ի փոխադարձ գործածութիւն անգղիացւոց և հայոց, իր օգնութիւնը խոստացաւ մեր այս ձեռնարկին »:

Ի վախճանի, ի Յէշտալարան թոմաս Մուրի, հրատարակեալս ի Լորտ Ռըսըլէ (1853) այս ծանօթութիւնը կը գտնենք յիշատակագրին ի 10 հոկտ. 1819. « Սրբոյն Մարկոսի եկեղեցին գնացի՝ պատարագի մը ներկայ գտնուելու. բայց շատ ուշ էր: Անտի գնացի ի կղզին հայ կրօնաւորաց. վայելուչ տեղի մը, և դիրքն ալ աննման. ընտիր տպարան մը ունին, ուր հայերէն լեզուով գրքեր կը հրատարակեն »: Կը տեսնուի ուրեմն որ նաեւ ինքն Մուր յայց ելած էր սրբոյն Ղազարու կղզեկին:

## Ս. ՄԱԼԱՆ

Պայրընէն ետքը Անգղիացւոց մէջ հայկական լեզուի ուսմամբ զբաղողն եղած է Սողոմոն Կեսար Մալան երէցն, վարդապետ (նորադանդ) աստուածաբանութեան և որդի Կեսար Հենրիկ Աբրահամ երիցու, որ անուանի



աստուածաբանի և քարոզչի անուն ունէր ի Գենուա իր կրօնակցաց մէջ: Մալան որդի՝ որոյ վերայ է մեր խօսքը, ծնած է ի 22 ապրիլ, 1812, սորված է յ'Օքսֆորտ, ի վարժոցն Edmund stall, որ և մրցանակի կամ դպրոցական օգնութեան արժանաւոր սեպուած սանաքրիտ ու հերրայական լեզուաց մէջ յառաջադիմութեան համար: 1838ին գնաց ի Կալկաթա՝ վարդապետ դասական լեզուաց յեպիսկոպոսական դպրոցի (Bishop's College) տեղւոյն, ուր և մնաց ցամն 1840: Տարի մը յառաջագոյն Պենկալայի ասիական ընկերութեան քարտուղար անուանուած էր և եկեղեցական զանազան աւագութեանց բարձրացած:

Զմիւռնիոյ մէջ գտնուած ատենին ետեւէ եղաւ հայ լեզուի ուսման, և ուզելով բուն իսկ իր խօսքերն երկրորդել « որովհետեւ շատ սիրեց և սքանչացաւ լեզուին վրայ՝ ալ չուզեց ետ կենալ անոր ուսմանէն »: Այլ և աղօթքներ և հոգեւոր գրքեր թարգմանեց ի հայէ յանգղիականն. ինչպէս Եւդոկիացի Հ. Մատթէոս վարդապետի Մտածութիւնս ի չարչարան Քրիստոսի (Meditations on our Lord's Passion, 1863) և Գիւր հանապազօրեայ ողբեր (Thoughts for every day in Lent, 1867): Իր գրուածոցը մէջ կարեւորագոյնն է՝ Կեանք և Ժամանակ սրբոյն Գրիգորի Լուսաւորչի, որ ինչպէս յայտնի է՝ հիմնադիր պաշտպան է հայաստան եկեղեցւոյ (Vie et époque de S. Grégoire l'Illuminateur), թարգմանեալ ի հայ լեզուէ և տպագրեալ ի 1868: Եւ որովհետեւ այս տպագրութիւնս վաճառքի դրուած չէ, օրինակաց մեծագոյն մասը ի Կալկաթա գրկուած ըլլալուն, անտարակոյս մանրամասն տեղեկութիւն մը տալ՝ հաճոյ պիտի ըլլայ մեր ընթերցողաց: Ներածութեան մէջ համառօտ տեղեկութիւն մը կուտայ Հայաստանեայց եկեղեցւոյ և հայ ժողովրդեան վրայ, ոռւս լեզուով գրուած քանի մի պաշտօնական գրութիւններէ թարգմանելով. ինչպէս 1843 տարւոյն ներքին մատակարարութեան նախագիծ օրինակը, յորմէ

օրինակ մը ընդունեցաւ Մալան ի Պլաքմոր (Blackmor R. W.) երիցուէ, որ ինքն ալ ընդունած էր ի Ներսիսէ այն ժամանակին Հայոց կաթողիկոսէ, որուն այցելուութեան եկաւ յէջմիածին զօրավարն Մուրաւիէւ, ինչպէս կը պատմէ այս ճանապարհորդ: Ասկէ կրնանք հետեւցնել թէ համառօտութեանս մէջ տրուած տեղեկութիւնք ճիշդ են: Երեք գլխի բաժնուած է այս ծանօթութիւն. և նախ Հայոց թագաւորութեան ու ժողովրդեան վրայ (3-22), երկրորդ Հայոց եկեղեցւոյն (23-50), և երրորդ Հայոց նուիրապետութեան վրայ (51-66): Ներածութենէն ետք դրուած է՝ նոյնպէս երեք մասի բաժնուած, պատմութիւն մտից քրիստոնէութեան ի Հայս, և նախ Գործք և վկայաբանութիւն սուրբ առաքելոյն Թադէի, Թարգմանուած ի հայկական տպագրութենէն Վենետիկոյ 1853 (66-99). երկրորդ՝ Գործք և վկայաբանութիւն սուրբ առաքելոյն Բարթողիմէայ, Թարգմանուած նմանապէս ի հայ տպագրէն Վենետիկոյ ի 1854 (99-104), և երրորդ վարք և ժամանակ սրբոյն Գրիգորի Լուսաւորչի, Թարգմանեալ ի հայ բնագրէն Մատթէոս վարդապետի Եւդոկիացւոյ հրատարակելոյ ի Վենետիկ ի 1749 (105-188): « Գրուածիս առաջին մասը պատրաստելուս ատեն, կ'ըսէ Մալան, երկու բանի մէջ հարկ էր ինձ ընտրութիւն ընել. կամ ետեւէ ըլլալ ընտրութեան նիւթերուս և գրել քննադատական պատմութիւն մը սրբոյն Գրիգորի, և կամ արդէն եղածը Թարգմանել, հիմնուելով ընդունելի հեղինակութեանց վրայ, օրինակ իմն՝ Ագաթանգեղոսի կամ Սիմէոնի Մետափրաստեայ, և որոյ հեղինակն հայ մ'է, վառուած հայու մը համակրութեամբ առ « արեգակն Հայաստանեայց » ինչպէս իր հայրենակիցք կը կոչեն զսուրբն Գրիգոր: Այս ընտրութեան մէջ նախամեծար սեպեցի երկրորդը, վասն զի նպատակս ոչ այնչափ է որոշել զճշմարտութիւնն ի կեղծեաց, կամ հաւանականը ի պարզապէս անվաւերականաց, որչափ անգղիական լեզուով պատմութիւնն ընել առաջին պատրիար-

քին և պաշտպանին Հայաստանեայց՝ անանկ ինչպէս որ հասարակաբար ընդունուած է իր եկեղեցւոյն մէջ, առանց իմ կողմանէս մեկնութիւն մը աւելցնելու, բաց ի քանի մը բառէ կամ ծանօթութիւն մը տալէ՝ զոր հարկաւոր սեպած եմ, և այս դիպուածին մէջ՝ ջանացեր եմ միշտ փակագծի մէջ առնուլ իմ կողմանէ գրուած տողերը։ Ուստի ըրածս ուրիշ բան չէ՝ բայց քերականական թարգմանութիւն մը, և մասնաւոր դարձուածներն ալ դիտմամբ պահեր եմ որպէս զի հասկըցընեմ ընթերցողին՝ թէ ինչպէս սկզբնագրին ասանկ ալ թարգմանութեանս իմաստքը միայն հեղինակին կը վերաբերին և ոչ թէ ինձ յատուկը են »։

Բաց յայս երկից գլխոց Թաղէի, Բարթուղիմեայ և Ս. Գրիգորի վրայ, Մալան միտք ունէր ուրիշ հինգ գլուխ ալ աւելցընել։ Բայց անոնք այս հրատարակութեան մէջ չանցան, ու ժամանակ անցնելէն ետքը տպագրուեցան։ Առաջինն է Դասանոթիւն հասարայ եկեղեցոյ Հայաստանեայց, որ Ֆորթլաքիւ հարիւրապետին Հայաստան եկեղեցւոյ վրայ գրած գրքին մէջ տպագրուեցաւ (249-289)։ Թարգմանիչն դիտել կուտայ որ « Այս թարգմանութեան ձեռք զարկի Յովսեփայ Տոլկորուքի իշխանին ու նախկին Հայոց կաթողիկոսի ռուս լեզուով գրուած երկասիրութենէ մը տպագրելոյ ի Պետրպուրկ ի 1799, և որ ցայսօր այս նիւթիս վրայ եղած հրատարակութեանց մէջ ընտրելագոյն համարուածն է։ Թէպէտ և այնպէս կը կարծուի թէ ի հայերենէ թարգմանուած է՝ խորագրէն դատելով, բայց մէկէն իմացայ որ բառ առ բառ թարգմանութիւն է Դաւանութեան հաւատոյ Հայաստանեայց եկեղեցւոյ, զոր Շրօտէր գրեր ու ծանօթութիւններով տըպագրեր է յիւր գիրսն Գանձ լեզուին Հայոց։ Ուստի հայկականին վրայէն թարգմանեցի զայն յանգլիարէն, բաղդատելով զսկզբնագիրն ընդ ռուս թարգմանութեան, որ բաւական հաւատարիմ է. միայն թէ ի բաց թողլով գերմանացի ուսուցչին հմուտ և քննադատական ծանօթու-

թիւներն: Բայց խիթալով որ չըլլայ թէ սխալիմ իրեն հետեւելով, գրեցի ի Պետրպուրկ, և շնորհիւ բարեսիրութեան մեծափառ Տրկալովներին, նախկին նախարարի ուսմանց, իմացայ ի Յ. Դ. Գեղիանովէ որ հայազգի մ'է, ժերակուտի անդամ և պետական պաշտօնեայ, հասարակաց կրթութեան պաշտօնարանին անդամ և տեսուչ կայսերական մատենադարանին՝ թէ Յովսէփ կաթուղիկոսին ձեռքով եղած ուսւ թարգմանութեան հայերէն սկզբնագրին օրինակ չկայ, որով Շրօտէրի գրուածքը կրնանք հայաստան եկեղեցւոյ հաւատոց ճշմարիտ բացատրութիւն համարիլ. որովհետեւ կաթուղիկոսն զԱստուած և զմարդիկ վկայ կը կոչէ որ յամենայնի ի ճշմարտութեան է, ու ասպարէզ կը կարդայ զորոնք կը համարին սխալ գտնել այն դաւանութեան մէջ: Ուստի կրնանք վստահիլ այս գրուածին վաւերականութեան վերայ, գիտնալով նաեւ յայլուստ որ այս դաւանութիւնը տպագրուած է միշտ ի գլուխ ժամագրոց, որ ի գործածութեան է Գրիգորեան կամ Էջմիածնական կոչուած մասին մէջ, ուր ի հռովմէական կամ ի բուն Հայոց անշատեւոց տպագրութեան մէջ կը պակսի այդ դաւանութիւն, ինչպէս նաեւ ուրիշ քանի մի աղօթքներ: Ասանկ չի գտնուիր իմ ձեռքս եղած ժամագրոց տպագրութեան մէջ, որ յամին 1837 հրատարակուած է ի Վենետիկ »...

Մալան թարգմանած է նաեւ զճառ կամ զծիսարան սուրբ Մկրտութեան յեկեղեցւոյ Հայոց, և Ֆորթէպիւի տպագրին մէջ անցած է (281-301), ի մեծ Մաշտոցէ հանելով և բաղդատելով զայն ընդ ուսւ թարգմանութեան Յովսէփայ կաթուղիկոսի, և ընդ ծիսարանին Մըկըրտութեան զոր տուաւ նմա Հայոց Երուսաղեմի արքեպիսկոպոսն, որոյ հաւանութեամբ ու վաւերացմամբ տըպուած է:

Վեցերորդ ճառն է Կարգ ասորոսթային պաշտօնան յեկեղեցւոյ Հայաստանեայց թարգմանուած ներածութեամբ մը ու ծանօթութիւններով, որ և կը գտնուի նաեւ հայ և անգլ-

ղիական լեզուով, տպագրեալ ի Լոնտոն 1887 (Gilbert et Rivington) խնամք Եսայի վարդապետի Աստուածատրեանց . յառաջաբանին մէջ կը ծանուցանէ թէ Հայ խորհրդատետրը արդէն երկու անգամ թարգմանուած է յանգղիականն . առաջնոյն թարգմանիչն է Պլաքմոր (Blackmor) երէցն՝ Տոլկորուքի-Արղութինսքի Հայ արքեպիսկոպոսի ձեռքով եղած ուստի թարգմանութեան վերայէն . և երկրորդին Ս . Կ . Մալան երէց, ի Կոստանդնուպոլիս տպուած Հայ սկզբնագրի մը վրայ՝ հրամանաւ Ադրիանուպոլսեցի Պօղոս պատրիարքի : Հայկականին համար հրատարակողն օրինակ առեր է 1761ին Զմիւռնիոյ եղած տպագիրն ու 1813 յԵրուսաղէմ . իսկ անգղիականին համար կ'ըսէ թէ նախամեծար սեպեր է Մալանի թարգմանութիւնը՝ նկատելով հաւատարմութիւնն ու ունոյ ընտրութիւնը :

Եթե՛ներորդ ճառն՝ Հրահանգ քրիստոնէական հասարակութեան Հայաստանեայց ի Մեսրայ մագիստրոսէ , և տպագրեալ ի Հայ լեզու ի Մոսկուա՝ յամի 1850 հովանաւորութեամբ Ներսէս Ե կաթողիկոսի : Հետաքննելի գրուած մը ի ծանօթութիւն հաւատոց Հայ ժողովրդեան : Մալանի թարգմանութիւն հրատարակուած է ի Occasional Papers of the Eastern Church Association, (Londres, Rivington, 1869) .

Ութերորդն և վերջին գլուխ խօսի Հայ և յոյն եկեղեցեաց իրարմէ ունեցած տարբերութեանց վրայ : Տպագրեցաւ նաեւ Արեւելեան եկեղեցւոյ ընկերութենէն, ինչպէս կը ծանուցանէ Մալան յ'էջ 241 Ֆորթլաքիւի երկասիրութեան, բայց մեզ անկարելի եղաւ գտնել զայն : Հետաքննական չ'առնով գրուած մ'է Մուրաւիէի, ոչ միայն վարդապետականաց տարբերութեանց վրայ որովք իրարմէ կը զանազանուին Հայ և յոյն եկեղեցիք, այլ նաեւ այն ասեանայն ջանից որ եղած են ի միարանելայս երկու եկեղեցիքը, և մանաւանդ ի Ներսիսէ Կլայեցւոյ կաթողիկոսէ, և ի համանուն արքեպիսկոպոսէն Լամ-

բրոնի։ Այս տեղեկութիւն թարգմանուած է ի ճանապարհորդարան գրոց Մուրաւիէւի ի ուս (Հատ. Բ. 206-251)։

Աւելորդ է մեզ անդրադարձնելը թէ Մալան մեծ ծառայութիւն մը մատոյց Հայոց՝ իրենց վարդապետականքը և ազգային եկեղեցւոյ սկզբունքը այսպիսի պայծառ կերպով մը անգլիական հասարակութեան ներկայացնելով։ Դժբաղդարար այս թարգմանութիւններէն շատերը՝ հիմա ձեռք ձգելը դժուարին է անգիւտ ըլլալուն։ և յուսալի է որ զանոնք միացընելով նոր տպագրութիւն մը ըլլայ շուտով։...

## Պ. ՅՈՎՍԷՓ ԼԱՅՑՈՒՏ

Աստուածաբանական ուսմանց տեսակիտով հայերէն լեզուի ուսման ետեւէ եղաւ ուրիշ եկեղեցական մը անգլիական եկեղեցւոյ, Տըրհամի եպիսկոպոսն Պ. Յովսէփ Լայֆուտ (Joseph Barber Lighfoot, 1828-1890), և հրատարակեց երկասիրութիւն մի Առաքելան հոբոյ վրայ, և առանձնաբար Սբէյի Իգնատիոսի և Պողոտիոսի, և տըպագրեց ի Լոնտոն ի 1885 (Macmillan)։ Հայկական թարգմանութիւն իգնատեան թղթոց առ Նիքեսացիս, Հոովմայեցիս, Զմիւռնացիս, առ Պողիկարպոս. զորս հայրապետ վկայն Անտիոքայ իր ի Հոովմ ճանապարհորդութեան ատեն գրած էր, և ուր կ'երթար գազանաց ժանեօք մարտիրոսական պսակին արժանաւոր ըլլալու. արդէն տպագրուած էր ի 1847, ինչպէս յառաջագոյն մեր այս գրուածին մէջ յիշատակած ենք, ի Պետերմանայ, մի և նոյն տարւոյն մէջ՝ յորում Ուլիէմ Գիւրըտոն տպագրեր էր իր Իգնատիոս հատուածը (Corpus Ignatianum) յոյն, լատին, ասորի լեզուներով և անգլիական թարգմանութեամբ (Լոնտոն, առ Riving-

tonի)։ Այս թղթոց ոմանց հարազատութիւնը դեռ խընդրական են։

Զենք ուզեր մանրամասն խօսիլ այն ամեն գրուածքի վրայ՝ որ Նդեախոյ եկեղեցւոյն սկզբնաւորութեան վրայօք հրատարակուած են։ Սակայն յիշատակենք զհմուտ համառօտութիւն խնդրոյն ի մեծարգոյ Յ. Տաշեան հօրէ, վիեննական Մխիթարեանէ, իր Աբգար-Քաղ (Zur Abgar-Sage) երկասիրութեամբ։ Նոյնպէս վրայթի, ապորական լեզուի ուսուցչի Քէյմպրիճ, հրատարակութիւնն ասորի գրչագրաց՝ Ճօւնի Յակոբայ Աբրահայ (Պարսիկ Իմաստնոյն), զոր հինգերորդ դարու հայ թարգմանիչն մեծին Յակոբայ արքեպիսկոպոսին Մծբնայ տեղ առաւ, և զոր (ազգական կամ) բարեկամ համարին ոմանք սրբոյն Գրիգորի։ Յանօթ է մեր բանասէր ընթերցողաց որ ծիրանաւորն Նիկ. Մ. Անդոնէլլի, այս ճառերէն մեծ մասը հայ և լատին լեզուով հրատարակեց ի Հռօմ (Opera S. Jacopi Nisibi) ի 1756, որ ապա կրկին տպագրութիւն ունեցաւ ի վենետիկ ի 1765, ինչպէս նաեւ ի Ժողովարարնի Կալլանդի (Bibl. Vet. Patr. ի հատորն Ե, ի 1769)։ Հայ բնագիրն առանձին հրատարակուած է ի Կոստանդնուպոլիս ի 1824։

Յիշենք վերջապէս զՀամաբարբա-Տատիանոսի (Diatessaron), նախակարգ ուսուցիչասիրութիւն Ռունդէլ Հէրրիսի ի Կլէյ վարժարանէ ի Քէյմպրիճ, ուսուցիչ Սուրբ Գրոց մատենագրութեան ի Հաուէրֆորդ դպրոցի Բենսիլվանիոյ։ (London, C. G. Clay, 1890)։ Ներածութիւն մ'է սուրբ աւետարանաց համաբարբառին ի Տատիանոսէ, որոյ արարական երկու գրչագիրք կը պահուին այսօր ի Հռօմ. (S. Tatiani Evangeliorum Harmoniæ arabice, nunc primum ex duplici codice edit et translatione donavit P. Augustinus Ciasca ord. Erem. S. Augustini, Biblioth. Ap. Vat. scriptor. Romæ 1888)։ Արդէն 1862ի Պօղ Լակարտ իր Աւետարանի Սահմանադրութեանց գրուածքին մէջ ակնարկութիւն մը կ'ընէր

որոյն Եփրեմի ասորոյ Հայկական Թարգմանութեան, տպագրելոյ ի վննետիկ ի չորս Հատորս. բայց ոչ ոք առանձին մտադրութիւն ըրաւ վրան, մինչեւ որ Աւգերեան Հ. Մկրտչի Թարգմանութիւնն՝ որ եղած էր ի 1841, հրատարակուեցաւ ի 1876, Թարգմանչին մահունէն (1854) շատ ետքը Սալցպուրկի ուսուցիչ Քէորզ Մէօսինկէր վարդապետին ձեռքով. (Evangeliis concordantis expositio facta a S. Ephræmo Doctore, in latinum translata a R. P. Joanne Baptista Aucher mechitarista, cujus versionem emendavit, abnotationibus illustravit et edidit Dr. Georgius Mössinger, prof. studii biblici a. t. Salisburgi, Venetiis, S. Lazari) 1876, էջ ԺԲ-292, ընծայեալ յիշատակի Քէորզայ արքեպիսկոպոսի Հիւրմիւզ, հանգուցելոյ ի նմին 1876 ամի ի 11 ապրիլի: Եփրեմի այս գրուածք մեկնութիւն մ'է Տատիանոսի Համաբարբառի կամ Համաձայնութեան աւետարանաց. Հայկական Թարգմանութիւնն եղեալ ի վերայ ասորականին ի միջոցի 364 կամ 373 ամաց, շատ հաւատարիմ է. որովհետեւ Թարգմանչին իր լեզուին ոճոյ յատկութիւնը կը զոհէ ասորական սկզբնագրին համաձայն ընթանալու համար: Այս հրատարակութիւն մեծագէտ նպաստաւոր փղաւ Թէոդորի Յահն հետազօտութեանց ի վերայ պարսկերէան խոնդի նոր կրօնաբանին, մասն Ա. Համբարձում Տարխանի, տպագրեալ յԵրլանկէն 1883, էջ 329, և մասն Բ. 1883 էջ 286-299. Հառնաքի քննադատութենէն ետք ալ ի գիրսն՝ Պարսկերէան խոնդի նոր կրօնաբանի, Հատ. Ա. Երլանկէն, 1888, էջ 369 և հետեւեալք. Ասորիան էկէղեցոյ ոչ ընթացիկ նոր կրօնաբան: Եփրեմի գրուածք հաւաքում մը կրնայ համարուիլ դասախօսական ծանօթարանութեանց, զոր Գերմանացիք իրենց լեզուով սովոր են կոչել Collegienheft, և հեղինակն սուրբն Եփրեմ ըրած է յեղեսիա բանախօսութեամբք, որոց ամենուն սկզնաւորութեան՝ յառաջագոյն ընդարձակ ընթերցում մը կ'ըլլար:



գրոցն՝ որոյ մեկնութիւնը պիտի տրուէր, և ապա իր բանախօսութիւնն կ'ընէր իմաստուն և աստուածախօս վարդապետն :

Աստուածաբաններէն անցնինք՝ հայկական լեզուի ուսումը սիրողի մը (dilettante) . Այն բազմաթիւ լեզուաց մէջ զորս Գէորգ Պորրոյ (1803-1881) սորվեցաւ, կը գտնուէր նաեւ հայերէնն : (կենսագրութիւնն կրնան գրուել խնդրողք ի Dictionary of National Biography) : Գրուածոց մէջ ի Savengro the Scholar, the Gypsy, the Priest; յերիս հատորս, (1851), դիւցազնը որ յաճախ նոյն ինքն Պորրոյ կ'ենթադրուի՝ յաճախ ակնարկութիւն կ'ընէ հայ լեզուի, և կը թուի վշացընել իր հայրն երբ կ'ըսէ թէ սորվեր է այդ լեզուն՝ որ ծերունւոյն աչքին առջեւ անօգուտ ուսում մը համարուած է :

Առանց յիշատակութեան չթողունք նաեւ զՃԵՑՄԹ ԲՐԱՅՍ, Անդամ Անգղիոյ խորհրդարանին և արքունական ուսուցիչ քաղաքական իրաւագիտութեան ի համալսարանին Օքսֆորդի, որ Հայաստան ճանապարհորդութիւնը բրաւ ի 1876, և վերեւք մը ընելով յԱրարատ լեռան, ի դարձին հրատարակեց՝ ժողովրդական դարձած գրուածք մը որոյ խորագիրն է . Անդրէովկաս և Արարատ (Transcaucasie and Ararat) .

## Փ Ր Ե Դ Ե Ր Ի Կ Կ . Կ Ո Ն Ի Բ Ի Ր

1877 թուականին Տեղեկագիր մը ներկայացուեցաւ Լոնտոնի բանասիրական ընկերութեան՝ հայկական ուսմանց յառաջադիմութեան վրայ : Այս գրուածքիս հեղինակըն, ինչպէս որ յառաջագոյն յիշատակեցինք, էր ուսուցիչն Հիւլպման, և Սուխտ (Sweet) որ ի բացակայութեան նորա կարգաց այն գրուածք, իր ցաւը կը յայտնէր թէ ինչպէս Անգղիոյ մէջ չեն երեւցած երբեք հայագէտք :

Բայց հիմա իմաստուն անգղիացի մը մեծ յոյս կուտայ կարեւոր արդեանց իր անխոնջ քննադատական ուսումնասիրութեամբ լեզուին Հայոց: Այս անձն է Փրեդերիկ Կ. Կոնիբեր (Frederick C. Conybeare) որ ծնած է ի 1856 ամի, և նախնական ուսմանց ընթացքն ըրած ի Թընթրին դպրոցի և ապա ի համալսարանին Օքսֆորդի, ի 1875-1881ին ուսուցիչ էր, և ի հետեւեալ ամին՝ իսկոյն բարձրացաւ պաշտամամբն ու պատուով (grade de maître-ès-arts): Մաքս Միլլէր անուանի արեւելագէտ ուսուցչին անդրանիկ դատեր հետ ամուսնացաւ, ու անոր մահուընէն ետքը երկրորդ պսակի անցաւ Տորէյլ օրիորդին, որոյ հետ երկու անգամ ճանապարհորդեց ի Հայս, ի 1888 և ի 1891: Ահաւասիկ ցուցակ մը եւեթ իր գրուածոցը՝ նկատմամբ հայերէն լեզուի և մատենագրութեան:

Փոր) հայերէն ընթերցանոց (Specimen lectionum armenicarum) հատուածք Փիլոնի հերրայեցւոյ, նորոգապէս ի լոյս ընծայեալք ի Ռունդէլ Հարրիս անգղիացւոյ (G. Rundel Harris) տպ. յՕքսֆորդ ի 1889, էջ 15: Կը համեմատէ բաղդատութեամբ Փիլոնի քանի մի հատուածք ընդ հին հայկական թարգմանութեան:

2. Փիլոնի իրոսեալ իրոսնոց վրայ, հատուած մը յAcademy ուսումնաթերթի (12 յուլիս, 1892, էջ 32):

3. Պղտոնի գրուածոց հին հայկական թարգմանութեանց վրայ յուսումնաթերթն Classical Review, Հատ. Գ. Թիւ 8 (հոկտ. 1889, յէջ 340-343...)

4. Հռոմէոսի Սքիթոսիէ քանի մի գրուածոց յոյն բնագրին՝ ընդ հին հայկական թարգմանութեան. ընտիր և բազմավաստակ գրութիւն ընդարձակ և հմուտ յառաջաբանով: Գրքին բուն խորագիրն է. Anecdota Oxiensia. Texts, documents and extracts chiefly from Manuscripts in the Bodlian and other Oxford libraries. — Classical Series. Vol. 1. Part VI. A collation with the ancient Armenian Versions of the

Greek text of Aristotle's Categories, De Interpretatione, De Mundo, De Virtutibus et Vitiis, and of Porphyry's Introduction. Oxford, at the Clarendon press, 1890: Էիտուրի հմտութեամբ կը հառէ իր առաջարկութեան և նիւթոյն վրայ, և որոյ հայկական կրկին թարգմանութիւնը հրատարակեցան յազգային հանդէս և առանձինն, և ծանօթ են արդէն մեր ընթերցողաց:

5. Անգղիական թարգմանութիւն մը ի հայկական հին թարգմանութենէ Անկլիքի խառնակ (ի կանոնագրոց), նախարան ծանօթութեամբ, յաւելեալ ի հատուածն Մ. Բ. Ռակհամ (Rackham) ի տպելոյ յԱտուածարանական և յԵկեղեցական ուսումնասիրութիւնս (Studia Biblica et Ecclesiastica) որ կը հրատարակուի յՕքսֆորդ:

6. Հայաստան և Հայտ, յեռեալ յԱշխարհի հանդէս (National Review), նոյեմբեր 1889: Նկարագրութիւն մ'է ուղեւորութեանն զոր Կոնիքիւր ըրաւ ի Հայաստան ի 1888:

7. Պարսիկ Գորբէ ի հարկանախնայեան, յուսումնաթերթին Academy, 11 ապրիլ 1891. յորում յօդուածագիրն վրիպակաւ կը համարի կարծել՝ թէ առ Եզնըկայ գտնուած ագաթ բառն՝ նոյն է ընդ զենդ ագաթ փոխագրութեան: Այս ենթադրութիւնը յետոյ ուրիշ հատուածով մը ետ առած է:

8. Ի վերայ հատուածոց ինչ՝ սրբոյն Հերոնիմոսէ առաջ եղած Աստուածաշունչ գրոց լատին թարգմանութեան մը: 1891 տարւոյն Expositor ուսումնաթերթին մէջ հրատարակուեցաւ այս գրուած: Յառաջաբանին մէջ Կոնիքիւր կը խօսի Հ. Մ. Աւգերեան աշխատասիրութեան վրայ, յորում այս հատուածներն սրբոյն Աբրոսիոսի գրուածներէն առնելով, միացուց յիւրում լատին թարգմանութեան Փիլոնի խնդրոց՝ հրատարակելոց ի 1822: Միաք ունի Կոնիքիւր Եթանասնից ընթերցուածոց տարբերութիւնքն հրատարակել ըստ հին հայկական թարգմանութեան Փիլոնի խնդրոց ի գիրս ծննդոց:

Ասոնցմէ զատ ուրիշ հատուածներ ալ հրատարակած է Կոնիքիւր և կը շարունակէ հրատարակել, որոց հաշմար մեծապէս երախտագիտութիւն պարտի նմա հայ մատենագրութիւնն, ուր այդպիսի փութով ետեւէ կ'ըլլայ անոր զարգացման և ծանօթութեան յԱնգղիա: Իրմով կրնայինք փակել զսակաւաւոր թիւ անգղիացի հայագիտաց, եթէ մօտեւս ծանօթացած չըլլայինք երկու անգղիացւոց, իրենց եկեղեցական դասէն, որ եկան ի քաղաքս 1893 տարւոյն յուլիսին կատարելագործելու իրենց արդի սկսած և յառաջ տարած հայկական լեզուի ուսումը: Ասոնցմէ մէկն է Արմիտէյճ Ռոպինսըն և երկրորդն Ա. Պրուկկ. Քէյմպրիճի համալսարանին վարդապետք. որոց առաջինն՝ հրատարակած է Աքադէմիքի Լաթաֆուլանն ամբողջ, հայ՝ ասորի և յոյն բնագրովը և թարգմանութեամբք և բազմահմուտ տեղութեամբ. և բաց ուրիշ նմանօրինակ եկեղեցական հրատարակութենէ ինչուան առ մեզ հասած անվաւեր (apocryphe) գրութեանց հրատարակութիւններէ, կը զբաղի հիմա Տատիանոսի կամ սրբոյն Եփրեմի Հաֆաթաֆուլան քննադատական երկասիրութեամբ: — Գիտեն մեր ընթերցողք որ քանի մը տարիէ ի վեր հայկական լեզուի աթոռ մը հաստատուած է ի Թաֆաթաֆուլան դպրոցի (King's College) Լոնտոնի:

## ԻՏԱԼԱՑԻ ՀԱՅԱԳԷՏՔ

Արեւմտեան ազգաց մէջ թերեւս ամենէն յառաջ և բազմազգի յարաբերութիւններ ունեցած է Իտալիա՝ մեր աշխարհի և ժողովրդեան հետ. Վենետիկ, Գենուա, Փիզա՝ Ռուբինեանց ժամանակէն ի վեր, ինչպէս պատմութիւնք և յիշատակարանք կ'աւանդեն, դէպ յարեւելք արշաւանաց առիթներով՝ մուտ գտած են շահավաճառի

և առեւտրոյ պատճառաւ ի հանգրուանս և ի քաղաքս Կիլիկիոյ, ուր և բնակութիւննին հաստատելով, փոխադարձաբար նոյն և նոյնպիսի առիթներով անցեր են և ազգայինք մեր յիտալիա: Միայն երեսունումէկ և աւելի իտալիոյ զանազան քաղաքաց մէջ՝ այլեւայլ հոգեւորականք և եկեղեցիք Հայոց կը յիշատակուին, և ոմանք դեռ եւս կանգուն, յորոց հնագոյնն ի 1240, շարունակելով մինչեւ չորեքսուններորդ դարուն վերջերը. և թուով բաւական ստուար, ճոխ և պատուաւոր զաղթականութիւնք ի բազմաշահ և ի մեծանուն քաղաքս, ի Հռովմ, Վենետիկ, Լիվոռնոյ և այլուր, ուր և ազգային տպարանք և հաստատութիւնք:

Ասոնք արդէն ծանօթ են մեր բանասէր ընթերցողաց: Բայց այսչափ յաճախեալ յարաբերութեամբ ալ, համեմատաբար քիչ եղած են իտալական ժողովրդեան մէջ՝ հայկական լեզուի գրականութեան և պատմութեան ուսմամբ զբաղողք, թէ մեզմէ քանի մը դար յառաջ և թէ արդի ժամանակաց մէջ: Առաջնոց թուոյն մէջ կրնանք անցընել՝ զՍորրենտացին Կղեմէս Գալանոս, որոյ անուան և նկատմամբ մեր լեզուին և պատմութեան գրութեանց յիշատակութիւնն ըրած ենք արդէն: Իրեն գործակից ունէր քանի մի համակրօն համազգիք, ի հարկէ չափով մը տեղեակք նաեւ մեր լեզուին, թէպէտ և մասնաւոր ու յականէ յանուանէ յիշատակութեան մը հանդիպած չըլլանք: — Տիմոթէոս Գառնուկ, կամ իրենց լեզուով Agnellini, եպիսկոպոսի անուն մ'ալ կը գտնենք ի գլուխ Դուշնոյ Լուշնոյ հայ տպագրի յիտալական Թարգմանութեան հրատարակելոյ ի Փատուա իտալիոյ յամի 1690, նոյնպէս և Հասարակ Խոսքովանի աղօթից Շնորհալուոյն բնագրին և Թարգմանութեան յիտալական՝ ի նմին ամի: Թէպէտ չենք կրնար որոշակի ըսել թէ ո՞ր ազգին կը վերաբերի այս անձն, բայց որովհետեւ իրեն ձեռքով եղած Թարգմանութիւն մ'ալ

տեսեր ենք յիտալ լեզու արեւելեան առածից\*, հաւանականաբար հայազգի եպիսկոպոս մ'է նա:

\*\*\*

Յամի 1715՝ նախահայր Ուխտիս ի Մութոնէ Պեղուպոնիդայ կ'անցնի իւրովքն և կը հաստատուի ի Վենետիկ, ուր դարերէ ի վեր կայր արդէն բազմաթիւ և պատուաւոր հայ գաղթականութիւն մը՝ ազգային եկեղեցեաւ և քահանայիւք: Բայց ինչպէս յառաջ՝ և ոչ ալ անկէ ետքը՝ հայ լեզուի ուսման նկատմամբ փոյթ մը չենք գտներ, ոչ ի Վենետիկ և ոչ այլուր առ իտալացիս:

Իսկ երբ դարուս սկիզբը իտալեան պետութիւն մը կ'ազմուեցաւ՝ արդէն ինչուան այն ատեն գտնուող այլեւայլ պետութեանց ու հասարակապետութեանց ի մի ձուլմամբը՝ մեծին Նափոլէոնի խիզախ արշաւանօքն և յաղթանակօք, յընդհանուր տեսչէ համալսարանին Փաւոիյ, ի Յովսեփայ Հաժէր (Joseph Hager) աղերսագիր մը կը գտնենք մատուցուած առ Եւգենիոս Բոհաունէ փոխարքայ Իտալիոյ ի 1809 ի դեկտ. 20 որոյ մէջ յիշեցընելով ինչուան այն ատեն անծանօթ մնացած Հայ պատմչաց և պատմութեան կարեւորութիւնն, և թէ յիտալիա՝ և մանաւանդ ի Վենետիկ կը գտնուին կարող և ձեռնհաս անձինք և հայկական տպարան՝ եւրոպական լեզուով մը այդ պատմիչներն ուսումնական աշխարհի ծանօթացընելու, կ'առաջարկէր որ կառավարութիւնն պէտք եղած ջանքն ու ծախքն ընէ՝ անոնց թարգմանութեան և հրատարակութեան:

Այս աղերսական առաջարկութեան, որ արդէն ծա-

\* Proverbi utili e virtuosì in lingua araba, persiana e turca, gran parte in versi con la loro spiegazione in lingua latina ed italiana, raccolti da Timoteo Agnellini. Padova, 1688.

նօթ է մեր ընթերցողաց \*, անգործադրելի մնալը՝ յայտնի նշանակ մ'է որ Քաղղիոյ կառավարութիւն հարկ չհամարեցաւ, կամ բազմապատիկ գործառնութեանց և զբաղմանց մէջ ժամանակ չունեցաւ լուրջ նկատողութեան առնուլ զայն: Բայց անկէ քիչ յառաջ, 1786ին, ազնուատուած և ուսումնասէր ազգային մը, Յովհաննէս մարգիզ Սեղբոսեան, իտալացի ճարտար և բազմաՀմուտ գրչի մը շարագրութեամբ՝ մեր ազգին վրայ ինչուան նոյն ատեններն երեւցած գրուածոց մէջ ընտրելագոյնն և ճշմարտաճառն հրատարակեց յիտալական լեզու, Հայ աշխարհի հին պատմութեան, մատենագրութեան և աշխարհագրութեան վրայ, թէպէտ աւելի եռանդուն սրտի և ոգւոյ տպաւորութեանց անսալով տեղ տեղ, և ոչ միշտ առողջ քննադատութեան\*\*:

Առաջին գիրքն է Տեղագրական բնական նկարագիր Հայաստան աշխարհի: Երկրորդին մէջ անոր հին և նոր քաղաքական վիճակին վրայ կը խօսի: Երրորդին՝ սրկբնաւորութիւն, Թառաշագիւմութիւն և Հաստատութիւն քրիստոնէական կրօնից ի Հայաստան: Չորրորդն է Ժամանակագրական դասակարգութիւն կաթողիկոսաց նորա: Հինգերորդն՝ պատմութիւն ժողովոց որ գումարեցան, նպատակ ունենալով զկրօնս և զեկեղեցական բարեկարգութիւն: Վեցերորդ գրոց մէջ կը ճառէ՝ Հայոց սովորութեանց վրայ ընդհանրապէս:

★ ★

Բայց այս գրուածքին երեւնալէն ետքն ալ՝ Հայագիտութիւն՝ նշանաւոր քայլ մը յառաջագիւմութեան չյաշողեցաւ ընել յիտալիա: Այդ ջանից և փութոյ առաջ-

\* Տես յ'էջ 155:

\*\* Compendio storico di memorie cronologiche concernenti la religione e la morale della nazione Armena. Opera divisa in sei libri.

Նուեթիւնը՝ արժանապէս կը պատկանի վեներտկեցի քահանայի մը, Յովսէփայ Գափեյլեդդի (1810—1876)։ Դեռ եկեղեցական վարժարանի մէջ՝ իր ուսմանց ընթացքը կատարելու հետ էր, երբ ձեռքն ինկաւ Զախլախեան վարդապետին հայ և իտալական բազրոց առաջին թերթերն, և ի գլուխ գրոցն դրուած հայ քերականութեան համառօտութիւնը։ առաջարկեց որ շնորհուին իրեն այն թերթը, խոստանալով ուսանել զեզուն։ և տուած խօսքին վրայ հաստատուն կեցաւ, անխոնջ և յարատեւ ջանք պարապելով քանի մը տարի շարունակ յուսումն և ի հմտութիւն հին լեզուին։

Իր ուսմանց առաջին ճաշակն ընծայեց յամի 1829 թարգմանելով ի լատին Շնորհալի հայրապետին Թողմն առ համօրէն հայասեռ ազինս։ և այդ ձեռնարկին յաջողութեամբն և ընդունելութեամբ խրախուսուած՝ նոյն սուրբ հայրապետին ուրիշ թղթերն թարգմանեց ի լատին, և երեք տարիէն (1832) հրատարակելով տպագրութեամբ նուիրեց Հռովմայ սրբազան քահանայապետին Պիոսի Ը։ Նոյն ատեններն հրաւիրուելով ի Գենուա Իտալիոյ ի քարոզութիւն բանին Աստուծոյ նոյն քաղաքին Սրբոյն Բարթողիմեայ առաքելոյ նուիրուած և Հայոց վերաձայնեալ եկեղեցւոյն մէջ, ուր՝ ըստ աւանդութեան կը պահուի և կը մեծարուի Քրիստոսի Տեառն մերոյ առ Արգար զրկած դաստառակն, մասնաւոր ներբողիւ պատուելով զսուրբ առաքեալն Հայաստանեայց, հոչակ ունեցաւ իր հայկական ուսմանց հըմտութեամբ։

★  
★ ★

Այս փորձերէն ետքն էր որ մտածեց հայ պատմագրաց հնագունից և կարեւորաց երկասիրութեանց իտալական թարգմանութեամբն զբաղիլ, ու Սարտենիոյ կարողոս Ալբերտ թագաւորին ընծայելով, դնել գործը ա-



նոր արքունական պաշտպանութեան ներքեւ, դրամական նպաստից՝ ժանդակութեան ակնկալութեամբ ալ: Հայ պատմագիրքը Եւրոպիոյ ծանօթացուցած ատեն՝ անհրաժեշտ էր և զՀայաստան ծանօթացընել իր հնախօսութեամբն ու քաղաքական ու զինուորական օրէնքներով ու սովորութեամբք: Այս վախճանաւ յօրինած և հրատարակած է հեղինակն եռահատոր՝ Հայաստան (L'Arménie) կոչուած երկասիրութիւնն, որ՝ ինչպէս ինքն աշխատասիրողն յառաջաբանին մէջ կը ծանուցանէ՝ Ինճիճեան վարդապետին Հնախօսութեան Հայաստանեայց կոչուած գորքին համառօտութիւնն է: Մեծ պարգեւ մ'էր զոր կ'ընծայէր բովանդակ ուսումնասէր արեւմտից և գրեթէ հաւասարապէս օգտակար ծառայութիւն մը զոր իրմէ յառաջ կը մատուցանէր համբաւեալ արեւելագէտն և հայագէտն Սէն-Մարդէն իւր Յէշարպարաննէնով: Տարակոյս չկայ որ չէր գերծ և ի թերութեանց ինչ բայց անոնցմով վաստակասէր հայագիտին արդիւնք և գովութիւն չեն նսեմանար:

Այս երկասիրութեան հրատարակութենէն քանի մը տարի յառաջ արդէն տպագրութեամբ ի լոյս ընծայեր էր Եղեշէ և Խորենացոյ պատմութիւնք (1842) յիտալական լեզու. յետոյ Պերգաստելի եկեղեցական պատմութեան նոր տպագրութիւն մը և ամբողջ հարիւր տարուան շարունակութիւն (1844), յեռլով ի նմա ըստ իւրաքանչիւր դարուց նսեւ հայ եկեղեցւոյ պատմութեան գլխաւոր և հետաքննական անցքը, և մասնաւոր ու հրմտական երկար տեղեկութիւններ աւելցընելով այն պատմական դիպուածոց կամ եկեղեցական ազգային խնդրոց՝ որ խնդրականք համարուած են: Ասանկ Արգարու առ Քրիստոս գրած և ի նմանէ ընդունած թղթոց վաւերականութեան չափուն, դաստառակին աւանդման և ցարդ գոյութեան, Թաղէի ու Բարթողիմեայ քարոզութեան և նահատակութեան ի Հայս վիճելի կարծեաց և հաւանականութեան, և այլն: Նոյն գրուածքն

յետոյ աւելի ընդարձակելով ու ճոխացնելով՝ նոր կերպարանաց տակ սկսաւ հրատարակել ի Փլորենտիա, և որ անկատար մնաց տպագրապետին սնանկանալուն պատճառաւ:

\*  
\* \*

Այլեւայլ օրագրական յօդուածներ ալ հրատարակած է իտալեան զանազան բանասիրական հանդիսից մէջ՝ մեր Թագին և պատմութեանց տեսակիտով, յորոց զմանա և մեզի ծանօթներն նշանակեմք.

Regno dell'Arm. (Cosmorama pittorico di Milano, 1840, ԹԻԼ 81):

Colpo d'occhio di Siria. (Անդ, 1840 ԹԻԼ 50):

Lettere, scienze ed arti degli antichi Arm. (Անդ, 1841 ԹԻԼ 12):

Poesia armena, *Il naufrago nel mare di Van.* (Vaglia di Venezia, վեցերորդ տարի, ԹԻԼ 24):

S. Giovanni d'Acridi. (Cosmorama, տարի Է. ԹԻԼ 1):

Mechitar Abate di Pietro. (Cosmorama, տարի Է. ԹԻԼ 1):

Invenzione dei caratteri armeni (?)

Semiramocerta o Van (?)

Riti funebri degli Armeni (?)

Abgaro, primo re Cristiano (Giornale Eccl. di Milano 1840).

Patriarcato di Armenia (Անդ, 1840):

Terza lettera di S. Paolo ai Corinti (Անդ, 1840).

Gli eretici Pauluciani (Անդ, 1841).

Santa Ripsima vergine martire e sue compagne. (Անդ, 1841):

Գափեղեղդիի ժամանակակից է ուրիշ իտալացի հայագետ իշխանական անձ մը, Լուքա քաղաքին դուքսը Կարոլոս Պուրպոն որ մասնաւոր սէր մը ձգելով մեր լեզուն ուսման և պատմութեան, տարիով հետամուտ եղաւ՝ հմուտ ու ազգային ուսուցչի առաջնորդութեամբ: Բայց իտալիոյ 1848ին յեղափոխական շարժումն վրայ հասնելով, ստիպեցաւ հրաժարիլ իշխանութենէն ի շնորհս որդւոյն, որ և նա չեղաւ բարեբաստիկ՝ ժառանգած փոքրիկ իշխանութեան աթոռոյն վրայ, բռնամահ կտրուսանելով զայն:

Ասոնցմէ ետքը և աւելի նորագոյն և մեզի ժամանակակից Իտալացի Հայագիտաց Թուոյն մէջ մասնաւոր յիշատակութեան արժանաւոր է ուսուցչապետն Եմիլ Դեզա: Հմուտութեան հետ գրականական գովելի համեմատութիւն երեւցնելով շատ կարդացող ու պրպտող, բայց քիչ գրող մէ, և գրուածքն են համառօտ՝ բայց հմուտութեամբ լի: Աւտուր ի Վիեննա առած է, ուսանալը իտալեզուի ու համեմատական բանասիրութեան ուսուցչապետ եղած ի համալսարանս Պադովոյ, Փիզայ և Փատուայի: Հայկական ուսմանց վերաբերեալ իր մեղ ծանօթ գրուածներէն առաջին կը կարծենք Ազոթանգեղոսի Փլորենտիոյ Լաբենտեան գրատան մէջ գտնուած յոյն օրինակին տարբերութիւնները և հայերենին հետ ունեցած նմանութիւնները: Նոյն նիւթոյն վրայ տեղեկութիւններ իր ուրիշ բանախօսութեան մէջ գր. Հայկական կը կոչէ (Cose Armehe), և որ տպագրուած է ի Հատուած Գրքոց Վենետիկ գիտութեանց, դպրութեանց և բնութեան իմաստին (Atti del R. Istituto veneto di scienze, lettere ed arti, շար է, հատոր Ա, յէջ 197-928), յորում կը խօսի Հայկական հին Խաղաղութեան նորատիպ գրոց վրայ, Նորայրի Քննաւոր Թերթից, և մանաւանդ՝

ինչպէս ըսինք, Ազաթանգեղոսի յոյն բնագրին վրայ՝  
գոր տպագրութեամբ հրատարակած էր Պօղ Տըլակարտ:  
Մանրակոչնայ մէկ ճառին իտալական թարգմանութիւնն  
ըրած է և տպագրած. (Una lettera di Giovanni Man-  
dacuniese — Atti e Memorie della R. Accademia di  
scienze, lettere ed arti di Padova 1889-90, Հատ. 2.  
153-167: Նեմեսիոսի հայկական թարգմանութեան վրայ  
ալ քննադատական տեսութիւն մը յօրինած է, և վե-  
նետոյ կաճառին գործոցը մէջ տպագրած, որ առանձին  
հրատարակութիւն ալ ունի:

Ասոնցմէ ետք հրատարակած է « Զվեցօրէից Գեորգայ  
Պետրեայ՝ ըստ հին հայկեան լարգմանութեան » . Dell'Essa-  
mero di Giorgio Pside, secondo la antica versione  
armena; 1893:

Հելլէն իմաստասիրաց հարքնորէ բարոյական առածք լարգմա-  
նութիւն է հայոց (Delle sentenze morali di filosofi gre-  
ci, scelti e tradotti da Armeni; 1893:

Եւլէիէ պարմանութեան գրոց ու անոր նորոգոյն պարգումնան  
է Մակար քննադատութիւն մը, ի 1893:

Ասոնց նման համառօտ՝ բայց ուրիշ լուրջ գրուածներ:



Իտալացի հայագիտաց թուոյն մէջ կրնանք սեպել նաեւ  
գրարւոյ Մորադդի ուսուցիչ լատին և յոյն գրականու-  
թեան՝ Փաւիոյ Ունոյ Տոտոյ վարժատան մէջ: Իմաս-  
տուն բանասէրս 1885 թուականին հրատարակեց Հոյ-  
եւ Հնդկեւ-բարոյական կոչուած տետրակ մը, 52 էջ, տպա-  
գրեալ ի Պերկամոյ. յորում այբուբենի կարգաւ կը խօ-  
սի ստուգաբանութեանց վրայ, ցանկով մը՝ որ դիւրու-  
թիւն կ'ընծայէ հետաքնին բանասիրաց: Գծադղաբար  
այս ստուգաբանութիւնք մեզի կը թուին թէ հաստա-  
տուն հիմանց վրայ չեն՝ ինչ որ կը պահանջէ մեր այժ-  
մու լեզուաքննական ուսումը: Մորադդի հեղինակ է դար-

ձեալ Ոստանաօրոհներն է վերայ հին իտալական լեզուաց կու-  
շուած (Studii delle antiche lingue italiche, 1887), և  
Ռոմանական լեզուաց Ռէլ Նախալաթին հիմանք (Fondi Antela-  
tini nelle lingue romanze, 1889, Ի Փաւհա, մասն Ա,  
էջք 54): Պուկկէի ստուգաբանական ուսումնասիրու-  
թեանց վրայ խօսած ատեննիս՝ արդէն առիթ ունեցանք  
այս խնդիրը յուզելու: Հոս միայն այս ալ յաւելումք  
ըսել, թէ Հայկական լեզուի նկատմամբ կը գտնենք Ի-  
տալիոյ մէջ հրատարակուած համեմատական բանասի-  
րութեան վրայ այլեւայլ տեղեկութիւններ Ասկոլիի և  
այլոց գրուածոց մէջ, (Studii critici, Դուբին, 1877),  
որոնց և գերման թարգմանութիւնն ըրած են Ռայնհար-  
Մերզորփ և Բեռնարդ Մանկուտ, (Kritische Studien  
zur sprachwissenschaft von G. P. Ascoli, Veimar,  
1878, էջք ԼԸ-418, ուր քառասուն և երկու Հայկական  
բառից կամ յետադաս վանկերու (suffixe) խնամով քըն-  
նարանութիւնք:

Յիշենք նաեւ Մարկ' Անդոնիոյ Փանինիի Ստուգաբան-  
կան ուսումնասիրութիւնքը (Études étymologiques) տպա-  
գրեալ ի 1882. ուր մեր լեզուին վրայ այլեւայլ հե-  
տաքննութեան արժանաւոր տեղեկութիւնք կան:

\*  
\* \*

Երբ յօդուածոց այն հայագիտաց վրայ որ գերման  
լեզուով գրեցին, յաւելուլ արժան է տեսութիւն մը նո-  
րերս լոյս տեսած քերականութեան վրայ հրատարակե-  
լոյ առ Հարտլէթէնի: Այս փոքրիկ գրուած կը ձեւացնէ  
երեսներորդ հինգերորդ հատոր Մարեմագարան լեզուա-  
բանական կոչուած շարք մի գրուածոց, յորում արդէն ե-  
րեւցան համառօտութիւնք և թարգմանութեան հրա-  
հանդէս աշխարհիս վրայ ամենէն աւելի ընդհանուր եղած  
լեզուաց: Հատորը 2. 50 ֆր. չափաւոր գնով: Հայերէն  
քերականութեան հեղինակն, Կարլ Կէնզ, արդէն նոյն

հաւաքման մէջ հրատարակեր էր սինէական լեզուի քերականութիւն մը: Իսկ նկատմամբ այս հատորին՝ պատուական գործակից օժանդակութիւն մը ունեցաւ ի Հարց Մխիթարեանց վիճնականաց, ոչ միայն քերականութեան տպագրութեան, այլ նաեւ ձեռագրին վերաքննութեան և սրբագրութեան: Երկու մասն կը բաժնուի այս գրուածք. առաջինն՝ (7-80) հին լեզուին կամ գրաբարին վրայ կը խօսի. երկրորդը արդի լեզուին, բայց միայն արեւմտեան գրաւոր լեզուին (91-196): Չենք կրնար լաւապէս ըմբռնել թէ ինչո՞ւ արեւելեան լեզուն տեղ մը գրաւած չէ այս քերականութեան մէջ: Իրաւ է որ հեղինակին ընտրած սահմանը չի ներեր նշմա երկար ու ընդարձակ հատոր մը գրել, բայց քանի մի էջ քաւական էին նմա համառօտիւ նշանակելու Ռուսիոյ Հայոց լեզուին ընդհանուր յատկութիւնները: Մեզ կը թուի թէ լաւ կ'ընէր Կէնզ, եթէ իր գրոցը մէջ յաւելուր փոքրիկ մատենախօսական ցուցակ մը՝ անոնց համար որ քիչ մը աւելի հեռուն երթալու կամք ունին հայ լեզուին ուսման մէջ: Բաց ի այս թերութիւններէն, մեզ համար աւելի ցաւալին այն է որ գրաբար լեզուի վարդապետական բացատրութեանց մէջ մեծագոյն պակասներ կան. որովհետեւ հեղինակը խօսք մը չընէր ոչ մասնականց և ոչ լեզուական դարձուածոց կազմաւորութեան վրայ. խիստ անկատար է անկանոն բայից ցուցակը, որ միայն հնգետաօան թուով կը բովանդակէ, և այսպէս հետեւաբար: Իսկ նկատմամբ իտալական-հռոմէական գրերով գրուած հնչմանց, շատ պակասաւորք են ուղղութեան և ճշգրտութեան կողմանէ... Որովհետեւ գրքին նւպատակն է առանց ուսուցչի սորվեցընել լեզուն, մեզի կ'երեւնայ թէ աւելի ջանք և մտադրութիւն ըլլուընլու էր հնչման նկատմամբ: Ասոնցմով հանդերձ, մեծ օգնութիւն կրնայ մատուցանել այս երկասիրութիւն, և փափաքելի է որ նորանոր հայագէտներ երեւցընէ:

## ՌՈՒՍ ՀԱՅԱԳԵՏՔ

Եթէ ուզենանք ժամանակագրական կարգով խօսիլ ուս Հայագիտաց վրայ, պէտք էր որ յառաջ քան զամենեսին յիշատակէինք Յովսէփ Յովհաննիսով անձի մը ձեռքով եղած Թարգմանութիւն մը Խորենացոյ Պատմութեան և Աշխարհագրութեան. (ի Պետրպուրկ, 1809): Աղեքսանդր Ա կայսեր նուիրուած է այս գրուածք, և երկու մասն կը բովանդակէ. առաջինն յէջ Ժ+356+ԺԶ, և երկրորդն՝ Զ+242+Ը:

Յառաջ խօսեցանք Պետրպուրկի կայսերական Գիտութեանց ձեռքով հրատարակուած Պրոսէի և Լանկուայի երկասիրութեանց վրայ, աւելցնենք նաեւ Շոպէնի յիշատակագիր մը Հայաստանի մէջ բնակող ժողովրդոց ծագման վրայ, ընթերցեալ ի 6 մարտ 1840, և որոյ համառօտութիւնը կը գտնուի ի Յիշատակագիրս Ակադիմիոյ, ի հատորն Ը յէջ. 16-20, ու Կորգանովի թուղթ մը առ Ակադիմիայն Հայոց պատմութեան և մատենագրութեան այլ և այլ նիւթոց վրայ, ընթերցեալ ի 16 սեպտ. 1842 (ի Յիշատակագիրսն Ակադիմիոյ, Հատոր Ա. էջք 59-69):

Կայսերական Ակադիմիոյ պատմական-բանասիրական դասակարգին մէջ երեւցաւ ի հատորն Թ (1852, յէջ 118-134) համառօտութիւն մը Հայկական քերականութեան, ուս ըստ քաջատրութեամբ և հետեւեալ խորագրով. Տարբէր հայկական (gailcan?) լեզուի, իմ Գործնական Եղանակ Դիւրացնելու այս լեզուն ուսումը: Պերոյիէֆ, այս պզտի երկասիրութեան հեղինակ՝ Պետրպուրկի համալսարանին մէջ հայերէն լեզուի ուսուցիչ էր, և կ'երեւի թէ շատ տարիներէ ի վեր Պրոսէ յանձնարարած էր նմա աշխարհիկ կամ խօսուած լեզուի քերականութիւն մը

յօրինել։ Այս նկատմամբ կրնան աչքէ անցուիլ Պրոսէի նախապատրաստական տեղեկութիւնք՝ որ տպագրուած են ի Յիշատակագիրս Ակադիմիոյ (Հատ. Գ. 1845. Հատ. Գ. 1846)։ Ի 1846 գրուած երրորդ տեղեկագրին մէջ կը հետեւցընէ Դեմիդովի սահմանած կէս մրցանակը պատկանեցընել, 2,500 ռուբլ. և այս մրցանակ 1851ին հրատարակուեցաւ ընդհանուր նիստին մէջ ի 24/12 մայիսի, և այն ատեն երեւցաւ Պրոսէի չորրորդ տեղեկագիրը... Պերոյիէֆ կարդաց իր գրուածքը Ակադիմիոյ Պատմական-բանասիրական նիստին մէջ (ի 1 հոկտ. 1851) և յորում որոշուեցաւ տպագրեալ իւր Յիշատակագրոց (Bulletin) կարգին մէջ...

Անցնինք յիշատակել Կ. Եզովի, ի պաշտօնարանէ Հասարակաց կրթութեան, աւելի կարեւոր գրուածները։ Ռուս կամ հայ պարբերական գրուածոց մէջ 1857 էն ի վեր հրատարակած հատուածոց մէջ, մասնաւոր յիշատակութեան արժանի կը սեպենք ուսումնասիրութիւն մը ի վերայ վարդապետութեան հոգոց Պարսից։ Լազարեան ուսումնարանին մէջ առանձին ընթացք ըրած ատեն յօրինեց Եզով այս երկասիրութիւնը, և ի 1858 հրատարակեց յՕրագրի Նախարարութեան հասարակաց կրթութեան ի ռուս լեզու. և որոյ համար արծաթի մետալ ընդունեցաւ։ Հետեւեալ տարին հրատարակեց իւր բանամրցութիւնն՝ վարդապետի կսմ մագիստրոսի (magister) աստիճանն ընդունելու. (Նորանէկան Կեանքի Նախնայնի, որ և ռուսերենէ թանգմանեցաւ ի հայ։ 1884ին Եզով թարգմանեց ի հայ՝ Լեհաստանի լատին քարոզչաց երկու գրուած, ու կոչեց զայն Բանի Ռուսիան Լեհաստանի Հայոց Ընդ Եկեղեցոյն Հոռոմայ, դնելով ի գլուխ գրոցն 65 էջերէ բաղկացած յառաջարան մը Հայաստանի մէջ կատարուած դէպքերուն վրայ՝ որովք բռնադատեցան ի գաղթականութիւն, և Լեհաստանի Հայոց վիճակին և վրանին յարուցուած կրօնական հալածանաց պարագայից։ Հեղինակը կը յաւելու դնել քանի մը հա-



տուածներ ի գրոց Աւագել պատմելի, որոց երկասիրութեան նոր և յիսկատար տպագրութիւն մը եղեր էր յէջմիածին, 1885ին: Ասողիկ պատմագրին գրուածքը տպագրեց Եզով, տասներորդ դարու պատմելի, իւր մատենադարանին մէջ գտնուած գրչագրի մը համաձայն. 1887ին Ղեւոնդեայ երիցու (Ը դար) պատմական գրուածք, երկայն ներածութեամբ մը ի վերայ Արարացւոց աշխարհակալութեանց՝ ըստ պատմչաց Հայոց, և անոնց վերաբերութեանց ընդ նուաճեալ ազինա: Իսկ ի 1891՝ տպագրել տուաւ զգաղղիական ժամանակագրութիւն Դարդելի (ԺԴ դար) 81 էջ նախաբանութեամբ ի վերայ Կիլիկիոյ, ժամանեւոյ Հայոց յերկիրն, հոն հաստատուած հայկական թագաւորութեան սկզբնաւորութեան, վերաբերութեանց ընդ Խաչակիրս և ընդ քահանայապետաց Հոովմայ, և պատճառաց անկմանն: Կը յանձնարարենք մեր ընթերցողաց այս կարեւոր հրատարակութեանց ընթերցումը, և կը յուսանք թէ ինչպէս Պատկանեանի և Էմինի քանի մը գրուածքներ, ասոնք ալ պիտի թարգմանուին եւրոպական լեզուով մը:



Չենք ուզեր յերկարել մեր խօսքը Քերովքէ Պետրոսեան Պատկանեանի կենսագրութիւնն ընելով. արդէն ըստ բաւականի ծանօթ է այն մեր ընթերցողաց, և երկու տարի յառաջ վէսէլովքի մասնաւոր գրքոյկով մը հրատարակեց, ի տպարանի Պետրպուրկի Գիտութեանց Ակադէմիային, և որոյ թարգմանութիւնը դրինք 1891 տարւոյ Բազմավիպի մէջ:

Ծնեալ ի նոր Նախիջեւան (առ Դոն գետով) ի 4 մայիսի 1833 և հօրեղբորորդի հռչականունն ազգային բանաստեղծին Ռափայելի Պատկանեան: Նախնական ուսմանց ընթացքն ըրաւ ի գիմնագիտնին Ստաւրոպոլի և շարունակեց ապա յՈւստումնարանին Լազարեանց ի Մոս-

կուլա: Անտի ի 1851 զնաց ի համալսարանն Գորպատի, ուր կեցաւ մէկ ու կէս տարի: Քիչ մը ժամանակ ի Պետրպուրկ դեգերելէն ետք, անցաւ ի Կովկաս ու Ստաւրպոլի գիմնազիոնին մէջ մասնագիտութեամբ զբաղեցաւ: Տերոմեան օրագրէն մէջ հրատարակեց հատուած մը Երզնիսի թանգարանութեան վրայ ընդհանրապէս և Կանտէմիրի երզնիսեաց վրայ (1853 թիւ 2, էջ 11-18:) Նախապէս թարգմանութիւններ ըրած էր ի հայ Հայնէի, Շիւլէրի, Կէօթէի, Պերանժէրի, Թոմաս Մուրի քերթուածոց հատուածներ: 1853ին Մանկավարժական կաճառին մէջ ընդունուելով՝ փիլիսոփայական պատմական ճիւղին մէջ գրուեցաւ, և մասնաւոր կերպով հետամուտ եղաւ ի մշակել ռուս, գաղղիական և գերմանական բանաստեղծութիւն, սովորելով նաեւ գանգլիական և զիտալական լեզու: 1855-1857 տարիներու մէջ այլ և այլ բանաստեղծութիւններ շարադրած է, որք յետոյ հաւաքուելով ի մի հատոր հրատարակուեցան Քաճառ Գալիլէա (արաբերէն Վարդաբան Էրեւանաց) կեղծ անուամբ: 1851ին աւարտեց իւր ընթացքը ի Մանկավարժական կրթանոցին և դարձաւ ի Կովկաս՝ Տփղիսի մէջ ուսուցչութեամբ զբաղելու: Հետեւեալ տարին արձակուրդով երթալով ի Պետրպուրկ՝ ամուսնացաւ ընդ Աննայի Աղաթոնով, որ դուստր էր Ալիմով Դաւիթովիչ Աղաթոն հայ քահանայի: 1860 հրատարակեց գաղղիարէն լեզուով զՅոսեփ Կաթանաւի Դոկտրինա ի սկզբնէ շրջոյր դարձ Դիւ ի Կեթոնեարաններոյն (Catalogue de la littérature arménienne depuis le commencement du IV<sup>e</sup> siècle jusque vers le milieu du XVII<sup>e</sup>) ի Յիշատակագիրս պատմական և բանասիրական մասին Գիտութեանց Ակադեմիոյ. (Հատ. Բ. 49-91). 1861ին յաջորդեց Պերոյիէֆի, որ Պետրպուրկի համալսարանի հայ լեզուի ուսուցչութենէ իւր հրաժարականն տուաւ. և նոյն տարւոյն հրատարակեց թարգմանութիւն մը ի ռուս լեզու Ալեքսանդր Կաթանաւի Մովսիսի Կաղանկատուացոյ, տաւ-

ներորդ դարու մատենագրի, ծանոթութեամբք և յաւելլուածներով, զոր և տպագրեց ի տպարանի Գիտութեանց Ակադեմիոյ. և որոյ վրայ քննադատութիւն մը ըրաւ հմուտն Պ. Ի. Լերբ ի Յիշատակագիրս կայսերական ընկերութեան Ռուս հնախօսութեան. (Հատ. Գ. 479-499). 1862ին հրադարակուեցաւ իր ուսն թարգմանութիւնն Սերէոսի Պարփոնիւն ի Հերալդ, հայ մատենագրի եօթներորդ դարու. (էջք ԺԶ-216), և նոյն տարւոյն նաեւ Ղեւոնդեայ երիցու Աբաթոյ ափրապետոյ պարփոնիւն (էջք ԺԲ-861). 1863 տարւոյն ներկայացոյց իբրեւ բանամրցութիւն (thèse) մագիստրոսի առտիճանի ընդունելութեան, իր Պարփոն ճաշի հարստութեան Սասանեանց (Essai historique sur la dynastie sassanide) ըստ տեղեկութեանց քաղելոց ի հայ պատմագրաց: Այս ուսումնասիրութիւն հրատարակեցաւ նախ ի ուսն լեզու Հնախօսական ընկերութեան գրուածոց արեւելեան մասին մէջ, և յետոյ Եւարիստ Պրիւտոմ թարգմանեց ի գաղղիարէն և տպագրեցաւ յԱփփոն օրագրի, ի 1866 (Հատ. Ա. 801-231), և նոյն օրագրին մէջ ի 1868 (Հատ. Բ. 304) քննադատութիւն մը ըրաւ Լանկլուս:

Ի ուսն Հայնապփոնի Բառարանի հրատարակելոյ ի 1861-63, Պատկանեան հատուած մը դրաւ Հայոց պատմութեան, աշխարհագրութեան և մատենագրութեան վրայ: 1864ին վարդապետի ուսմանց աստիճանն ընդունեցաւ ի շնորհս բանամրցութեանն ի ուսն լեզու, որ այս խորագիրն ունէր. Հերադոթոնիւն ի վերայ Կազմութեան հայ վերտի (էջ ԻԳ-106). Թարգմանեցաւ ի գաղղիարէն յԵւարիստ Բրիւտոմէ (Recherches sur la formation de la langue arménienne), և Եդ. Տիւլօրիէ բաղդատելով ընդ բնագրին ծանոթութեամբք հրատարակեց յԱփփոն օրագրի (Զորդ շար, Հատ. ԺԶ, 1870): Մտադիր ընթերցանութեան արժանաւոր է քննադատութիւնն զոր գրուածքիս վրայ հրատարակեց Փ. Յուստի ի Göttingische Gelehrte Anzeigen, 1866, էջ 991-1000 և ինչ

որ նոյն նկատմամբ ըսաւ Ե. Ռշնան ի տեղեկագիրն ասիական ընկերութեան մատուցելոյ ի 28 յունիս 1870: Պատկանեան կը դնէ զհայերէնն ի թիւս իրանեան լեզուաց, « վասն զի նոյն մասնաւոր ձայնական առանձնայատկութիւններն ունի, կ'ըսէ, որ կը զանազանեն ըզգենաւ ի սանսկրիտ լեզուէ » . և սակայն ի յաջորդ իջին կը յաւելու. « Քանի մը դիպուածոց մէջ հայկական լեզուն ձայնագիտական տեսակիտով շատ աւելի հին է քան զպարսկին » . և այս ըսածին՝ ապացոյցներ մէջ կը բերէ: Ծանօթ է յայլուստ որ հմուտ ուսուցիչն բոլորովին թողուց ազա զիրանեան վարդապետականն. Տես « Տեղէ հայկական ի դաստիարակ հնդեւրոպական լեզուաց » հրատարակեալ ի ռուս լեզու ի շարս Վաստայիկ Կոյսերական ուղարկագրական ընկերութեան, 1879. և որ թարգմանեցաւ ի գերման և ի հայ լեզուս:

Այս երկասիրութեան ներածութեան մէջ Պատկանեան իրաւամբք կը պնդէ ի վերայ կարեւորութեան գաւառաբարբառոց, որոյ արդէն ակնարկութիւնն ըրած էր Զրպետ Ստեփան օրօրի (էջ 139-146 գաղղիական թարգմանութեան, 2 շար Հատ. Ժ2, 1871): Կը համարի թէ հայ գրաբարը Արարատեան գաւառին սովորական արքունական լեզուին վրայ հիմնուած է, որ ուրիշ կը կոչուէր, (պարսկ. ֆարսի=լեզու արքունեաց). և թէ չորրորդ դարու սկիզբը, այս պաշտօնական լեզուն եղաւ միակ գրականական լեզու, և հինգերորդին մէջ՝ գիւտ կամ կատարելագործութիւն հայ այբուբենին, միանալով աստուածաշունչ գրոց թարգմանութեան հետ, գործածութիւնն ընդհանուր ըրաւ բոլոր երկրին մէջ. անանկ որ բացարձակապէս գործածուեցաւ հայկական մատենագրութեան ոսկեղէն դարու հեղինակներէն: Ուստի գրաբար հայերէնը ոչ երբէք ազգային ու կենդանի լեզու մը եղած է. և որ առաւել նկատելին է, երբէք աճումն կամ զարգացումն (développement) ունեցած չէ, այլ միշտ անշարժ ու կայուն (stationnaire) իրրեւ մեռեալ լեզու:

մը: Եթէ ուզուի՝ կարելի է հեռաւոր նմանութիւն մը գտնել համեմատութեան ընդ կազմութեան դերման լեզուի, որ նոյնպէս դիւանագիտութեան մէջ գործածական լեզուն յառաջագայած է: Արարտեան ոստանիկ լեզուին հետ պէտք էին ըլլալ այլեւայլ աշխարհիկ գաւառաբարբառք, և աշխարհաբար անունը արժան էր հաւաքաբար հասկնալ: Նոյն իսկ Հայաստանի բազմաբկածեան երկիրը՝ թուի թէ բաւական պիտի ըլլար այս ենթադրութիւնը արդարացընելու համար: Գտնուած են արդեօք մատենագիրք որ այս գաւառական բարբառներուն մէկովը գրած ըլլան: Մենք չենք գիտեր զայս, և եթէ գիտնալու ալ ըլլայինք, անկէ մեծ շահ մը չկար մեզի համար, որովհետեւ ընդօրինակողք զանոնք գրաբարի վերածած պիտի ըլլային: Բայց բարեբաղդաբար լեզուի գիտութեան շահուն համար, դեռ կարելի է մեզ ուսու մնասիրել արդի գաւառաբարբառները, որ անշուշտ հին լեզուաց սերունդք են, յորոց եթէ մաքրենք ինչ որ ներմուծուեր են ի գրացեաց կամ յարշաւանաց, նկատելով նաեւ խաչակրութեանց անցքը, ուրիշ լեզուաց վրայ տեսնուած այլ և այլ փոփոխութիւնք ի նմանօրինակ առիթս, կ'ապացուցանեն թէ քիչ է տարբերութիւնն հին գաւառաբարբառի մը ու իրեն արդի ներկայացուցչին մէջ: Արդէն չորեքտասաներորդ դարու մատենագիր մը՝ Յովհաննէս Եզնկացի, Դիոնիսիոսի Թրակացոյ քերականութեան մեկնութեանը մէջ, ութ հին գաւառական լեզու կը հաշուէ. Ա. Կորճաք (Մոկք?), Բ. Տայեցի, Գ. Խուծայիցի, Դ. Սպերի, Ե. Զորրորդ Հայոց, որ արեւմտեան Հայոց լեզուն էր, Զ. Սիւնեաց (Զօկ), Է. Արցախոյ, Ը. Ոստանիկ արարատեան. և կը յաւելու՝ թէ զրական դաստիարակութեան համար՝ կը բաւէ այս վերջին լեզուն: Սակայն մետասաներորդ դարէն կը պտնուին ի հայ մատենագրութեան այլ և այլ էջք, նա և ամբողջ ճառք՝ աշխարհիկ լեզուով գրուածք: Պատկանեան հետեւեալ դասակարգութիւնը կը դնէ՝ մեզի ծանօթ գաւառական

ւառաքարբառոց համար - նախ, Արարատեան կամ Կով-  
կասի բարբառը, որոյ մէջ պէտք է սեպել երկրորդական  
գաւառաքարբառք՝ որ ի գործածութեան են ի Ռուսիա  
և յԱնդրակովկասեան գաւառաք. երկրորդ՝ Տփղիսու գա-  
ւառաքարբառը. երրորդ՝ արեւմտեան հայկական գաւա-  
ռաքարբառը՝ զոր կը խօսին Եւրոպիոյ Հայք, և Ասիոյ  
Տաճկաստանի մէջ բնակող Հայերէն մաս մը, և գրեթէ  
30,000 Հայք ի Ռուսիա, (ի Խորիմ, Նոր Նախիջեւան  
առ Գոն գետով և ի Բեսարաբիա)։ չորրորդ, Վանի գա-  
ւառաքարբառը, հինգերորդ, Մոկացը. վեցերորդ, զոր  
չի նշանակեր հեղինակն. եօթներորդ, Սասունցոց լեզուն  
ի լերինս Տօրոսի. ութերորդ, Բէյլանի գաւառաքար-  
բառ ի չրջակայս Անտիոքայ. իններորդ, Զէյթունի կամ  
Պւլնիոյ լեզուն, ի լերինս Կիլիկեան Տօրոսի. տասնե-  
րորդ, Զօկերու բարբառը, զոր Ագուլեցիք ու Գարապա-  
ղի քանի մի գիւղերու մէջ կը խօսին. մետասաներորդ,  
Պողթան բարբառը, և երկոտասաներորդ, Հին Զուղայի  
ու Հնդկահայոց մէջ գործածական լեզուն։ « Այս եր-  
կոտասան գաւառաքարբառոց մէջ, — կը գրէր նոյն ա-  
տեն Պատկանեան, միայն երեք առաջինք մեզի քաջ ծա-  
նօթ են » . ու ջանաց անկէ ետքը զանոնք ալ ծանօթա-  
ցընել։ Ուստի 1865ին ղրկեց առ ուսուցիչն Հենր. Պե-  
տերման ի Պեռլին Ագուլեաց լեզուին վրայ տեսութիւն  
մը, որ գերման լեզուով հրատարակուեցաւ ի Monatsbe-  
richte ուսումնաթերթի Ակադիմիոյ Գիտութեանց ի Պեռ-  
լին, ի դասակարգի փիլիսոփայական, պատմական ուս-  
մանց ի 26 նոյեմբերի, 1866 (եր. 727-741)։ Հիմայ  
աւելի ծանօթագոյն է մեզ այս գաւառաքարբառ շնոր-  
հիւ ընտիր երկասիրութեան Սարգսի Սարգսեանց ի Լա-  
զարեան ճեմարանէ, և որոյ խորագիրն է Ագուլեացոց  
Բարբառ, սպ. ի Մոսկուա ի 1883։ Ի 1869 Պատկանեան  
հրատարակեց ի ռուս բարբառ Հեթոդոթո-նի-նէ ի վերայ  
Իտալո-Բարբառոց հայ լեզուի (Պետրպուրկ, 100 էջ.) և ու-  
րոյ վրայ 1875ին աւելցուց՝ նոյնպէս ի ռուս, « Նի-նէ

առաջնադասի մեծ հայ գաղափարաբան . Ա . Նախիջևանի գաղափարաբան էլ ժԶ-140 . որ ուրիշ նիւթերէ զառկը պարունակէ երեք զէպ . Ռափայէլ Պատկանեանի , որ թարգմանուեցան ի գերման յԱրթիւր Լէյպտէ ի Հայկէան ճարտարանի Արգարու Յովհաննիսեան (տպագր . ի Լէյպցիկ առ Գ . Տրիետրիխ 1886) . Բ . Մշոյ բարբառը (էջ ԺԲ-72) հանդերձ արձակ լեզուաւ գրուած վիպականակաւ « Սասունցի Դաւիթ » ըստ բնագրին հրատարակելոյ ի 1874 ի Սրուանձտեանց Գարեգին Վարդապետէ Գրոց և Բրոց կոչուած երկասիրութեան մէջ . Կարելի է համեմատել այս վիպասանութիւնը ուրիշ ժողովրդական վիպասանութեան մը , Մհերի Դուռ ոտանաւոր քերթուածին հետ՝ հրատարակելոյ յԱրեղեանէ ի Շուշի , 1889 (էջ 64) , ինչպէս նաեւ « Լէօնի » մէկ հատուածը այս նիւթին նկատմամբ Մոսկուայի Պաշտօնական Գրականի հանդիսին մէջ , և առանձինն տպագրուած առ Մկրտչի Բարխուդարեանց , ի Մոսկուա , 1891 , էջ 42 : Ո՞վ գիտէ թէ պիտի չըլլայ որ մը՝ յորում կարելի ըլլայ ի մի հաւաքել հայկական դիւցազնական քերթուած մը՝ բերնէ բերան աւանդութեամբ պահուած , ինչպէս Փինեաններու Գալէվալա քերթուածը :

Բանասիրական ուսումնասիրութիւնք են Պատկանեանի հետեւեալ երկասիրութիւնք . « Հայերէն լեզուի բարբառն » ի շէնքերն Նիւնի . մասն Ա (1882) , մասն Բ (1884) ի ռուս լեզու . Քանի թի խոստ՝ կովկասի Յիւսէնեան լեզուի վրայ , ի Պետրպօլսկ 1887 , նոյնպէս ի ռուս , և որոյ վրայ տեսութիւն մը ըրաւ Հանուշ ի Wiener Zeitschrift für die Kunde des Morgenlandes , ի 1887 , և ուրիշ բանասէր մ'ալ , Կ. Ե. ի Յիշատակագիրս արեւելեան բառնի ռուս Հնախօսական ընկերութեան , ի հատորն Բ (էջ 147-157) :

Դառնանք իր երկասիրութեան որ Հեթանոսութեան ի վերայ կողմնակա հայերէն լեզուի խորագիրը կը կրէ . յորում

ներածութենէ՝ մը ետքը այն գաւառաբարբառներու վրայ գոր յիշատակեցինք, հեղինակն քանի մի գաղափար կը յայտնէ մետրոպեան այբուբենին ծագման կամ սկզբնաւորութեան վրայ : Էմին՝ գրուածքի մը մէջ Հայկազնայք—բեկէ վրայ, որ Խորենացոյ պատմութեան ուսթարգմանութեան մէջ դրուած յաւելուածոց չորրորդն է (Մոսկուա, 1858), կը ցուցնէ թէ Մետրոպէն շատ յառաջ հայկական տառք կային, և թէ անոնցմէ մէկն էր առ Ռանիելի ասորւոյ գտնուածք. և Մետրոպ ուրիշ բան չէ ըրած՝ բայց կատարելագործել դանիէլեան նշանագիրք, որ ըստ Գրիգորի Մագիստրոսի՝ քսանուչորս տառերէ ձեւացած էին : Սակայն Էմին հետեւող է Վարդանայ կարծեաց որ կ'ըսէ՝ թէ դանիէլեան տառք քսանուերկու էին, որոց վրայ յաւելանի Մետրոպայ եօթն ձայնաւորք և եօթն բաղաձայնք : Պատկանեան կը ջանայ հերքել այս ենթադրութիւնը. բայց իր պատճառաբանութիւնք մեր օրերուն ոյժ մը չունին այլ եւս :

Հետազոտութեանց առաջին գլխոյն մէջ՝ Պատկանեան կը ճառէ ձայներու (կամ մանաւանդ տառից, հայերէն լեզուի, բաղադասելով ուրիշ համազգի լեզուաց տառից հետ. (152-186). Տիւլօրիէ մեղադիր կ'ըլլայ իրեն որ պէտք եղած կարեւորութիւնը չիտար ը ձայնին, որ զեղչուած կամ կորսուած ձայնի մը տեղ կը դրուի : Երկրորդ գլխոյն մէջ կը խօսի քերականական ձեւերու վրայ, այսինքն՝ անուններու հոլովմանց, (186-227), դերանունանց (227-242), բայերու լծորդութեանց (242-285). Տիւլօրիէ ասոգիս անդին ուղղութիւններ և մեծապէս հետաքննական ծանօթութիւնք կը դնէ. ի մէջ այլոց՝ ձայնաւորաց աստիճանները : Մանրամասն չենք ուզեր խօսիլ, որովհետեւ Պատկանեանի այս երկասիրութիւն, ինչպէս Տիւլօրիէի դիտողութիւնք՝ ուղղուելու կամ կատարելագործուելու պէտք ունին՝ գիտութեան ձեռք բերած արդի արգասիքը : Բայց եթէ նկատենք ժամանակն յորում հրատարակուեցաւ, պէտք է խոստովանինք՝ թէ



Հայերէն լեզուի բանասիրական ուսումնասիրութեան ըզգալի զարգացման՝ մեծապէս օժանդակած է :

Բայ ի բանասիրութենէ՝ Պատկանեան հետամուտ էր ուսման իր երկրին հեախօսութեան և պատմութեան, և անշուշտ շնորհիւ դասախօսութեանց Քոստովիչի հռչակտնուն իրանականին, որ յայնմ ժամանակի ուսուցիչ էր ի Լազարեան ճեմարանին, սկսաւ ընթեռնուլ վանական կոչուած բեւեռատառ անձանագրութիւնքը : Այս նիւթերուն վրայ իր գլխաւոր հրատարակութիւնք հետեւեալներն են . Ս. Քիւրճեանի հրատարակած Հայաստանի Լոսաֆրոսիեան հնախաւան արձէպը (ի ուս) . տես Վատարկի երբորդ Գոստաբան Աբե-եւաֆիտայ, հրատարակելոյ ի Բ. Բ. Գրիգորիէվ (Պետրպուրկ, 1880) և Թարգմանուած ի Հայ ի Փոք) հանդիսի, (1880, թիւ 10) . Բ. ի լրագրի Հատարակաց կրթութեան պաշտօնարանին (Պետրպուրկ, Բալաքեւ) չորս հատուած հրատարակեց Վանի արձանագրութեանց, և անոնց Ասիոյ նախնական պատմութեան կարեւորութեան վրայ . նոյնպէս ալ անոնց ընթերցման դրութեան վրայ, զոր քննադատեց Փարիզու ուսումնասիրութեան Հանդէս Գոստաբան, 1883 . ի վերայ աշխարհագրոսիեան հարեմին ընծայելոյ Մոլդաի Խորենացայ . — Գ. Նոր Գոստաբանի Գլ Վանի արձանագրութեանց վրայ (գաղղիարէն) ի Մոսկու հանդիսի Լուվանիոյ, 1882 : Գ. Պոպկանեան և Սեյա . Քանի մը նորագիւտ բեւեռակերպ գրութեանց վրայ ի սահմանս Ռուսիոյ, ի նոյն Մոսկու լրագրի, 1883 թիւ . 3 . 350-364 : — Ե. Քանի մը խօսք՝ հայկական հին ամիսներու անուանց վրայ . տպ . ի Պետերպուրկ, 1871 . ի ուս լեզու . հետեւեալ 1872 տարւոյն հրատարակուած է ի Վատարակա Արեւելեան բաժնի ուս հնախօսական ընկերութեան, ի հատորն ԺԷ, 1872, էջք 295-339 . նոյնպէս և Յուստի գերսան լեզուով ի լոյս ընծայեց յ'Ausland օրագրի, 1872 ի 5 փետր . ի հատուածին Յաղափ հանդէս Գոստաբանի Հայոց Ueber die älteste armenische Geschichte. Այս գրուածին յառաջարանին մէջ Պատ-

էջանեան կը խօսի Հայաստանի նախնական պատմութեան  
արդի վիճակին վրայ: Զ. Դիտտղութիւնք ի վերայ հա-  
տուածին Էմինի հրատարակելոյ ի Վասսակս արեւելեան  
բաժնին, և այլն, ի հատորն ԺԷ, 1874, էջ 131-147)  
ի ռուս լեզու. այս քննադատութիւնը շարունակութիւն  
է Էմինեանի մէկ ուրիշ աշխատասիրութեան, որ կը գրա-  
ւեն 93էն 133 էջերը, « Վահագն-Վիշապաբաղ հայկա-  
կան դիցաբանութեան և ինդրոս-Վրիտրանա Բիդ Վէ-  
տայի » . և որոյ հետեւանք եղաւ ցաւալի վիճաբանու-  
թիւն մը: — Է. Արեւելեան բաժնին վաստակոց նոյն  
հատորին մէջ (ԺԷ, հատ.) էջ ԼԹ-92, Պատկանեան  
հրատարակեց գրուած մը Պատուական ականց վրայ,  
ըստ տեսութեանց եօթնեւտասներորդ դարու մէջ ապրող  
հայազգւոյ մը, Առաքելի Դավրիժեցւոյ: Ը. Եռալեզու  
անձանագիր մը ի Համատան, հրատարակեալ ի Մոսկով  
ըրազրի 1885, թիւ 1: — Թ. Բեւեռայե-  
նի-ն, հրատարակեալ ի գործ Հնախօսական ընկերու-  
թեան Տփղիսու, Մոսկուա 1887 էջ 115-122. Ժ. Ի  
վերայ ենթադրեալ պատերազմին զոր տուեր է Թագ-  
ղատիալասար ի վերայ ափանց ինդոսի, աշխարհացոյց  
տախտակով մը, տպ. ի Պետրպուրկ, 1879 էջ 40.  
Նոյնպէս նաեւ ի Գործս համազգային ժողովոյ արեւե-  
լագիտաց, տպ. ի Պետրպուրկ ի ռուս լեզու ի 1879-  
80, (էջ 33-77). քննադատեց այս գրուածք Եմիլ Տիւ-  
լոն (Dillon) յԱլէէնն (Բելճիոյ) ի 1 մարտ 1880, էջ  
57. յորում կ'ըսէ թէ Պատկանեան կը ցուցնէ թէ այս  
պատերազմ՝ երթադրութիւն մ'է, և նոյն իսկ այս տե-  
սակիտով անընդունելի է ու անպաշտպանելի: Քննադա-  
տութիւն մ'ալ ըրաւ Աղեքսանդր Երիցեանց (ի ռուս)  
ի Կովս ըրազրի, թիւ 115. — ԺԱ. Ի Հանդէս քննա-  
դատիւն համալսարանի գրուած մը հրատարակեց Օլսհաւ-  
սէնի Parthava und Pahlav, Mada und Mah գրութեան  
վրայ գաղղիարէն լեզուաւ յորում կը ստորագրէ K. de  
Restaing. ու հայերէն լեզուով թարգմանութիւն մ'ալ  
կայ:

Վերջացրենք ի Պատկանեանէ հրատարակուած պատմական գրուածներով. և են Ա. Ճաշոյի Վերայ Նախնական պատմութեան իրականութեան Հայոց, ռուս լեզուով, և յետեալ յԼեհահամար պատմութեան իրականութեան հրատարակելոյ ի Գորշէ, ի չորրորդ տետրի, Պետրպուրկ 1880: — Բ. Դիտարմանութեան, զորս աչի առջեւ տանելու որոշու է ի հրատարակել զարեւելեան աղբերս ազգային պատմութեան ի Քուլնիքէ և ի Ք. Պ. ի Գործս Ռուսական հնախօսական ընկերութեան, ի հատոր Ը: — Գ. Ժամանակագրական պատմութիւն Մխիթարայ Այրիվանցոյ (ԺԳ դար). հայ բնագիրն ի 1867, Թարգմանութիւնն ի ռուս ի 1869, և երկուքն ալ յետեալ ի Գործս Արեւելեան բաժնին ի հատորն ԺԳ (էջ 223—418): — Դ. Օրագիր պաշարման Սպահանու յԱֆղանաց ի 1722—3, դրեալ ի Պետրոսէ Սարգսեան, ի Յիշատակարանս Պետրպուրկի Կայսերական Գիտութեանց Ակադիմիայ, ի հատորն ԺԵ, մասն Գ. էջ ԼԲ—58: — Ե. Պատմութեան Մոլդաւիայ Բելգիայի (ԺԳ դար), հայ բնագիրն ի 1870, ռուս Թարգմանութիւնն ի Պետրպուրկ ի 1871 (էջ Ժ—106): — Զ. Պատմութեան Մոլդաւիայ, ըստ պատմըաց Հայոց երեքտասաներորդ դարու, անոնց ալ և ալ հատուածներն մէջ բերելով ու Թարգմանելով ի ռուս՝ հանդերձ ծանօթութեամբ. երկու պրակք, տպագրեալք ի Պետրպուրկ ի 1873—74: — Է. Աննա Շերկոյչ, հայ բնագիրն, տպ. ի Պետրպուրկ ի 1877: — Ը. Պատմութեան Հերակլի Սերէոս Եպիսկոպոսէ (Է դարու պատմիչ), հանդերձ շարունակութեամբ պատմութեան Միլիարայ Անգլոյ, (ԺԲ դար), հայ բնագիրն տպ. ի Պետրպուրկ, 1879: — Թ. Մատենախօսութիւն հայ պատմական գրականութեան (ի ռուս). տպ. ի Պետրպուրկ 1880, ինչպէս նաեւ ի Գործս Գ. Գումարման Արեւելագիտաց. (Հատ. Ա. էջ 455—511). Թարգմանութիւնն ի հայ ի Փոք Տանգիսի, 1880. ռուսի Թարգմանեալ և տպ. ի Տետմութեան (Обзор) լրագրի, ի Թիւս 441—43, ի

1880. ինչպէս նաեւ Տիլլոն արեւելագիտին կողմանէ գրուած քննադատութիւն մը ի Մոսկով լրագրի Բելճիոյ, 1882. թիւ 1: — Ժ. Փասարոսի Բեղանդ. Հայ բնագիր Պետրոս. 1883: — ԺԱ. Բանք չափաւ Յարոնիւն Վարդապետի Աւարդարեանց. Հայ բն. Պետրոս. 1884: — ԺԲ. Հարուն-դէր+ ի գրոց պատմագրաց Հայոց, ի Հայ. տպ. ի Պետրոս. 1884: — ԺԳ. Պարոնիւն Թովմայի Արթուրանայ. Հայ բն. տպ. ի Պետրոս. 1887. տես նաեւ ի Գործս Հնախօսական ընկերութեան Տիգրիսու. ի Մոսկուս 1887: — ԺԴ. Քննադատութիւն ի վերայ գրոցն Լաւերի Հայկական ընտիր Հատուածք (Armenische Chrestomathie) ի Քննադատական հանդիպելի հանդիպելի (Revue critique internationale), 1881: — ԺԵ. Կենսագրութիւն և գրականական լատարի Սեն-Մարիի հայագիտի, ի Փոքի Հանդիսի 1881, թիւ 5: — ԺԶ. Քննադատութիւն աշխարհագրութեան Մովսիս Խորենացոյ հրատարակելոյ ի Հ. Արսենէ Սուքրի. ի Մոսկով լրագրի, 1882 (էջ 447-452) K. de Resnais ստորագրութեամբ: — ԺԷ. Աշխարհագրութիւն Հայաստանի, ընծայելոյ Մովսիս Խորենացոյ, Հայ բնագիր, Թարգմ. ուսւ և ծանօթութիւնք. տպ. ի Պետրոս. ի 1877 (էջ ԻԸ+84+26), աշխարհացոյց տախտակօք. քննադատութիւնն ի Փոքի Հանդիսի 1877, թիւ 4:

Արդէն համառօտեցինք Պատկանեանի կենսագրութիւնն մինչ ի 1862. 1872 թուականին թոշակաւոր ուսուցիչ եղաւ ի համալսարանին Պետրոպոլիի, և ի 1885 թղթակից անդամ Գիտութեանց Ակադիմիոյ: Ճանապարհորդութիւններ ալ ըրած է ի Գաղղիա, ի Գերմանիա, յիտալիա, ի Կովկաս և այլուր. մեռաւ յ'2 ապրիլ 1889: Իր որդին, Ս. Պատկանեան, թէպէտ գիտութեանց հետամուտ, բայց բանասիրական ուսմամբք ալ կը զբաղի, որովհետեւ երկասիրած է ընտիր հեղինակութիւն մը Ուտիական վիպասանականաց վրայ, և որ հրատարակուած է ի Պետրոպոլի, 1891:

Կը մնայ մեզ խօսիլ Մկրտիչ Էմին բանասիրին վրայ,

և անով կնքել մեր տեսութիւններ Ռուս հայ և հայա-  
գէտ բանասիրաց վրայ:

★  
★ ★

Մինչ Պատկանեան ետեւէ էր Պետրպուրկի մէջ հայ-  
կական ուսմանց այնպիսի դիրք մը տալ որ պատշաճա-  
կանն էր ուսումնական աշխարհի մէջ, ուրիշ ոչինչ նուազ  
նշանաւոր անձ մ'ալ նոյն վախճանաւ կ'աշխատէր ի  
Մոսկուա: Մկրտիչ Յովսէփեան էմին, որ ծնած է ի  
1813 ի նորն Զուղա, Ասպահանի արուարձանաց միջն  
մէջ: Իննամեայ հասակին հայրն տարաւ զնա ի Հնդդիկս,  
ու Կալկաթայի Մարդասիրական դպրոցը դրաւ, ուր կե-  
ցաւ մինչ ի վեջատասան ամ հասակին: 1829 թուին  
չուետացի նաւով մը անցաւ ի Ստոքհոլմ և անտի ի Մոս-  
կուա, Լազարեան ուսումնարանին մէջ ուսումն առաջ տա-  
նելու համար, և ուստի չբաժնուեցաւ մինչեւ ի մահ:  
Հոն եռանդեամբ պարապեցաւ լեզուաց ուսման, ի մէջ  
որոց պարսկերէնի և անգղիերէնի և գրականութեան:  
Ժամանակէ մը ետքը ուսուցիչ ու նաեւ վարիչ եղաւ ու-  
սումնարանին, ինչպէս նաեւ Վլադիմիր գիմնազիոնին:  
Մեծ ջանք ունեցաւ հայ գրականութիւնը ծանօթացընել  
ռուս և եւրոպացի գիտնոց, ի նմին ժամանակի չղաղրե-  
լով քննադատութեամբ հրատարակել հայ մատենագրաց  
բնագիրքը: Առաջին գրաւոր վաստակն եղաւ Թարգմա-  
նութիւն մը ի հայ Վիլմէնի միջին դարուց մատենա-  
գրութեան պատմութեանը որ հրատարակուեցաւ ի 1836.  
ուստի և սոյն պատճառաւ բարեկամք և վրան զարմա-  
ցողք իր ուսումնական կենաց յիսներեակը տօնեցին ի  
1886 ի 16 ապրիլի: Ուսուցիչն Գր. Խալաթեանց՝ իրեն  
յաջորդն ի Լազարեան ուսումնարանի, հասորի մը մէջ  
հաւաքեց բազմաթիւ նամակներ և հեռագիրք որ այս առ-  
թով ուղղուեցան մեծանուն գործակցին: Գիրքս շարա-  
դրուած է ի ռուս բարբառ, և խորագիր ունի. « Յիս-

ներեակ մանկավարժական գործունէութեան Մ. Յ. Էմինեան. Մոսկուա, 1887 » : Բայց այս հանդիսէն զրեթէ վեց տարի յառաջ զրաւոր աշխատանքէ դադրած էր Էմին. վասն զի 1881 ին ի Տփղիս գումարուած հնախօսական ժողովոյն ներկայ գտնուելէն ետքը՝ կաթուածահար եղաւ, որ երկար և ցաւագին հիւանդութեամբ տառապելով, յ'19 դեկտ. 1890 վախճանեցաւ եօթանասուն և եօթնամեայ հասակին : Ճեմարանի և Վէնետոյ Մխիթարեանց ձգած գումարի մը շնորհիւ տարուէ տարի կարելի պիտի ըլլայ տպագրել յիշատակարաններ մը հայկական ուսմանց՝ որոց բարգաւաճանաց այնչափ եռանդն երեւցուց ի կեանս :

Իր գլխաւոր երկասիրութիւններն յիշատակելով բաւականանանք, քիչ մը յերկարելով մատենախօսական տեղեկութեանց վրայ, որպէս զի ընթերցանելեան հետաքրքրութիւնը գոհ ընենք :

Փաղղիական լեզուով հրատարակեց Էմին Փաւտոս Բիւզանդացոյ պատմութիւնը, և տպագրուած է Լանկլուայի Հայ պատմաբան հասարակութեան մէջ, ի հատորն Ա. Փարիզ (առ Տիտոյի, 1867) : Քննադատական տեսութիւն մը հրատարակեցաւ ի Տիւլորիէէ յ'Օրէֆէի իմաստնոյ (Journal des Savants), ի 1869, յամսաթերթս հոկտեմբերի և նոյեմբերի. ուրիշ մ'ալ գերման լեզուով ի Göttingische gelehrte Anzeigen, ի 24 յունիսի 1868 տարւոյ. և որ թարգմանուեցաւ ի հայ ի Հայկական աշխարհ ամսաթերթս Տփղիսի, 1868 թիւ 12 :

Թարգմանեց Էմին ի ռուս բարբառ զպատմութիւն Մովսիսի Խորենացոյ, զընդհանուր պատմութիւն մեծին Վարդանայ և զՍտեփանոսի Տարոնեցոյ : Խորենացոյ պատմութիւն տպագրեցաւ ի Մոսկուա (առ Խատկովի) ի 1858, էջ 384+ը. և այսպիսի է ցուցակ բովանդակութեանն, Ներածութիւն (1-26) : Թարգմանութիւն պատմութեան Խորենացոյ (27-132) : Հինգ հարիւր վաթսունութերեք թիւ ծանօթութիւնք (133-329) : Յուցակ թա-

գաւորաց Հայաստանի (138): Յաւելուածք. Ա. Աշխարհագրութիւն Հայաստանի (335-351): Բ. Քանոփոնի Դաստիարակութիւն Կիւրոսի գրքէն հատուած Գիրք Գ. Գլ. Ա. (451-358): Գրոց հին ցուցակէ մը քաղուած (458-360): Դ. Հայերէն այբուբենի վրայ ի վեց գլուխ՝ հանդերձ տախտակօք (361-376): Ե. Քաղուած ի գրոց Սէն Մարտենի (376-7): Զ. Ծանօթութիւնք յաւելուածականք ի վերայ հայ այբուբենին. (377-383): Նոր տպագրութիւն մը նոյն գործոյն՝ յետ մահուան Թարգմանչին, հրատարակութեամբ Գր. Խալաթեանց:

Ինչպէս յառաջ ակնարկեցինք, Հայկառայեցիներն վրայի յօդուածը ի 1865 թարգմանեց ի գաղղիարէն Եւարիստ Բրիւտոմ և հրատարակեց յԱրեւելեան հանրէի:

Վարդանայ մեծին ընդհանուր պատմութեան ուսման թարգմանութիւնը հրատարակեցաւ ի Մոսկուա ի 1861: Այս ընտիր աշխատասիրութիւն՝ հետեւեալ գլուխներու բաժնուած է. — Ներածութիւն (Ա. — ԻԴ): Թարգմանութիւն բնագրին (1-202): Եօթն հարիւր վաթսուն և վեց ծանօթութիւնք, և յաւելուածք (1-217). որ են՝ Մահմետ՝ ըստ հայ պատմագրաց՝ Մովսիսի Կաղանկատուացւոյ, Թովմայի Արծրունւոյ և Կիրակոսի Փանծակեցւոյ: — Քաղուած ի Սեբէոսէ, գիրք Գ. Գլ. Լ. (163-72 էջ ըստ տպագրին Կոստանդնուպոլսի 1851 տարւոյ): Քաղուած ի Գրիգորէ Մագիստրոսէ, հայ բնագիրն: Քաղուած ի Սամուելէ Անեցւոյ, հայ բնագիրն. Թարգմանութիւն Կիրակոս պատմչի, և այլն:

Վարդանայ բնագրին ալ հրատարակութիւնն, որ նախկին տպագրութիւն (Princeps) է նոյն մատենագրութեան, եղաւ խնամովք Էմինի ի Մոսկուա, նոյն 1861 թուականին, Զ+218 էջերու մէջ ամփոփուած. երկու գրչագրաց հետեւողութեամբ, յորոց մին անթուական՝ և ի մատենադարանէ գիտուն հրատարակչին, և միւսն 1814 թուականի ընդօրինակութիւն՝ հրամանաւ Ներսի-

աի Աշտարակեցւոյ՝ Վրաստանի արքեպիսկոպոսի, Էջմիածնի մատենադարանի մէջ պահուած հնգետասաներորորդ դարու գրչագրի մը վրայ, և ընծայեալ ի նմանէ Ռուսիանցով կոմսին:

Պետրպուրկի Գիտութեանց կայսերական Ակադեմիոյ Յիշատակարանաց մէջ (Է շար, հատ. Գ. Թիւ 9, 1862) Պրոսէ հրատարակեց այս տպագրին և թարգմանութեան վրայ մեծապէս հետաքննական տեսութիւն մը: Գիտութիւն ընել կու տայ որ շատ տեղ բռնադատուած է հզօր մրցման՝ կարգէ դուրս սեղմ բնագրի մը դիմաց. կրնար նաեւ յաւելուլ՝ անգիտաբար կրճատեալ և խառնակ անհոգ և տգէտ ընդօրինակողաց ձեռքով: Տպագրութիւն մ'ալ Վենետիոյ Միթարեանք հրատարակեցին (ԺԴ+184) ի 1862, շատ հմուտ՝ բայց դժբաղդաբար սակաւաթիւ ծանօթութիւններով: Կը յուսանք որ քիչ ատենէն ճանչցուելով այլեւայլ ընթերցուածոց կարգադրութեան օգուտը, ոռւս լեզուէ շատ աւելի տարածուած լեզուով Վարդանայ պատմութեան թարգմանութիւն մը ընծայուի:

Ինչ որ Վարդանայ՝ նոյնն ըրաւ Էմինեան նաեւ ուրիշ ոչ նուազ կարեւորագոյն հայ պատմիչի մը, Ստեփանոսի Տարօնեցւոյ՝ Ասողիկ կոչեցելոյ. որոյ երկասիրած պատմութեան ոռւս թարգմանութիւն հրատարակեցաւ ի Մոսկուա ի 1864. որ կ'ամփոփուի 1-209, բուն բնագրին թարգմանութիւն, ու շատ ծանօթութիւնք և յաւելուածք կը պարունակէ, որով ամբողջ գիրքն է Ի×336 էջ: Ծանօթ է բանասիրաց, որ Տիւլորիէ հայագիտին ձեռքով եղած գաղղիական թարգմանութեան առաջին հատորն արդէն հրատարակուած է, և Գարրիէր հետամուտ է ի գլխաւորել զայն: Իսկ բնագրին՝ փառաւոր և ընտիր տպագիր մը ունինք հիմայ՝ Եզովի խնամօք:

Հետեւեալներն են Էմինեանի ուրիշ հայ մատենագրութեանց թարգմանութիւնք ի ոռւս.

Ա. Ներսիսի Լամբրոնացւոյ արքեպիսկոպոսին Տար-



սոնի Ատենաբանութիւնը ի Հանդէս Ուղղութեան . Մոսկուա, 1764 :

Բ. Պատմութիւն ննջման սրբոյ Կուսին, ի Յովհաննէ աւետարանչէ գրեալ . անվաւեր հայկական գրութիւն Ե դարու . ի նմին Ուղղութեան Հանդէսի, ի Մոսկուա, 1874 . հատոր Ա, էջ 146-160 :

Գ. Հանգիստ Յովհաննէ աւետարանչի անվաւեր գրութիւն այս սուրբ առաքելոյն, յՈւղղութեան Հանդէսի, Մոսկուա, 1876 . հատոր Ա. 1-46 :

Դ. Վարդ սրբոյն Թաղէոսի և Բարթուղիմէոսի առաքելոց Հայաստանի . անվաւեր գրութիւն հինգերորդ դարու, վերոյիշեալ Հանգիսին 1877 տարւոյն երրորդ հատորին վերջ, առանձինն երեսներու թուով (1-36) :

Ե. Վարդ սրբոյն Ռոմանոսի և Դաւթի (Պորիս և Կըլէր, ռուս մարտիրոսք), յամսաթերթին՝ Ռուսիոյ Եկեղեցի, Մոսկուա 1877, հատ. Ա. 273-277 :

Զ. Սեբերիանոսի ճառ մը պահուած հայկական հինգերորդ դարու մէջ եղած թարգմանութեամբ մը, յՈւղղութեան Հանդէսի, Մոսկուա 1878, հատ Բ. 638-645 :

Է. Շարականի ամբողջ թարգմանութիւն . Մոսկուա, 1879 :

Ը. Արիստիդեայ քրիստոնէութեան ջատագովի և իմաստասիրի Աթենացւոյ, ընծայեալ առ Կայսրն Ադրիանոս, և պահեալ հինգերորդ դարու հայկական թարգմանութեան մէջ . յՈւղղութեան Հանդէսի, Մոսկուա 1879, հատոր Գ. 247-352 :

Թ. Անվաւեր ու նոր գտնուած հայերէն գրուածք, իբրու նման թղթոյն զոր առ Ժերակոյան Հռովմայ գրեց Պորփիրոս Լենտուլոս վասն Քրիստոսի, յՈւղղութեան Հանդէսի, Մոսկուա 1880, հատ Բ. 35-41 .

Ժ. Հայկական արձանագրութիւնք ի Կարս և յԱնի, բնագիր և թարգմանութիւն ի Յէշտապարան Կայսերական հետազոտութեան ընկերութեան, Մոսկուա 1881 :

Էմինի ձեռքով եղած հայ բնագրաց հրատարակու-

թիւնք, բաց ի մեր արդէն յիշատակածներէն, նշանակենք նաեւ հետեւեալքն.

1 Յովհաննու կաթողիկոսի Պատմութիւն Հայոց. Մոսկուա 1853, ԺԶ-219:

2 Թուղթ Ղազարայ Փարպեցւոյ առ Վահան տէրն Մամիկոնէից, Մոսկուա, 1853. նախկին տպագրութիւն գրուածոյս:

3 Մովսիսի Կաղանկատուացւոյ պատմութիւն Աղուանից:

4 Մխիթարայ Այրիվանեցւոյ պատմութիւն Հայոց, նախկին տպագրութիւն՝ Մոսկուա 1860: Ի վերջ հրատարակութեանս գրուած է յիշմանէ հայ լեզուաւ տեղեկութիւն մը Լազարեան ուսումնարանի վրայ, Մոսկուա 1856:

Ստեփանոսի (Օրբէլեան) արքեպիսկոպոսի Սիւնեաց Պատմութիւն Տանն Սիսական, Մոսկուա 1861: Արդէն յիշատակած ենք գրքիս գաղղիական թարգմանութիւնն ու տպագրութիւն Պրոսէի ձեռքով, ի Պետրպուրկ, 1864-66:

Կը մնայ մեզ յիշել Էմինի բնագիր երկասիրութիւններն: Հայերէն լեզուով գրած է 1) Քերականութիւն մը գրաբար լեզուի, տպ. Մոսկուա, 1846: 2) Հատընտիր հատուածոց գիրք մը հայ մատենագրաց, հայ-ռուս համառօտ բառարանաւ. Մոսկուա. 1849: 3) Ընտիր գրութիւն մը Վէպ հնոյն Հայաստանի, կոչուած, Մոսկուա 1850, գրաբար լեզուով, որոյ վրայ քննադատութիւն մը հրատարակեց Տիւլորիէ յԱթու լրագրի (շար չորրորդ հատ. ԺԹ. 1-58), զոր նոյն հայագէտ աւելի ուսումնասիրելով հրատարակեց ի Հանդէս երկուց աշխարհաց, յամսաթերթն ապրիլի, 1852: 1881 Տփղիսու Հնագիտական հինգերորդ ժողովոյն առթիւ ի լոյս ընծայեց Էմին գրուած մը ի ռուս, 84 իջից մէջ ամփոփուած, յորում կերպով մը կը համառօտէ իր 1850ի տպագրած այս գրուած, որ թարգմանեցաւ ի հայ ի Գր. Խաչա-

Թեան ուսուցչէ Լազարեան ուսումնարանի ի Մոսկուա . Մովսէս Խորենացի և հին Հայոց վեդերը խորագրով, որ նախ տպագրեցաւ յԱլեքսանդր օրագրի, և ապա առանձին տետրակով ալ ի Տփղիս, 1886 : Հետեւեալ տարին, նոյն քաղաքին մէջ, երկրորդ Թարգմանութիւն մ'ալ հրատարակեցաւ ի Խ . Յովհաննիսեանէ : Յիշենք նաեւ Մեղու Հայաստանի լրագրին մէկ քննադատութիւնը ի 1871, Թիւ 163 և 164 :

Այս « Պատմական երկերէն » զատ՝ ուրիշ ընտիր գորուածք մը ունի Էմին, նոյնպէս ի ոռւս լեզու, Հեթանոսութեան ի վերայ հեթանոսական իրոնց Հայոց կոչուած, Մոսկուա 1864 : Գաղղիական Թարգմանութիւն մը կայ գորուածքիս ի Տըսթատլերէ, և զետեղեալ ի Հանդէս տրեւելի : Իսկ եղած քննադատութեանց նկատմամբ՝ յիշատակութեան արժանաւոր է Լանկուայինը ի Հեմտ (Nord) լրագրի, ուստի Թարգմանեցաւ ի ոռւս և տպագրեցաւ երկու օրագրաց մէջ :

Ասոնցմէ զատ հրատարակած է Էմին նաեւ հետեւեալքը՝ Հայոց և հայերէն լեզուի նկատմամբ, ի ոռւս բարբառ .

Հեթանոսութեան ի վերայ պատմութեան տրեւելի եկեղեցաց հայաստանեայց, ի Մոսկուա, յՈւղղափառ հանդէսի, 1864 :

Վահագն Վիշապապի վրայ հրատարակուած հատուածները . Մոսկուա, 1873 :

Տեղեկութիւնք Կարսայ հին եկեղեցւոյն վրայ, ի լրագրին Մոսկուայի, 1879, Թիւ 49 :

Գաղթականութիւնք Հրէից, ի հինն Հայաստան, որ տպագրեցաւ ի Յեթանոսութեան Հանդէսի ընկերութեան Մոսկուայի, հասար Ը, 1880 :

Քննադատութիւն մը Ռընանի յայտնած մէկ կարծեաց վրայ Արիստիդեայ լատագրութեան գրոց նկատմամբ, ոռւս Քննադատական հանդէսի մէջ :

## Յ Ա Ի Ե Լ Ո Ի Ա Ծ

### ՀԵՆՐԻ ԳԵԼՁԵՐ

Հենրի Գելզեր ծնաւ յամի 1847 ի Բերլին ի 1 յուլիսի: Երեք տարեկան էր երբ հայրը ընտանեօք փոխադրուեցաւ Զուիցերիոյ Բալ կամ Բադիլէա քաղաքը: Հոն յաճախեց ի դպրոցս 1854էն 1865, և ի համալսարանն 1865էն 1867: 1867էն 1869 դնաց ի Կէօտտինկէն, ուր ումունքը առաջ տարաւ, հետեւեալ վարժապետաց մօտ, Կուրտիոսի (այժմ ի Բերլին) Սոպպէ Հերմանի (+ 1894) և Վաշմուտի (այժմ ի Լայպցիկ): Ի Կէօտտինկէն իւր վարդապետութեան աստիճանի բանամրցութիւնն ըրաւ: Յետոյ 1869էն 1873 ուսուցչութիւն ըրաւ Բադիլէայի կրթարանին. 1872էն 1873 կը յաճախէր նաեւ նոյն քաղաքի «Privatdozent» համալսարանը: Նոյն 1873ին կոչուեցաւ իբրեւ արտաքոյ կարգի (extraordinaire) ուսուցիչ հին պատմութեան ի Հայդելբերգ. ուր հինգ տարի ըրաւ իւր ուսուցչութիւնը: 1878ին եղաւ սովորական (ordinaire) ուսուցիչ, դասական բանասիրութեան և հին պատմութեան Ժենայ քաղաքի համալսարանին, ուր է մինչև ցայժմ:

Գելզեր հրատարակած է բազմաթիւ պատմական և քննադատական գրուածքներ ի գերման լեզու: 1871-72 ուղեւորութիւն մ'ըրած է ի Փոքր Ասիա և ի Յունաստան իւր Կուրտիոս և մի քանի այլ ուսուցչաց ընկերութեամբ, և այդ պատճառաւ գրած է տեղագրութիւնք այլ և այլ տեղեաց:

Ինչպէս յերոպագի հայագիտաց շատերը այցելած են ի վանս Ս. Ղազարու, նոյնպէս և Գելզեր տարւոյս մէջ Վենետիկ գալով մի քանի օր այցելեց ի Վանս, զբաւ-

ղելով Բիւզանդայ պատմութեան բաղդատաթեամբ: Գրեթէ աւելի վերջերս սկսած է Գելզեր զբաղիլ հայկական ուսմամբ և այդ պատճառաւ մինչեւ ցարդ հրատարակած գրուածքներէն խիստ նուազունք կը պատկանին մեր մատենագրութեան: Յիշենք միայն իւր գրուածքներէն մի քանին. Գէորգ Կիպրացւոյ տեղագրութիւն Հռովմէական գաւառաց » Georgii Cyprii descriptio orbis Romani. Leipzig 1890. « Դիցարանութիւն Հայոց » Die Armenische Mythologie. տարւոյս մէջ հրատարակեց ի կայսերական ընկերութեան հանդիսի և առանձին գրքոյկ մը « Սկիզբն հայկական Եկեղեցւոյ » խորագրով գրուածք մը. Die Anfänge der armenischen Kirche. Գելզերի այժմեան անքոյթ ջանքն յուսումն հայկական մատենագրութեան, յետագայ տարիներու մէջ կը խօստանայ երկասիրել և հրատարակել բազմաթիւ ընտիր գրուածքներ յօգուտ մեր պատմութեան և մատենագրութեան և ի պատիւ իւր անուան:

Յիշելու արժանի է նաեւ Հերնրիկ Գուսէն, Գերմանացի հայագէտն որ մեծապէս հետաքրքրուելով հայ լեզուի ուսմամբ և մատենագրութեամբ, ոչ ինչ նուազ ջանքով և սովորենութեամբ ուսած է հայերէն լեզուն և միանգամայն ծանօթացած մեր նախնեաց մատենագրութեան: Ինքն այժմ Ստրասբուրգ կը գտնուի և զինուորական փողովրդապետ է (Curé militaire). իւր մեզի ծանօթ հայկական մատենագրութեան վերաբերեալ գրութիւնն է՝ Յոսակ հայկական մատենագրութեան գլխաւորապէս Նախնեաց Թարգմանութեանց ի լատին լեզու. նոյնպէս նաեւ Յոսակ հայկական թարգմանութիւն, ոչ Լամբրոնացւոյն. այս երկու գրութիւնքն եւս դեռ տպագրութեամբ ի լոյս ընծայուած չեն:

Նոր հայագիտաց կարգէն կրնայ համարուիլ նաեւ Զուեցերացի ուսուցիչն իմաստասիրութեան Օգոստ Պուրկարդ:



Գրքոյս վերջ հասնելով հոս կ'արժէ որ Շրումպֆի յաւելուածով համառօտիւ յիշատակութիւն մը ընենք՝ հայ ազգին վերաբերեալ այն ամէն եւրոպական լեզուով հրատարակութեանց, որ եղած են խնամօք և ի ձեռն Մխիթարեանց վենետկոյ և վիեննայի: Արդէն խօսեցանք Եւսեբեայ Քրոնիկոնին կամ Ժամանակականաց ի լատին թարգմանութեան և տպագրութեան վրայ՝ Ագգերեան Հ. Մըլլըրտչի ձեռքով: Գեր. Սուքիաս Սոմալառալին եղած է Եւրոպացի գիտնոց մտադրութիւնն հրաւիրելու հայկական մատենագրութեան մէջ պահուած բազմաթիւ գանձերուն վրայ, իր երկու իտալական լեզուով հրատարակութեամբք, որ են *Գրադարանի դասակարգութեան երկու սրբոց Հարց և այլոց մարեմաբոյս սր ի նախնեաց խաբանութեան* եւ ի հայ (Catalogo delle opere classiche dei SS. Padri e di altri scrittori tradotte anticamente in armeno) 1825 և *Պարսկեր մարեմաբոյս պարսկական Հայաստանի* (Quadro della storia letteraria di Armenia), 1829: Յաւալի է որ Մխիթարեանք դեռ հետամուտ չեն եղած ընդարձակել այս փորձերը, հրատարակելով ընտիր ընդհանուր պատմութիւն մը հայկական գրականութեան, օրինակ իմն գաղղիական կամ գերմանական թարգմանութիւն մը ընտիր երկասիրութեանց Հօր Գարեգնի, ի վերայ Հայկական հին խաբանութեանց յայն հեղինակոց, Հին և նոր մարեմաբոյս խաբանութեանց, և վերջապէս իր Հայկական մարեմաբոյս խաբանութեան: Նոյն դիտողութիւն կրնանք ընել նկատմամբ պատմութեան, աշխարհագրութեան և հնութեանց: Այս տեսակէտով ինչուան հիմայ ունեցածնիս համառօտութիւններ են, թէպէտ և մեծապէս յարգի, Հօր Իսա վերտենցի յանգղիական լեզու՝ Հայաստան և Հայ (Armenia and the Armenians, 1874-76). Առաջին մասն Աշխարհագրութեան. երկրորդն Քաղաքական պարսկական. երրորդն Պարսկական

Եկեղեցւոյ Հայոց: Այս երեք հատորէն զատ՝ Հայկական Ժառանգ (The Armenian Ritual, 1872-76). Ա. Խորհրդարան. Բ. Միգրոմիան և Դրոշ. Գ. Ձեռնագրոմիան գիրք. Դ. Մէտ և արարողոմիան: Նոյնպէս իր պարկերաշարդ Հայոց պարմոմիան, գաղղիարէն լեզուաւ, յերկուս հատորս: Բայց չունինք Չամչեանի Հայոց պարմոմիան, և լոկ համառօտութիւն մը Ազգալեանցի ձեռքով (History of Armenia, with a continuation by the traslator. 2 vols. Calcutta, 1827).

Գալով հայ հեղինակաց գրուածոց՝ որոց թարգմանութիւնն հրատարակեր են Մխիթարեանք եւրոպական լեզուններով, խիստ բազմաթիւ են: Այսպէս բաց ի Քրոնիկոնէն Եւսեբեայ, նոյն Ազգերեան Հ. Մկրտիչ Թարգմանեց ի լատին Փիլոնի հերրայեցւոյ երեք ճառք (1822), զՄնացորդս նոյն հեղինակին (1827), զՀամբարձու սրբոց աւետարանաց սրբոյն Եփրեմի ասորւոյ (1874), ուղղագրութեամբ Մերսինկերի գերմանացւոյ զգրուածս Յովհաննու Դ կաթողիկոսի Օձնեցւոյ (1834), Սեբերիանոսի ճառերը, և յիտալական լեզու զԱտենաբանութիւն Ներսիսի Լամբրոնացւոյ (Թարգմանութեամբ Հ. Յարութեան Ազգերեան): Արդէն խօսեցանք Ագաթանգեղոսի և Խորենացւոյ պատմութեան գրոց իտալ թարգմանութեան, և Ներսիսի շնորհալոյ գրուածոց ի լատին՝ Թարգմանութեամբ Գափիէլէդդի քահանայի. և Միքայելի Ասորւոյ երկասիրութեան թարգմանութեանն ի գաղղիական ի Վիկտորէ Լանկլուա:

Պակաս չեն սրբոյն Ղազարու վանից վրայ տեղեկութեան գրքեր եւրոպական լեզուններով. օրինակ իմն՝ ի գաղղիականն Պորէի, Լըվայեան Տրֆլորիվալի, Վիկտոր Լանկլուայի (Թարգմանեալ յանգղիականն ի Փրեդ. Շրէտէր, 1874), Զէլինսքիի ի լեհ, Ազգերեանի յիտալ (1819), Եգիտիոսի Հէննըման ի գերմ, Լուդովիկեայ Ա արքային Պաւարիոյ մէկ քերթուածը, որ այլեւայլ լեզուներու թարգմանուած ու տպագրուած է: Յիշենք անցու-

ղաքար զբաղման լեզու հրատարակութիւն սրբոյն Ներսիսի Շնորհալուոյ Հասարակ Խոսքովանի՝ աղօթից այլեւայլ անգամ (1810-82), յորոց վերջինն երեսունուվեց լեզուով է, և Պայեան հօր Թարգմանութեամբ հայկական ժողովրդական առածից գաղղիական ու անգղիացի Թարգմանութիւնք:

Ապա կը յաջորդեն քերականութիւնք և բառագիրք: Համառօտ բառգիրք գաղղ — հայ և հայ գաղղ. Հ. Յարութեան Աւգեր, յերկուս հատորս, 1812-7. — Անգղ-հայ և հայ. անգղ նոյն հեղինակին, Յոհան Պրանդ անգղիացւոյն գործակցութեամբ յ'2 հատորս, 1821-25. դարձեալ նոյն վարդապետին բառարան գաղղ. հայ. և տաճկ. 1840. Բառարան Անգղ-հայ և Հայ-Անգղ երկրորդ տպագրութիւն, 1868. Համառօտ բառգիրք Անգղ-հայ և Հայ-անգղ, Գեր. Սուքիասայ Սոմալեան, 1832, որոյ երկրորդ տպագրութեան ատեն աւելցաւ նաեւ երրորդ հատոր մը, Տաճիկ-հայ և անգղ. լեզուաց, ի 1843: — Բառարան իտալ-հայ. և տաճիկ, Հ. Մանուկի Զախլախեան, ի 1804. և համառօտութիւնն նոյն գրոց. 1829. բառարան հայ-իտալ, հեղինակին մահուընէն ետքը հրատարակուած խնամօք Գեր. Ս. Սոմալ, 1837, և որ ինչուան հիմայ ունեցած բառագիրներնուս ընտրելագունից մէկն է. — Նոր բառգիրք Հայ-անգղ, երկասիրեալ ի Հ. Մ. Պետրոսեան, 1875-79:

Իսկ օտարաց համար իրենց լեզուով հայ քերականութեանց հրատարակութեանց մէջ յիշենք Անգղ-հայ, հրահանգօք հայ լեզուի, յորս այլեւայլ հատուածք ի հայ հեղինակաց, և անվաւերական Թուղթ Կորնթացւոց առ Պօղոս, և սորա երրորդ Թուղթ առ Կորնթացիս, Թարգմանութեամբ Պայրընի 1819. երկրորդ տպագրութիւն մ'ալ ի 1873, բայց առանց հրահանգաց: Մանօթ է թէ ինչպէս Պայրըն կը հետաքրքուէր հայերէն լեզուի ուսմամբ, և յաճախ յայց կ'ելլէր կղզւոյն սրբոյն Ղազարու, խորհրդածելով այն ձիթենեաց տակ որ դեռ իր ա-



նունը կը կրեն: Այս ալ յիշատակենք որ ի Վենետիկ տպագրուած բառգրոց շատերը՝ քերականութեան համառօտութիւն մ'ալ կը բովանդակեն:

Միիթարեանց մէջ որ ջանացին ծանօթացընել օտարաց զգիտութիւն հայկականաց, ամենէն առաջ յիշել արժան է զՀ. Ղեւոնդ Ալիշան, որ տուած է մեզ շատ հետաքննական հաւաքում մը ժողովրդական երգոց ի հայ և յանգղիական. (Armenian Popular songs, 1852, 1886), ինչպէս նաեւ զՊատկերազարդ Հայաստան գաղղիական և անգղիացի լեզուներով, 1867. Իր գլխաւոր երկասիրութիւններն չեն թարգմանուած. ի բաց առեալ մասն մի եւեթ իր Սիսուանայ վրայ գրած հոյակապ երկասիրութեան, որ է Լեւոն Մեծագործ, առջին լռագործ Սիսուանայ կամ Հայ-Կիլիկիայ, թարգմ. ի գաղղ. ի Հ. Գէորգայ Պայեան. Վենետիկ, 1888, ԺԲ-394: Բանասիրաց մասնաւոր մտադրութիւնը կը հրաւիրենք Փ. Յաւելուածին վրայ, յորում հեղինակը կը խօսի Ռուբինեան հարստութեան ժամանակամիջոցին հայ մատենագրութեան վերայ: Ինքն Հ. Ալիշան թարգմանած է ի գաղղիարէն Անթիոյ Անիւշ, որոյ սկզբնագիրն կորսուած է, և հասած է առ մեզ Սմբատ Գոնդստապլի հայկական թարգմանութիւն: (1876): Իտալական լեզուով ունիմք իր մէկ ճառը, Երկրագրութիւն Հայաստանի որ ի 1881 ի Վենետիկ դրամարուած Աշխարհագիտաց Համագգային ժողովոյն համար գրուած է. և ի Հայոց պատմութենէ՝ մեծին Վարդանայ դրուագ մը (1877): Հրատարակուած են Սամուելի Մուրատայ ի Փարիզ հաստատուած դպրոցին տեսչութեան ժամանակ խօսած երկու ճառք. Հայ և Իր շրջանը (Haïg, sa période et sa fête). և Բնութագր. (Physiographie de l'Arménie), և որոց կրկին տպագրութիւնք եղած են ի Փարիզ և ի Վենետիկ:...



Իսկ Վիեննայի Միթարեան Հարց ջանիւք հրատարակուեցան հետեւեալ երկասիրութիւնք :

Բառարան Իտալ. — Գաղղ. — Հայ. — Տճկ. Ի Հ. Փիլիպպոս Վ. Ճամճեան. 1846 :

Բառարան Յուն. — Իտալ. — Հայ. — Տճկ. յօրին. Արիստակ. եւ Ստեփ. Աղարեան. 1849 :

Վեցլեզուեան խօսակցութեան գիրք, Գաղղիերէն, Անգղիերէն. Հայերէն (աշխ), Տաճկերէն, Գերմաներէն, Իտալերէն. Ի Հ. Փիլիպ. Վ. Ճամճեան. 1848 :

Guide de conversation, français—anglais—armen.—turc—allem.—ital. 1864 :

Բառագիրք Գաղղ. — Հայ. — Տաճկ. Ի Հ. Սրապիոն Վ. Էմինեան.

Ա. Տպ. 1853 :

Բ. » Յաւելուածով. 1871 :

Երեքլեզուան խօսք, Տաճկ. (աբաբ. գրով.) գաղղ, գերմ. Ի Հ. Սամուէլ Վ. Գաթրճեան. 1855 :

Զորեքլեզուեան խօսակցութիւն, գաղղ. գերմ. (Հայերէն գրով ալ), Հայ. ու տճկ. համառօտեալ Ի Վեցլեզ. խօսակցութենէ Հ. Փիլիպպ. Ճամճեան. 1864 :

Հանգիստ երանելոյն Յովհաննու, Հայ. եւ Լատ Ի Հ. Յովսեփայ Վ. Գաթրճեան. 1877 :

De fidei symbolo, quo Armenii utuntur observationes. Ի Հ. Յովսեփայ Վ. Գաթրճեան 1893.

Armeniaca I. Das Altarmenische ꞑ ein Beitrag zur indoeuropäischen Lautlehre. Anhang Altarmenibaktrische Etymologien: von P. Seraphin Dr. Dervischian, Mitglied der Wiener Mechitharisten-Congregation. 1877.

Պատմութիւն կաթողիկէ վարդապետութեան Ի Հայս եւ միութիւն նոցա ընդ Հռովմէական եկեղեցւոյ Ի Փլւ-

**րենտեան սինհոդոսի: Գրեց Աղեքսանդր Վ. Պալճեան արքեպիսկոպոս Ակրեդայ. 1878:**

*Historia doctrinae catholicae inter Armenos, unionisque eorum cum Ecclesia romana in concilio florentino. Auctore Dre Alexandro Balgy, Archiep. Acridensi, ex Congr. Mechith. Vienn., S. C. de pr. fide Consultore, 1878.*

**Բառարան Տաճկ. - Հայ. - Գաղղ., հանդերձ համառոտ քերականութեամբ Օսմանեան բարբառոյ, ի Հ. Ամբրոսեայ Վ. Քիւփէլեան. 1883:**

**Բառարան գերմ. - Հայ ի Հ. Աւետիք Վ. Կոյլու. 1889:**

**SAMUELJAN P. M.** Bekehrung Armeniens durch den hl. Gregor Illuminator. Nach national-historischen Quellen, 1844.

— Hist.-krit. Abhandlung über das wunderthätige, ohne menschliche Kunst verfertigte Bild unseres Herrn und Heilandes, das er dem König Abgar von Armenien nebst einem Briefe nach Edessa gesandt hat. 1847.

**KALEMKIAR, P. G.** Die siebente Vision Daniels. Wien, 1892.

— Catalog der armenischen Handschriften in der K Hof-und Staatsbibliothek zu München. 1892.

— Precatio pro universa ecclesia, ex sacra liturgia S. Joan. Chrysostomi. 50 linguis. 1893.

**BARONCZ, P. Raph,** Mechith.-Ord.-Pr. Sinnsprüche und Fabeln, Roth-und Schwarzdruck, 1892.

**DASHIAN P. J.** Zur Abgar-Sage 1890.

— Das Hochland Ulnia oder Zeitun. 1890.


— Catalog der armenischen Handschriften in der k. k. Hofbibliothek zu Wien, 1891.

— Das Leben und die Sentenzen des Philosophen Secundus des Schweigsamen, in altarmen. Uebersetzung 1895.

— Catalog der armenischen Handschriften in der Mechitharisten-Bibliothek zu Wien. 1895.

Յիշենք նաեւ Մեծ. Յովհաննէ Միսկճեան վարդապետի երկու հատոր բառգիրքներն, յորոց մին Հայ և լատ. հրատարակուեցաւ 1887ին, Հռովմ, տպ. Ս. Ժողովոյ տարածման հաւատոյ, և միւսն լատ. և հայ. 1893ին:





## Ց Ա Ն Կ

	Էջ
Յառաջարան . . . . .	5
Ներածութիւն . . . . .	7
Դիւանագիտականք . . . . .	11
Առաքելութիւնք . . . . .	16
Ուսումնականք . . . . .	33
Թեւեոս Ամբրոսիոս . . . . .	40
Ակոյութ Անդրէաս . . . . .	43
Հ. Պրէննէր . . . . .	45
Մ. Վ. Լաբրոզ . . . . .	47
Յ. Յ. Շրոտեր . . . . .	56
Վիստոն Եղբարք . . . . .	69
Վիլֆուա . . . . .	74
Ս. Լուսաէ . . . . .	96
Պ. Տիւֆուր . . . . .	101
Դպրոց արեւելեան կենդանի լեզուաց Ի Փարիզ . . . . .	105
Տը Ֆլորիվալ . . . . .	129
Եգ. Տիւլորիէ . . . . .	136
Ա. Գարբիէր . . . . .	161
Սէն-Մարգէն . . . . .	170
Փ. Մ. Պրոսէ . . . . .	187
Վ. Լանկուա . . . . .	219
Ե. Պորէ . . . . .	229
Ե. Բրիւստոմ . . . . .	232
Յ Ա. Գառտէրիաս . . . . .	237
Պ. Փ. Մարգէն . . . . .	238
Քանի մը տեղեկութիւնք . . . . .	243
Փ. Նիւ . . . . .	248
Փր. Նայման . . . . .	264
Խ. Աքովեան . . . . .	269
Հայ Մաանադարան . . . . .	274
Յ. Հ. Պետերման . . . . .	279
Գերման Հայադէտք . . . . .	285

Պ. Տըլակարա	292
Փ. Միւլէր	295
Հ. Հիւզուման	306
Հ. Ա. Գուաշմիզ	314
Ադուֆ Բաւմկարդէնէր	318
Ստիւս Փուկկէ	321
Յովսէփ Սարգիսզովսքի	325
Ֆէտաէր	336
Լարա Պայրն	339
Ս. Մալան	347
Պ. Յ. Լայֆուտ	353
Փրեդերիկ Կ. Կոնիքիլ	356
Իսաւայի Հայազէսք	359
Յովսէփ Գափեղզզի	363
Կարուս Պարպան	366
Էմիլ Իէզա	»
Գարլոյ Մորրազդի	367
Կարլ Կէնզ	368
Ռուս Հայազէսք	370
Յովսէփ Յովհաննիսով	»
Պերդիէֆ	»
Կ. Էդով	371
Քերովրէ Պատկանեան	372
Մկրտիչ Յովսէփեան Էմին	384
Հենրի Գիւլիեր	391
Հ. Գուսէն	392
Օդոստ Պուկարդ	»
Հայ ազգի վերաբերեալ	հարպական լեզուաւ հրատարակու-
թիւնք, ի ձեռն Վիենայի և Վիենայի Միթթարեանց	393









This book should be returned  
the Library on or before the last day  
stamped below.

A fine of five cents a day is incurred  
by retaining it beyond the specified  
time.

Please return promptly.

~~due JUL 19 44~~  
~~recd~~

